

# 新唐書

宋 歐陽修 宋 祁 撰

中 華 書 局

卷 第

一一至卷二七(志)册

册

### 唐書卷十

#### 志第一

#### 禮樂一

乎此也。 慈、友悌、忠信、仁義者,常不出於居處、動作、衣服、飮食之間。 以爲師田、學校,下至里閭田畝,吉凶哀樂,凡民之事,莫不一出於禮。 由之以敎其民爲孝 臨朝廷,以事神而治民。其歲時聚會以爲朝覲、聘問,懽欣交接以爲射鄉、食饗,合衆興事 者,宮室車興以爲居,衣裳冕弁以爲服,尊爵俎豆以爲器,金石絲竹以爲樂,以適郊廟,以 由三代而上、治出於一、而禮樂達于天下;由三代而下、治出於二、而禮樂爲虛名。 此所謂治出於一,而禮樂達天下,使天下安習而行之,不知所以遷善遠罪而成俗 蓋其朝夕從事者, 無非

及三代已亡,遭秦變古,後之有天下者,自天子百官名號位序、國家制度、宮車服器

志

也。

<del>邓</del>? 能曉習,而天下之人至於老死未嘗見也,況欲識禮樂之盛,曉然論其意而被其敎化以成俗 各立一家之學。 饗、師田、學校、冠婚、喪葬之禮在者幾何?自梁以來,始以其當時所行傅於周官五禮之名, 此 至於三代禮樂,具其名物而藏於有司,時出而用之郊廟、朝廷,曰:「此爲禮也,所以敎民。」 大抵安於荷簡而已。其朝夕從事,則以簿書、獄訟、兵食爲急,曰:「此爲政也,所以治民。」 切用秦,其間雖有欲治之主,思所改作,不能超然遠復三代之上,而牽其時俗,稍卽以損益, 所謂治出於二,而禮樂爲虛名。故自漢以來,史官所記事物名數、降登揖讓、拜俛伏興之 皆有司之事爾,所謂禮之末節也。然用之郊廟、朝廷,自搢紳、大夫從事其間者,皆莫 嗚呼!習其器而不知其意,忘其本而存其末,又不能備具,所謂朝覲、聘問、射鄕、食

社等,爲吉禮大十一篇,賓禮四篇,軍禮二十篇,嘉禮四十二篇,凶禮十一篇,是爲貞觀禮。 以天子上陵、朝廟、養老、大射、講武、讀時令、納皇后、皇太子入學、太常行陵、合朔、陳兵太 高宗又詔太尉長孫无忌、中書令杜正倫李義府、中書侍郎李友益、黃門侍郎劉祥道許 |唐 初,即用隋禮,至太宗時,中書令房玄齡、祕書監魏徵,與禮官、學士等因隋之禮,增

義府、敬宗方得幸,多希旨傅會。 太子賓客許敬宗、太常卿韋琨等增之爲一百三十卷,是爲顯慶禮。 事旣施行,議者皆以爲非,上元三年,詔復用貞觀禮。 其文雜以式令,而

武氏、中宗繼以亂敗,無可言者,博士掌禮,備官而已。

時小有損益,不能過也。 徐堅、左拾遺李銳及太常博士施敬本撰述,歷年未就而銳卒,蕭嵩代銳爲學士,奏起居舍人 改易,而唐貞觀顯慶禮,儀注前後不同,宜加折衷,以爲唐禮。 删去禮記舊文而益以今事,詔付集賢院議。 王仲丘撰定,爲一百五十卷,是爲大唐開元禮。 玄宗開元十年,以國子司業韋縚爲禮儀使,以掌五禮。 學士張說以爲禮記不刊之書,去聖久遠,不可 由是,唐之五禮之文始備, 十四年,通事舍人王嵒上疏,請 。乃詔集賢院學士右散騎常侍 而後世用之,雖

禮爲續曲臺禮三十卷。嗚呼,考其文記,可謂備矣,以之施于貞觀、開元之間,亦可謂盛 序,爲郊祀錄十卷。元和十一年,祕書郎、脩撰章公肅又錄開元已後禮文,損益爲禮閣新儀 矣,而不能至三代之隆者,具其文而意不在焉,此所謂「禮樂爲虛名」也哉! 三十卷。十三年,太常博士王彥威爲曲臺新禮三十卷,又採元和以來王公士民昏祭喪葬之 貞元中,太常禮院脩撰王涇考次歷代郊廟沿革之制及其工歌祝號,而圖其壇屋陟降之

志

五禮

一日吉禮。

其非常祀者,有時而行之。而皇后、皇太子歲行事者各一,其餘皆有司行事。 四。三歲一給,五歲一禘,當其歲則舉。其餘二十有二,一歲之間不能徧舉,則有司攝事。 靈星、山林、川澤、司寒、馬祖、先牧、馬社、馬步,州縣之社稷、釋奠。 而天子親祠者二十有 社、先蠶、七祀、文宣、武成王及古帝王、贈太子。小祀:司中、司命、司人、司祿、風伯、雨師、 大祀:天、地、宗廟、五帝及追尊之帝、后。 中祀:社、稷、日、月、星、辰、岳、鎭、海、瀆、帝

秋、立冬,祀五帝于四郊;孟春、孟夏、孟秋、孟冬、臘,享于太廟;孟春吉亥,享先農,遂以 丘;孟冬,祭神州、地祇于北郊;仲春、仲秋上戊,祭于太社;立春、立夏、季夏之土王、立 享于明堂;臘,蜡百神于南郊;春分,朝日于東郊;秋分,夕月于西郊;夏至,祭地祇于方 凡歲之常祀二十有二:多至、正月上辛,祈穀;孟夏,雩祀昊天上帝于圓丘;季秋,大

耕籍

凡祭祀之節有六:一日卜日,一日齋戒,三日陳設,四日省牲器,五日奠玉帛、宗廟之晨

祼, 六日進熟、饋食。

日 卜日。凡大祀、中祀無常日者卜,小祀則筮,皆于太廟。

卿示 者立 凡 示 西向 卿。 1 日必 坐。 高 ١ 卿受,反之。 西, 日 卿受視已,令受龜,少退俟命。 命龜 舉初旬;不吉, 卜正 前 祀 日:「假爾太龜,有常。」興,授卜正龜。 奠龜於席西首,灼龜之具在龜北,乃執龜立席東, 四十有 令復位,東向,占之,不釋龜, 五日,卜于廟南門之外,布卜席闃西閡外。 即繇中及下,如初儀 卿曰:「皇帝以某日祗祀於某。」令曰:「諾。」遂還席, 進告於卿曰:「某日從。」乃以龜還卜正。 卜正負東扉坐,作龜,興。令進,受龜 北向。 太常卿立門東、太卜正占 太卜令進受龜,詣

釋韇 若筮 (坐策,執卦以示,如卜儀。 日,則 卜正啓韥出策, 兼執之, 受命還席, 以韇擊策, 述命曰:「假爾太筮, 有常。」乃 小祀筮日,則太卜令莅之,日吉乃用,遇廢務皆勿避

三日 二日齋 致齋 二 日; 戒。其別 小祀,散齋二日,致 有三:日散齋,日致齋,日淸齋。大祀,散齋四日,致齋三日;中祀,散齋 齋 日

事, 삈 日 國有常刑。」於是乃齋。 ,尙舍奉御設御幄於太極殿西序及室內,皆東向。 前期 七日, 太尉誓百官於尚書省曰:「某日祀某神祇于某所, 皇帝散齋于別殿; 致齋, 其二日于太極殿, 尚舍直長張惟於前楹下。 日日 各揚其職。不供其 于 行宮。 致 一際之 萷 致

降座入室,文武侍臣還本司,陪位者以次出。 **蹲侍衞,**即 入陳於殿庭,通事舍人引文武五品已上袴褶陪位,諸侍衞之官服其器服,諸侍臣齋者結佩 日, 質明, 諸衞勒所部屯門列仗。 御座,東向,侍臣夾侍。 二刻,侍中版奏「外辦」。三刻,皇帝服衮冕,結佩,乘輿出自西房,曲直華蓋,警 晝漏上水一刻,侍中版奏「請中嚴」。 諸衞之屬各督其隊 一刻頃,侍中前跪奏稱:「侍中臣某言,請就齋室。」皇帝

**穢**惡。 凡豫祀之官,散齋理事如舊,唯不弔喪問疾,不作樂,不判署刑殺文書,不行刑罰,不預 致齋,唯行祀事,其祀官已齋而闕者攝。 其餘淸齋一日。

內壝東西門之外道北,南向;北門之外道東,西向。 方、北方朝集使又於其西, 前, 蕃客又於其東,重行異位,北向西上。 左右相向。 前祀三日, 三曰陳設。其別有五:有待事之次,有卽事之位,有門外之位,有牲器之位,有席神之位。 設祀官次於東壝之外道南,從祀文官九品於其東,東方、南方朝集使又於其 尚舍直長施大次於外壝東門之內道北,南向。 蕃客又於其西,東上。其褒聖侯若在朝,位於文官三品下。 介公、翻公於西壝之外道南,武官九品於其西,西 衞尉設文武侍臣之次於其 設陳饌幔於

明日,

奉禮鄓設御位於壇之東南,西向,望燎位當柴壇之北,南向;祀官公卿位於內

方、北方朝集使又於其南,蕃客又於其南,東向 向。 於壇下, 壝 南,蕃客又於其南, 太樂令位於北縣之間,當壇北向。 東門之內道南, 又設奉禮郎、贊者位於燎壇東北,西向。 一在東南,西向;一 分獻之官於公卿之南,執事者又於其後,異位重行,西向北上。御史位 西向北上。介公、酅公位於中壝西門之內道南,武官九品又於其南,西 在 西南,東向。 從祀文官九品位於執事之南,東方、南方朝集使又於其 奉禮郎位於樂縣東北,贊者在南,差退, 皆北上。 北上。 所以卽而行事 協律鄓位於壇上南陛之西,東向。 也。 皆西

前少北,御史位於其西,皆南 赤牲一、次黄牲一、白牲一、玄牲一、又赤牲一、白牲一在南,少退北上。 南、祝史陪其後、皆北向。 設牲牓於東壝之外,當門西向。 又設祀官及從祀羣官位於東西壝門之外,如設次,所以省牲及祀之日將入而序立也。 諸太祝位於牲東,各當牲後, 祝史陪其後, 西向。 向 蒼牲一居前,又蒼牲一、又青牲一在北,少退南上。 次 廩犧令位於牲西 太常卿位於牲

上帝酒尊之東,北向西上。 山罍各二,在壇下南陛之東,北向,俱西上。 又設酒尊之位。 中官每陛間各壺尊二,在第三等。 上帝,太尊、著尊、犧尊、山罍各二,在壇上東南隅,北向;象尊、壺尊、 五帝、日、月各太尊二,在第 外官每道間各概尊二,於下壇下。 配帝, 著尊、犧尊、象尊、山罍各二,在壇上,於 一等。 內官每陛間各象尊二,在第 衆星每道間各

篚,實以巾爵也。分獻,罍、洗、篚、幂各於其方陛道之左,內向。執尊、罍、篚、幂者,各立於其後。 設御洗於午陛東南,亞獻、終獻同洗於卯陛之南,皆北向。罍水在洗東,篚在洗西,南肆。 散尊二,於內壝之外。 凡尊,設於神座之左而右向。 尊皆加勺冪,五帝、日、月以上,皆有坫,以置爵也。

玉 太子、明堂、軒轅、三台、五車、諸王、月星、織女、建星、天紀等一十有七皆差在前。外官一 宿及中官一百五十有九於第三等,其二十八宿及帝座、七公、日星、帝席、大角、攝提、太微、 北斗於南陛之東,天一、太一皆在北斗之東,五帝內座於曜魄寶之東,皆差在前。二十八 等十有二陛之間,各依其方,席皆內向。其內官有北辰座於東陛之北,曜魄寶於北陛之西, 於東陛之南,夜明於西陛之北,席皆以橐秸。五星、十二辰、河漢及內官五十有五於第二 於東陛之北,赤帝於南陛之東,黃帝於南陛之西,白帝於西陛之南,黑帝於北陛之西,大明 向,席以橐秸。 一幣之篚於壇上下尊坫之所。 五於內壝之內,衆星三百六十於內壝之外,各依方次十有二道之間,席皆以莞。 前祀一日, 晡後, 太史令、郊社令各常服, 帥其屬升, 設昊天上帝神座於壇上北方, 南 高祖神堯皇帝神座於東方,西向,席以莞。五方帝、日、月於壇第一等,青帝

**次**於其後,文左武右,俱南向。 若 在宗 廟,則前享三日,尙舍直長施大次於廟東門之外道北,南向。守宮設文武侍臣 設諸享官、九廟子孫於齋坊內道東近南,西向北上。 文官九

其壺 每座斝 方蕃客 蕃客 御洗 北。 退, 向。 祖 品 太 享之官位 在 九 廓 品品 東 又 俱. 高宗尊 每 一南 尊 叉 設 於其 在 於 西 於其 座 叉 服 二、太尊二、 彝 享官公卿位 其 東 向 西向 祖 於 其 階 南 匹 南 彝 九廟 , 南 其 服 鶬 東 黄 協律 在 西方、 東 南 南 居 西向 彝 前 方、 子 布 前 亞 在 楹 鄓 東向 孫於享官公卿 昭 1於東門之內道南,執事 北 中宗、 南方蕃 Ш 獻 北 位 几 間 西 **犧**尊、 方 罍 南, 文 簠 於 北上。 上。 穆之座 北向; 蕃 四 於東南, 次之,六登次之, 廟堂上前楹之間, 東向。 客又 客 介公、 、象尊 皆 又 於戶 設性牓於東門之外, 南廂 在堂 懿祖 於其 於 之南, 、著尊、 俱北 都公位於 令史各陪 其 外, 北 下 南 南 代祖、 階間, 向。 向。 昭、 自 東 山罍各二,在堂上,皆於神座之左 西向 者位 六 釿次之, 向 西序以 罍水 其 太宗、中宗、 西 穆異位。 近 每座黼扆, 北向 北 北 門之內道南,武官九品 後。 西, 於其後, 上。 上。 在洗 東向。 東: 西上;簋、鈃、籩、 奉禮 前 如郊之位。 介公 變、 東, 文官九品以上, 獻 享 莞席 睿宗尊彝 郎位於樂縣東北,贊者二人,在南 西向 旭 篚 豆爲 太樂令位於北縣之間, 鄒 在 日 紛純 太祖 北 公 洗西 後, 奉禮 了於廟 上。 設尊彝之位 在 皆以 藻席 高 戶 南 豆 御 鄓 西門之外, 於其 又 祖 外, 史 在堂 南 證 畫純 / 於其 位 爲 御 高宗 南 南 享日 Ŀ, 位 於廟堂之下 少少 向。 於廟堂之上 南 獻祖 次席黼 於 皆 俱 各 屈 西 北 近 東方、 廟 北 未 、太祖、高 向。 陳 東 有 南 東 西方、 明 厢 '玷焉' 側 而 南 南 五 階之 南 下。 設 海 刻 向 北 從 差 方 西

右几。

濯溉。 舉手曰:「充。」諸太祝與廩犧令以次牽牲詣廚,授太官。 令少前, 空將升, 豆 皆就位。 府史三人及齋郎,以尊、坫、罍、洗、篚、冪入設於位。三刻,謁者、贊引各引祀官、公卿及牲 |取毛血,各置於饌所,遂烹牲。 几 日省牲器。 祀官御史省饌具,乃還齋所。 日:「請省牲。」太常卿省牲。 謁者引太常卿,贊引引御史,入詣壇東陛,升,視滌濯,降,就省牲位,南向立。 謁者引司空,贊引引御史,入詣壇東陛,升,行掃除於上,降,行樂縣於下。 省牲之日,午後十刻,去壇二百步所,禁行人。晡後二刻,郊社令、丞帥 其于廟亦如之。 祀日,未明十五刻,太官令帥宰人以鸞刀割牲,祝史以 廩犧令北面舉手曰:「腯。」諸太祝各循牲一匝。 謁者引光祿卿詣廚,省鼎鑊, 杒, 申視 廩犧 西向 司

篚 拜。」贊者承傳,御史以下皆再拜。 引御史、 太官令 五日 博士、 奠玉帛。 帥進饌者實諸箋、豆、簋、簠於饌幔。 諸太祝及令史、祝史與執事者,入自東門壇南, 祀日,未明三刻,郊社令、良醞令各帥其屬入實尊、罍,太祝以玉幣置於 執尊、罍、篚、冪者各就位。 未明二刻,奉禮郎帥贊者先入就位。 贊者引御史、諸太祝升壇東 北向西上。奉禮 鄭曰:「再 贊者

縣南。 陛,御史一人,太祝二人,行掃除於上,及第一等;御史一人,太祝七人,行掃除於下。未明 各立於尊所。 以鎮珪授殿中監以進。皇帝搢大珪,執鎭珪。禮部尙書與近侍者從,皇帝至版位,西向立。 皇帝服大裘而冕,博士引太常卿,太常卿引皇帝至中壝門外。殿中監進大珪,尙衣奉御又 皇帝升輅,如初。黃門侍郎奏「請進發」。至大次門外,南向。侍中請降輅。皇帝降輅,乘 乘黃令進玉輅於行宮南門外,南向。未明一刻,侍中版奏「外辦」。皇帝服衮冕,乘輿以出。 下。謁者、贊引各引羣臣入就位。初,未明三刻,諸衞列大駕仗衞。侍中版奏「請中嚴」。 幣,跪奠於高祖神堯皇帝,俛伏,興,拜,降自南陛,復于位。皇帝將奠配帝之幣,謁者七 奏:「請再拜。」皇帝再拜。奉禮郎曰:「衆官再拜。」在位者皆再拜。諸太祝跪取玉幣於篚, 太常卿前奏:「請再拜。」皇帝再拜。奉禮郎曰:「衆官再拜。」在位者皆再拜。太常卿前曰: 興之实(二)。半刻頃,太常博士引太常卿立於大次外,當門北向。侍中版奏「外辦」。質明, 跪奠於昊天上帝,俛伏,興,少退,再拜,立於西方,東向。 太祝以幣授侍中以進,皇帝受 「有司謹具,請行事。」協律郎跪,俛伏,舉麾,樂舞六成。偃麾,戞敔,樂止。太常卿前 一刻,謁者、贊引各引羣臣就門外位,太樂令帥工人、二舞以次入,文舞陳於縣內,武舞立於 謁者引司空入,奉禮郞曰:「再拜。」司空再拜,升自東陛,行掃除於上,降,行樂縣於 皇帝升壇自南陛,北向立。太祝以玉幣授侍中,東向以進。皇帝搢鎭珪受之,

人,分引獻官奉玉幣俱進,跪奠於諸神之位; 祝史、齋郎助奠。 血之豆入,各由其陛升,諸太祝迎取於壇上奠之,退立於尊所。 初,衆官再拜,祝史各奉毛

引各引享官,通事舍人分引九廟子孫、從享羣官、諸方客使入就位。皇帝停大次半刻頃,侍 以上從享之官皆就門外位。太樂令帥工人、二舞入。謁者引司空入,就位。奉禮郎曰:「再 贊者引太廟令、太祝,宮闈令帥內外執事者,以腰輿升自東階,入獻祖室,開埳室。太祝、宮 寶器亦如之,皆北向西上,藉以席。未明二刻,陳腰輿於東階之東,每室各二,皆西向北上。 再拜。執尊、罍、篚、冪者各就位。贊者引御史、諸太祝升自東階,行掃除於堂上,令史、祝史 拜。」司空再拜,升自東階,行掃除於堂上,降,行樂縣於下。初,司空行樂縣,謁者、贊 輅南向。將軍降,立於輅右。侍中請降輅。皇帝降輅,乘輿之大次。通事舍人引文武五品 享官,通事舍人分引從享羣官、九廟子孫、諸方客使,皆就門外位。鑾駕至大次門外,回 聞令奉神主各置於興,出,置於座。次出懿祖以下神主如獻祖。鑾駕將至,謁者、贊者各引 行掃除於下。太廟令帥其屬陳瑞物太階之西,上瑞爲前列,次瑞次之,下瑞爲後,又陳伐國 祝及令史、祝史與執事者,入自東門,當階間,北向西上。奉禮郎曰:「再拜。」御史以下皆 者實諸篡、豆、簋、簠。未明三刻,奉禮郎帥贊者先入就位。贊者引御史、博士、宮闈令、太 若宗廟,曰晨祼。享日,未明四刻,太廟令、良醞令各帥其屬入實尊、罍,太官令帥進饌

郎授 以帨受巾,跪奠於篚。 侍中跪取匜,興,沃水;又跪取盤,興,承水。皇帝搢珪,盥手。黃門侍郎跪取 皆再拜。 入,皇帝至版位,西向立。 中版奏「外辦」。 臂之豆立於東門外,齋郎奉爐炭、蕭、稷、黍各立於其後,以次入自正門,升自太階。 諸太祝 侍中取瓚於坫以進,皇帝受瓚。 神座前,北向跪,以鬯祼地奠之,俛伏,興,少退,北向再拜。又就懿祖尊彝所,執尊者舉幕, **麒太祖以下,皆如懿祖。皇帝降自阼階,復于版位。初,羣官已再拜,祝史各奉毛、血及肝** 其蕭、稷、黍各置於其下,降自阼階以出。 各迎取毛、血、肝、骨於階上,進奠於神座前。祝史退立於尊所,齋郞奉爐炭置於神座之左, 巾如初。 太常卿曰:「再拜。」皇帝再拜。 太常卿前曰:「有司謹具,請行事。」協律郎舉麾,鼓柷,樂舞九成;偃麾,憂敔, 皇帝拭瓚,升自阼階,就獻祖尊彝所。執尊者舉冪,侍中贊酌鬱酒,進獻祖 皇帝出。 又取瓚於篚,興,以進,皇帝受瓚。侍中酌水奉盤,皇帝洗瓚,黃門侍 太常卿前曰:「再拜。」皇帝再拜。 太常卿引皇帝至廟門外,殿中監進鎮珪,皇帝執鎮珪。 侍中贊酌鬱酒,進懿祖神座前,南向跪,以鬯祼地奠之。次 奉禮郞曰:「衆官再拜。」在位者皆再拜。 諸太祝取肝、膋燔於爐,還尊所。 奉禮郞曰:「衆官再拜。」在位者 巾於篚; 興, 皇帝詣罍洗 近侍者從

(二 乘輿之次

字。

開元禮卷四、通典卷一〇九、一一四,唐會要卷九下及本卷下文「衣」上均有「大」

# 唐書卷十一

#### 志第二

禮樂二

帝。」皇帝再拜。 **詣饌所,司徒奉昊天上帝之俎,太官令引饌入門,各至其陛。 祝史俱進,跪,徹毛血之豆,降** 齊,進高祖神堯皇帝前,東向跪,奠,興,少退,立。 太祝持版進於左,北向跪,讀祝文曰:「維 帝詣罍洗,盥手,洗爵,升壇自南陛。司徒升自東陛,立於尊所。齋郞奉俎從升,立於司徒後。 太祝持版進於神右,東向跪,讀祝文曰:「維某年歲次月朔日,嗣天子臣某,敢昭告于昊天上 皇帝詣上帝尊所,執尊者舉冪,侍中贊酌汎齊,進昊天上帝前,北向跪,奠爵,興,少退,立。 自東陸以出。諸太祝迎饌於壇上,司徒、太官令俱降自東陛以出。又進設外官、衆星之饌。皇 六日進熟。皇帝旣升,奠玉、幣。太官令帥進饌者奉饌,各陳於內壝門外。謁者引司徒出 詣配帝酒尊所,執尊者舉幕,侍中取爵於坫以進,皇帝受爵,侍中贊酌汎

志 第

某年歲· 者七 徒以 酒以 跪, 尉 尉 興 洗瓠爵 興,再拜,降自南陛,復于位。 爵 酒 奠於 上 助奠, 等 獻 再 再拜。 奠雷 進 內官 神前 人 將 拜 前 獻 祭酒, 分引 畢 次月朔日, 北 受爵,跪, 自東陛升壇, 詣昊天上帝著尊所, 執尊者舉冪, 皇帝受以授左右。 皆如內官。 贊 酒 興,再拜。 向立。 謁 進昊天上帝前,北向立。 者 尊 初,第 五方帝及大明、夜明等獻官、詣罍洗、盥 來酒, 奠爵, 俛伏, 興。 者引 应 所, 光祿 酌 祭酒,遂飲,卒爵。 太祝各以爵酌上尊福酒,合置一爵,太祝持爵授侍中以進,皇帝再拜, 曾孫開元神武皇帝臣某, 敢昭告于高祖神堯皇帝。」 等獻官將升,謁者五 次引 詣配帝犧尊所,取爵於坫,酌醴齊,進高祖神堯皇帝前, 汎 上下諸祝各進, 齊以 卿詣罍洗,盥手,洗瓠鹤,升, 獻官詣罍洗, 皇帝跪,取餧,遂飲,卒餧。 獻二。 文舞出,武舞入。 太祝各帥齋郎進俎。 贊 諸太祝各以爵酌福酒,合置一爵,進于右, 跪徹豆, 太祝進受虛爵,復於站。 盥 者 洗洗 四人 人次引獻官各詣 次引 詣衆星酒 還尊所。 初, 獻官詣 酌盎齊。 皇帝將復位,謁者引太尉詣罍洗,盥 手,洗瓠爵,各由其陛升, 尊所 侍中進受虛實,復於坫。 太尉酌醴齊,進昊天上帝前, 奉禮郎曰:「賜胙。 太祝減神前胙肉,共置一俎,授司 中學洗, **罍洗,盥、洗,各由** 酌 終獻如亞獻。 太尉再拜,降,復位。 昔 盥、洗,詣外官酒 酒以 獻。 皇帝 其性 其祝 太尉將升獻,謁 東 酌汎齊,進,跪 再拜。 向跪, 西向 升壇 史、齋 尊所, 皇帝冤伏, 進昊天 小詣第 酌清 北向 息 太 酌

引 受 陛 取玉 東 鎭 皆 從 拜 西 基, 祀 再 以 面 在 皆 奉官 拜 各六 以授尚 幣、 位 祝 再 祝 版 樂 省皆 拜 入,以 諸 作 版、 禮 出 衣 方客 再 、饌物置: 物以 奉 炬 成。 拜。 使 御 工 燎 门殿中 以 上。 人、二 太常卿 火。 太常 次出。 於 齋 、柴上。 半柴, 舞 監 郎 卿 以 以 前 前 又前受大 贊者引 次出 奏: 俎 太常卿 戶 載 內 「請 性 請 諸 御 建。 體、 就望 再 .史、 前 祝 稷、黍 拜。」皇帝 又以 太祝 皇帝 |燎位。| 皇 禮 內官以下 入次, 飯 以下俱 畢。」 及爵 再拜 帝 皇帝還 謁者、 復執 就 酒 禮 , 各 位, 奉 幣皆從 事 贊引 禮 由 大 南 位。 郞 次, 其 向 各引 燎。 日:「衆官 陛 立。 奉禮 出 降 奉 中 祀 壇 上 禮 鄓 官, 壝 下 日: 門, 舣 铝 諸 再 通 拜。」 祝 殿 事 再 壇 各 拜。」 舍 中 可 執 燎。」 自 在 人 監 分分 位 南 御 前

敢昭 邛。 卿 Ų 謁 引 之 加 者 告 若 皇 豆 引 太 前 于 一帝詣 示兄 宗 一 北 獻 降 持 徒 廟 向 自 出 祖 版 罍 跪, 作階 洗 官 進 詣 饋 奠爵 皇 於 食。 饌 盥 以 帝 神 所, 手, 出 右, 皇帝 祖 又 司 妣宣 洗 東 詣 諸 徒 既升, 爵 面 太 奉 拿 莊 跪, 升 獻祖 祝 所, 皇 迎 祼,太官 讀 自 侍中取 后張氏。」皇帝再拜 饌 祝 阼 之俎 於階 文日 階 令出, 爵 詣 :「維某 上 太官 於站 一設之, 獻 旭 帥 引 以 尊 年歲 饌 進 進, 乃 彝 入 饌 取蕭 所, 自 者 次 又再拜 酌 |奉饌, 月 正 汎 執 門, 朔 齊 稷、 拿 日 者舉冪 至 陳 進 黍擩 奠, 於 孝 於 神 曾孫 太階。 東門之外, 韶 前 於 懿 侍 脂 開 北 祖 中 向 配 元 尊彝 燔 贊 跪 神 史 於 前 武 俱 四 爐 汎 奠 酌 皇 進 向 爵 齊 帝 南 太常 徹 退 進

志

第

如懿祖。 史西 持爵進於左,北向立。太尉再拜受爵,跪,祭酒,遂飮,卒爵。太祝進受爵,復於坫。太尉 又取爵於站,酌體齊進神前,北向跪,奠爵;少西,北向再拜。次奠懿祖、太祖、代祖、高祖、 罍洗,盥手,洗爵,升自阼階,詣獻祖尊彝所,酌醴齊進神前,北向跪,奠爵; 少東,興,再拜。 以授太祝,復於坫。 皇帝降自阼階,復于版位。 文舞出,武舞入。 初,皇帝將復位,太尉詣 進;太祝又以胙肉授司徒以進。皇帝每受,以授左右,乃跪取爵,飮,卒爵。 侍中進受虛爵 諸太祝各帥齋郎進俎,太祝減神前三牲胙肉,共置一俎上,以黍、稷飯共置一籩,授司徒以 尊福酒,合置一爵,太祝持爵授侍中以進。 皇帝再拜,受爵,跪,祭酒,啐酒,奠爵,俛伏,興。 神 `再拜,復于位。 初,太尉獻將畢,謁者引光祿卿詣罍洗,盥、洗,升,酌盎齊。 終獻如亞 一面跪, 、高宗、中宗、睿宗如獻祖。乃詣東序,西向立。諸太祝各以爵酌福酒,合置一爵,太祝 太常卿前曰:「禮畢。」皇帝出門,殿中監前受鎭珪。 太常卿前奏:「請再拜。」皇帝再拜。奉禮郎曰:「衆官再拜。」在位者皆再拜。樂一成 諸太祝各進, 前,南向跪,奠爵,少西,俛伏,興。又酌汎齊,進神前,南向跪,爵,少東曰,退立。 乃詣東序,西向立。司徒升自阼階,立於前楹間、北面東上。諸太祝各以爵酌上 讀祝文。皇帝再拜,又再拜。次奠太祖、代祖、高祖、太宗、高宗、中宗、睿宗,皆 徹豆,還尊所。奉禮郎曰:「賜胙。」贊者曰:「衆官再拜。」 在位者皆再 通事舍人、謁者、贊引各引享官、九

廟子孫及從享羣官、諸方客使以次出。贊引引御史、太祝以下俱復執事位。 拜。」御史以下皆再拜以出。工人、二舞以次出。太廟令與太祝、宮闈令帥腰興升, 奉禮郎曰:「再 納神

其祝版燔於齋坊。

太廟令、良醞令實尊篚,太官丞引饌,光祿卿升,終獻,獻官乃卽事,一獻而止。 享之日,太廟令布神席于廟庭西門之內道南,東向北上;設酒尊于東南,罍洗又於東南。 祀,各因其時享:司命、戶以春,竈以夏,中霤以季夏土王之日,門、厲以秋, 行以多。

獻 洗 其配享功臣,各位於其廟室太階之東,少南西向,以北爲上。壺尊二於座左,設洗於終 東南、北向。 以太官令奉饌,廟享已亞獻,然後獻官卽事,而助奠者分奠,一獻而止。

推而 過乎此也。 見,其盛且備者如此,則其小且略者又可推而知也。 此 、多至祀昊天上帝于圓丘、孟多硆于太廟之禮,在乎壇壝、宗廟之間,禮盛而物備者莫 其壇堂之上下、壝門之內外、次位之尊卑與其向立之方、出入降登之節,大抵可

至於壇埳、神位、尊爵、玉幣、籩豆、簋簠、牲牢、册祝之數皆略依古。

四成 而成 高八尺一寸,下成廣二十丈,而五減之,至于五丈,而十有二陛者,圓丘也。

志第二 禮樂二

小祀之燎壇也。皆開上南出。瘞坎皆在內壝之外壬地,南出陛,方深足容物。此壇埳之 者、大祀之燎壇也。廣八尺,高一丈,戶方三尺者,中祀之燎壇也。廣五尺,戶方二尺者, 之壇也。廣二丈五尺,高三尺,四出陛者,古帝王之壇也。廣一丈,高一丈二尺,戶方六尺 丈者,小祀之壇也。嶽鎮、海瀆祭於其廟,無廟則爲之壇於坎,廣一丈,四向爲陛者,海瀆 也。高尺,廣丈,蜡壇也。高五尺,周四十步者,先農、先蠶之壇也。其高皆三尺,廣皆 廣四丈,壇於其中,高一尺,方廣四丈者,夕月之壇也。廣五丈,以五土爲之者,社稷之壇 **黄帝、九尺者白帝、六尺者黑帝之壇也。 廣四丈,高八尺者,朝日之壇也。 爲坎深三尺,縱** 丘也。高、廣皆四丈者,神州之壇也。其廣皆四丈,而高八尺者青帝、七尺者赤帝、五尺者 八觚三成,成高四尺,上廣十有六步,設八陛,上陛廣八尺,中陛一丈,下陛丈有二尺者,方

帝、太子、明堂、軒轅、三台、五車、諸王、月星、織女、建星、天紀十七座及二十八宿,差在前 十九坐,在第二等十有二陛之間。中官、市垣、帝座、七公、日星、帝席、大角、攝提、太微、五 北辰、北斗、天一、太一、紫微五帝座,並差在行位前。餘內官諸坐及五星、十二辰、河漢四 央黃帝含樞紐、西方白帝白招拒、北方黑帝汁光紀及大明、夜明在壇之第一等。 天皇大帝、 冬至祀昊天上帝於圓丘,以高祖神堯皇帝配。東方青帝靈威仰、南方赤帝赤熛怒、中

依其方。 列。 祇,以 軒轅 南。 零祀 六十 西南。 明、夜明在 位 立 日、夕月無配。 鳥、騶虞、玄武、鱗、羽、贏、毛、介、水墉、坊、郵表畷、於菟、貓各在其方壇之後。 二十八宿、五方之岳鎭、海瀆、山林、川澤、丘陵、墳衍、原隰、井泉各在其方之壇,龍、麟、朱 夏祀 如 季 在 赤 昊 其餘中官一百四十二座皆在第三等十二陛之間。 氏 高 秋 乏 配,鎭星、后土氏之位如赤帝。 赤帝,以神農氏配,熒惑、三辰、七宿、祝融氏之位如青帝。 內壝之外。 孟多祭神州 祖 上帝, 立春祀青帝,以太皞氏配,歲星、三辰在壇下之東北,七宿在西北,句芒在 祀昊天上帝,以睿宗大聖眞皇帝配,五方帝在五室,五帝各在其左,五官在庭,各 配, 壇上,神農、伊耆各在其壇上,后稷在壇東, 立多祀黑帝,以顓頊氏配,辰星、三辰、七宿、玄冥氏之位如 五方之岳鎭、海瀆、原隰、丘陵、墳衍在內壝之內,各居其方, ,以太宗文武聖皇帝配,五方帝在第一等,五帝在第二等, 席, 正月上辛祈 地祇,以太宗配。 尊者以橐秸, 穀祀昊天上帝,以高祖神堯皇帝配,五帝在四方之陛。 ,卑者以莞。 社 立秋祀白帝,以少昊氏配, 以后土,稷以后稷配 此 神位 之序也。 外官一百五在內壝之內,衆星三百 五官、田畯各在其方, 吉亥祭神農,以后稷配,而朝 ,太白、三辰、 季夏土王之日祀 行帝。 五官在壇下之東 唢 五星、十二次、 蜡祭百神,大 七宿、蓐收之 中岳以下 夏至祭皇地 黄帝, 孟 以 在

以太尊實 汎齊,著尊實體齊,犧尊實盎齊,山罍實酒,皆二;以象尊實醍齊,壺尊實沈

、盎齊,山 Ш 罍 舉實酒, |實酒四:以祀昊天上帝、皇地祇、神州地祇。 皆二,以祀 配 帝。 以著 尊 二實體齊, 以祀 以著尊實汎齊,犧 內官。 以犧尊二實盎 尊實體齊,象

迎氣 息、 齊; 尊實 實沈齊,皆二。 畷、虎、猫 齊,皆二。 尊、山罍各二。 祀中官。 實汎齊。 騶虞、 七宿 五方帝、五人帝以六尊,惟山罍皆减上帝之半。 以象 、昆蟲, 玄武, 以壺尊實沈齊,皆一。 日、月,以太尊實體齊,著尊實盎齊,皆二,以山罍實酒一。從祀於圓丘, 神州 尊二實醍齊,以祀外官。 伊耆氏以上皆有坫。 五方帝從祀 地祇從祀於方丘,以太尊二實汎齊。 以壺尊實沈齊。 以散尊實淸酒,皆二。 於圓丘,以太尊實汎齊,皆二。 蜡祭,神農、伊耆氏,以著尊皆二實盎齊。 麟、羽、羸、毛、介、丘陵、墳衍、 太社,以太罍實醍齊,著尊實盎齊,皆二;山罍一。 嶽鎭、海瀆,以山尊實醍齊。 以壺尊二實昔酒, 五官、五星、三辰、后稷,以象 五方帝大享於明堂, 以祀 五人帝從享於明堂,以著尊實體 衆星、日、月。 原隰、井泉、水墉、坊、郵表 山、川、林、澤,以屋 ,太尊、著尊、犧 田畯、龍、麟、朱 以上皆有站。 以 尊 實醍 太 尊

象尊二實醍齊。 稷,后稷氏 亦如之。 宗廟船 其餘中祀,皆以犧尊實醍 享,室以斝彝實明水,黃彝實鬯,皆一 齊,象尊實盎齊,山罍實酒,皆二。 ; **犧尊實** 汎齊, 象尊 小祀,皆以 實 (體齊,

著尊

實

盎

齊

山

罍實酒

皆二。

設堂上。

壺尊實醍齊,大尊實沈齊,

山

罌

實酒,

皆二。

設堂

禘享,雞彝、鳥彝一。時享,春、夏室以雞彝、鳥彝一,秋、冬以斝彝、黃彝一,皆有坫。

尊實體齊,象尊實盎齊,山罍實酒,皆二。秋、冬以斝彝、黄彝,皆一;著尊、壺尊、山罍皆 七祀及功臣配享,以壺尊二實醍齊。別廟之享,春、夏以雞彝實明水,鳥彝實鬯,皆一;犧 二。太子之廟,以犧尊實體齊,象尊實盎齊,山罍實酒,皆二。凡祀,五齊之上尊,必皆實明

先農之幣以青,先蠶之幣以黑,配坐皆如之。它祀幣皆以白,其長丈八尺。此玉、幣之制也。 琥,黑帝以黑璜; 幣如其玉。日以圭、璧, 幣以青; 月以圭、璧, 幣以白。 神州、社、 稷以兩圭 方色。皇地祇以黄琮,與配帝之幣皆以黃。青帝以青圭,赤帝以赤璋,黃帝以黃琮,白帝以白 水;山罍之上尊,必皆實明酒;小祀之上尊,亦實明水。此尊爵之數也。 太昊氏,籩豆皆十二、簋一、簠一、瓾一、俎一。 歲星、三辰、句芒、七宿,籩二、豆二、簋一、簠 簠一、俎一。五官,鏸二、豆二、簋一、簠一、俎一。季秋大享明堂,如雩祀。 五方帝,如冬至。 孟夏雩祀圓丘, 昊天、配帝、五方帝, 如冬至。 五人帝, 鏸四、豆四、簋一、 明、夜明,鎏八、豆八、簋一、簠一、瓾一、俎一。五星、十二辰、河漢及內官、中官,鎏二、豆 有邸,幣以黑;嶽鎭、海瀆以兩圭有邸,幣如其方色。神農之幣以赤,伊耆以黑,五星以方色, 二、簋一、簠一、俎一。外官衆星,箋、豆、簋、簠、俎各一。正月上辛,祈穀圓丘,昊天、配帝、 冬至祀圓丘,昊天上帝、配帝,箋十二、豆十二、簋一、簠一、甄一、俎一。 五方上帝、大 多至,祀昊天上帝以蒼璧。上辛,明堂以四圭有邸,與配帝之幣皆以蒼,內官以下幣如 立春祀青帝及

帝,箋豆皆十二、簋一、簠一、瓾一、俎一。神州,箋四、豆四、簋一、簠一、瓾一、俎一。 其五 簋、簠、俎各一。春分朝日,秋分夕月,箋十、豆十、簋一、簠一、瓾一、俎一。四時祭風師、雨 簋一、簠一、俎一。春、秋釋奠於齊太公、留侯,箋豆皆十、簋二、簠二、瓾三、鈃三、俎三。仲 釋奠於孔宣父,先聖、先師,箋十、豆十、簋二、簠二、瓾三、鈃三、俎三;若從祀,箋豆皆二、 **邍豆皆十、簋二、簠二、瓾三、鈃三、俎三。 孟冬祭司寒,籩豆皆八、簋一、簠一、俎一。春、秋** 配享,如七祀。孟春祭帝社及配坐,箋豆皆十、簋二、簠二、瓾三、鈃三、俎三。季春祭先蠶, 豆皆十二、簋二、簠二、瓾三、鈃三、俎三。七祀,箋二、豆二、簋二、簠二、俎一。 祫享 功臣 三、俎三。四時祭馬祖、馬社、先牧、馬步,籩豆皆八、簋一、簠一、俎一。時享太廟,每室籩 岳、四鎮、四海、四瀆及五方山川林澤,箋二、豆二,簋、簠、俎各一。 孟多祭神州及配帝,箋 師、靈星、司中、司命、司人、司祿,箋八、豆八、簋一、簠一、俎一。 夏至祭方丘,皇地祇及配 朱鳥、白虎、玄武、鱗、羽、毛、介、於菟等,箋、豆各一,簋、簠、俎各一。又井泉,箋、豆各一, 鎭、海瀆、二十八宿、五方山林川澤,箋、豆各二,簋、簠、俎各一。 丘陵、墳衍、原隰、龍、麟、 **甄一、俎一。神農、伊耆,箋、豆各四,簋、簠、甄、俎各一。 五星、十二辰、后稷、五方田畯、岳** 豆皆十二、簋一、簠一、瓾一、俎一。春、秋祭太社、太稷及配坐,籩豆皆十、簋二、簠二、鈃 一、俎一。其赤帝、黄帝、白帝、黑帝皆如之。醋祭百神,大明、夜明,籩十、豆十、簋一、簠一、

春祭五龍,箋豆皆八、簋一、簠一、俎一。四時祭五岳、四鎭、四海、四瀆,各箋豆十、簋二、簠 二、俎三。三年祭先代帝王及配坐,籧豆皆十、簋二、簠二、俎三。州縣祭社、稷、先聖,釋

奠於先師,籩豆皆八、簋二、簠二、俎三。

以黍、稷,簠以稻、粱。 實旣以大羹,鈃以肉羹。 此箋、豆、簠、簋、瓾、鈃之實也。 **籧以牛脯,豆以鹿醢。 鹿脯;豆以芹葅兔醢、菁葅鹿醢。用皆二者,箋以栗黃、牛脯;豆以葵葅鹿醢。用皆一者,** 食、糝食。小祀之籩無白餅、黑餅、豆無脾析葅豚胉。凡用皆四者,簻以石鹽、棗實、栗黃、 **菁**葅鹿醢、芹葅兔醢、筍葅魚醢、脾析葅豚胉、飽食、糝食。 中祀之箋無糗餌、粉餈,豆無飽 **邍以石鹽、桑魚、桑栗榛菱芡之實、鹿脯、白餅、黑餅、糗餌、粉餈。 豆以韮葅醠醢(m)、** 用牛脯者,通以羊。凡簠、簋皆一者,簋以稷,簠以黍。用皆二者,簋

祖、先牧、馬社、馬步,皆羊一。司寒,黑牲一。凡牲在滌,大祀九旬,中祀三旬,小祀一旬, 皆少牢五;井泉皆羊一。非順成之方則闕。風師、雨師、靈星、司中、司命、司人、司祿、馬 牢;后稷及五方、十二次、五官、五田畯、五嶽、四鎭、海瀆、日、月,方以犢二;星辰以降,方 澶,皆太牢。 社、稷之牲以黑。 五官、五星、三辰、七宿,皆少牢。 蜡祭:神農氏、伊春氏,少 之犢:天以蒼,地以黃,神州以黑,皆一。宗廟、太社、太稷、帝社、先蠶、古帝王、嶽鎮、海 昊天上帝,蒼犢; 五方帝,方色犢; 大明,青犢; 夜明,白犢; 神州地祇,黑犢。配帝

臂、臑;後節二,肫、胳;正脊一,脡脊一,横脊一,正脅一,短脅一,代脅一,皆並骨。別 創病者請代犢,告祈之牲不養。凡祀,皆以其日未明十五刻,太官令帥宰人以鸞刀割牲,祝 **養而不卜。無方色則用純,必有副焉。省牲而犢鳴,則免之而用副。** 祭用太牢者,酒二斗,脯一段,醢四合;用少牢者,酒减半。此牲牢之别也。 史以豆斂毛血置饌所,祭則奉之以入,遂亨之。肉載以俎,皆升右胖體十一:前節三,肩、 禁其棰柎,死則瘞之,

署,后北向再拜,近侍奉以出,授內侍送享所。 署,皇帝北向再拜,侍臣奉版,郊社令受以出。 至大次,郊社令以祝版進署,受以出,奠於坫。宗廟則太廟令進之。若有司攝事,則進而御 祝版,其長一尺一分,廣八寸,厚二分,其木梓、楸。凡大祀、中祀,署版必拜。皇帝親祠, 皇后親祠,則郊社令預送內侍,享前一日進 享日之平明,女祝奠於坫。此册祝之制也。

#### 校勘記、

- 酌汎齊以獻 「汎齊」,開元禮卷四、通典卷一〇九、唐會要卷九下均作「醍齊」。
- 南向跪爵少東 按此與上文「南向跪、奠爵、少西」相應、「爵」上當有「奠」字。
- 豆以 肉汁也。」開元禮卷一俎豆亦云:「其豆實以韭菹醯醢、……。」「醞」當作「醢」。 韮 並殖艦臨 按周禮天官:「臨人掌四豆之實、朝事之豆、其實韭菹醯醢、……。」鄭玄注:「醠,

# 唐書卷十三

#### 志第三

### 禮樂三

者由此牽惑沒溺,而時君不能斷決,以爲有其舉之,莫可廢也。由是郊、丘、明堂之論,至於 補緝,以意解詁,未得其眞,而讖緯之書出以亂經矣。自鄭玄之徒,號稱大儒,皆主其說,學 自周衰,禮樂壞于戰國而廢絕于秦。 漢興,六經在者,皆錯亂、散亡、雜僞,而諸儒方共

帝於四郊。」此五行精氣之神也,玄以爲青帝靈威仰、赤帝赤熛怒、黃帝含樞紐、白帝白招 拒、黑帝汁光紀者, 五天也。 由是有六天之說, 後世莫能廢焉。 禮曰:「以禋祀祀昊天上帝。」此天也,玄以爲天皇大帝者,北辰耀魄寶也。 又曰:「兆五

紛然而莫知所止。

唐初貞觀禮,冬至祀昊天上帝于圓丘,正月辛日祀感生帝靈威仰于南郊以祈穀, 志 第 Ξ 禮樂三 而孟

玄說,而南郊祈穀、孟夏雩、明堂大享皆祭昊天上帝。 郊及明堂本以祭天,而玄皆以爲祭太微五帝。[傳曰:『凡祀,啓蟄而郊,郊而後耕。』故『郊 慶二年,禮部尙書許敬宗與禮官等議曰:「六天出於緯書,而南郊、圓丘一也,玄以爲二物; 夏雩于南郊,季秋大享于明堂,皆祀五天帝。至高宗時,禮官以謂太史圓丘圖,昊天上帝在 祀后稷,以祈農事」。而玄謂周祭感帝靈威仰,配以后稷,因而祈穀。皆繆論也。」由是盡黜 壇上,而耀魄寶在壇第一等,則昊天上帝非耀魄寶可知,而祠令及顯慶禮猶著六天之說。顯

帝。」又曰:「汎灸,大雩、大享帝,皆盛祭也。 者之興必感其一,因別祭尊之。故夏正之月,祭其所生之帝於南郊,以其祖配之。故周祭 顯慶禮皆祭昊天上帝, 靈威仰,以后稷配,因以祈穀。』然則祈穀非祭之本意,乃因后稷爲配爾,此非祈穀之本義 『噫嘻春夏,祈穀于上帝。』禮記亦曰:『上辛祈穀于上帝。』而鄭玄乃云:『天之五帝迭王,王 人王仲丘議曰:「按貞觀禮祈穀祀感帝,而顯慶禮祀昊天上帝。傳曰:『郊而後耕。』詩曰: 夫祈穀,本以祭天也,然五帝者五行之精,所以生九穀也,宜於祈穀祭昊天而兼祭五 乾封元年,詔祈穀復祀感帝。二年,又詔明堂兼祀昊天上帝及五帝。開元中,起居舍 宜兼用之以合大雩、大享之義。」旣而蕭嵩等撰定開元禮,雖未能合 而孟夏雩、季秋大享,貞觀禮皆祭五方帝,而

古,而天神之位別矣。

堂。 配于 宗 於明堂者。祭法 高 1 五 神 配 加 夏丘, 春秋傳曰:『禘、 五. 祈 于 配 其 ·明堂, 一人帝。 穀祀 配 而元帝惟配感帝。 神之主,武德中,冬至及孟夏雩祭皇地祇于方丘、神州地祇於北郊,以景帝配 太宗配于明堂。 感帝于 以文、 太尉 台:『周 南郊, 長孫无忌等與禮官議,以謂:「自三代以來,歷漢、魏、晉、宋,無父子同配 武共配。 郊、祖、宗、報,五 人禘嚳而郊稷,祖文王而宗武王。』鄭玄以祖宗合爲一祭,謂祭五帝、 季秋 高宗永徽二年,以太宗配祀明堂,而有司 而 祀五方天帝於明堂, 王 肅 一者國之典祀也。』 駁曰:『古者祖功宗德, 以元帝配。 以此 知祖、宗非一祭。」 自是不毁之名, 貞觀 初, 乃以高 圓丘、明堂、北郊以 旭 非 配五天帝,太 於是 謂 配 以 食於明 高祖 而

令張 萬頃 祖宗之配 司議 乾 說 履 而 封 衞尉 冰之說。 成 定 年, 《均助 矣 少 卿 教孔 詔圓 由 章縚 是郊、丘諸祠, 玄義、 丘、五 爲禮儀使 方、明堂、感帝、神州皆以高祖、太宗並配。 太子右諭 常以高祖、 乃以高祖 德沈伯 配, 儀 太宗、高宗並 而 鳳閣舍人元萬頃范履 靇 並配。 配。 開元 至二十年, + 冰議 則天 年, 皆 垂拱 蕭嵩. 親享 不 同, 元年, 等定禮 圓 丘 而 中書 卒用 詔 而 有

寶 應 志 第 元 年, 太常卿杜鴻漸、 禮儀使判官薛頎歸崇敬等言:「禘者, 冬至祭天於圓丘, 周

禮,而不知煩數之爲黷也。 禮之失也,豈獨緯書之罪哉!在於學者好爲曲說,而人君一切臨時申其私意,以增多爲盡 武王也,而周人郊稷而祖文王。太祖景皇帝始封于唐,天所命也。」由是配享不易。嗚呼, 於神宗,禹也,而夏后氏祖顓頊而郊縣;纘禹黜夏,湯也,而殷人郊冥而祖契;革命作周, 年早,言事者以爲高祖不得配之過也。代宗疑之,詔羣臣議。太常博士獨孤及議曰:「受命 祖非受命之君,不宜作配。」爲十詰十難以非之。書奏,不報。乃罷高祖,以景皇帝配。 契、周之后稷也,請以太祖郊配天地。」諫議大夫黎幹以謂:「禘者,宗廟之事,非祭天,而太 人配以遠祖。 唐高祖非始封之君,不得爲太祖以配天地。 而太祖景皇帝受封于唐,即殷之 明

事天地以其類也。其方位旣別,而其燎壇、瘞坎、樂舞變數亦皆不同,而後世有合祭之文。 則天天册萬歲元年,親享南郊,始合祭天地。 古者祭天於圓丘,在國之南,祭地於澤中之方丘,在國之北,所以順陰陽,因高下,而

合於圓丘,以始祖配享。蓋有事之大祭,非常祀也。三輔故事:『祭于圓丘,上帝、后土位皆 黃帝而郊縣。郊之與廟,皆有禘也。禘於廟,則祖宗合食於太祖;禘於郊,則地祇羣望皆 睿宗卽位,將有事於南郊,諫議大夫賈曾議曰:「祭法,有虞氏禘黃帝而郊嚳,夏后氏禘

於北郊,故會之議寢。 圃 ·。』則漢嘗合祭矣。」 國子祭酒褚無量、 司業郭山惲等皆以曾言爲然。 是時睿宗將祭地

軍田 太廟 同秀言:「玄元皇帝降丹鳳門。」乃建玄元廟。 玄宗既已定開元禮,天寶元年,遂合祭天地于南郊。 丙申,有事于南郊。 其後遂以爲故事,終唐之世,莫能改也。 二月辛卯,親享玄元皇帝廟 是時,神仙道家之說興,陳王 爲禮 可不愼 甲午, 哉 一府參

終獻 助祭, 獻,補大臣李嶠等女爲齋娘, · 夫男女之不相褻於內外也,況郊廟乎? 太常博士唐紹、蔣欽緒 以爲不可, 以執箋豆焉。 左僕射章巨源獨以欽明說爲是。 中宗時, 至德宗貞元六年,又以皇太子爲亞獻 將享南郊, 國子祭酒 於是以皇 祝欽明言 親王爲 后為亞 皇后當

之論 者尊嚴之居而已,其 五 一行、數象之類以爲 不一,至於莫知所從,則 <u>|孝經日:「宗祀文王</u>於明堂,以配上帝。」而 倣 制 作何必與古同 像 而衆說亦不克成 切臨時增損 ! 然爲之者至無所據依,乃引天地、四時、風氣、乾坤、 一; 不能 三代有其名而無其制度, 合古。 然推其本旨,要於布政 故自 漢 以來, 交神 諸儒

隋無 (明堂) 而 季秋大享 ,常寓雩壇; 唐高祖、太宗時,寓於圓丘。貞觀中,禮部尚書豆盧

名也。 施於郊野,謂宜近在宮中。」徵及師古等皆當世名儒,其論止於如此。 則皆在路寢也。大戴禮日在近郊,又日文王之廟也,此奚足以取信哉?且門有辠、庫,豈得 有應門、雉門之制,以此知爲王者之常居爾。其靑陽、總章、玄堂、太廟、左右个,皆路寢之 侍中魏徵以謂:「五室重屋,上圓下方,上以祭天,下以布政。 自前世儒者所言雖異,而以爲 寬、國子助教劉伯莊議:「從崑崙道上層以祭天,下層以布政。」而太子中允孔穎達以爲非。 如此者多同。至於高下廣狹丈尺之制,可以因事制宜也。」祕書監顏師古曰:「周書敍明堂 文王居明堂之篇,帶弓韣,禮高禖,九門磔禳,國有酒以合三族,推其事皆與月令合,

九室,而高宗依兩議,以帟幕爲之,與公卿臨觀,而議益不一。乃下詔率意班其制度。至取 象黃琮,上設鴟尾,其言益不經,而明堂亦不能立。 高宗時改元總章,分萬年置明堂縣,示欲必立之。而議者益紛然,或以爲五室,或以爲

年,玄宗遣將作大匠康晋素毀之。晋素以爲勞人,乃去其上層,易以眞瓦。而迄唐之世,季 之,旣而又復立,開元五年,復以爲乾元殿而不毀。初,則天以木爲瓦,夾紵漆之。二十五 至則天始毀東都乾元殿,以其地立明堂,其制淫侈,無復可觀,皆不足記。其後火焚

秋大享,皆寓圓丘。

儒 荀卿、劉歆、班固、王肅之徒,以爲七廟者多。 **]書曰:「七世之廟,可以觀德。」而禮家之說,世數不同。然自禮記王制、祭法、禮器,大** 蓋自漢、魏以來,創業之君特起,其上世微,

宗崩、宣皇帝遷于夾室,而祔高宗。皆爲六室。 農府君及高祖爲六室。二十三年,太宗崩,弘農府君以世遠毀,藏夾室,遂祔太宗,及高 三昭三穆,與太祖之廟而七。』晉、宋、齊、梁皆立親廟六,此故事也。」制曰:「可。」於是祔弘 又無功德以備祖宗,故其初皆不能立七廟。 :司定議。諫議大夫朱子奢請立七廟,虛太祖之室以待。於是尙書八座議:「禮曰:『天子, 唐武德元年,始立四廟,日宣簡公、懿王、景皇帝、元皇帝。貞觀九年,高祖崩,太宗韶

以 廟室皆不合食于論,至隋亦然。唐受天命,景皇帝始封之君,太祖也,以其世近,而在三昭 而 祖 君謂之太祖。太祖之廟,百世不遷。至祫祭,則毀廟皆以昭穆合食于太祖。商祖玄王,周 三穆之內,而光皇帝以上,皆以屬尊不列合食。今宜以景皇帝爲太祖,復祔宣皇帝爲七室, 凉 太上皇不在合食之列,爲其尊於太祖也。魏以武帝爲太祖,晉以宣帝爲太祖,武、宣而上, 后稷,其世數遠,而遷廟之主皆出太祖後,故合食之序,尊卑不差。漢以高皇帝爲太祖, 武昭王爲始祖。太常博士張齊賢議以爲不可,因曰:「古者有天下者事七世,而始封之 武氏亂敗,中宗神龍元年,已復京太廟,又立太廟于東都。議立始祖爲七廟,而議者欲

志

享,其京廟神主藏于夾室」。由是祔中宗,而光皇帝不遷,遂爲七室矣。 尙書宋璟以爲「義宗,追尊之帝,不宜列昭穆,而其葬在洛州,請立別廟于東都, 而有司時 以孝敬皇帝爲義宗,祔于廟,由是爲七室,而京太廟亦七室。中宗崩,中書令姚元之、吏部 天子下其議大臣,禮部尙書祝欽明兩用其言,於是以景皇帝爲始祖,而不祔宣皇帝。已而 今以太祖近而廟數不備,乃欲於昭穆之外,遠立當遷之主以足七廟,而乖迭毀之義,不可。」 而太祖以上四室皆不合食于論。」博士劉承慶、尹知章議曰:「三昭三穆與太祖爲七廟者, 而王迹有淺深,太祖有遠近,太祖以功建,昭穆以親崇。有功者不遷,親盡者則毀。

繼高宗。」於是立中宗廟于太廟之西。 有不得事七世者矣。孝和皇帝有中興之功而無後,宜如殷之陽甲, 出爲 別 廟,祔睿宗以 **兼毁二廟。** 荀卿子曰:『有天下者事七世。』謂從禰以上也。 若傍容兄弟,上毀祖考,則天子 光武,不嗣於孝成;而晉懷帝亦繼世祖而不繼惠帝。蓋兄弟相代,昭穆位同,至其當遷,不可 睿宗崩,博士陳貞節、蘇獻等議曰:「古者兄弟不相爲後,殷之盤庚,不序於陽甲, 漢之

於是太廟爲九室。將親祔之,而遇雨不克行,乃命有司行事。寶應二年,祕獻祖、懿祖,祔 |玄宗、肅宗。 自是之後,常爲九室矣。 開元十年,詔宣皇帝復祔于正室,諡爲獻祖,并諡光皇帝爲懿祖,又以中宗還祔太廟,

皇帝 也。 博 而 蓋以 士 耐 代宗。 王涇、史官蔣武皆以爲中宗得失在己,非漢光武、晉元帝之比,不得爲中興不遷之 崩, 中、睿 禮儀使顏眞卿議:「太祖、高祖、太宗皆不毀,而代祖元皇帝當遷。」於是遷元 德宗 爲昭穆矣。 崩, 禮儀使杜黃裳議:「高宗在三昭三穆外, 順宗 崩,當 遷中宗, 而 有 司疑之,以謂 當遷。」於 則天革命,中宗 是遷 高宗 中興之主 而耐

君。

由是

遷中宗而

附順宗。

穆與 於是 爲 盡, 言:「已祕 廟 故 而 於 自 雖 九 事 遠 六代, 太 復 也。」議者又言:「廟室有定數, 世次爲 代 而 l憲宗、 耐 + 祖 代宗 加 之主不得復入太廟。」禮官曰:「昔晉元、 其實七主。 高祖 室 功 穆宗、敬宗、文宗四世祔廟, 宗 焉 而 蓋其率意 (徳三 以敬宗、文宗、武宗 禮官始 一廟不 至元帝、 (覺其非,以謂兄弟不相爲後,不得爲昭穆,乃議 ·遷爲 而言 明帝, 爾, 九廟者, 非 而 本 同 廟皆 無後之主當置別廟。」禮官曰:「晉武帝時 周制 於 爲 ~禮也。 十室, 睿、玄、肅、代以次遷。 一代。 也。 故賀循 及敬、文、武三宗爲一代, 初, 而 明之世, 後之爲 玄宗之復耐 曰:『廟以容主爲限,而 說者, 已遷 豫章、 獻祖 至武宗崩,德宗以次當遷 乃遷 也, 就其事, 潁川 復耐代宗。 詔日: 故終唐之世, 後皆 無常數 景、 以謂三昭三 「使親 文同 復附,此 而議者 也 而 廟, 不

開 元 五 年 太 廟 匹 |室壞,奉其神主于太極殿,天子素服避正殿, 輟朝三日。 時將行幸東

志

卷 + Ξ 三四二

都,遂謁神主于太極殿而後行。 嚮廟而 哭,輟朝三日。 其後黃巢陷京師,焚毁宗廟,而僖宗出奔,神主法物從行,皆爲賊所 安祿山之亂,宗廟爲賊所焚, 肅宗復京師,設次光順門外,

掠。 巢敗,復京師,素服哭于廟而後入。

山陷 載主以行者,惟新遷一室之主爾,未有載羣廟之主者也。」至武宗時,悉廢羣議,詔有司擇日 夾室。」或曰:「周豐、洛有廟者,因遷都乃立廟爾,今東都不因遷而立廟,非也。」又曰:「古者 故廟爲唐太廟、祔光皇帝以下七室而親享焉。 修東都 至大曆中,始於人間得之,寓于太微宮,不復祔享。 西京唐太廟爲享德廟。 「東西二京宜皆有廟,而舊主當瘞,虛其廟以俟,巡幸則載主而行。」或謂:「宜藏其神主于 兩京,宗廟皆焚毀。肅宗卽位,西都建廟作主, 初, 唐建東、西二都, 廟。 已而武宗崩,宣宗竟以太微神主祔東都廟焉。 神龍 而東都 元年,中宗復位,遷武氏廟主于西京,爲崇尊 無廟。 則天皇后僭號稱周,立周七廟于東都以祀武氏,改 由是東西二都皆有廟,歲時並享。 而東都太廟毀爲軍營, 自建中至于會昌, 議者不一, 或以爲: 廟,而以東都武氏 ,九室神主亡失, 其後安祿

不合於禮 其追贈皇后、追尊皇太后、贈皇太子往往皆立別廟。 而出其私意者,蓋其制作與其論議皆不足取焉,故不著也。 其近於禮者,後世當求諸禮。 其

宣宗已復河、湟三州七關,歸其功順宗、憲宗而加諡號。 博士李稠請改作神主,易書新

不改 主易書,宜以新諡寶册告于陵廟可也。」是時,宰相以謂士族之廟皆就易書,乃就舊主 右司郎中楊發等議,以謂:「古者已祔之主無改作,加諡追尊,非禮也,始於則天, 然獨

新諡

六十, 歲數 七年,禘、 元 公二十年 五 新 六年喪畢 君 年 遠近,二說 諦 喪畢而 中分三十,置 再殷祭。」高宗上元三年十月當論, 而置給 至於 論, 在船 祫 年數不同, 並 大祭也。 而船,明年 先 後 船 至二十五 在 不同。 二年。 後 明 一歲, 年 則 船 焉 ·而禘。 不 給以昭穆合食于太祖,而稱以審諦其尊卑, 魯宣公八年禘僖公、蓋二年喪 祖、宗失位,而議者莫知所從。 鄭玄用高堂隆先三而後 有 而 年又禘, 同焉。 禘。 司 覺其非,乃議以爲一 自是之後,五 此最爲得,遂用其說。 自是之後、船、禘各自 此可知 也。」議者以玄璨等言有經據 而有司疑其年數。 年而 再祭。 禘一祫, 徐邈先二後三。 以年, 由是一禘一祫, (畢而給,明年 蓋後禘去前 禮曰:「三年一祫,五年一禘。 五年再殷 不 相通數。 太學博 而禘, 此船、禘之義, 諦 在五 而邈 宜通 五 土 遂從之。 凡 年, 史玄璨等議, 以謂 至 七船 年之間 數。 八年 而船常在禘後三 五 而 丽 郦 睿宗 禘, 禘後置於 相 合於再般 再 而爲禮者 。」傳日: 至二十 去 崩 以為: 爲 月 開 昭

志

出而序于昭穆。殷、周之興,太祖世遠,而羣廟之主皆出其後,故其禮易明。 興也暴,又其上世微,故創國之君爲太祖而世近,毀廟之主皆在太祖之上,於是禘、祫不得 禮,禘、祫,太祖位于西而東向,其子孫列爲昭穆,昭南向而穆北向。 而漢、魏之制,太祖而上,毀廟之主皆不合食。 雖已毀廟之主,皆 漢、魏以來,其

紛然。 以奉祖宗可也。」乃引晉蔡謨議,以獻祖居東向,而懿祖、太祖以下左右爲昭穆。由是議者 **船**則享。 廟列於昭穆。代宗卽位,祔玄宗、肅宗,而遷獻祖、懿祖于夾室。於是太祖居第一室,禘、祫 得正其位而東向,而獻、懿不合食。建中二年,太學博士陳京請爲獻祖、懿祖立別廟,至稱、 唐興,以景皇帝爲太祖,而世近在三昭三穆之內,至祫、禘,乃虚東向之位,而太祖與羣 禮儀使顏眞卿議曰:「太祖景皇帝居百代不遷之尊,而禘、祫之時,暫居昭穆,屈己

公之祧,遷祖藏於后稷之廟,其周未受命之祧乎。又有先王之祧,其遷主藏於文、武之廟, 從「遠廟爲祧,而壇、墠有禱則祭,無禱則止」之義。」吏部郎中柳冕等十二人曰:「周禮有先法」「遠廟爲祧,而壇、墠有禱則祭,無禱則止」之義。」吏部郎中柳冕等十二人曰:「周禮有先 晉蔡謨之議也,謨爲『禹不先縣』之說,雖有其言,當時不用。 獻、懿二祖宜藏夾室,以合祭 請下百寮議。工部郎中張薦等議與眞卿同。太子左庶子李嶸等七人曰:「眞卿所用, 貞元十七年(1),太常卿裴郁議,以太祖百代不遷,獻、懿二祖親盡廟遷而居東向,非

 船 則 年,左僕射姚南仲等獻議五十七封, 歸。 其周已受命之祧乎?今獻祖、 獻之期; 郎中陸淳 「建石 遷神主於德明、興聖廟。」京兆少尹韋武曰:「祫則獻祖 獻祖,禘則太祖,迭居東向。 「室於寢園以藏神主,至禘、祫之歲則祭之。」考功員外郎陳京、同官縣尉仲子 議 日藏諸夾室,二日置之別廟,三日遷于園寢,四日祔於興聖。 逐定, 置之別廟,則非禮經之文; 日:「議者多矣,不過三而已。 "由是太祖始復東向之位" 懿祖, 而復正太祖之位爲是。 付都省集議。 % <br />
獨周先公也,請築別廟以居之。」司勳員外郎裴樞曰: 遷于寢園,則亂宗廟之儀。 一日復太祖之正位, 戶部尙書王紹等五十五人 東向, 然太祖復位,則獻、懿之主宜 二日 稀則太祖 唯祔于興聖爲是。」至十 並列昭穆而虛東向, 然 東向。」十一 而藏諸夾室,則 、請遷 懿 年, 陵皆日: 祖 左司 耐 無 有 九 所 興 日

亦 天寶 爵 聽 者亦四 廟,五品二廟,嫡 寢祭。 + 若 諸 載 廟, 臣之享其親, 京 官 四 正 廟有始 員四品清望及四品、五品清官, 土 ,廟室、服器之數,視其品。 封為五 廟,庶人祭於寢。 朝, 四品、 五品有 及定禮 兼爵亦三廟, ,二品以上四廟,三品三廟,三品以上不須 聽立廟, 開元十二年著令,一 勿限兼爵。 六品以下達于庶人, 品、二品四廟, 雖品及而建廟未逮, 祭於寢。 二品

冠,各以其服 **鹤六、盤一、坫一、篚一、牙盤胙俎一。祭服,三品以上玄冕,五品以上鹤弁,六品以下進賢** 皆子孫之牲。 門,門屋三室,而上間以廟,增建神廚於廟東之少南,齋院於東門之外少北, 棋、藻井。 三品以上有神主,五品以上有几筵。牲以少牢,羊、豕一,六品以下特豚,不以祖禰貴賤, 三品以八,四品、五品以六。 廟之制,三品以上九架,廈兩旁。三廟者五間,中爲三室,左右廈一間,前後虛之,無重 室皆爲石室一,於西墉三之一近南,距地四尺,容二主。廟垣周之,爲南門、東 牲闕,代以野獸。五品以上室異牲,六品以下共牲。二品以上室以箋豆十, 五品以上室皆簠二、簋二、瓾二、鈃二、俎三、尊二、罍二、勺二、 制勿逾於廟。

飲福、受胙進退之數,大抵如宗廟之祀。 輅,夫人之主以翟車,其餘皆以輿。天子以四孟、臘享太廟,諸臣避之,祭仲而 家。 一船,五歲一禘。 始廟則署主而祔,後喪闋乃祔,喪二十八月上旬卜而祔, 凡祔皆給休五日,時享皆四日。 若祔、若常享、若禘祫,卜日、齋戒、省牲、視滌、濯鼎鑊,亨牲、實饌、三獻 散齋二日於正寢,致齋一日於廟,子孫陪者齋一宿於 以國官亞、終獻,無則以親賓,以子弟。 始神事之矣。王公之主載以 不臘。

元正,歲之始,冬至,陽之復,二節最重。 祭不欲數,乃廢春分,通爲四。 其後不卜日,而筮用亥。 祭寢者,春、秋以分,冬、夏以至日。 若祭春分,則廢元日。 然

**祠器以鳥漆,差小常制。** 祭服以進賢冠,主婦花釵禮衣,後或改衣冠從公服,無則常

服。 凡祭之在廟、在寢,旣畢,皆親賓子孫慰,主人以常服見。

以上牲祭宗子家,祝曰:「孝子某爲其介子某薦其常事。」庶子官尊而立廟,其主祭則以支庶 封官依大宗主祭,兄陪於位。以廟由弟立,己不得延神也。或兄弟分官,則各祭考妣於 若宗子有故,庶子攝祭,則祝曰:「孝子某使介子某執其常事。」通祭三代,而宗子卑,則

伯叔之祔者居禰下之穆位北向,昆弟、從父昆弟居祖下之昭位南向, 北向,以序尊卑。凡殤、無後,以周親及大功爲斷。 會祖,親昆弟及從父昆弟祔於祖,親子姪祔於禰。 此。 其後廟制設幄,當中南向,耐坐無所施,皆祭室戶外之東而西向。 古殤及無後皆祔食於祖,無祝而不拜,設坐祖左而西向,亞獻者奠,祝乃奠之,一獻而 寢祭之位西上, 祖東向而昭穆南北, 則 子姪居伯叔之下穆位 親伯叔之無後者祔

三年之喪,齊衰、大功皆廢祭;外喪,齊衰以下行之。 古者廟於大門內,秦出寢於陵側,故王公亦建廟於墓。 旣廟與居異,則宮中有喪而祭。

校勘記

(1) 貞元十七年 通典卷五〇、册府卷五九〇、唐會要卷一三及本書卷二〇〇陳京傳均作「貞元七

## 唐書卷十四

## 志第四

## 禮樂四

其非常祀,天子有時而行之者,日封禪、巡守、視學、耕藉、拜陵。

辛彥之等撰定儀注,爲壇泰山下,設祭如南郊而已,未嘗升山也。 漢以來,儒生學官論議不同,而至於不能決,則出於時君率意而行之爾。 文中子曰:「封禪,非古也,其秦、漢之侈心乎。」蓋其曠世不常行,而於禮無所本,故自 隋文帝嘗令牛弘、

古、諫議大夫朱子奢等集當時名儒博士雜議,不能決。 行太山上七十二君壇迹,以是歲兩河大水而止。其後羣臣言封禪者多,乃命祕書少監顏師 唐太宗已平突厥,而年穀屢豐,羣臣請封泰山。太宗初頗非之,已而遣中書侍郎杜正倫 於是左僕射房玄齡、特進魏徵、中書

第四 禮樂四

尺,高三尺,四出陛,以燔柴告至,望秩羣神。」遂著于禮,其他降禪、朝覲皆不著。至十五 璽,而玉檢別製璽,方一寸二分,文如受命璽。 以石距非經,不用。 又爲吿至壇, 方八十一 受命之璽。其山上之圓壇,土以五色,高九尺,廣五丈,四面爲一階。天子升自南階,而封 以金泥,印以受命之璽。而玉牒藏于山上,以方石三枚爲再累,纏以金繩,封以石泥,印以 策四,皆長一尺三寸,廣寸五分,厚五分,每策皆五簡,聯以金。 昊天上帝配以太祖,皇地祇 令楊師道博採衆議奏上之,其議曰:「爲壇於泰山下,祀昊天上帝。 壇之廣十二丈,高丈二 年,將東幸,行至洛陽,而彗星見,乃止。 玉牒。已封,而加以土,築爲封,高一丈二尺,廣二丈。其禪社首亦如之。其石檢封以受命 配以高祖。已祀而歸格于廟,盛以金匱。匱高六寸,廣足容之,制如表函,纏以金繩,封 尺。玉牒長一尺三寸,廣、厚五寸。玉檢如之,厚減三寸。其印齒如璽,纏以金繩五周。玉

文如受命璽。石磠以方石再累,皆方五尺,厚一尺,刻方其中以容玉匱。磁旁施檢,刻深三 寸三分,闊一尺,當繩刻深三分,闊一寸五分。石檢十枚,以檢石礷,皆長三尺,闊一尺,厚 三寸,以藏上帝之册;金匱二,以藏配帝之册。纏以金繩五周,金泥、玉璽,璽方一寸二分, 、祀壇。 玉策三,以玉爲簡,長一尺二寸,廣一寸二分,厚三分,刻而金文。 玉匱一,長一尺 高宗乾封元年,封泰山,爲圓壇山南四里,如圓丘,三壝,壇上飾以青,四方如其色,號

帝褥以蒼,地祇褥以黃,配褥皆以紫,而尊爵亦更焉。 累,皆闊二尺,長一丈,斜刻其首,令與磁隅相應。又爲壇於山上,廣五丈,高九尺,四出陛, 「古今之制,文質不同。今封禪以玉牒、金繩,而瓦尊、匏爵、秸席,宜改從文。」於是昊天上 東方、西方皆二,去磠隅皆一尺。磠纏以金繩五周,封以石泥。 距石十二,分距磠隅,皆再 七分;印齒三道,皆深四寸,當璽方五寸,當繩闊一寸五分。檢立於礷旁,南方、北方皆三, 成、八陛如方丘,三壝。上飾以黃,四方如其色,其餘皆如登封。 遗,號登封壇。 玉牒、玉檢、石礤、石距、玉匱、石檢皆如之。 爲降禪壇於<u>社首山上,八隅</u>、 其議略定,而天子詔曰:

員外郎賈大隱等草具其儀,已而遇疾,不克封,至武后遂登封焉。 元年,又作奉天宮於嵩山南,遂幸焉。將以明年十一月封禪,詔諸儒國子司業李行偉、考功 封壇日萬歲臺,降禪壇日景雲臺,以紀瑞焉。其後將封嵩嶽,以吐蕃、突厥寇邊而止。永淳 日,御朝覲壇以朝羣臣,如元日之禮。乃詔立登封、降禪、朝覲之碑,名封祀壇曰舞鶴臺,登 氏爲亞獻,越國太妃燕氏爲終獻,率六宮以登,其帷帘皆錦繡。羣臣瞻望,多竊笑之。又明 又明日,祀皇地祇于社首山之降禪壇,如方丘之禮,以太穆皇后、文德皇后配,而以皇后武 册,置石感,聚五色土封之,徑一丈二尺,高尺〔〕。 已事,升山。 明日,又封玉册于登封壇 是歲正月,天子祀昊天上帝于山下之封祀壇,以高祖、太宗配,如圓丘之禮。親封玉

帝以下諸神於山下,其祀禮皆如圓丘。 君也。 覲,皆如巡狩之禮。 終之獻,不可異也。」於是三獻皆升山,而五方帝及諸神皆祭山下壇。 享也,不可諠譁。欲使亞獻已下皆行禮山下壇,召禮官講議。學士賀知章等言:「昊天上帝, 壇南爲燎壇,如山上。又爲玉册、玉匱、石磠,皆如高宗之制。 侯行果刊定儀注。 玉牒?」知章曰:「玉牒以通意於天,前代或祈長年, 「朕今爲民祈福,無一祕請,即出玉牒以示百寮。」乃祀昊天上帝於山上壇,以高祖配。 二尺,方一丈,開上,南出戶六尺。 十三年有 丈二尺, 高九尺, 其壇臺四面爲一階。又積柴爲燎壇於圓臺之東南, 量地之宜, 柴高一丈 玄宗開元十二年,四方治定,歲屢豐稔,羣臣多言封禪,中書令張說又固請, 五方精帝,臣也。 事 泰 Щ 立圓臺於山上,廣五丈,高九尺,土色各依其方。又於圓臺上起方壇,廣 於是說與右散騎常侍徐堅、太常少卿章縚、祕書少監康子元、 陛下享君於上,羣臣祀臣於下,可謂變禮之中。 又爲圓壇於山下,三成、十二階,如圓丘之制。又積柴於 而卜日、告天及廟、社、大駕所經及告至、問百年、朝 希神仙,旨尙微密,故外莫知。」帝曰: 玄宗初以謂升中於崇山,精 玄宗問:「前世何爲祕 然禮成於三,亞、 乃下制以 國子博士 祀五

請封玉册。」皇帝升自南陸,北向立。 其登山也,爲大次於中道,止休三刻而後升。 太尉進昊天上帝神座前,跪取玉册,置於桉以進。 其已祭燔燎,侍中前跪稱:「具官臣某言,

位。 匱, 跪藏於石感內。 侍中受寶,以授符寶郎。 拜。」皇帝再拜,退入于次。 帝受玉册,跪內之玉匱,纏以金繩,封以金泥。 金匱從降,俱復位。以金匱內太廟,藏於高祖神堯皇帝之石室。其禪于社首,皆如方丘之禮。 帥執事者以石 距封固,又以五色土圜封。 執事者覆石蓋,檢以石檢, 太尉進,皇帝跪捧玉匱授太尉,太尉退,復位。 太尉奉玉匱之桉於石礤南,北向立。 侍中取受命寶跪以進。 其配座玉牒封於金匱,皆如封玉匱。 纏以金繩, 封以石泥,以玉寶遍 執事者發石蓋,太尉奉玉 皇帝取寶以印玉匱 太常卿前奏:「請再 印 太尉奉 引降復

稷。 戒, 國有常刑。」將發,告于圓丘。前一日,皇帝齋,如郊祀。 既至,刺史、令皆先奉見。 具大駕鹵簿。 天子將巡狩, 告於其方之州曰:「皇帝以某月于某巡狩, 各脩乃守, 考乃職事。 敢不敬 所過州、縣,刺史、令候於境,通事舍人承制問高年,祭古帝王、名臣、烈 將作築告至圓壇於嶽下,四出陛,設昊天上帝、配帝 告昊天上帝, 又告于太廟、社

歌 ; 尊,在壇上南陛之東,北向。 所司爲壇。 爲瘞埳。 天子至,執事皆齋一日。明日,望於嶽、鎭、海、瀆、山、川、林、澤、丘、陵、墳、衍、原、隰, 設祭官次於東壝門外道南,北向;設饌幔內壝東門外道北,南向;設宮縣、登 祭官、執事皆齋一日。 設玉篚及洗,設神坐壇上北方。 嶽、鎭、海、瀆、山、川、林、澤、丘、陵、墳、衍、原、隰之 獻官奠玉幣及爵於嶽神,祝史

志第

74

助奠鎭、海以下。

授所 位壇 北 之,丹、漆、絲、纊四海九州之美物,重行陳。 門,繇北陛升壇,即坐,南向。 束, 史一人, 刺史東北,皆拜。 吏部主客戶部贊羣官、客使就門外位。 令次文官南,蕃客次武官南,列輦路壇南。 向 四出 錦以黃吧(三), 跪, 司, 西門外,給 南三分庭一,蕃客位於西。又設門外位,建牙旗於壝外,黃 刺史將升,中書令、黃門侍郎降立,旣升,乃取表升。 明 H 請以 解劍脫舄,執贄升前,北向跪奏:「官封臣姓名等敢獻壤 刺史劍、舄復位。 唑。 ,乃肆覲,將作於行宮南爲壝。三分壝間之二在南,爲壇於北,廣九丈六尺,高九 貢 設宮縣壇南,御坐壇上之北,解劍席南陛之西。 事 (物付所司,侍中承制曰:「可。」 宣已,又拜。 中以瑞桉俟于東門外,乃就侍臣位。初, 常貢之物皆篚, 初, 刺史、蕃客皆入壝門,至位,再拜, 刺史升奠贄, 蕃客以舍人稱制 其屬執列令後。文武九品先入就位。 刺史、令贄其土之實,錦、綺、繒、布、葛、越皆五 文官九品位壇東南, 在庭者以次奠於位前,皆再拜。 執者退,就東西文武前, 所司受贄出 如之。 戶部導貢物入刺史前,龜首之,金次 刺史將 尚書旣請受贄,中書令乃前跪讀 東門。 文、武官次門外東、西,刺史、 奠。」遂奠贄。舍人跪舉以 武官 入,乃各引桉分進東、西陛 中書侍郎以 **奠贄**,興, 麾大仗屯門, 側立。 西南, 執贄。 皇帝乘輿 相向。 戶 部 州鎭 通事舍人導 鈒戟陳壝中。 表方 尙 侍中降于 刺 書壇 入 史、令 北 兩 間 東 壝 刺

門外位。 黃門侍郎、給事中進跪奏瑞,侍郎、給事中導桉退,文武、刺史、國客皆再拜。 北向位者出就 皇帝降北陛以入,東、西位者出。 設會如正、至,刺史、蕃客入門,皆奏樂如 上公。

黜爵。 考時 定日 會之明 革制度、衣服者爲叛,有討。 同律,禮、樂、制度、衣服正之。 日 考制 度。 太常卿採詩陳之,以觀風俗。 有功德於百姓者,爵賞之。 山川 神祇有不舉爲不恭,宗廟有不愼爲不孝,皆 命市納賈,以觀民之好惡。典禮者

經於 武、學生皆就位 東, हों। 座 如意 太子乃入就 御 楹 北 一西階 者以授侍講, 座 皇帝 其 !向(日)。 北 日<sub>,</sub> 東 向。 西南, 南 視學,設大次于學堂後,皇太子次于大次東。 皇帝 位, 西向。 侍講座執讀者西 三館 堂下。 乘馬, 文、武三品以上分位於南, 在位皆 秉詣論義坐,問所疑,退,以如意授執者,還坐,乃皆降。 學官座武官後。 文臣三品以上座太子南,少退; 武臣三品以上於講楊 祭酒 皇太子 再 拜。 帥監官、學生迎于道左。 立于學堂門外, 侍中敕皇太子、王公升, 北、武官之前; 設堂下版位,脫履席西階下。 執 如意者 西向。 論義座於講楊前, 一人在執經者後,學生位于文、武後。 侍中奏「外辦」。皇帝升 皇帝入次, 皆再拜, 設御座堂上,講榻北向(三)。 乃坐。 執經、 北向。 皇太子位於東階東南,執 執 侍講、執 執 讀、 如意 西南;執 若賜會 北階, 執 經 如意 立於侍講之 釋 卽 。者與文 讀 則侍中 皇太子 座於

志

第

宣制,皇帝返次。 羣官旣會,皇帝還,監官、學生辭於道左。

之位於南,少退;諸執耒耜者位於公卿耕者之後、非耕者之前,西向。御耒耜一具,三公耒耜三具, 設御耕藉位於外壝南門之外十步所,南向;從耕三公、諸王、尙書、卿位於御坐東南,重行 公、酅公於御位 西南,北向;從官位於內壝東門之內道南,執事者居後;奉禮位於樂縣東北,贊者在南。又 皇帝孟春吉亥享先農,遂以耕藉。前享一日,奉禮設御坐於壇東,西向,望瘞位於壇

卿, **犧**令,横執之,左耜寘於席,遂守之。 帝耕止,三公、諸王耕五推,尚書、卿九推。 北 耒耜者皆就位。 諸王、尚書、卿各三人合耒耜九具。以下耒耜、太常各令藉田農人執之。 西向,以其推數爲列。其三公、諸王、尚書、卿等非耕者位於耕者之東,重行,西向北上;分 向立。 卿反之廩犧令,令復耒於韜,執以興,復位。 皇帝已享,乃以耕根車載耒耜於御者間,皇帝乘車自行宮降大次。 司 '農卿進受之,以授侍中,奉以進。 |西南,東向北上。尙舍設御耒席於三公之北少西,南向。奉禮又設司農卿 皇帝出就耕位,南向立。 皇帝將望瘞,謁者引三公及從耕侍耕者、司農卿與執 廩犧令進耒席南,北向,解韜出耒,執以興,少退, 執耒者前受之。皇帝還,入自南門,出內壝東 皇帝受之,耕三推。 皇帝初耕,執耒者皆以耒耜授侍耕者。 侍中前受耒耜,反之司農 乘黃令以耒耜授廩

門,入大次。享官、從享者出,太常卿帥其屬耕于千畝

皇帝還宮,明日,班勞酒於太極殿,如元會,不賀,不爲壽。 藉田之穀,斂而鍾之神倉,

以擬粢盛及五齊、三酒,穰橐以食牲。

「禮,天子藉田南郊,諸侯東郊。晉武帝獨東南,今帝社乃東壇,未合於古。」太宗曰:「書稱 藉田祭先農,唐初爲帝社,亦曰藉田壇。貞觀三年,太宗將親耕,給事中孔穎達議曰:

議風伯、雨師、靈星、先農、社、稷爲國六神。一晉太始四年,耕於東郊,以太牢祀先農。 置,皆無處所。或曰二社並處,而王社居西。崔氏、皇甫氏皆曰王社在藉田。 武乃不立官稷,相承至今。」魏以官社爲帝社,故擊虞謂魏氏故事立太社是也。 以后稷配官稷。臣瓚曰:『高紀,立漢社稷,所謂太社也。官社配以禹,所謂王社也。至光 社之義,宜正名爲帝社。」太常少卿章叔夏、博士張齊賢等議曰:「祭法,王者立太社,然後 『春始東耕於藉田,引詩先農,則神農也。』又五經要義曰:『壇於田,以祀先農如社。』魏秦靜 立王社,所置之地,則無傳也。漢興已有官社,未立官稷,乃立于官社之後,以夏禹配官社 而祈社稷。』禮:『天子爲藉千畝,諸侯百畝。』則緣田爲社,曰王社、侯社。今曰先農,失王 『平秩東作』,而青輅、黛耜,順春氣也。吾方位少陽,田宜于東郊。」乃耕于東郊。 垂拱中,武后藉田壇日先農壇。 神龍元年,禮部尚書配欽明議曰:「周頌載芟:『春藉田 梭衞宏漢儀 晉或廢或

志第

以合古王社之義。其祭,準令以孟春吉亥祠后土,以句龍氏配。」於是爲帝社壇,又立帝稷 田也。 二祀,不可。」叔夏、齊賢等乃奏言:「經無先農,禮曰『王自爲立社,曰王社。』先儒以爲在藉 異名而分祭,牲以四牢。」欽明又言:「漢祀禹,謬也。今欲正王社、先農之號而未決,乃更加 教。彼秦靜何人,而知社稷、先農爲二,而藉田有二壇乎。先農、王社,一也,皆后稷、句龍 祭神農乎?社、稷之祭,不取神農耒耜大功,而專於共工、烈山,蓋以三皇洪荒之迹,無取爲 后土,逿勝夏,欲遷而不可。故二神,社、稷主也。黃帝以降,不以養、農列常祀,豈社、稷而 社。古之祀先農,句龍、后稷也。烈山之子亦謂之農,而周寒繼之,皆祀爲稷。共工之子日 社、帝稷、配以禹、寒,則先農、帝社並祠,叶於周之藏芟之義。」欽明又議曰:「藉田之祭本王 舊儀及國朝先農皆祭神農于帝社,配以后稷。則王社、先農不可一也。今宜於藉田立帝 壇於西,如太社、太稷,而壇不設方色,以異於太社。 永徽中猶曰藉田,垂拱後乃爲先農。然則先農與社一神,今先農壇請改曰帝社壇,

開元十九年,停帝稷而祀神農氏於壇上,以后稷配。二十三年,親祀神農於東郊,配以

句芒,遂躬耕盡壠止。

氏,以后稷配。 肅宗乾元二年,詔去耒耜雕刻,命有司改造之。天子出通化門,釋載而入壇,遂祭神農 冕而朱紘、躬九推焉。

收之。 牛各一人。 庶人耕牛四十,各二牛一人。 導之。 右衞 奉耒耜,中書令一人、禮部尙書一人侍從,司農卿一人授耒耜於侍中,太僕卿一人執牛,左、 考。」乃據 陪於庶人耕位 五品、六品清官攝;一人掌耒耜,太常寺用本官。 太常帥其屬用庶人二十八, 五。 十人,用六品以下官,皆服袴褶。 人,分贊耕禮。 人,具朝服, 品官及嗣王攝。推數 『將軍各一人侍衞。 三公以宰相攝,九卿以左右僕射、尙書、御史大夫攝,三諸侯以正員 御耒之牛四,其二, 憲宗 執耒持耜,以高品中官二人,不袴褶。 藉耒耜丈席二。 先農壇高五尺,廣五丈,四出陛,其色青。 三公、九卿、諸侯耒十有 禮經參采開元、乾元故事,爲先農壇於藉田。皇帝夾侍二人、正衣二人,侍中一人 元和五年, 詔以來歲正月藉田。 太常脩撰章公肅言: 「藉田禮廢久矣, 南。 當耕時立 司農少卿一人,督視庶人終千畝。 三公從者各三人,九卿、諸侯從者各一人,以助耕。 一用古制。 副也。 田 側 以郊社令一人押之。 畢乃退。 并牛衣。 御耒耜二, 丼韜皆以青。 禮儀使一人、太常卿一人贊禮;三公、九卿、諸侯執牛三 畿甸諸縣令先期集, 每牛各一人,絳衣介幘, 庶人耒耜二十具、鍤二具,木爲刃。 皇帝詣望耕位, 三公、九卿、諸侯耕牛四十, 太常少卿一人, 廩犧令二人,間 其制度取合農用, 不雕 以常服陪耕所。 通事舍人分導文、武就耕所。 取閑農務者, 一人奉耒耜授司 率庶人趨耕所。 皆絳服介幘,用其本 耆艾二十人, 禮司以 其十,副 主藉 有司 農卿,以 博士六 田 人贊 無 畢 日 可

司隸。是時雖草具其儀如此,以水旱用兵而止。

於大次西南,陪位者次又於西南,皆東向。文官於北,武官於南,朝集使又於其南,皆相地 皇帝謁陵,行宮距陵十里,設坐於齋室,設小次於陵所道西南,大次於寢西南。 侍臣次

隅,西向,有岡麓之閡,則隨地之宜。又設位於寢宮之殿東陛之東南,西向。 前行二日,遣太尉告於廟。皇帝至行宮,卽齋室。陵令以玉册進署。設御位於陵東南 百官、行從、宗室、客使位神道左右,寢宮則分方序立大次前。 尊站陳于堂戶

再拜。 拜。入省服玩,抆拭帳簀,進太牢之饌,加珍羞。皇帝出尊所,酌酒,入,三奠餜,北向立。太祝 帝步至寢宮南門,仗衞止。乃入,繇東序進殿陛東南位,再拜;升自東階,北向,再拜,又再 者再拜。 使之當陪者就位。皇帝素服乘馬,華蓋、繖、扇,侍臣騎從,詣小次。步出次,至位,再拜,又 二人持玉册于戶外,東向跪讀。 其 在位皆再拜,又再拜。少選,太常卿請辭,皇帝再拜,又再拜。奉禮曰:「奉辭。」在位 (日,未明五刻,陳黃麾大仗於陵寢。 三刻,行事官及宗室親五等、諸親三等以上丼客 皇帝還小次,乘馬詣大次,仗衞列立以俟行。百官、宗室、諸親、客使序立次前。皇 皇帝再拜,又再拜,乃出戶,當前北向立。 太常卿請辭,皇

帝再拜,出東門,還大次,宿行宮。

有司行事 若 太子、諸王、公主陪葬柏城者, 皆祭寢殿東廡; 功臣陪葬者, 祭東序。 爲位奠饌, 以

出寢宮北門,乘車還。 門,降興,入大次,詣寢殿前西階之西,妃嬪、公主位於西至,司贊位妃嬪東北,皆東門,降興,入大次,詣寢殿前西階之西,妃嬪、公主位於西至,司贊位妃嬪東北,皆東 白練單衣。 南,各於次東,司贊位妃嬪東北,皆東向。 南, 退西廂 皇后還寢東大次,陪者退。皇后鈿釵禮衣,乘輿詣寢宮,先朝妃嬪、大長公主以下從。 后再拜,在位者皆拜。 皆東向。 或皇后從謁,則設大次寢宮東,先朝妃嬪次於大次南,大長公主、諸親命婦之次又於其 東向立,進食。 內典引導妃嬪以下就位。 以行帷具障謁所, 皇后繇西階入室,詣先帝前再拜,復詣先后前再拜,進省先后 皇帝出,乃降西階位。辭,再拜,妃嬪皆拜。 內謁者設皇后位於寢宮東, 大次前, 少東。 皇后再拜,陪者皆拜。 皇帝既發行宮,皇后乘四望車之大次,改服假髻, 少選,遂辭,又拜,陪者皆拜。 詣大次更衣,皇帝過,乃 先朝妃嬪位西 前。皇 服 至北

車,奉禮郞以下從。 繖, 列俟于太常寺門。 天子不躬謁, 則以太常卿行陵。 至次,設卿位兆門外之左,陵官位卿東南,執事又於其南,皆西向。 設次陵南百步道東,西向。 所司撰日, 車府令具軺車一馬清道, 青衣、團易、 右校令具薙器以備汛掃。 太常卿公服乘 曲蓋

志第

20

禮

四

禮郞位陵官之西,贊引二人居南。太常卿以下再拜,在位皆拜。 謁者導卿,贊引導衆官入,

奉行、復位皆拜。出,乘車之它陵。有芟治,則命之。

考陵,朔、望及節祭,而日進食。又薦新於諸陵,其物五十有六品。始將進御,所司必先以 凡國陵之制,皇祖以上至太祖陵,皆朔、望上食,元日、多至、寒食、伏、臘、社各一祭。皇

興。禮畢,改服入寢宮,執饌以薦。閱高祖及太穆后服御,悲感左右。步出司馬北門,泥行 貞觀十三年,太宗謁獻陵,帝至小次,降興,納履,入闕門,西向再拜,慟哭俯伏殆不能

送太常與尙食,滋味薦之,如宗廟。

一百岁

謁寢宮。入寢哭踴,進東階,西向拜號,久,乃薦太牢之饌,加珍羞,拜哭奠饌。 閱服御而後 永徽二年,有司言:「先帝時,獻陵旣三年,惟朔、望、冬至、夏伏、臘、淸明、社上食,今昭

辭,行哭出寢北門,御小輦還。

年,右臺侍御史唐紹上書曰:「禮不祭墓,唐家之制,春、秋仲月以使具鹵簿衣冠巡陵。 天授 始,貞觀禮歲以春、秋仲月巡陵,至武后時,乃以四季月、生日、忌日遣使詣陵起居。 景龍二 顯慶五年,詔歲春、秋季一巡,宜以三公行陵,太常少卿貳之,太常給鹵簿,仍著於令。

無復。 有祭。 皆在廟,近代始以朔、望諸節祭陵寢,唯四時及臘五享廟。 食,近於古之薦新。鄭注禮記:『殷事,月朔、半薦新之奠也。』又:『旣大祥卽四時焉。』 之月祭,二祧之廟無月祭。』則古皆無日祭者。今諸陵朔、望食,則近於古之殷 **禱**乃止。 皇考廟、日顯考廟,皆月祭之。遠廟爲祧,享嘗乃止。去祧爲壇, 月祭於便殿。 陵如紹奏。」至是又獻、昭、乾陵皆日祭。 太常博士彭景直上疏曰:「禮無日祭陵,惟宗廟 祖 忌日、節日 廟議,京師自高 人情沿革,何專古爲?乾陵宜朝晡進奠如故。 則日祭,曾高則月祀,二祧則時享,壇、墠則歲貢』。後漢陵寢之祭無 乃有起居,遂爲故事。 議者亦以祭不欲數,宜復古四時祭於廟。 故王設廟、祧、壇、墠爲親疎多少之數,立七廟、一壇、一墠。 又譙周祭志:『天子始祖、高祖、曾祖、祖、考之廟,皆月朔加薦,以象平生朔食,謂 起居,準式二時巡陵。」手敕曰:「乾陵歲多至、寒食以外使,二忌以內使朝奉。它 國家諸陵日祭請停如禮。」疏奏,天子以語侍臣曰:「禮官言諸陵不當日 元帝時, 貢禹以禮節煩數, 祖 下至宣帝,與太上皇、悼皇考陵旁立廟, 夫起居者,參候動止,事生之道,非陵寢法。 願罷郡國廟。 後劉歆引春秋傳『日祭,月祀, 昭、獻二陵日一進,或所司苦於費,可減 丞相章玄成等又議七廟 考經據禮,固無 園各有寢、便殿, 去壇爲墠,有禱焉祭之,無 日考廟、日王考廟、日 傳焉, 請停四季及生日、 日祭於陵。 故日祭於寢 魏、晉以降, 事 時享,歲貢。 外, ; 進食。夫 諸 此 寢園皆 唯漢 其祭 節 H 月

**股常膳爲之。**」

開元十五年敕:「宣皇帝、光皇帝陵,以縣令檢校,州長官歲一巡。」又敕:「歲春、秋巡

陵、公卿具仗出城、至陵十里復。」

兵馬供衞,遂謁定陵、獻陵、昭陵、乾陵乃還。 十七年,玄宗謁橋陵,至壖垣西闕下馬,望陵涕泗,行及神午門,號慟再拜。且以三府

給輅二乘及仗。明年,制:「以宣皇帝、光皇帝、景皇帝、元皇帝追尊號諡有制,而陵寢所奉 薦衣於諸陵。又常以寒食薦餳粥、雞毬、雷車,五月薦衣、扇。 韶: 建初、啓運、興寧、永康陵,歲四時、八節,所司與陵署具食進。」天寶二年,始以九月朔 未稱。建初、啓運陵如興寧、永康陵,置署官、陵戶,春、秋仲月,分命公卿巡謁。二十年 望、忌日合,即準節祭料。橋陵日進半羊食。二十七年,敕公卿巡陵乘輅,其令太僕寺,陵 二十三年,詔獻、昭、乾、定、橋五陵,朔、望上食,歲多至、寒食各日設一祭。 若節與朔、

陵司舊日署,十三載改獻、昭、乾、定、橋五陵署爲臺,令爲臺令,陞舊一階。是後諸陵

署皆稱臺。

歲冬至、寒食、伏、臘、社一祭,而罷日食。」制曰:「可。」貞元四年,國子祭酒包信言:「歲二 大曆十四年,禮儀使顏眞卿奏:「今元陵請朔、望、節祭,日薦,如故事;泰陵惟朔、望、

郎設位北門外之左,陵官位其東南,執事官又於其南。 月、八月,公卿朝拜諸陵,陵臺所由導至陵下,禮略無以盡恭。」於是太常約舊禮草定曰:「所 司先撰吉日,公卿輅車、鹵簿就太常寺發,抵陵南道東設次,西向北上。 謁者導公卿, 典引導衆官就位, 公卿旣至次,奉禮

乃因之不視事 故事,朝陵公卿發,天子視事不廢。 十六年,拜陵官發,會董晉卒,廢朝。 是後公卿發,

公卿、衆官以次奉行,拜而還。」

時享,朔、望上食,諸陵以朔、望奠,親陵以朝晡奠,其餘享及忌日告陵皆停。」 臣建言:「禮有著定,後世徇一時之慕,過於煩,丼故陵廟有薦新, 元和元年, ,禮儀使杜黃裳請如故事,豐陵日祭,崇陵唯祭朔、望、節日、伏、臘。 二年,宰 而節有遣使, 請歲太廟以

### 校勘記

- 1) 高尺 舊書卷二三禮儀志、唐會要卷七「尺」上有「九」字。
- $\Xi$ 錦以 黄帊 開元禮卷六二、通典卷一一 八均作「飾以黃吧」。
- 講 楊 北 向 開元禮卷五二、通典卷一一 七俱云:「監司設講 楊於御 座 之西, 南向。
- 執 如 意立 於侍講之東北 向 願元禮卷五二、通典卷一一七俱云:「其執如意者一人,立於侍講之

志第四 禮樂四 校勘記

(三) 妃嬪公主位於西 開元禮卷四五、通典卷一一六均謂「其妃嬪、公主等陪從,立於皇后之南」。

# 書卷十五

## 志第五

#### 禮 樂五

迎。 輿入室。 散齋之日,內侍帥內命婦之吉者,使蠶於蠶室,諸預享者皆齋。 即御座,六尙以下侍衞。一刻頃,尙儀前跪奏稱:「尙儀妾姓言,請降就齋室。」皇后降座,乘 版奏「請中嚴」。尙服帥司仗布侍衞,司賓引內命婦陪位。 六尙以下,各服其服,詣後殿奉 於正殿。前一日,尙舍設御幄於正殿西序及室中,俱東向。致齋之日,晝漏上水一刻,尙儀 尚儀版奏「外辦」。上水二刻,皇后服鈿釵禮衣,結珮,乘輿出自西房,華蓋警蹕。 皇后歲祀一,季春吉巳享先蠶,遂以親桑。 散齋三日於後殿; 致齋一日於正寢, 一日 皇后

後, 俱南向。 前享三日,尚舍直長設大次於外壝東門之內道北, 志 守宮設外命婦次,大長公主、長公主、公主以下於南壝之外道西,三公夫人以 南向,內命婦及六份以下次於其

第 五. 醴 樂 五 洗、篚冪入,設於位。升壇者自東陛。享日,未明十五刻,太官令帥宰人以鸞刀割牲,祝史 南,亞獻之洗又於東南,俱北向;幣篚於壇上尊坫之所。晡後,內謁者帥其屬以尊坫、罍 南,北向西上;執御鉤、筐者位於內命婦之西少南,西上;內外命婦執鉤、筐者位各於其采 外,大長公主以下於道東,西向口,當內命婦,差退;太夫人以下於道西,去道遠近如公外,大長公主以下於道東,西向口,當內命婦,差退;太夫人以下於道西,去道遠近如公 間,當壇北向。內命婦位於終獻之南,絕位,重行異位,西向北上;外命婦位於中壝南門之 贊、掌贊位於埋埳西南,東面南上;典樂舉麾位於壇上南陛之西,東向;司樂位於北縣之 於西南,東向。女史各陪其後。司贊位於樂縣東北,掌贊二人在南,差退,西面。又設司 內道南,執事者位於其後,重行異位,西向北上。典正位於壇下,一位於東南,西向;一位 謁者設御位於壇之東南,西向;望瘞位於西南,當瘞埳,西向。 亞獻、終獻位於內壝東門之 高五尺,四出陛。尚舍量施帷障於外壝之外,四面開門,其東門足容厭翟車。前享一日,內 命婦於南壝之外道西,如設次。設酒尊之位於壇上東南隅,北向西上;御洗於壇南陛東 桑位之後。設門外位:享官於東壝之外道南,從享內命婦於享官之東,北面西上,從享外 主,重行異位,相向北上。又設御采桑位於壇上,東向;內命婦采桑位於壇下,當御位東 宮縣之樂於壇南內壝之內,諸女工各位於縣後。右校爲采桑壇於壇南二十步所,方三丈, 下在其南,重行異位,東向北上。陳饌幔於內壝東門之外道南,北向。 前享二日,太樂令設

以 取 毛 血 一置於饌所, 遂烹牲。 五. 刻, 司設升, 設先蠶氏神座於壇上北方, 南向

嚴」。 華蓋 筐、 等 迎。 鉤 尙服 車 前间 、侍衞 載之而行。」其 從, 刻, 享 、警蹕。 諸翊 寶, 日, 搥三鼓爲三嚴。 內僕進厭翟車於閣 駕之官皆乘馬。 金吾 內 奏:「請外命婦 日 命 1未明 婦從出門。 几 司賓引內 刻 駕 外, 搥 動, 等應集壇 皇后升 警蹕, 尙儀版 命婦入,立於庭, 鼓爲一嚴;二刻, 車 不鳴 所 奏「外辦」。 尙功 者聽夜行, 鼓 角。 進 鉤 重 內命 馭 行, 其 搥二鼓 司 者 製 應采 一執轡, 婦、宮人 西 進 面 為再 筐, 桑 皇 北 耆 以次從 載 后 上。 远人, 嚴。 之。 服 六尙 鞠 尙 各有女侍 內 衣, 儀 命 以下詣 版 乘輿以 婦及六佾 奏 請 室奉 者 進 中

媥 就 執 及 帥 從享 位 拿 至 其 華 罍 大 屬 其 就 풆 司 篚 次 詣 內 日 位 樂 、織、扇。 門外,迴 幂 命 廚 帥 奉饌 刻 者 婦 女工 皇 入自 俱 尙儀 后 就門 尙儀 車 停大次半刻頃, 人入,典贊 東門、當 設於 及 南 外位。 辽 司 向 祝 饌 醞 尙 《幔內。 壇 版 帥 儀進 司贊 引 南, 進, 其 亞 屬 御署 獻 司言引尚宫立於大次門外, 北 帥 車 駕 入,實尊 掌 前 向 、終獻, 將至, 西上。 **贊先入就位**, ,出奠於坫。 跪奏稱:「尙儀妾姓言,請降 女相 女相 罍及幣, 司 贊 者 者 引 日 引享官, 尙 女相 太官令實諸變、 -執 功、 事 再 者引 者、 拜。」掌贊承 司 內典 製進 當門北 尚儀、 司 賓 F 一受鉤 車。」皇 引 引 豆 典正 向。 內命 外命 八筐以 傳, 、簠、簋、 尙儀以下皆 再拜 及 后 尙儀版奏「外辦」。 婦、內典 婦, 女史、 降 退 車,乘輿之大 俱 俎 典贊 等, 就門外位。 引 祝 史與女 內謁者 引 引 外命 獻

志

第

Ŧī.

拜, 右, 進, 出。 跪 內 南 北 皇 初 日:衆官再 在 遵。 取 壝 陛, 位 面 后 內 奠爵 降自南陛,復于位。 受爵。 立, 一者皆 尙 盤 饌 東門之外。 出 尚儀 外 面 升 尙 儀 次, [跪讀 命婦 尚儀 興 贊酌 自 儀 興。 再 迎引 尙儀 入自 以 承 南 拜。 拜。」在位 奉 祝 拜 尙儀 水。 唑, 鳢 飯 文。 訖, ·幣東向進,皇后受幣,進,北 酌 於壇上,進, 東門, 齊, 變、 **倘宮曰:「有司** 皇后旣 一份儀迎引 | 罍水, 女祝 帥 皇后 皇后再拜 胙 進先蠶 者皆 女進饌者持變、俎 至 俎 杒, 史奉 盥 降, 一版位, 司 一西向 再拜。 言奉盤, 皇后獻將畢,典贊引貴妃詣罍洗,盥手,洗爵,自東陛升壇, 於壇上, 復位。 氏神 跪 毛 司言跪 ,尙儀以爵酌 以 奠於神座前。 血之豆立於內瓊東門之外, 西向立。 謹 次進, 座前 壇 **具**, 司膳引饌 皇后洗 取 設於神座前。 上尙儀 請 巾於篚,進以 皇后每受以授左右。 北向 進 尚宮曰:「再拜。」皇后再拜。 行事。」樂三成。 神 上拿 爵, 跪取幣於篚 向,跪奠於神座,少退, 跪, 前,三牲胙 入, 皇后旣升 司言授巾, 福 **奠**爵, 至階。 皇后詣罍洗 酒 晚 西向 **愛幣**, 興,少退, 肉各置 受巾, 女祝 興, 尚宮曰:「再拜。」 皆 進, 皇后已 立於尊所。 乃跪 史跪徹 如 司膳出, 尚儀 皇后再 跪奠於篚。 一组, 初。 坑 坂 再拜, **夏幣**, 跪 舒, 皇后 毛血 又以 尙儀 帥 拜 取 司 塗飲, 受餌,跪, 匜, 女進 降自南 贊曰:「衆官再拜。」 之豆, 升自 乃奉 **變取稷、黍** 皇后 乃取 持 皇 興,沃水 版進 饌 后 壇 毛 卒爵, 自 爵 降 者 陛,復于位。 再 南陛, 血 壇 於篚, 於神座之 自 奉 拜。 祭酒 入, 南 X飯共置 東 饌 興, ) 陛升, 詣酒 酌盎 升自 隆以 司言 陳 司贊 啐 興, 再 於

各四人實土半埳。尚宮曰:「禮畢,請就采桑位。」尚宮引皇后詣采桑壇,升自西陛,東向立。 尙儀執篚進神座前,取幣,自北陛降壇,西行詣瘞埳,以幣置於埳。 拜。」在位者皆再拜。倘宮請就望瘞位,司贊帥掌贊就瘞埳西南位,皇后至望瘞位,西向立。 祭,遂飲,卒爵,再拜,降自東陛,復位。 齊于象奪,進神座前,北向跪,奠爵,興,少退,再拜。 「賜胙。」掌唱曰:「衆官再拜。」在位者皆再拜。 尙宮曰:「再拜。」皇后再拜。司贊曰:「衆官再 昭儀終獻如亞獻。尚儀進神座前,跪徹豆。司贊曰: 尙儀以爵酌福酒進,貴妃再拜受爵,跪 司贊曰:「可瘞埳。」東西

外命婦各還其次。尙儀、典正以下俱復執事位。司贊曰:「再拜。」尙儀以下皆再拜,出。女 以桑授蠶母,蠶母切之以授婕妤食蠶,灑一簿止。尙儀曰:「禮畢。」尙宮引皇后還大次,內 條,止,典製等受鉤,與執筐者退,復位。司賓各引內外命婦采桑者以從(11),至蠶室,倘功 外命婦。皇后采桑訖,內外命婦以次采,女史執筐者受之。內外命婦一品采五條,二品采九 以筐受之。皇后采三條止,尙功前受鉤,典製以筐俱退。皇后初采桑,典製等各以鉤授內 品、三品各一人。皇后既至,尙功奉金鉤自北陛升,進。典製奉筐從升。皇后受鉤,采桑,典製 工人以次出。其祝版燔於齊所。 初,皇后將詣望瘞位,司賓引內外命婦采桑者、執鉤筐者皆就位。 內外命婦一品各二人,二

車駕還宮之明日,內外命婦設會於正殿,如元會之儀,命曰勞酒。

稱:「天子謹遣。」 星,立冬後亥日祀司中、司命、司人、司祿,季夏土王之日祭中霤,孟冬祭司寒。皆一獻。祝 其有司歲所常祀者十有三::立春後丑日祀風師,立夏後申日祀雨師,立秋後辰日祀靈

先師於先聖東北,南向;其餘弟子及二十一賢以次東陳,南向西上。其餘皆如常祀。 位、北向西上;館官、學官位於三獻東南、北向西上。設先聖神座於廟室內西楹間、東向; 內道之左右,重行北面,相對爲首。設三獻門外位於東門之外道南,執事位於其後,每等異 官、館官位於縣東,當執事西南,西向,學生位於館官之後,皆重行北上;觀者位於南門之官、館官位於縣東,當執事西南,西向,學生位於館官之後,皆重行北上;觀者位於南門之 樂以軒縣。前享一日,奉禮郞設三獻位于東門之內道北,執事位於道南,皆西向北上;學 其中春、中秋釋奠于文宣王、武成王,皆以上丁、上戊,國學以祭酒、司業、博士三獻,

其服青衿。至學門外。博士公服,執事者引立學堂東階上,西面。相者引皇子立於門東, 皇子東脩:東帛一篚,五匹;酒一壺,二斗;脩一案,五脡。 其日平明,皇子服學生之 陳東帛篚、壺酒、脯案於皇子西南,當門北向,重行西上。將命者出,立門西,東面,

篚。 酒、脩、幣以東。相者引皇子立於階間近南,北面,奉酒、脩者出。 酒、脩者立於皇子西南,東面北上。皇子跪,奠篚,再拜。博士答再拜,皇子還避,遂進,跪取 階下,西面。相者引皇子,執事者奉壺酒、脩案以從,皇子入門而左,詣西階之南,東面。 曰:「某辭不得命,敢不從。」將命者出告,執篚者以篚東面授皇子,皇子執篚。博士降俟于東 子就位,某敢見。」將命者出告,皇子曰:「某不敢以視賓客,請終賜見。」將命者入告,博士 德,請皇子無辱。」 若已封王,則云「請王無辱」。 將命者出告,皇子固請。博士曰:「某也不德,請皇 曰:「敢請就事。」皇子少進,曰:「某方受業於先生,敢請見。」將命者入告。 博士曰:「某也不 相者引皇子進博士前,東面授幣,奉壺酒、脩案者從,奠於博士前,博士受幣,執事者取 其學生東帛、酒、脩以見,如皇子。 皇子拜訖,相者引皇子出。

先聖,以顏回配。 人,然釋奠於學,以夫子也。 九年封孔子之後爲褒聖侯。 戶二十以奉之。 武德二年,始詔國子學立周公、孔子廟;七年,高祖釋奠焉,以周公爲先聖,孔子配。 十四年,太宗觀釋奠於國子學,詔祭酒孔穎達講孝經。 四年,韶州、縣學皆作孔子廟。 大業以前,皆孔丘爲先聖,顏回爲先師。」乃罷周公,升孔子爲 貞觀二年,左僕射房玄齡、博士朱子奢建言:「周公、尼父俱聖 十一年,韶尊孔子爲宣父,作廟於兗州,給

第五 禮樂五

志

先師。秦、漢釋奠無文,魏則以太常行事,晉、宋以學官主祭。且國學樂以軒縣,尊、俎須於 中書侍郎許敬宗等奏:「禮:『學官釋奠于其先師。』鄭氏謂:『詩、書、禮、樂之官也。』四時之 以配享。 向、鄭衆、賈逵、杜子春、馬融、盧植、鄭康成、服虔、何休、王肅、王弼、杜預、范甯二十二人皆 初獻,以祭酒張後胤亞獻,光州刺史攝司業趙弘智終獻。 官,非臣下所可專也。請國學釋奠以祭酒、司業、博士爲三獻,辭稱『皇帝謹遣』。州學以刺官,非臣下所可專也。請國學釋奠以祭酒、司業、博士爲三獻,辭稱『皇帝謹遣』。州學以刺 學,將習其道,故釋奠各以其師,而不及先聖。惟春、秋合樂,則天子視學,有司總祭先聖、 史、上佐、博士三獻,縣學以令、丞、主簿若尉三獻。如社祭,給明衣。」會皇太子釋奠,自爲 二十一年,詔左丘明、卜子夏、公羊高、穀梁赤、伏勝、高堂生、戴聖、毛萇、孔安國、劉 而尼父廟學官自祭之,祝曰:「博士某昭告于先聖。」州、縣之釋奠,亦以博士祭。

公作禮樂,當同王者之祀。」乃以周公配武王,而孔子爲先聖。 孫无忌等言:「禮:『釋奠于其先師。』若禮有高堂生,樂有制氏,詩有毛公,書有伏生。 又禮: 『始立學,釋奠于先聖。』鄭氏注:『若周公、孔子也。』故貞觀以夫子爲聖,衆儒爲先師。 且周 永徽中,復以周公爲先聖,孔子爲先師,顏回、左丘明以降皆從祀。 顯慶二年, 太尉長

孔子廟。武后天授元年,封周公爲褒德王,孔子爲隆道公。 神龍元年,以鄭、魯百戶爲隆道 總章元年,太子弘釋奠于學,贈顏回爲太子少師,曾參少保。咸亨元年,詔州、縣皆營

公采邑,以奉歲祀,子孫世襲褒聖侯。 睿宗太極元年,以兗州隆道公近祠戶三十供灑掃,加

贈顏回太子太師,曾參太子太保,皆配享。

義,乃詔二獻皆用胄子,祀先聖如釋奠。右散騎常侍褚无量講孝經、禮記文王世子篇 玄宗開元七年,皇太子齒胄於學,謁先聖,詔宋璟亞獻,蘇頲終獻。臨享,天子思齒胄

經於夫子,請享之如二十二賢。」乃詔十哲爲坐象, 悉豫祀。 子列象廟堂不豫享,而范甯等皆從祀。 明年,司業李元瓘奏:「先聖廟爲十哲象,以先師顏子配,則配象當坐,今乃立侍。 請釋奠十哲享於上,而圖七十子於壁。 曾參特爲之象, 坐亞之。 曾參以孝受 餘弟 圖七

十子及二十二賢於廟壁。

公,子騫費侯,伯牛鄆侯,仲弓薛侯,子有徐侯,子路衞侯,子我齊侯,子貢黎侯,子游吳侯, 未改。至是,二京國子監、天下州縣夫子始皆南向,以顏淵配。贈諸弟子爵公侯:子淵兗 憲原伯,公冶長莒伯,南宮适郯伯,公晳哀郳伯,曾點宿伯,顏路杞伯,商瞿蒙伯,高柴共伯, 子夏魏侯。又贈曾參以降六十七人:參成伯,顓孫師陳伯,澹臺滅明江伯,密子賤單伯,原 長史,代代勿絕。先時,孔廟以周公南面,而夫子坐西墉下。貞觀中,廢周公祭,而夫子位 漆雕開滕伯,公伯寮任伯,司馬牛向伯,樊遲樊伯,有若卜伯,公西赤邵伯,巫馬期鄑伯,梁 二十七年,韶夫子旣稱先聖,可諡曰文宣王,遣三公持節册命,以其嗣爲文宣公,任州

志第五

禮

梁伯 怕, 蔵下邳伯(三),公肩定新田伯、顏襄臨沂伯、鄡單銅鞮伯,句井彊淇陽伯, 異平陸伯, 漁 商 蜀 鱣 、陽伯, 鄗 E 梁伯 原亢 洛伯, 邑伯, 漆雕 籍 顔柳 鄭子徒滎陽伯,秦非汧陽伯,施常乘氏伯,顏噲朱虚伯,步叔乘淳于伯,顏之僕東武 ,申黨召陵伯,公祖子之期思伯,榮子旗雩婁伯,縣成鉅野伯,左人郢臨淄伯,燕伋 孔忠汶陽伯,公西與如重丘伯,公西蔵祝阿伯。於是二京之祭,牲太牢、樂宮縣、 萊蕪伯,樂欬昌平伯,廉絜莒父伯,顏何開陽伯,叔仲會瑕丘伯,狄黑臨濟伯,邽 一般武城伯,顏子驕琅邪伯,漆雕徒父須句伯, 任不齊任城伯,公夏首亢父伯,公良孺東牟伯, 蕭伯,冉孺郜伯,曹卹豐伯,伯虔鄒伯,公孫龍黃伯, ,壤駟赤北徵 后處營丘伯, ,冉季產 伯, 秦開彭衙伯, 罕父黑乘丘伯,秦 商澤睢陽伯, 東平伯, 秦子南少 奚容

舞六佾矣。州縣之牲以少牢而無樂。

言上丁釋奠與大祠同,卽用中丁,乃更用日謁於學。 復 元 洞 元 二京,惟正 乃奏宮縣於論 堂 年, 一成, 十八年,詔春秋二仲上丁,以三公攝事,若會大祀,則用中丁,州、縣之祭,上丁。上 肅宗以歲旱罷中、小祀,而文宣之祭,至仲秋猶祠之於太學。永泰二年八月,脩國 祭酒 會之樂用宮縣,郊 蕭昕始奏釋奠, 堂, 而雜以敎坊工伎。 廟之享,登歌而已,文、武二舞亦不能具。至是,魚朝恩典監 宰相元載、杜鴻漸、李抱玉及常參官、六軍將軍就觀焉。 貞元九年季多,貢舉人謁先師日與親享廟同,有司 元和九年,禮部奏貢舉人謁先師,自是 自

不復行矣。

省,先謁太公廟。 證無配享。 子房生漢初,佐高祖定天下,時不與太公接。 出師命將,發日引辭于廟。 開元十九年,始置太公尙父廟,以留侯張良配。 請以張良配漢祖廟。」 乾元元年,太常少卿于休烈奏:「秋享漢祖廟,旁無侍臣,而太公乃以張良 仍以古名將十人爲十哲配享。 古配食廟庭, 中春、中秋上戊祭之、牲、樂之制如文 天寶六載,詔諸州武 皆其佐命; 、太公,人臣也 舉人上

良爲配。後罷中祀,遂不祭。 漢太子少傅張良、齊大司馬田穰苴、吳將軍孫武、魏西河守吳起、 白起、漢准陰侯韓信、蜀丞相諸葛亮、唐尙書右僕射衞國公李靖、司空英國公李勣列於左, 上元元年,尊太公爲武成王,祭典與文宣王比,以歷代良將爲十哲象坐侍。 燕昌國君樂毅列於右,以 秦武安君

廣、大司馬冠軍侯霍去病,後漢太傅高密侯鄧禹、左將軍膠東侯賈復、執金吾雍奴侯寇恂 孫臏, 之數,樂奏軒縣。」詔史館考定可配享者,列古今名將凡六十四人圖形焉:越相國范蠡,齊將 **伏波將軍新息侯馬援、太尉槐里侯皇甫嵩,** 建中三年,禮儀使顏眞卿奏:「治武成廟,請如乃令春、秋釋奠。 趙信平君廉頗, 秦將王翦,漢相國平陽侯曹參、左丞相絳侯周勃、前將軍北平太守李 魏征東將軍晉陽侯張遼,蜀前將軍漢壽亭侯關 其追封以王,宜用諸侯

志

宗伯 新豐侯段頻,魏太尉鄧艾,蜀車騎將軍西鄉侯張飛,吳武威將軍南郡太守孱陵侯呂蒙,大司 侯趙充國,後漢大司馬廣平侯吳漢、征西大將軍夏陽侯馮異、建威大將軍好時侯耿弇、太尉 趙奢、大將軍武安君李牧,漢梁王彭越、太尉條侯周亞夫、大將軍長平侯衞青、後將軍營平 新義公韓擒虎、柱國太平公史萬歲,唐右武侯大將軍鄂國公尉遲敬德、右武衞大將軍邢國 太尉永寧郡公王僧辯,北齊尚書右僕射燕郡公慕容紹宗, 賀若弼 馬荆州牧陸抗,晉鎮南大將軍當陽侯杜預、太尉長沙公陶品,前秦丞相王猛,後魏太尉北平 公王晙、夏官尙書同中書門下三品朔方大總管王孝傑;齊相管仲、安平君田單,趙馬 公蘇定方、右武衞大將軍同中書門下平章事韓國公張仁亶、兵部尙書同中書門下三品中山 王濬,東晉車騎將軍康樂公謝玄,前燕太宰錄尚書太原王慕容恪,宋司空武陵公檀道濟,梁 長孫嵩,宋征虜將軍王鎭惡,陳司空南平公吳明徹,北齊右丞相咸陽王斛律光,周太傅大 吳偏將軍南郡太守周瑜、丞相婁侯陸遜,晉征南大將軍南城侯羊祜、 燕國公于謹、右僕射鄖國公章孝寬,隋司空尙書令越國公楊素、右武侯大將軍宋國公 振、朔方節度使兼御史大夫張齊丘、太尉中書令尙父汾陽郡王郭子儀 ,唐司空河間郡王孝恭、禮部尙書聞喜公裴行儉、兵部尙書同中書門下三品代國公 周大冢宰齊王宇文憲,隋上柱國 撫軍大將軍襄陽侯

貞元二年,刑部尚書關播奏:「太公古稱大賢,下乃置亞聖,義有未安。

而仲尼十哲,皆

當時弟子,今以異時名將,列之弟子,非類也。 請但用古今名將配享,去亞聖十哲之名。」自

是,唯享武成王及留侯,而諸將不復祭矣。

人入是廟,登是堂,稽其人,思其道,則立節死義之士安所奮乎?聖人宗薨、舜,賢夷、齊,不 員外郎陸淳等議曰:「武成王,殷臣也,紂暴不諫,而佐周傾之。 夫尊道者師其人,使天下之 王爵、號擬文宣、彼於聖人非倫也。謂宜去武成王號、復爲太公廟、奠享之制如紓請。」刑部 流,始令磻溪立廟。開元漸著上戊釋奠禮,其進不薄矣。上元之際,執事者苟意於兵,遂封 武,删詩書,定禮樂,使君君、臣臣、父父、子子皆宗之,法施於人矣。」貞觀中,以太公兵家者 之失德,諸侯歸周,遂爲佐命。祀典不云乎,『法施於人則祀之』?如仲尼祖述堯舜,憲章文 典訓尊卑之節,當矣,抑猶有未盡。夫大名徽號,不容虛美,而太公兵權奇計之人耳,當殷 留侯爲致祭,獻官用太常卿以下。」百官議之,多請如紓言。左司郎中嚴稅等議曰:「按紓援 縣,獻以太尉,尊師崇道也。太公述作止六韜,勳業著一代,請祝辭不進署,改昭告爲敬祭, 太公周之太師,張良漢之少傅,今至尊屈禮於臣佐,神何敢歌。且文宣百世所宗,故樂以宮 帝遣某敢昭告。』至上元元年贈太公以王爵,祭典同文宣,有司遂以太尉獻,祝版親署。 四年,兵部侍郎李紓言:「開元中,太公廟以張良配,以太常卿、少卿三獻,祝文曰:『皇

宜右武以起忠烈。 **立**廟,復磻溪祠,有司以時享,斯得矣。」左領軍大將軍令狐建等二十四人議曰:「兵革未靖, 久,改之非也。」乃詔以將軍爲獻官,餘用將奏。 自是,以上將軍、大將軍、將軍爲三獻。 今特貶損,非勸也。 且追王爵,以時祠,爲武敎主,文、武並宗,典禮已

岳常山 河於同州,北海及濟於河南。 岳 |衡山於衡州,南鎭會稽於越州,中岳嵩高於河南,西岳華山於華州, 其五岳、四鎮,歲一祭,各以五郊迎氣日祭之。東岳岱山於兗州, [於定州,北鎮醫無闆於營州,東海於||萊州,淮於唐州,南海於廣州,江於益州,西海及 西鎮吳山於隴州 東鎮沂山於沂州, 北 南

#### 校勘記

- (二)西向 各本原作「東西」,據開元禮卷四八及通典卷一一五改。
- = 司賓各引內外命婦采桑者以從 「以從」,開元禮卷四八、通典卷一一五作「退復位。司賓引婕妤
- 人詣 閶 室,向宮帥執鉤、筐者 以次從」。
- 奚容蔵 「蔵」,各本原作「筬」,據史記卷六七仲尼弟子列傳、開元禮卷五四及通典卷五三改。

# 唐書卷十六

### 志第六

### 禮樂六

外之東,西面再拜,俱入。使者先升,立於西階上,執束帛者從升,立於其北,俱東向。 南。 次,蕃主服其國服,立於東階下,西面。使者朝服出次,立於門西,東面,從者執東帛立於其 出立於門外之西,東面。 主旋、北面再拜稽首。使者宣制、蕃主進受命、退復位、以幣授左右、又再拜稽首。使者降、 乃升,立於東階上,西面。 使者執幣曰:「有制。」蕃主將下拜,使者曰:「有後制,無下拜。」蕃 有司出門,西面曰:「敢請事。」使者曰:「奉制勞某主。」稱其國名。 有司入告,蕃主迎於門 蕃國主來朝,遣使者迎勞。前一日,守宮設次於館門之外道右,南向。 二日賓禮,以待四夷之君長與其使者。 蕃主送於門之外, 西, 止使者, 揖以俱入, 讓升, 蕃主先升東階上, 其日, 使者就 蕃主

志第六

禮樂大

降,出, 立,所司奏聞,舍人承敕出,稱「有敕」。蕃主再拜。宣勞,又再拜。乃就館。 西面;使者升西階上,東面。 蕃主從出門外,皆如初。 蕃主以土物儐使者印,使者再拜受。 蕃主再拜送使者,還。 蕃主入,鴻臚迎引詣朝堂,依方北面 蕃主再拜送物,使者

皇帝遣使戒蕃主見日,如勞禮。 宣制曰:「某日,某主見。」蕃主拜稽首。 使者降、出、蕃

奏,承制降勞,敕升座。蕃主再拜稽首,升座。侍中承制勞問,蕃主俛伏避席,將下拜,侍中 侍中承制降詣蕃主西北, 之官及符寶郎詣閤奉迎,蕃主及其屬各立於閤外西廂,東面。 外,就次。本司入奏,鈒戟近仗皆入。典儀帥贊者先入,就位。 承制曰:「無下拜。」蕃主復位,拜而對。 侍中還奏,承制勞還館。 天冠、絳紗袍,乘輿以出。 典儀設蕃主立位於縣南道西,北面;蕃國諸官之位於其後,重行,北面西上,典儀位于縣之 東北,贊者二人在南,差退,俱西面。 次,太樂令展宮縣, 設舉麾位於上下, 鼓吹令設十二桉, 乘黃令陳車輅, 尚輦奉御陳輿輦。 蕃主奉見。 前一日,尙舍奉御設御幄於太極殿,南向;蕃主坐於西南,東向。守宮設 舍人引蕃主入門,舒和之樂作。 東面曰:「有制。」蕃主再拜稽首。乃宣制,又再拜稽首。 諸衞各勒部,屯門列黃塵仗。所司迎引蕃主至承天門 典儀曰:「再拜。」蕃主再拜稽首。 侍中版奏「外辦」。皇帝服通 侍中版奏「請中嚴」。諸侍衛 蕃主降,復縣南位,再拜稽 侍中還

其官屬勞以舍人,與其主俱出。侍中奏「禮畢」。皇帝興。

蕃 |國遣使奉表幣,其勞及戒見皆如蕃國主。 庭實陳於客前,中書侍郞受表置於案,

有司。 立。 其不升殿者分別立於廊下席後。 受之。」侍中降於蕃主東北,西面,稱「有制」。 制 至 御 |琴瑟至階,脫履,升坐, 其笙管者, 就階間北面立。 路 四 敗, 1階以表 典儀 |階下贊者承傳,皆俛伏,興,立。 受虚 殿 其宴蕃國主及其使,皆如見禮。 中監 有司受其餘幣,俱以東。舍人承旨降敕就座, 蕃國諸官俱再拜。 蕃主升座。 解, 贊者承 日:「再拜。」階下贊者承傳, 食畢 升。 及階省桉, 奠于坫。 傳, 有司各率其屬受其幣焉。 蕃 主以下復位于縣南, 皆就坐。 蕃主再拜奉贄,曰:「某國蕃臣某敢獻壤奠。」侍中升奏,承旨曰:「殷其 酒三行,尙食奉 尙食奉御品嘗食, 皇帝乃飯,蕃主以下皆飯。 典儀曰:「就坐。」階下贊者承傳, 殿中監及階省酒,尙食奉御進酒,皇帝舉酒,良醞令行 皆再拜,受解。 皇帝已卽御坐,蕃主入,其有獻物陳於其前。 御進食, 皆再拜。 以次進,太官令行蕃主以下食桉。 蕃主再拜,乃宣制。又再拜以贄授侍中,以授 典儀曰:「食至,興。」階下贊者承傳, 若有筐篚,舍人前承旨降宣敕, 皇帝初舉酒,登歌作昭和三終。 尚食奉御進酒,至階,典儀曰:「酒至, 徹桉、又行酒 皆就座。 ,遂設庶羞 應升殿者自 太樂令引歌者 典儀 蕃主以下 曰:「就 侍中承 二舞以 皆興, 一西階, 尙食

志

又再拜,乃出。

其三日軍禮。

皇帝親征。

出,即御座。典儀曰:「再拜。」在位者皆再拜。中書令承旨敕百寮羣官出,侍中跪奏「禮畢」。 戟近仗列于庭。 三刻,羣官就位,諸侍臣詣閤奉迎。 將帥、從行之官皆平巾幘、袴褶。留守之官公服,就次。上水五刻,侍中版奏「請中嚴」。 行北向。 乘黃令陳革輅以下車旗于庭。 前期一日,有司設御幄於太極殿,南向。 其日未明, 侍中版奏「外辦」。皇帝服武弁,御輿以 諸衞勒所部,列黃麾仗。平明,侍臣、 文武羣官次於殿庭東西,每等異位,重

軍之次在外壝南門之外道東,西向北上。其卽事之位在縣南,北面。 山罍各一,其獻一。皇帝已飮福,諸軍將升自東階,立于神座前,北向西上,飮福受胙。 齊一日。 乃爾于昊天上帝。 其日,皇帝服武弁,乘革輅,備大駕,至于壇所。 前一日,皇帝清齊於太極殿,諸豫告之官、侍臣、軍將與在位者皆清 其牲二及玉幣皆以蒼。尊以太尊、 每等異位, 重行西上。

皇帝入自東房,侍臣從至閣。

其奠玉帛、進熟、飮福、望燎,皆如南郊。

其 宜 一于社,造于廟,皆各如其禮而一獻。 軍將飮福于太稷,廟則皇考之室。

其凱旋,則陳俘馘於廟南門之外,軍實陳于其後。

其解嚴,皇帝服通天冠、絳紗袍,羣臣再拜以退,而無所詔。 其餘皆如纂嚴。

胄、弓矢于神位之側,植矟于其後。 若 [碼于所征之地,則爲壝再重,以熊席祀軒轅氏。 兵部建兩旗于外壝南門之外, 陳甲 尊以犧、象、山罍各二,饌以特牲。 皇帝服武弁,羣臣戎

服、三獻。其接於神者皆如常祀、瘞而不燎。 其軍將之位如顔。

向。 **爵、酒饌,宰人舉羊肆解之,太祝丼載,埋於埳。** 酌酒,授太僕卿,左倂轡,右受酒,祭兩軹及軌前,乃飮,授爵,駕轢載而行。 祝盥手洗 至,太祝立於罍、洗東南,西向再拜,取幣進,跪奠於神。 太官令帥宰人刳羊。 其載于國門,右校委土於國門外爲載, 一篑,酌酒進,跪奠於神,興,少退,北向立, 郊社之屬設尊、罍、篚、幂於神左,俱右向;置幣於尊所。 皇帝將 又為瘞埳於神位西北, 執尊者徹罍、篚、席,駕至,權停。 讀祀。 進饌者薦脯醢,加羊於軷西首。太 太祝再拜。 太配布神位於載前,南 少頃,帥齋郎奉幣、 太祝以爵

其所過山川,遣官告,以一獻。 若遣將出征,則皆有司行事

賊平 ·而宣露布。 其日,守宮量設羣官次。 露布至,兵部侍郎奉以奏聞,承制集文武羣

第

六

禮樂

六

進受露布,退復位,兵部侍郞前受之。中書令入,羣官、客使各還次。 中書令取露布,稱「有制」。羣官、客使皆再拜。遂宣之,又再拜,舞蹈,又再拜。兵部尚書 布置於桉。令史二人絳公服,對舉之以從。中書令出,就南面位,持桉者立於西南,東面。 之位。設中書令位於羣官之北,南面。吏部、兵部贊羣官、客使,謁者引就位。中書令受露 官、客使於東朝堂,各服其服。奉禮設版位於其前,近南,文東武西,重行北向。又設客使

# 仲多之月,講武於都外。

者爲後。使其習見旌旗、金鼓之節。旗臥則跪,旗舉則起。 反之。 長者持弓矢,短者持戈矛,力者持旌,勇者持鉦、鼓、刀、楯爲前行,持矟者次之,弓箭 鼓甲仗。大將以下,各有統帥。 大將被甲乘馬,敎習士衆。 少者在前,長者在後。 其還,則 表間五十步,爲二軍進止之節。別墠地於北廂,南向。前三日,尙舍奉御設大次於墠。前 步,四出爲和門。又爲步、騎六軍營域,左右廂各爲三軍,北上。中間相去三百步,立五表, 一日,講武將帥及士卒集於墠所,建旗爲和門,如方色。 都墠之中及四角皆建五采牙旗、旗 前期十有一日,所司奏請講武。兵部承詔,遂命將帥簡軍士,除地爲揚,方一千二百

講武之日,未明十刻而嚴,五刻而甲,步軍爲直陣以俟,大將立旗鼓之下。 六軍各鼓十

講 引 西,北 步 於都墠之四周至,侍臣左右立於大次之前,北上。 戟以次入, 陳於殿 北,南向。 中嚴」。 蕃客, 所, 鉦 Ė 重行北上。 文武官應從者俱先置,文武官皆公服,所司 、大角四。 東方、南方立於大次東北,西方、北方立於西北,觀者立於都墠騎士仗外四 駕將至, 黄門侍 庭。 郎請降輅。 諸州使人及蕃客先集於北門外, 未明七刻,鼓一嚴,侍中奏「開宮殿門及城門」。五 奉禮曰:「再拜」(言)。在位者皆再拜。 皇帝乘革輅 乃入大次。兵部尚書停於東廂, 至墠所,兵 部尚書介胄乘馬 爲 九品 東方、南方立於道東, 小駕。 皇帝, 以上皆公服,東、西在 入次, 謁者引 刻 奉引,入自北門,至兩 西向。 三嚴,諸衞各督其隊 刻,再嚴,侍中版奏「請 領軍 西方、北方立 减 諸州 小 侍臣之外 駕, 使 周, 騎 步 於道 鴻 士 軍 與 鈒 廬 立

分循 將 以 旗 三鼓, 立 上,各集於其中 直 於旗鼓之西 有司 諸果毅各以誓詞告其所部。 陣 大角三通,中軍將各以鞞令鼓,二軍俱擊鼓。三鼓, 偃旗,士衆皆跪。 西 軍 亦鼓, 東面 軍 一,諸軍 舉白旗爲方陣以應。 左廂中軍 又擊鼓, 將立 大將立於旗鼓之東, 一
於
其
南
。 **遂聲鼓**, 有 司 舉旗,士 有司 北 次西軍鼓, 面 一,以聽 舉旗,士衆皆起行, 一衆皆 西面 大將誓。 起, 舉赤旗爲銳 驟及 有司偃旗,步 諸軍將立於其 左右三軍各長 表, 及表, 陣; 乃止 士皆跪。 東軍 擊鉦 南; 東 ·亦鼓, 軍 一, 乃 史二人, 右 厢 此 諸 鼓, 舉 中 帥 上黑旗 舉青 振 叉 軍 果 大 毅

爲曲陣以應。 挑戰,五 前,遂復其初。 聲鼓舉旗,士衆皆起,騎馳、徒走,左右軍俱至中表,相擬擊而還。 每退至一行表,跪起如 鼓而 第二挑戰迭爲勇怯之狀,第三挑戰爲敵均之勢,第四、第五挑戰爲勝敗之形。 爲圜陣以應。凡陣,先舉者爲客,後舉者爲主。每變陣,二軍各選刀、楯五十人挑戰,第一、 旗爲方陣;東軍亦鼓,舉赤旗爲銳陣以應。 次東軍鼓,舉黑旗爲曲陣;西軍亦鼓,舉黃旗 直陣,然後變從餘陣之法。旣已,兩軍俱爲直陣。又擊三鼓,有司偃旗,士衆皆跪。 |陣畢,大擊鼓而前,盤馬相擬擊而罷。 遂振旅。 侍中跪奏稱:「侍中臣某言,禮畢。」 **次東軍鼓,舉黃旗爲圜陣;西軍亦鼓,舉青旗爲直陣以應。次西軍鼓,** 侍中跪奏「請觀騎軍」,承制曰:「可。」 二軍騎軍皆如步軍之法,每陣各八騎 每將變陣,先

# 皇帝狩田之禮,亦以仲冬。

下。 向。 南 面 皆乘馬,各備簫角。 質明,弊旗,後至者罰。兵部申田令,遂圍田。其兩翼之將皆建旗。及夜,布圍,闕其 前期,兵部集衆庶脩田法,虞部表所田之野,建旗於其後。前一日,諸將帥士集於旗 駕至田所,皇帝鼓行入圍,鼓吹令以鼓六十陳於皇帝東南,西向;六十陳於西南,東 諸將皆鼓行圍。乃設驅逆之騎。皇帝乘馬南向,有司斂大綏以從。

過,有司整飭弓矢以前。 諸公、王以下皆乘馬,帶弓矢,陳於前後。所司之屬又斂小綏以從。乃驅獸出前。 皇帝發,抗大綏,然後公、王發,抗小綏。驅逆之騎止,然後百姓獵 再驅過,有司奉進弓矢。 三驅過,皇帝乃從禽左而射之。 每驅必 初,一驅

旗於田 私之。 相從不盡殺, 三獸以上。 凡 其上者供宗廟,次者供賓客,下者充庖廚。 、射獸, 內,乃雷擊駕鼓及諸將之鼓,士從躁呼。 自左而射之,達於右腢爲上射,達右耳本爲次射,左髀達於右鬅爲下射。 已被射者不 -重射。 不射其面, ,不翦其毛。凡出表者不逐之。田將止,虞部建 諸得禽獻旗下,致其左耳。 大獸公之,小獸 乃命有司饁獸於四郊,以獸告至於廟社。 

射。

門外。 篚於尊西 南肆, 布獲者位乏東,東面。 步。 西階西。 設五福庭前,少西。 前一 陳賞物於東階下, 日,太樂令設宮縣之樂,鼓吹令設十二桉於射殿之庭,東面縣在東階東,西面縣在 南北二縣及登歌廣開中央,避射位。 實爵加冪 布侍射者射位於殿階下,當前少西, 少東。 布侍射者位於西階前,東面北上。 置罰豐於西階下, 少西。 張熊侯去殿九十步,設乏於侯西十步、北十 設罰尊於西階,南北以殿深。 横布, 布司馬位於侍射位之南,東面。 南面。 侍射者弓矢俟於西

志第六 禮樂大

以進。 侯;揚、謂矢過侯;左、右、謂矢偏不正。千牛將軍於御座東,西面受弓,退,付千牛於東階上。千牛郎 千牛將軍以矢行奏,中日「獲」,下日「留」,上日「揚」,左曰「左方」,右曰「右方」。留,謂矢短不及 御及射(四),第一 以袂順左右隈,上再下一,弓左右隈,謂弓面上下。以衣袂摩拭上面再,下面一。西面,左執弣、右執簫 拂以巾,取决,興。贊設決。又跪取拾,興,贊設拾。以笥退,奠於坫。千牛將軍北面張弓, 千牛將軍奉弓,千牛郞將奉矢,進,立於御榻東少南,西向。郎將跪奠笥於御榻前,少東。遂 獲者以旌去侯西行十步,北行至乏止。司馬降自西階,復位。千牛中郎一人奉決、拾以笥, 奉弓,搢乘矢帶,入,立於殿下射位西,東面。司馬奉弓自西階升,當西楹前,南面,揮弓,命 於其上。獲者持旌自乏南行,當侯東,行至侯,負侯北面立。侍射者出西門外,取弓矢,兩手 身二人奉御弓及矢立於東階上,西面,執弓者在北。又設坫於執弓者之前,又置御決、拾笥 於東階下,西面北上。武官立於西階下,於射乏後,東面北上。持鈒隊羣立於兩邊,千牛備 人奏稱:「有司謹具,請射。」侍中一人前承制,退稱:「制曰可。」王、公以下皆降。文官立 其 、日質明,皇帝服武弁,文武官俱公服,典謁引入見,樂作,如元會之儀。酒二徧,侍中 千牛郎將以巾拂矢進,一一供御。欲射,協律郎舉麾,先奏鼓吹,及奏樂騶虞五節, 矢與第六節相應,第二矢與第七節相應,以至九節。 協律郞偃**麾,樂止**。

將以笥受決、拾,奠於站。

樂,警蹕。有司以弓矢出中門外,侍射者出 謁引王公以下及侍射者,皆庭前北面相對爲首,再拜訖,引出。 北面跪,取爵,立飲,卒爵,奠豐下。 俱再拜。 弓於位,庭前北面東上。 司馬升自西階,自西楹前,南面,揮弓,命取矢。 五節 取矢者各唱中者姓名。 相應,以至七節。 樂奏狸首三節,然後發矢。 侍射者進,升射席北面立,左旋,東面張弓, 有司於東階下以付賞物。 協律郎偃麾,樂止。 有司奏請賞罰,侍中稱:「制日可。」有司立楅之西, 中者立於東階下, 西面北上; 不中者立於西階下, 若侍射者多, 則齊發。 酌者北面跪,取虛實酌奠,不中者以次繼飲,皆 酌者於罰尊西,東面,跪,奠爵於豐上。 弓右旋,東西砤弓,如面立,乃退復西階下,立。 取矢者以御矢付千牛於東階下, 侍射者釋 南面挾矢。 第一 發與第四節相 協律鄓舉壓,乃作樂,不作鼓 持鈒隊復位。 應,第二發與第 不中者進 東面, 皇帝入, 東 如 面 監唱射 杒。 北上。 典

若特射無侍射之人,則不設福,不陳賞罰。 若燕遊小射,則常服,不陳樂縣,不行會禮。

## 合朔伐鼓至。

工人以方色執麾旒,分置四門屋下,設龍蛇鼓於右。東門者立於北塾,南面 其日前二刻,郊社令及門僕赤幘絳衣,守四門,令巡門監察。 鼓吹令平巾帻、袴褶, ; 南門者立於 帥

志

第

之,在北;弓一、矢四次之。諸兵鼓立候變。日有變,史官曰:「祥有變。」工人舉麾,龍鼓發 聲如雷。史官曰:「止。」乃止。 刀,帥衞士五人執五兵立於鼓外,矛在東,戟在南,斧、鉞在西,矟在北。 四隅,以朱絲繩縈之。太史一人赤幘、赤衣,立於社壇北,向日觀變。黃麾次之;龍鼓一次 東塾,西面;西門者立於南塾,北面;北門者立於西塾,東面。隊正一人平巾幘、袴褶,執 郊社令立穳於社壇

異位,向日立。明復而止。 其日,皇帝素服,避正殿,百官廢務,自府史以上皆素服,各於其廳事之前,重行,每等

助陽也,請聽有司依經伐鼓。」不報。由是其禮遂廢。 貞元三年八月,日有食之,有司將伐鼓,德宗不許。太常卿董晉言:「伐鼓所以責陰而

#### 大儺之禮。

令一人,太卜令一人,各監所部;巫師二人。以逐惡鬼于禁中。有司預備每門雄鷄及酒, 衣、朱裳、右執楯(水);其一人爲唱帥,假面,皮衣,執棒;鼓、角各十,合爲一隊。 隊別鼓吹 事十二人,赤帻、赤衣,麻鞭。工人二十二人,其一人方相氏,假面,黄金四目,蒙熊皮,黑 選人年十二以上、十六以下爲侲子,假面,赤布袴褶。二十四人爲一隊,六人爲列。執

擬於宮城正門、皇城諸門磔攘,設祭。太祝一人,齋郎三人,右校爲瘞埳,各於皇城中門外 之右。前一日之夕,儺者赴集所,具其器服以待事

以入,至左右上閣,鼓躁以進。方相氏執戈揚楯唱,侲子和,曰:「甲作食殘,胇胃食虎,雄伯食 外。內侍詣皇帝所御殿前奏「侲子備,請逐疫」。出命寺伯六人,分引儺者於長樂門、永安門 奇、騰根共食蠱,凡使一十二神追惡凶,赫汝驅,拉汝幹,節解汝肉,抽汝肺腸,汝不急去,後 魅,騰簡食不祥,攬諸食咎,伯奇食夢,彊梁、祖明共食磔死寄生,委隨食觀,錯斷食巨,窮 者爲糧。」周呼訖,前後鼓譟而出,諸隊各趨順天門以出,分詣諸城門,出郭而 其日未明,諸衞依時刻勒所部,屯門列仗,近仗入陳於階。鼓吹令帥儺者各集於宮門 咔

遣太祝臣姓名昭告于太陰之神。」興,奠版于席,乃舉牲幷酒瘞於埳。 齋郎酌淸酒,太祝受,奠之。 祝史持版於座右,跪讀祝文曰:「維某年歲次月朔日,天子 儺者將出, 祝布神席, 當中門南向。 出訖, 宰手、齋郞疈牲匈磔之神席之西, 藉以席, 北

#### 校勘記

- [1] 蕃主以土物償使者 「土」,各本原作「主」,據開元禮卷七九、通典卷一三一改。
- 騎士立於都墠之四周 「四」,各本原作「西」,據開元禮卷八五、通典卷一三二改。

志第六 校勘記

- (三) 奉禮日再拜 「再」,各本原作「可」,據開元禮卷八五、通典卷一三二及本卷上下文改。
- (图) 御及射 開元禮卷八六、通典卷一三三「及」作「乃」。
- (制)合朔伐鼓 (光) 右執楯 開元禮卷九〇、通典卷一三三均作「右執戈,左執楯」。 「合」上各本原有「不」字,據開元禮卷九〇、通典卷一三三刪。

# 唐書卷十七

### 志第七

禮樂七

皇帝加元服。四日嘉禮。

有司卜日,告于天地宗廟。

街之南,道東,北面西上。典儀於縣東北,贊者二人在南,少退,俱西向。又設門外位於東西 北上。朝集使分方於文武官當品之下,諸親位於四品、五品之下,皇宗親在東,異姓親在 西。藩客分方各於朝集使六品之南,諸州使人於朝集使九品之後。又設太師、太尉位於橫 展縣、設案、陳車輦。設文官五品以上位於縣東、武官於縣西、六品以下皆於橫街之南、 前一日,尙舍設席於太極殿中楹之間,莞筵紛純,加藻席緇純,加次席黼純。 有司設

志第七

禮樂

七

朝堂,如元日。

監徹櫛纚箱以退。 乃跪,冠,興,復西階上位。太尉前,少左,跪,設簪,結纓,興,復位。 右執頂,左執前,升自西階,當前少左,祝曰:「令月吉日,始加元服。 罍洗,盥手,升自東階,詣東房,取繼櫛箱進,跪奠於御座西端。太師詣御座前跪奏曰:「坐。」 版奏「外辨」。皇帝服空頂黑介幘、絳紗袍,出自西房,即御座立。太師、太尉入就位。 典儀帥贊者及羣官以次入就位。太常博士引太常卿升西階,立於西房外,當戶北向。 於尊東。衮冕、玉導置於箱。太常博士一人,立於西階下,東面。諸侍衞之官俱詣閤奉迎, 內,站在尊北,實角、解、柶各一。饌陳於尊西,籩、豆各十二,俎三,在籩、豆之北。 箱,在服南。 又設莞筵一,紛純,加藻席緇純,加次席黼純,在南。 尚食實體尊於東序外帷 設席於東房內,近西,張惟於東序外。殿中監陳衮服於內席,東領,緇纚、玉簪及櫛三物同 曰:「再拜。」贊者承傳,在位者皆再拜。 太師升自西階,立於東階上,東面。 太尉詣阼階下 皇帝坐。 其日,侍中版奏「請中嚴」。太樂令、鼓吹令帥工人入就位。 太尉當前少左,跪,脫幘置於箱,櫛畢,設纚,興,少西,東面立。太師降,盥,受冕, 有司設罍洗於阼階東南, 壽考惟祺,以介景福。」 皇帝興,適東房。殿中 設罍洗 侍中 典儀

皇帝衮服出,即席南向坐。 太尉詣序外帷內,盥手洗觶,酌醴,加柶覆之,面葉,立於序

醢, 退, 内, **奠**觶於薦東。 手噴之,授太尉。 祭於箋、豆之間。太尉取肺一以進,皇帝奠觶於薦西,受肺,舒左執本,右絕末以祭,上左 降立於西階下, 南面。 侍中前跪奏「禮畢」。皇帝興,入自東房,在位者以次出。 太師進受醴,面柄,前,北向祝曰:「甘醴唯厚,嘉薦令芳。承天之休,壽考不忘。」 太師、 太尉加於俎,降,立於太師之南。皇帝悅手取觶,以柶祭醴,啐醴, 東面。 太尉復橫街南位。 將配,殿中監率進饌者奉饌設於前,皇帝左執觶,右取脯,擩於 典儀曰:「再拜。」 贊者承傳,在位者皆再拜。 建柶,

## 皇太子加元服。

中降至賓前,稱「有制」。公再拜。侍中曰:「將加冠於某之首,公其將事。」公少進,北面再拜 書侍 殿, 中嚴」。羣官有司皆就位。 **贊冠位於其後,少東,皆北面。** 出 有司設羣官之次位, 有司發· 郞引制書桉,立於樂縣東南, 西房,即御坐。 奏司 徒一人爲實,卿一人爲贊冠,吏部承以戒之。前一日,尙舍設御幄於太極 賓、贊入就位。 展縣, 賓、贊入立於太極門外道東, 又設文武官門外位於順天門外道東、 設桉,陳車興,皆如皇帝之冠。 西面北上。侍中奏「外辦」。 典儀曰:「再拜。」在位皆再拜。 西面。 皇帝服通天冠、絳紗袍, 設賓受命位於橫街南道東, 黃門侍郎引主節持 侍中及舍人前承制,侍 西。 其日, 侍中奏「請 幡節,中 乘興

志

第

七

出,皇帝降坐,入自東房,在位者以次出。 立賓東北,西面,賓再拜,受制書,又再拜。 公再拜。侍中、舍人至卿前稱敕旨,卿再拜。侍中曰:「將加冠於某之首,卿宜贊冠。」卿再 稽首、辭曰:「臣不敏、恐不能供事、敢辭。」侍中升奏,又承制降,稱:「制旨公其將事、無辭。」 吹及九品以上,皆詣東宮朝堂。 **黃門侍郎執節立於賓東北,西面。賓再拜受節,付于主節,又再拜。** 初,賓、贊出門,以制書置於桉,引以幡節,威儀、 典儀曰:「再拜。」贊者承傳,在位皆再拜。 中書侍郎取制書 賓、贊

待賓、贊。又設皇太子位於閣外道東,西向。三師位於道西,三少位於其南少退,俱東向。 又設軒縣於庭,皇太子受制位於縣北,解劍席於東北,皆北 冠前一日,衞尉設賓次於重明門外道西,南向,贊冠於其西南。 面。 又設次於門內道西,以

裳、素鞸、白紗中單、青領標撰裾,履、襪,革帶、大帶,笏。 西向; 南。設冠席於殿上東壁下少南,西向;賓席於西階上,東向;主人席於皇 左右二率各勒所部,屯門列仗。左庶子版奏「請中嚴」。羣官有司入就位。 冠 三師席於冠席北,三少席於冠席南(1)。 日平明,宮臣皆朝服,其餘公服,集於重明門外朝堂。宗正卿乘車侍從,詣左春坊權 內直郎陳服於惟內,東領北上:衮冕,金飾象笏;遠游冠,緇布冠, 張帷於東序內,設褥席於帷中。 緇纚、犀簪二物同箱,在服南。 太子席西南, 設罍洗於東 服玄衣、素 又張惟於

主人、贊冠者宗正卿爲主人,庶子爲贊冠者。升, 黑介幘,緇布冠青組纓屬於冠,冠、冕各一箱。 東,實巾 於箱,又在南。 一,角觶、柶各一。太官令實饌豆九、籩九於尊西,俎三在豆北。衮冕,遠游三梁冠、 **莞筵四,藻席四,又在南。 詣東序帷內少北,戶東、西立。 典謁引羣官以次** 良醞令實側尊甒體於序外惟內,設罍洗於尊 奉禮 |郞三人各執立於西階之西,東面北上。

入就位。

章,命太尉某就宮展禮。」皇太子再拜。 南, 賓入,主人從入,立於縣東北,西 賓,至阼階東,西 門外,左庶子請降興,洗馬引之道東位,西向立。 太子升東階, 苹 太子空頂黑介幘、雙童髻、綵衣、紫袴褶、織成褾領、綠紳、鳥皮履,乘輿以出。 南位。 東 初,賓、贊入次,左庶子版奏「外辦」。 通事舍人引三師等入就閣外道西位,東面立。 画 節 三師在前,三少在後,千牛二人夾左右,其餘仗衞列於師、保之外。 脱節衣 節在 入于東序帷內,近北,南面立。 賓 面立。 「賓稱「有制」。 東少 南,西 宗正卿立於門東,西面。 画。 皇太子再拜。 画 制桉在贊冠 賓入,贊冠 少傅進詣賓前,受制書,以授皇太子,付于庶子。 賓升西階,及宗正卿各立席後。 西南, 宣詔曰:「有制,皇太子某,吉日元服,率由舊 一者從,賓詣殿階間,南面。 左庶子請再拜。 賓立於西,東面。 東面。 賓執制, 三師、三少答拜。乃就階 宗正 皇太子詣受制位, 卿再拜,賓不答拜。 **贊冠者立於賓西** 皇太子乃出迎 洗馬迎於閣 北 面

志第七 禮樂七

成德。 賓降一等受之,右執頂,左執前,進,東向立,祝日:「令月吉日,始加元服。 棄厥幼志,愼其 面坐。 月之令。 之贊冠者跪脱遠游冠,興,復位。 賓降三等受冕,右執頂,左執前,進,祝曰:「以歲之正,以 跪設簪、結纓。 令辰,乃申嘉服。 克敬威儀,式昭厥德。 眉壽萬歲,永壽胡福。 」乃跪,冠,興,復位。 皇太子 進,跪脫緇布冠,置於箱,興,復位。 賓降二等,受遠游冠,右執頂,左執前,進,祝曰:「吉月 東序帷內,服玄衣素裳之服以出,立於席東,西面。 賓揖皇太子升筵,西向坐。 賓之贊冠者 者引皇太子出,立於席東,西面。賓贊冠者取羅、櫛二箱,坐奠於筵。皇太子進,升筵,西 興,賓揖皇太子,贊冠者引適東序帷內,朝服以出,立於席東,西面。 賓揖皇太子升筵坐,賓 初 賓之贊冠者東面坐,脫幘置於箱,櫛畢,設纚,興,少北,南面立。 執緇布冠者升(三), 壽考惟祺,以介景福。」乃跪,冠,興,復位。 皇太子東面立,賓揖皇太子,贊冠者引適 ,賓升,贊冠者詣罍洗,盥手,升自東階帷內,於主人冠贊之南,俱西面。 主人贊冠 咸加其服,以成厥德。萬壽無疆,承天之慶。」乃跪,冠,興,復位。每冠,皆贊冠者

以入,又取筵入於帷內。 贊冠者於東序外惟內, 盥手洗觶。 皇太子 ,興,賓揖皇太子適東序,服衮冕之服以出,立於席東,西面。贊冠者徹纚、櫛箱 主人贊冠者又設體,皇太子席於室戶西,南向,下莞上藻。 典膳鄓酌體,加柶覆之,面柄,授贊冠,立於序內,南面。

筵末坐, 啐醴, 建柶, 興, 降筵西, 南面坐, 奠輝, 再拜, 執觶, 興。 賓答拜。 者,加於俎。皇太子坐,悅手取觶,以柶祭禮三,始扱一祭,又扱再祭,加柶於觶,面葉,與, 子奠觶於薦西,興,受胏,卻左手執本坐,繚右手絕末以祭。上左手嚌之曰,興,以授贊冠 冠者取韭葅,遍擩於豆,以授皇太子,又祭於箋、豆之間。 贊冠者取胏一,以授皇太子,皇太 冠者與進饌者奉饌設於筵前,皇太子升筵坐,左執觶,右取脯,擩於醢,祭於鏸、豆之間。贊 賓揖皇太子就筵西,南面立。 賓進,受醴,加柶,面柄,進,北向立,祝曰:「甘醴唯厚,嘉薦令 ,拜受祭之,以定厥祥。 承天之休,壽考不忘。」皇太子拜,受觶。 賓復位,東面答拜。 贊

之。奉敕字某。」皇太子再拜曰:「某雖不敏,敢不祗奉。」又再拜。 贊者承傳,在位者皆再拜。 左庶子前稱「禮畢」。 皇太子乘輿以入,侍臣從至閣,賓、贊及宗 師在南,北面,三少在北,南面立。皇太子西面再拜,三師等各再拜以出。 IE 卿出就會。 皇太子降,立於西階之東,南面。賓降,立於西階之西少南,贊冠隨降,立於賓西南,皆 賓少進,字之,祝曰:「禮儀旣備,令月吉日。昭告厥字,君子攸宜。宜之於嘏,永受保 洗馬引太子降作階位,三 典儀曰:「再拜。」

皇子冠

志第七 禮樂士

之。」賓曰:「王重有命,某敢不從。」主人再拜而還,賓拜送。命贊冠者亦如之。 某王將加冠,願某公教之。」 賓曰:「某不敏,恐不能恭事,敢辭。」 主人曰:「某猶願某公教 將加冠,請某公教之。」儐者入告,賓出,立於門左,西面,再拜。主人答拜。主人曰:「皇子 階下,西面,儐者進於左,北面,受命出,立於門東,西面,曰:「敢請事。」主人曰:「皇子某王 前三日,本司帥其屬筮日、筮賓於聽事。前二日,主人至賓之門外次,東面,賓立於阼

房戶西,南面。俱下莞上藻。主人立於阼階下,當東房西面。諸親立於罍洗東南,西面北 階之西,東面北上。設主人之席於阼階上,西面;賓席於西階上,東面;皇子席於室戶東 冠,緇布冠。緇纚、犀簪、櫛實於箱,在服南。莞筵、藻席各三,在南。設尊於房戶外之西, 上。儐者立於門內道東,北面。皇子雙童髻、空頂幘、綵袴褶、錦紳、鳥皮履,立於房內,南 豆之北。質明,賓、贊至於主人大門外之次,遠游三梁、緇布冠各一箱,各一人執之,待於西 兩甒玄酒在西,加勻冪。設坫於尊東,置二爵於坫,加冪。豆十、鑊十在服北,俎三在變、 主人、贊冠者立於房內戶東,西面。賓及贊冠者出,立於門西,贊冠者少退,俱東面北 冠之日,夙興,設洗於阼階東南,席於東房內西墉下。陳衣於席,東領北上:衮冕,遠游

**儐者受命於主人,出立於門東,西面,曰:「敢請事。」賓曰:「皇子某王將加冠,某謹應** 

升自西階,入於東房,立於主人贊冠者之南,俱西面。 辭。」主人升自阼階,立於席東,西向;賓升自西階,立於席西,東向。贊冠者及庭,盥於洗, 將事,敢辭。」主人曰:「固請公升。」賓曰:「某敢固辭。」主人曰:「終請公升。」賓曰:「某敢終 賓報揖。至階,主人立於階東,西面;賓立於階西,東面。主人曰:「請公升。」賓曰:「某備 賓報。主人入,賓、贊冠者以次入,及內門,主人揖賓,賓入,贊冠者從之。至內霤,將曲揖, 命。」儐者入告,主人出迎賓,西面再拜,賓答拜。主人揖贊冠者,贊冠者報揖,主人又揖賓,

尊所,酌酒進皇子筵前,北向立,祝曰:「旨酒旣淸,嘉薦亶時。 始加元服,兄弟具來。 孝友 之服,出房戶西,南面立。賓揖皇子,皇子進,立於席後,南面。賓降,盥,主人從降,辭對如 跪,冠,興,復西階上席後,東面立。 皇子興,賓揖皇子適房,賓、主俱坐。 皇子服青衣素裳 **筵東端,興,席東少北,南面立。 賓揖皇子,賓、主俱卽座。 皇子進,升席,南面坐。 賓之贊** 初。賓跪取爵於篚,興,洗,詣西階,賓、主一揖一讓,升,坐,主人立於席後,西面。 賓詣 後,西面,賓立於西階上,東面(四)。執緇布冠者升,賓降一等受之,右執頂,左執前,北面 王不降。」主人曰:「公降辱,敢不從降。」賓旣盥,詣西階,賓、主一揖一讓,升。 主人立於席 冠者進筵前,北面,跪,脫雙童髻置於箱,櫛畢,設纚。賓降,盥,主從降。賓東面辭曰:「願 主人贊冠者引皇子出,立於房戶外西,南面。賓之贊冠者取羅、櫛、簪箱,跪奠於皇子

**19**,再拜,執爵興。賓答拜。 冠者升筵,跪奠爵於薦東,興,立於筵西,南面。 執饌者徹薦爵。 升座,左執爵,右取脯,擩於醢,祭於箋、豆之間,祭酒,興,筵末坐,啐酒,執爵,興,降筵,奠 時格,永乃保之。」皇子筵西拜爵,賓復西階上,東面答拜。執饌者薦箋、豆於皇子筵前。皇子時格,永乃保之。」皇子筵西拜爵,賓復西階上,東面答拜。執饌者薦箋、豆於皇子筵前。皇子

饌如初禮。賓揖皇子,進,升席,南面坐。賓之贊冠者跪脫進賢冠,賓降三等,受冕,冠之。 游冠,冠之。 皇子興,賓揖皇子適房,賓、主俱坐。 皇子服朝服,出房戶西,南面立。賓、主俱 每冠,皆贊冠者設簪結纓。 「旨酒旣湑,嘉薦伊脯。乃申其服,禮儀有序。祭此嘉爵,承天之祜。」皇子筵西拜,受爵,祭 興,賓揖皇子,皇子進立於席後,南面。 賓詣尊所,取爵酌酒,進皇子筵前,北向立,祝曰: 賓揖皇子,皇子進,升筵,南向坐。賓之贊冠者跪脫緇布冠,置於箱。賓降二等,受遠

坐,脫手執臂,祭酒,興,筵末坐,啐酒,降筵西,南面坐,奠爵,再拜,執爵興。 賓答拜。 慶,受福無疆。」皇子筵西拜,受爵。執饌者薦箋、豆,設俎於其南。皇子升筵坐,執爵,祭脯 詣酒尊所,取爵酌酒進皇子,祝曰:「旨酒令芳,籩豆有楚。 咸加其服,肴升折俎。 承天之 皇子興,賓揖皇子適房,服衮冕以出房戶西,南面。 賓揖皇子,進,立於席後,南面。 賓

皇子升筵坐,奠爵於薦東,興。贊冠者引皇子降,立於西階之東,南面。初,皇子降,賓

不從。」賓就次,主人入。初,賓出,皇子東面見,諸親拜之,皇子答拜。皇子入見內外諸尊 執事,請禮從者。」賓曰:「某旣得將事,敢辭。」主人曰:「敢固以請。」賓曰:「某辭不得命,敢 其所當。皇子曰:「某雖不敏,夙夜祗奉。」賓出,主人送於內門外,主人西面請賓曰:「公辱 月吉日。 降自西階,直西序東面立。主人降自東階,直東序西面立。賓少進,字之曰:「禮儀旣備,令 昭告其字,爰字孔嘉。君子攸宜,宜之于嘏。永受保之,曰孟某甫。」仲、叔、季唯

於別所。

西上。賓還西階上,北面再拜。主人進,立於楹間,贊冠者立於賓左,少退,俱北面再拜。 又掌事者奉幣篚升,立於主人後。幣篚升,牽馬者牽兩馬入陳於門內,三分庭一在南,北首 主人立於東階上,西面。掌事者奉東帛之篚升,授主人於序端。主人執篚少進,西 賓、贊從之至階,一揖一讓,升坐,俱坐。會訖,賓立於西階上,贊冠者在北,少退,俱東面。 賓當庭 主人南 掌事者又以幣篚授贊冠者。主人還阼階上,北面拜送,賓、贊降自西階,從者訝受幣。 賓、主旣釋服,改設席,訖,賓、贊俱出次,立於門西。 主人出揖賓,賓報揖。 主人先入, 「實東面揖,出,牽馬者從出,從者訝受馬於門外。 賓降,主人降, 送賓於大門,西面 面,賓、贊進,立於主人之右,俱南面東上。主人授幣,賓受之,退,復位。於主人授

品之子以毳冕,四品之子以稀冕,五品之子以玄冕,六品至於九品之子以爵弁。其服從之。 其卽席而冠也,嫡子西面,庶子南面。其筮日、筮賓、贊,遂戒之,及其所以冠之禮,皆如親 又祝而字。其始冠皆緇布;再加皆進賢;其三加,一品之子以衮冕,二品之子以鷩冕,三 若諸臣之嫡子三加,皆祝而冠,又祝而酌,又祝而字。庶子三加,旣加,然後酌而祝之,

#### 校勘記

(1) 三師席於冠席北三少席於冠席南 二六「南」上均有「北三少席於冠席」七字。 案本卷上下文均以三師、三少並言,此當屬脫文,據 各本原作「三師席於冠席南」。開元禮卷一一〇、 通典卷一

- (三) 執緇布冠者升 各本原作「冠緇布冠升」,據開元禮卷一一〇、通典卷一二六補改。
- (三) 上左手嚌之 「上」,各本原作「止」。 開元禮卷一一〇、 通典卷一二六均作「上」,本卷上文亦有 「上左手嚌之」語,據改。
- (1) 賓立於西階上東面 各本「東」下脫「面」字、據開元禮卷一一四、通典卷一二八補。

# 唐書卷十八

### 志第八

### 禮樂八

皇帝納皇后。

節行 **詣使者東北**, 興,出自西房,即御座。 使、副入,就位。 典儀曰:「再拜。」在位者皆再拜。 侍中前承制, 引幡、節,中書侍郎引制書桉,立於左延明門內道北,西面北上。乃奏「外辨」。 上,副少退,北面。侍中請「中嚴」。羣臣入就位。使、副入,立於門外道東,西面。黃門侍郞 殿廷,如元日。 文武九品、朝集、蕃客之位,皆如冠禮。 ·納采等禮。」使、副又拜。 制命太尉爲使,宗正卿爲副,吏部承以戒之。前一日,有司展縣、設桉、陳車興于太極 西面曰:「有制。」使、副再拜。 侍中宣制曰:「納某官某氏女爲皇后,命公等持 主節立於使者東北,西面,以節授黃門侍郎,侍郎以授使者, 設使者受命位於大橫街南道東, 皇帝衮冕御 降 西

八禮樂八

**志**第

階間,北面,再拜稽首,升,進,北面受制書,以授左右。 使者授鴈,主人再拜,進受鴈,以授 向,右彫几。使、副立於門西,北上,持幡、節者立於北,少退,制桉立於南,執鴈者又在其 付于主節,立於後。 節加衣。謁者引使、副降自西階以出。 於兩楹間,南面;副在西南,持桉及執鴈者又在西南,皆東面。主人升阼階,當使者前,北 事。」使者曰:「某奉制納采。」儐者入告。主人曰:「臣某之女若如人,旣蒙制訪,臣某不敢 南、皆東面。主人立於大門內,西面。儐者北面,受命於左,出立於門東,西面,曰:「敢請 者以次出。初,使、副乘輅,鼓吹備而不作,從者乘車以從。其制書以油絡網犢車載之。其 左右。儐者引答表桉進,立於主人後,少西,以表授主人。主人進,授使者,退復位,再拜。 面立。持桉者以桉進,授使者以制書,節脫衣,使者曰:「有制。」主人再拜。宣制,主人降詣 入,至於階。使、副入,導以幡、節,桉、鴈從之。幡、節立西階之西,東面;使者由階升,立 日大昕,使、副至于次,主人受於廟若寢。布神席於室戶外之西,莞筵紛純,加藻席畫純,南 「再拜。」在位者皆再拜。使、副出,持節者前導,持桉者次之。侍中奏「禮畢」。皇帝入,在位 中書侍郎引制書桉立於使者東北,以制書授使者,置於桉。典儀曰:

制文以版,長一尺二寸,博四寸,厚八分,后家答版亦如之。

以俟。主人還東階上,北面再拜送。使者以几跪進,北面跪,各設於坐左,退於西階上,北 不敢辭。」儐者出告,入,引主人出,迎使者以入,授主人以制書,答表皆如納采。 使、副降自 不得命,敢不從。」儐者入告,遂引主人升立於序端。掌事者徹几,設二筵東上。設甒體於 **儐者入告,主人曰:「某公奉制至於某之室,某有先人之禮,請禮從者。」儐者出告,使者曰:** 西階以出,立於內門外之西,東面;主人立於東階下,西向。 儐者出請事,使者曰:「禮畢。」 事,使者曰:「將加卜筮,奉制問名。」儐者入告。 主人曰:「臣某之子若如人,旣蒙制訪,臣某 振袂,內執之。掌事者一人又執几以從,主人進,西北向。使者序進,迎受於筵前,東南向 北面再拜。受几於序端。掌事者內拂几三,奉兩端西北向以進。主人東南向,外拂几三, 「終請某位升。」使者曰:「敢終辭。」主人升自阼階,使(副升自西階,北面立。主人阼階上, 於東南。主人降迎使者,西面揖,先入。使、副入門而左,主人入門而右。至階,主人曰: 東房西牖下,加杓冪,坫在尊北;實觶二,角柶二,箋、豆各一,實以脯醢,在坫北。又設洗 「某旣得將事,敢辭。」 儐者入告,主人曰:「先人之禮,敢固以請。」 儐者出告, 使者曰:「某辭 面 「請某位升。」使者曰:「某敢辭。」主人又曰:「固請某位升。」使者曰:「某敢固辭。」主人又曰: 東上,答拜,立於階西,東面南上。贊者二人俱升,取觶降,盥手,洗觶,升,實體,加柶於 問名。 使者旣出,遂立於內門外之西,東面;主人立於內門內東廂,西面。 儐者出請

階上,北面再拜送。使者降自西階,從者訝受幣篚。使者當庭實揖馬以出,牽馬者從出。使 位。掌事者一人,又奉幣篚,立於主人之後。使者西階上,俱北面再拜。主人進詣楹間,南 內,三分庭一在南,北首西上。又掌事者奉幣篚,升自東階,以授主人,受於序端,進西面 東階下,西面。 儐者告於主人曰:「賓不顧矣。」主人反於寢。 使者奉答表詣闕。 者出大門外之西,東面立。從者訝受馬。主人出門東,西面再拜送。使者退,主人入,立於 面。執幣者又以授主人,主人受以授使副,使副受之,退立於使者之北,俱東面。主人還東 面立,使者序進,立於主人之西,俱南面。主人以幣篚授使者,使者受,退立於西階上,東 使者進,升筵坐,各奠觶於薦東。降筵,序立於西階上,東面南上。掌事者牽馬入,陳於門 **觶上,躐降筵於西階上,俱北面坐,啐醴,建柶,各奠觶於薦,遂拜,執觶,興。 主人答拜。** 觶,右取脯,擩於醢,祭於箋、豆之間,各以柶祭醴三,始扱一祭,又扱再祭,興;各以柶象諸 主人退,復東階上,北面一拜送。掌事者以次薦脯醢於筵前。使者各進,升筵,皆坐,左執 使者西階上,北面,各一拜,序進筵前東,南面。主人又以次授醴,使者受,俱復西階上位。 觶,覆之,面葉,出房,南面。主人受醴,面柄,進使者筵前西,北面立。又贊者執觶以從。

女若如人,龜筮云吉,臣預在焉,臣某謹奉典制。」其餘皆如納采。 納吉。使者之辭曰:「加諸卜筮,占曰日從,制使某也入告(1)。」主人之辭曰:「臣某之

門之內外。儐者進受命,出請事。使者曰:「某奉制納徵。」儐者入告,主人曰:「奉制賜臣以 重禮,臣某祗奉典制。」儐者出告,入,引主人出,迎使者入。執事者坐,啓匵取珪,加於玄 馬陳於幕南,北首西上。執事者奉穀珪以屬,俟於幕東,西面。謁者引使者及主人立於大 納徵。 其日,使者至于主人之門外,執事者入,布幕於內門之外,玄纁束陳於幕上,六

牽馬者從入,三分庭一在南,北首西上。執珪者在馬西,俱北面。其餘皆如納采。

進,授使副册寶。 拜。使者入門而左,持節者前導,持桉者次之。主人入門而右,至內門外位。奉册寶桉者 使者曰:「某奉制,授皇后備物典册。」儐者入告,主人出迎於大門外,北面再拜,使者不答 衞令其屬布后儀仗。使者出次,就位。主人朝服立於東階下,西面。儐者受命,出請事。 輅,持節,備儀仗,鼓吹備而不作。 內僕進重翟以下於大門之外道西,東向,以北爲上。 諸 之南,西面。司贊位於東階東南,掌贊二人在南,差退,俱西向。又置一桉於閣外。使、副乘 於大門外之南,北面。使者以下及主人位於內門外,亦如之。設內謁者監位於內門外主人 侍位於使者之南,舉册桉及寶綬者在南,差退,持節者在使者之北,少退,俱東向。設主人位 東向,障以行帷。其日,臨軒命使,如納采。奉禮設使者位於大門外之西,東向;使副及內 册后。前一日,守宮設使者次於后氏大門外之西,尙舍設尙宮以下次於后氏閣外道西, 內侍進使者前,西面受册寶,東面授內謁者監,持入,立於閣外之西,東面

受以授司言。尙服又授以寶綬,受以授司寶。皇后升坐,內官以下俱降立於庭,重行相向, 制。」尙儀曰:「再拜。」皇后再拜。宣册。尙儀曰:「再拜。」皇后又再拜。尙宮授皇后以册, 取册,尙服跪取寶綬,立於后之右,西向。 司言、司寶各一人立於后左,東向。 尙宮曰:「有 西上。司贊曰:「再拜。」掌贊承傳,皆再拜。諸應侍衞者各升,立於侍位。尙儀前跪奏曰: 「禮畢。」皇后降坐以入。使者復命。 尚宮以下入閣,奉后首飾、緯衣,傅姆贊出,尚宮引降立於庭中,北面。尚宮跪

告,入,引主人出門南,北面再拜。謁者引入至內門外堂西階,使者先升,位於兩楹間,南 出請事,使者曰:「某奉制,以今吉辰,率職奉迎。」 儐者入告,主人曰:「臣謹奉典制。」 儐者出 官在西,皆北上。謁者引使者詣大門外位,主人立於內門外堂前東階下,西面。 儐者受命, 升堂。皇后將出,主婦出於房外之西,南向。文武奉迎者皆陪立於大門之外,文官在東,武 持節,至大門外次,宮人等各之次奉迎。尙儀奏「請皇后中嚴」。傅姆導皇后,尙宮前引,出, 位,如册后。又設內侍位於大門外道左,西面。又設宮人以下位於堂前。使、副朝服,乘輅 西,俱南向。 尙舍設宮人次於閣外道西。 奉禮設使、副、持桉執鴈者、持節者及奉禮、贊者 立於東西朝堂。奉迎前一日,守宮設使者次於大門之外道右,設使副及內侍次於使者次 其遣使者奉迎。其日,侍中版奏「請中嚴」。皇帝服冕出,升所御殿,文武之官五品已上

以降, 尙儀 退, 拜。 主人以表授使、副,再拜,降自西階以出,復門外位。 主人再拜,北 書,日:「有制 面 立於東階上, 元乘車 奏請 使者曰:「今月吉日,臣某等承制, 副在西,持按、執鴈者在西南,俱東面。 升 重翟以几, 皇后 。」主人再拜。 面 海奔。 立。 西面。 使、副授以鴈,主人再拜,進受,仍北面立。 姆加景,內宮侍從及內侍導引,應乘車從者如鹵簿。 主人入, 升自東階, 母誠於西階上,施衿結帨, 使者宣 一制,主人降詣階間,北 **率職奉迎。」內侍受以入,傳於司言,司言受以奏聞。** 進, 主人升東階、諸使者前、北面立。使、副授以制 西 面誠之曰:「戒之敬之,夙夜無違命。」主人 曰:「勉之敬之、夙夜無違命。」皇后升興 奉禮曰:「再拜。」贊者承傳,使、副俱再 面再拜稽首。升,進,北 儐者引二人對舉答表按進, 皇后車出大門外, 面 受制書。

堂深。 幄於室 車前 俎三。 器皆鳥 同 跪請 漆, 后洗 內之奧, 牢之日, 尊於室內 卺 以 匏。 降車 於 東房,近北。 東向。 內侍之屬設皇后大次於皇帝所御殿門外之東, 南向。 北 皇后降, 牖下,玄酒 皇后入大門,鳴鍾鼓。 鋪地 入 次。 席 設饌 在 重茵,施屏障。 西。 於東房西塘 尚宮引詣殿門之外,西向立。 又尊於房戶外之東,無玄酒。 從永 下, 初昏, 巷至大次前, 變、 尙食設洗於東階, 豆各二十四〇〇 回 車 尚儀跪奏「外辦, 南向, 坫 在南 簋、 東 將夕, 尚寢設皇帝: 施 西當東雷, 簠各二, 步 加 障 四 爵, 尙 請降坐禮 登各三, 南北 儀 合卺。 進當 御 以

以

次

馬

引

剂

爵,升, 於篚。 取爵, 迎。 尚宮引皇后入幄, 脫服。 于尊,以授帝、后,俱受,祭。 移黍置於席上,以次授胏脊,帝、后皆食,三飯,卒食。 祭於豆間。 於右手口,授皇帝,又取黍、稷、稻、粱授皇后,俱受,祭於豆間。 **葅擩醢授皇帝,**取葅擩醢授皇后,俱受,祭於豆間。 尚食又取黍實於左手,遍取稷、稻、粱反 箸,倚寢設對席於饌東。 設黍于豕俎北,其西稷、稻、粱,設湆于醬北。 設黍于醬東,稷、稻、粱又在東; 設溍于醬南。 盥於西洗,后盥於北洗。饌入,設醬於席前,葅醢在其北;俎三設於豆東,豕俎特在北。尙食 室內之西, 皇帝降坐,尙宮前引,詣門內之西,東面揖后以入。倘食酌玄酒三注於尊,尙寢設席於 皆飲日。 尙儀 酌於戶外,進,北面奠爵,興,再拜,跪取爵祭酒,遂飲卒爵,奠,遂拜, ,東向。 北 尙食各以肺加於俎。 面跪,奏稱:「禮畢,興。」帝、后俱興。 尙儀受虛臂, 奠於坫。 皇帝導后升自西階,入室卽席,東向立。 尙食跪奏「饌具」。 尙宮引皇帝入。 尚食各以肝從,皆奠爵、振祭、齊之。尚食皆受,實於俎、豆。各 司飾二人以巾授皇帝及皇后,俱稅手。 再酳 尙食徹饌, 設於東房, 如初。 皇帝揖皇后升,對席,西面,皆坐。尚食跪取韭 如初, 尚食啓會郤于簠簋之南,對簠簋于北, 設后對醬于東,當特俎,葅醢在其南,北上; 三酳用卺, 尚宮引皇帝入東房, 釋冕服, 尚食二人俱盥手洗**爵於房,入室,酌** 皇后入, 立於尊西, 如再酳。 又各取胏絕末授帝、后,俱 皇后從者餕皇帝之 尙食俱降東階,洗 <del>偷食各跪品</del>嘗 執爵興,降,奠 南面。皇帝 御常服; 加匕

皇帝遣使者至皇太子納妃。

皇帝遣使者至于主人之家,不持節,無制書。 其納采、問名、納吉、納徵、告期,皆如后

階東 之南, 内侍 向, 內之南,俱東面。 布儀仗。 外次,掌 差 障以行帷。 使者 西 南 其册妃。 西 退,俱東向。 面受之,東面 西向。 面。 嚴奉输 使者出次,持節 入門而左,持按從之。 宮人位於門外使者之後,重行東向,以北爲上,障以行帷。設贊者二人位於東 前一日,主人設使者次大門之外道右,南向,又設宮人次於使者西南,俱東 翟衣 奉禮設使者位於大門外之西,副及內侍又於其南,舉册桉及璽綬,命服者又 典內預置一桉於閣外。 傅姆贊妃出,立於庭中,北面。 設主人位於門南,北面。又設位於內門外,如之。設典內位於內門外主人 [授典內,典內持入,跪置於閣內之桉。 及首飾,內廢尉進厭翟於大門之外道西,東向,以北爲上。 前導, 主人入門而右,至內門外位。 及宮人、典內皆就位。 使、副朝服,乘輅持節,鼓吹備而 掌書跪取玉寶,南向。 主人朝服,出迎於大門之外, 奉衣服及侍衞者從入,皆立於典 奉册寶桉者進,授使副册寶, 不作。 掌嚴奉首飾、渝 至妃氏 諸衞 北 帥 大門 其屬 面

志

第

八

禮

樂

አ

與諸宮官侍衞者以次入。 則又鸞再拜,乃請妃升坐。宮官以下皆降立於庭,重行,北面西上。贊者曰:「再拜。」皆再拜。 司則前贊妃再拜,北面受册實於掌書,南向授妃,妃以授司閨。司

坐,啐酒,奠爵,興,再拜,執爵興。 位者皆再拜。皇太子入縣南,典儀曰:「再拜。」贊者承傳,皇太子再拜。詣階,脫鳥,升席 席。尙食設酒尊於東序下,又陳箋脯一、豆醢一,在尊西。晡前三刻,設羣官版位於內,奉 西,南面立。尙食酌酒於序,進詣皇太子西,東面立。皇太子再拜,受爵。尙食又薦脯醢於 通天冠、絳紗袍,乘輿出自西房,卽御座西向。 羣官入就位。 典儀曰:「再拜。」贊者承傳,在 向。設羣官次於朝堂,展縣,陳車輅。其日,尙舍設皇太子席位於戶牖間,南向,莞席、藻 東面立。 **體設版位於外,如朝禮。 侍中版奏「請中嚴」。前三刻,諸侍衞之官侍中、中書令以下俱詣閤** 皇太子服衮冕出,升金輅,至承天門降輅,就次。前一日,有司設御座於太極殿阼階上,西 司則前啓「禮畢」。 妃降座,入於室。 主人儐使者如禮賓之儀 臨 。皇太子升席坐,左執爵,右取脯,擩於醢,祭於鏸、豆之間。右祭酒,興,降席西,南面 '典儀帥贊者先入就位,吏部、兵部贊羣官出次,就門外位。 侍中版奏「外辦」。皇帝服 軒醮戒。 皇帝命之曰:「往迎余相,承我宗事,勗帥以敬。」皇太子曰:「臣謹奉制旨。」遂再 。前一日,衞尉設次於東朝堂之北,西向。又設宮官次於重明門外。 奉御受虛虧,直長徹薦,還於房。皇太子進,當御座前, 其日,

拜,降自西階,納舄,出門。典儀曰:「再拜。」贊者承傳,在位者皆再拜,以次出。侍中前跪

奏「禮畢」。皇帝入。

揖。 門外之東, 父少進,西面戒 不降送。內廢尉進厭翟於內門外(至),傅姆導妃,司則前引,出於母左。師姆 霭 子又曰:「某固弗敢先。」主人揖,皇太子入門而左,主人入門而右。 及內門,主人揖入,及內 子,執鴈入。及內門,主人讓曰:「請皇太子入。」皇太子曰:「某弗敢先。」主人又固請,皇太 傳於 賓者, 儐者受命出請事, 左庶子承傳跪奏, 皇太子曰: 「以茲初昏, 某奉制承命。」 左庶子俛伏, 興, 服出,立於大門之內,西向。在廟則祭服。 降輅之次。 「當曲 人固 皇太子旣受命,執燭、前馬、鼓吹,至于妃氏大門外道西之次,回輅南向。 主人升, 揖,當階揖,皇太子皆報揖。 至於階,主人曰:「請皇太子升。」皇太子曰:「某敢辭。」 ,入告,主人曰:「某謹敬具以須。」儐者出,傳於左庶子以奏。 儐者入,引主人迎於 西面再拜,皇太子答再拜。主人揖皇太子先入,掌畜者以鴈授左庶子,以授皇太 皇太子又曰:「某敢固辭。」主人終請,皇太子又曰:「某終辭。」主人揖,皇太子報 主人設几筵。 立於阼階上,西面。 《之日:「必有正焉,若衣花(メコ。」命之曰:「戒之敬之,夙夜無違命。」母戒之西 妃服褕翟、花釵,立於東房,主婦立於房戶外之西,南向。 主人公 皇太子升,進當房戶前,北面,跪奠鴈,再拜,降,出。 左庶子跪奏「請就位」。皇太子立於門西, 東面。 在右,保姆在左。 左庶子跪奏,

志

太子出大門,乘輅還宮,妃次於後。主人使其屬送妃,以族從(も)。 不受,曰:「未敎,不足與爲禮。」妃升輅,乘以几,姆加景。 皇太子馭輪三周,馭者代之。皇 之曰:「敬恭聽宗父母之言,夙夜無愆。 視諸衿鞶。」妃旣出內門,至輅後,皇太子授綏,姆辭 階上,施衿結帨,命之曰:「勉之敬之,夙夜無違命。」庶母及門內施鞶,申之以父母之命,命

受,祭於纏、豆之間。司饌跪取黍實於左手,遍取稷反於右手,授皇太子,又授妃,各受,祭 之東,西面。妃至左閤外,回輅南向,司則請妃降輅,前後扇、燭。就次立於內殿門西,東 各二、鈃各三、瓦登一、俎三。尊在室內北墉下、玄酒在西。又設尊於房戶外之東、無玄酒。 牢饌。設洗於東階東南,設妃洗於東房近北。饌於東房西墉下,籩、豆各二十(メ),簠、簋 席重茵,施屛障。設同牢之席於室內,皇太子之席西廂,東向,妃席東廂,西向。 於葅醢之間。司饌各立,取胏皆絕末,跪授皇太子及妃,俱受,又祭於葅醢之間。司饌俱以 饌跪奏「饌具」。皇太子及妃俱坐。司饌跪取脯、取韭葅,皆擩於醢,授皇太子,又取授妃,俱 妃西向立。司饌進詣階間,跪奏「具牢饌」,司則承令曰:「諾。」遂設饌如皇后同牢之禮。司 面。皇太子揖以入,升自西階,妃從升。執扇、燭者陳於東、西階內。皇太子卽席,東向立, **篚在南,實四爵,合卺。皇太子車至左閤,回輅南向,左庶子跪奏「請降輅」。入俟於內殿門外** 同牢之日, 司閨設妃次於閣內道東, 南向。 設皇太子御幄於內殿室內西廂, 東向。 設 席閒量容

胏 興,再拜。 一人進授皇太子,一人授妃,皇太子及妃俱坐,祭酒,舉酒,司饌各以肝從, 進受虛爵,奠於篚。 司饌又俱洗爵,酌酒,再酯,皇太子及妃俱受爵飮。 妃入幃幄,皇太子乃入室。 媵餕皇太子之饌,御餕妃之饌。 及妃俱答拜。司則坐,取爵祭酒,遂飮,啐爵,奠,遂拜,執爵興,降,奠爵於篚。 皇太子及妃立於席後,司則俱降東階,洗爵,升,酌於戶外,北面,俱奠爵,興,再拜。 加於俎。 移黍置於席上,以次跪授胏脊。皇太子及妃皆食以谙醬,三飯,卒食。 司則承令曰:「諾。」司饌二人俱盥手洗爵於房,入室,酌于尊,北面立。 皇太子及妃俱 司則前跪奏稱:「司則妾姓言,請殿下入。」皇太子入於東房, 釋冕服, 著袴褶。 掌嚴授皇太子妃巾, **浼手。以柶扱上鈃遍擩之,祭於上豆之間。** 三酳用卺,如再酳。 司饌北 司饌品嘗妃 司饌奏「徹 皇太子 司則啓 面 ,司則 .請

親王納妃。

乘馬,玉以璋。 其賓主相見,儐贊出入升降,與其禮賓者,大抵皆如皇太子之使,而無副。 其納采、問名、納吉、納徵、請期,使者公服, 册命之日,使者持節,有副 乘犢車、至於妃氏之家,主人受於廟若寢, 其聘以玄纁束

親迎。 王衮冕輅車,至于妃氏之門外,主人布席於室戶外之西,西上,右几。 又席於戶

志

**筵**西,南面再拜,就席立。 醢,祭於籩、豆之間,遂以柶祭醴三,始扱一祭,又扱再祭,與,筵末跪,啐醴,建柶,奠觶, 前,北面。 席,南向立,姆立於右。 南向。 妃降席西,南面再拜,受觶。 內贊者薦脯醢,妃升席,跪,左執觶,右取脯, 設甒體於東房東北隅,篚在尊南,實觶一、角柶一,脯醢又在其南。 妃於房內即 主人立於戶之東,西面。 主人乃迎賓。 其餘皆如皇太子之迎。 內贊者以輝酌體,加柶,覆之,面柄, 擩於 進筵

而後飯,乃醑祭,至于燭入,皆如太子納妃之禮。 者沃之。俱復位,立。 入於室,即席東面立。 入,及寢門,又揖以入。 東,無玄酒,坫在南,實以四爵,合卺。 二,豋各二,俎三,羊豕、腊,羊豕節折,尊坫於室內北墉下,玄酒在西。 初昏,設洗於東階東南,又設妃洗於東房近北。 饌於東房,障以惟。 贊者設饌入,西面,告「饌具。」王揖妃,即對席,西面,皆坐。 妃入立於尊西,南面。王盥於南洗,妃從者沃之, 妃盥於北洗,王從 **贊者酌玄酒三注於尊,妃從者設席於奧,東向。** 王至,降車以俟,妃至,降車北面立。 又設尊於房戶外之 王導妃升自西階, 豆十六,簠、簋各 王南面揖妃以 其先祭

「國恩貺室於某公之子,某公有先人之禮,使某也請。」主人命賓曰:「寡人有先皇之禮」云。 公主出降。禮皆如王妃,而納采、問名、納吉、納徵、請期,主人皆受於寢。 其賓之辭曰:

纁束、兩馬,無璋。 其諸臣之子,一品至于三品爲一等,玄纁束、乘馬,玉以璋。四品至于五品爲 六品至于九品爲一等,玄纁束、儷皮二,而無馬。儷皮二,內攝之,毛在內,左首, 一等,玄

庶子但云:「往迎爾相,晶率以敬。」子再拜曰:「不敢忘命。」又再拜,降,出,乃迎。 進,北面以授子,子再拜受爵。贊者薦脯醢於席前,子升席,跪,左執爵,右取脯,擩於醢,祭 四品絺冕,五品玄冕,六品爵弁。庶人絳公服。升自西階,進立於席西,南向。贊者酌酒 戶牖之間,南向。父公服,坐於東序,西向。子服其上服:一品衮冕,二品驚冕,三品毳冕, 子進立於父席前,東面。父命之曰:「往迎余相,承我宗事,勗率以敬,先妣之嗣,若則有常。」 於籩、豆之間。右祭酒,執爵興,降席西,南面跪,卒爵,再拜,執爵興。贊者受虛爵還尊所。 立於幕南。其餘納采、問名、納吉、納徵、請期,大抵皆如親王納妃。 其親迎之日,大昕,壻之父、女之父告於禰廟若寢。將行,布席於東序,西向;又席於

輅,至於婦氏大門外。女準其夫服,花釵、翟衣,入於房,以觶酌醴, 於房戶外之東,加冪、勻,無玄酒。夫婦酌於內,尊四,爵兩,卺凡六,夫婦各三醋。主人乘革 十四,三品十二。壻及婦共牢,婦之簋、簠及豆、登之數,各視其夫。尊於室中北塘下,設尊 初昏,設洗、陳饌皆如親王。 牲用少牢及腊,三俎、二籩、二簠,其豆數:一品十六,二品 如王妃。 主人迎賓以

志第八

禮

樂入

# 入,遂同牢,皆如親王納妃之禮。

向。 升自西階,東面再拜,進,跪奠於舅席前,舅撫之,婦退,復位,又再拜。降自西階,受笲殿 舅、姑各以篚葅擩於醬 (10),祭於鏸、豆之間,又祭飯訖,乃食,三飯,卒食。 婦入於房,盥手 入,升自西階,入房,以醬進。其他饌,從者設之,皆加匕箸。俎入,設於豆東。贊者各授箸, 於室內北墉下,饌於房內西墉下,如同牢。性體皆節折,右載之於舅俎,左載之於姑俎。婦 內贊者答拜。婦進升席,跪,奠觶於豆東,取脯,降自西階以出,授婦氏從人於寢門外〔五〕。 以柶祭體三,始扱一祭,又扱再祭,加柶於觶,面葉,興,降席西,東面坐,啐醴,建柶,興,拜。 贊者西階上,北面拜送,乃薦脯醢。婦升席,坐,左執觶,右取脯,擩於醢,祭於鏸、豆之間, 脩,升,進,北面再拜,進,跪奠於姑席前,姑舉之,婦退,復位,又再拜。婦席於姑西少北,南 西,南面。內贊者盥手,洗觶,酌體,加柶,面柄,北面立于婦前。婦進,東面拜受,復位。內 側尊甒體於房內東壁下,箋、豆一,實以脯醢,在尊北。設洗於東房近北。婦立於席 盥 質明,布舅席於東序,西向; 布姑席於房戶外之西,南向。 舅姑卽席,婦執笲棗、栗入, 一饋。 舅、姑入於室,婦盥饋。 布席於室之奧,舅、姑共席坐,俱東面南上。 贊者設尊

洗爵,入室,酌酒酳舅,進奠爵舅席前少東,西面再拜,舅取爵祭酒,飮之。婦受爵出戶,入

設婦席於室內北墉下,尊東面,婦徹饌,設於席前如初,

房,奠於右。

盤手洗爵,酌酒酳姑。

自西階,婦降自作階。 席坐,祭酒,飲訖,執爵興,降席東,南面立。內贊者受奠於篚,婦進,西面再拜。 升席坐,祭酒,飲,執質興,降席東,南面立。內贊者受爵,奠於坫。婦進,西面再拜,受爵,升 婦祭,內贊者助之。 西上。婦進,西面再拜,退,升席,南向坐。將餕,舅命易醬,內贊者易之。 既祭,乃食,三飯,卒食。 凡庶子婦,舅不降,而婦降自西階以出。 內贊者洗爵酌酒酳婦,降席,西面 婦及餕姑饌臼, 再拜,受爵, 舅、姑先降

### 校勘記

- (1) 占曰日從制使某也入告 開元禮卷九三、通典卷一二二無「日」字,「入告」作「納吉」。
- (三) 變豆各二十四 各本原無「籩」字,據開元禮卷九四、通典卷一二二補
- (三) 遍取稷稻粱反於右手 「右」,各本原作「左」,據開元禮卷九四、通典卷一二二改。
- (图) 皆飲 「飲」,各本原作「飯」,據開元禮卷九四、通典卷一二二改。
- (五) 內廢尉進厭翟於內門外 各本原無「門」字,據開元禮卷一一一、通典卷一二七補
- **父少進西面戒之曰必有正焉若衣花** 若衣 ·花」似非戒辭,儀禮辻昏禮鄭注「『必有正焉』者,以託戒使不忘。」可證。 「曰」字疑衍。 、開元禮卷一二三、通典卷一二九均無「日」字。「必有正焉**,**
- (十) D 志 族 第 入 從 **| 開元禮卷一一一作「以衣旅從」,通典卷一二七作「以儐從」。** 校 勘 20

四三

- (宋) 箋豆各二十 各本原無「箋」字,據開元禮卷一一一、通典卷一二七補。
- (元) 授婦氏從人於寢門外 孔疏:「知『人』是婦氏之人者,以其在門外,婦往授之,明是婦氏之人也。」此當以通典爲正,今據 氏從人於寢門外」。按儀禮士昏禮有「取脯,降出授人於門外」之文,鄭注:「『人』謂婦氏人。」 各本原無「婦」字,「人」原作「入」。 通典(學海堂刻本)卷一二九作「授婦
- (10) 舅姑各以篚葅擩於醬 「篚」,開元禮卷一二三、通典卷一二九均作「韭」。

改補。

婦及餕姑饌 「及」,開元禮卷一二三、通典卷一二九均作「乃」。

### 唐書卷十九

### 志第九

### 禮樂九

皇帝元正、冬至受羣臣朝賀而會。

南。 西、每國異位重行,北面;四等以下,分方位於朝集使六品之下。 又設門外位:文官於東朝 西,四品以下分方位於文、武官當品之下。諸州使人又於朝集使之下,諸親於四品、五品之 下,介公、酅公位於道西;武官三品以上位於介公之西,少南,文官四品、五品位於縣東, 六品以下位於橫街之南。 又設諸州朝集使位:都督、刺史三品以上位於文、武官三品之東、 又設解劍席於縣西北橫街之南。文官三品以上位於橫街之南,道東,襲聖侯位於三品之 設諸蕃方客位:三等以上,東方、南方在東方朝集使之東,西方、北方在西方朝集使之 前一日,尙舍設御幄於太極殿,有司設羣官客使等次於東西朝堂,展縣,置按,陳車興,

禮 樂 九

九

方、南方在東方朝集使之南,西方、北方在西方朝集使之南,每國異位重行。 品、五品之南;諸州朝集使,東方、南方在宗親之南,使人分方於朝集使之下;諸方客,東 堂,介公、酅公在西朝堂之前,武官在介公之南,少退,每等異位重行,諸親位於文、武官四

宣制曰:「履新之慶,與公等同之。」冬至云"履長。」在位者皆再拜,舞蹈, 舄,復位。 武皇帝陛下與天同休。」多至云:「天正長至,伏惟陛下如日之昇。」乃降階詣席,跪,佩劍,倪伏,興,納 使等以次入就位。典儀曰:「再拜。」贊者承傳,在位者皆再拜。上公一人詣西階席,脫舄,跪, 服通天冠、絳紗袍,御輿出自西房,即御座南向坐。符寶郎奉寶置於前,公、王以下及諸客 前位,引四品以下及諸親、客等應先置者入就位。侍中版奏「外辦」。皇帝服衮冕,冬至則 嚴」。諸侍衞之官詣閻奉迎,吏部兵部主客戶部贊羣官、客使俱出次,通事舍人各引就朝堂 解劍置於席,升,當御座前,北面跪賀,稱:「某官臣某言:元正首祚,景福惟新,伏惟開元神 其日,將士塡諸街,勒所部列黃麾大仗屯門及陳於殿庭,羣官就次。侍中版奏「請中 在位者皆再拜。侍中前承詔,降詣羣官東北,西面,稱「有制」。在位者皆再拜, 三稱萬歲,又再

左延明門外,侍郎、給事中俱就侍臣班。初入,戶部以諸州貢物陳於太極門東東、西廂(己), 初,羣官將朝,中書侍郎以諸州鎭表別爲一桉,俟於右延明門外,給事中以祥瑞桉俟於

楼。 皆降,各引其桉入,詣東、西階下立。 文以次升。上公已賀,中書令前跪奏諸方表,黃門侍郎又進跪奏祥瑞,俱降,置所奏之文於 禮 部 侍郎 以諸蕃貢物可執者,蕃客執入就位,其餘陳於朝堂前。 (與給事中引桉退至東、西階前,桉出。 上公將升賀,中書令、黃門侍郞俱降,各立, 上公將入門,中書侍郎、給事中 取 所奏之。

者以次出,蕃客先出。 侍中前, 及諸蕃貢物出歸仁、納義門, 言:諸州貢物請付所司。」侍中前承制,退,稱:「制曰可。」禮部尙書以次進詣階間, 「禮部尙書臣某言:諸蕃貢物請付所司。」侍中前承制,退,稱:「制曰可。」太府帥其屬受諸州 杒, 侍中已宣制,朝集使及蕃客皆再拜。戶部尙書進詣階間跪奏,稱:「戶部尙書臣某 跪奏稱:「侍中臣某言禮畢。」皇帝降座,御輿入自東房,侍臣從至閤。 冬至,不奏祥瑞,無諸方表 執物者隨之。 典儀曰:「再拜。」通事舍人以次引北 引東西面位 面位者出。 跪奏,稱

刺 横街之南。 上 史, 於 御座 其會,則 蕃客三等以上, 東 尙食設壽尊於殿上東序之端,西向; 設站於尊南,加爵一。 南, 太樂令設登歌於殿上,二舞入,立於縣南。 西向; 座如立位。設不升殿者座各於其位。 介公、酅公在御座西南, 東向 ; 武官三品以上於其後; 尚舍設羣官升殿者座:文官三品以 又設羣官解劍席於縣之西北, 太官令設升殿者酒 朝集使都督、

志

第

九

禮樂九

尊於東、西廂,近北;設在庭羣官酒尊各於其座之南。 皆有坫、冪,俱障以惟。

倚食酌酒一爵授上公,上公受爵,進前,北面授殿中監,殿中監受爵,進置御前,上公退,北 賜羣臣上壽。」侍中稱:「制日可。」光祿卿退,升詣酒尊所,西向立。上公詣酒尊所, 等升殿上。」典儀承傳,階下贊者又承傳,在位者皆再拜。應升殿者詣東、西階,至解劍席,脫 中臣某言: 請延諸公、王等升。」又侍中稱:「制日可。」侍中詣東階上,西面,稱:「制延公、王 授尙食,尙食受虧於坫。 殿中監取爵奉進,皇帝舉酒,在位者皆舞蹈,三稱萬歲。 舄,解劍,升。 上公一人升階,少東,西面立於座後。 光祿卿進詣階間,跪奏稱:「臣某言:請 東階上,通事舍人引公、王以下及諸客使以次入就位。侍中進當御座前,北面跪奏,稱:「侍 就位。侍中版奏「外辦」。皇帝改服通天冠、絳紗袍,御輿出自西房,卽御座。 典儀一人升就 面跪稱:「某官臣某等稽首言:元正首祚,多至云:「天正長至。」臣某等不勝大慶,謹上千秋萬歲 |再拜,在位者皆再拜,立於席後。 侍中前承制,退稱:「敬舉公等之觴。」在位者又再拜。 吏部兵部戶部主客贊羣官、客使俱出次,通事舍人引就朝堂前位,又引非升殿者次入 皇帝舉酒訖,殿中監進受虛爵,以 北画。

後立,殿上典儀唱:「就座。」階下贊者承傳,俱就座。 初,殿中監受虛爵,殿上典儀唱(三):「再拜。」階下贊者承傳,在位者皆再拜。 歌者琴瑟升坐,笙管立階間。尚食進酒 上公就座

畢, 承傳, 至階, 傳,階下贊者又承傳,坐者皆起,再拜,立,受觶,就席坐飮,立,授虛爵,又再拜,就座。 傳,在位者皆再拜,搢笏受觶。 酒, 官按,設食訖,殿上典儀唱:「就座。」階下贊者承傳, 食進受虛爵,復于坫。 仍行 尙 坐者皆起,立座後。 殿上典儀唱:「酒至,興。」階下贊者承傳,坐者皆倪伏,起,立於席後。 食奉酒進, 酒, 遂設庶羞, 二舞作。 皇帝舉酒。 觴行三周,尚食進御食,食至階,殿上典儀唱:「食至,興。」階下贊者 殿中監到階省按,尙食品嘗食訖,以次進置御前。 太官令又行羣官酒, 殿上典儀唱:「就座。」階下贊者承傳,皆就座。 若賜酒,侍中承詔詣東階上, 酒至,殿上典儀唱:「再拜。」階下贊者承 皆就座。 西面稱:「賜酒。」殿上典儀 皇帝乃飯,上下俱飯。 殿中監到階省 太官令又行羣 皇帝舉酒,尚 御 酒 承 食

庭者, 降,詣羣官東北, 稱:「侍中臣某言:禮畢。」皇帝興,御輿入自東房,東、西 仍立 殿上典儀唱:「可起。」階下贊者承傳,上下皆起,降階,佩劍,納鳥,復位。 於席後。 西面稱:「有制。」在位者皆再拜。 典儀曰:「再拜。」 贊者承傳, 在位者皆再拜。 侍中宣制,又再拜,以次出。侍中前,跪奏 面位 一者以次出 若有賜物, 侍中 前 位於殿 承制,

十二遍。

樂令帥九部 一帝若 使立於<u>左右延明門外,</u>羣官初唱萬歲,太樂令即引九部伎聲作而入,各就座,以 服翼善冠、袴褶, 則京官袴褶, 朝集使公服。 設九部樂, 則 去樂縣,無警蹕。

志

第

次作。

臨軒册皇太子。

有司卜日,告于天地宗廟。

街之南,展縣,設桉,陳車輿,及文武羣官、朝集、蕃客之次位,皆如加元服之日。 前一日,尙舍設御幄于太極殿,有司設太子次于東朝堂之北,西向。又設版位於大橫

宮之禮。皇太子遠遊冠、絳紗袍,三師導,三少從,鳴鐃而行。降路入次,亦如鑾駕。 奉迎,僕進金路,內率一人執刀。贊善奏「發引」。令侍臣上馬,庶子承令。其餘略如皇帝出 其日,前二刻,宮官服其器服,諸衞率各勒所部陳于庭。 左庶子奏「請中嚴」。侍衞之官

皇太子再拜受册, 左庶子受之。 侍郞以璽綬授中書令, 皇太子進受, 以授左庶子。 皇太子 乃奏「外辦」。皇帝服衮冕,出自西房,卽御座。皇太子入就位。典儀曰:「再拜。」皇太子再 於殿門外之東,西向。黃門侍郞以册、寶綬桉立於殿內道北,西面,中書侍郞立桉後。侍中 一人引寶綬桉立於其東,西面,以册授之。中書令曰:「有制。」皇太子再拜,中書令跪讀册, 又曰:「再拜。」在位者皆再拜。中書令降,立於皇太子東北,西向。中書侍郎一人引册、 其日,列黃麾大仗,侍中請「中嚴」。有司與羣官皆入就位。三師、三少導從,皇太子立

再拜,在位者皆再拜。 侍中奏「禮畢」。 皇帝入自東房, 在位者以次出。

皇帝御明堂讀時令。

孟春,禮部尙書先讀令三日奏讀月令,承以宣告。

官次於璧水東之門外,文官在北,武官在南,俱西上。 前三日,尚舍設大次於東門外道北,南向;守宮設文、武侍臣次於其後之左、右;設羣

行相 儀位於縣之西北,贊者二人在東,差退,俱南向。奉禮設門外位各於次前,俱每等異位,重 東,絕位,俱南向;武官四品、五品於縣南,六品以下於其東,俱北向。皆重行西上。 者位於縣東,文左武右,俱重行西向。非升坐者文官四品、五品位於縣北,六品以下於其 庭,設舉麾位於堂上寅階之南,北向;其一位於樂縣東北,南向。典儀設三品以上及應升坐 有桉。設文官解劍席於丑陛之左,武官於卯陛之右,皆內向。太樂令展宮縣於靑陽左个之, 北,南向;武官座於御座之東,北向。俱重行西上。設刑部郎中讀令座於御座東南,北向, 向,西上。 前一日,設御座於靑陽左个,東向。三品以上及諸司長官座於堂上:文官座於御座東 設典

其日,陳小駕,皇帝服靑紗袍,佩蒼玉,乘金路出宮,至于大次。 文、武五品以上從駕之

升。」典儀傳,贊者承傳,在位者皆再拜。西面位者各詣其階,解劍,脫舄,升,立於座後。刑 儀唱:「可起。」 王、公以下皆起。 刑部郎中以令置於桉,與羣官佩劍,納舄,復于位。 典儀 座。」公、王以下及刑部郎中並就座。刑部郎中讀令,每句一絕,使言聲可了。讀訖,堂上典 部郎中引桉進,立於卯階下。侍中跪奏「請讀月令」。又侍中稱:「制日可。」刑部郎中再拜, 臣某言:請延公、王等升。」又侍中稱:「制日可。」侍中詣左个東北,南向稱:「韶延公、王等 公、王以下入就西面位。 典儀曰:「再拜。」贊者承傳,在位者皆再拜。侍中前,跪奏稱:「侍中 皇帝御輿入自靑龍門,升自寅階,卽座。符寶郞置寶於前。典儀升,立於左个東北,南向。 郎中以月令置於按,覆以帊,立於武官五品東南,郎中立於桉後,北面。侍中版奏「外辦」。 官皆就門外位,太樂令、工人、協律郎、典儀帥贊者皆先入,羣官非升坐者次入,就位。 興出之便次,南、北面位者以次出。 曰:「再拜。」在位者皆再拜。 西面位者出。侍中跪奏稱:「侍中臣某言:禮畢。」皇帝降座,御 解劍,倪,脫舄,取令,升自卯階,詣席南,北向跪,置令於桉,立於席後。堂上典儀唱:「就 刑部

王,讀五時令於明堂亦如之。 自仲春以後,每月各居其位,皆冠通天,服、玉之色如其時。若四時之孟月及季夏土

皇帝親養三老五更於太學。

所司先奏三師、三公致仕者,用其德行及年高者一人爲三老,次一人爲五更,五品以上

致仕者爲國老,六品以下致仕者爲庶老。尚食具牢饌。

其後,皆東向。文官於門外之東,武官在羣老之西,重行,東西向,皆北上。 前三日,尙舍設大次於學堂之後,隨地之宜。設三老、五更次於南門外之西,羣老又於

南,諸州使人位於九品之後;學生分位於文、武官之後。設門外位如設次。 儀設文、武官五品以上位於縣東、西,六品以下在其南,皆重行,西向北上;蕃客位於其 之西,東面北上,皆蒲筵緇布純,加莞席。太樂令展宮縣於庭,設登歌於堂上,如元會。典 座於西階上,東向;國老三人座於三老西階,不屬焉。皆莞筵藻席。衆國老座於堂下西階 一之西,北向,左玄酒,右坫以置爵。 前一日, 設御座於堂上東序, 西向, 莞筵藻席。 三老座於西楹之東, 近北, 南向, 五更 又設尊於東

服 進賢冠,乘安車,前後導從。 舞入,羣官、客使以次入。 侍中跪奏「請降輅」。降,入大次。文、武五品以上從駕之官皆就門外位,太樂令、工人、 其 日,變駕將至,先置之官就門外位,學生俱靑衿服,入就位。變駕至太學門,回輅南 初,鑾駕出宮,量時刻,遣使迎三老、五更於其第,三老、五更俱 其國老、庶老則有司預戒之。 變駕旣至太學,三老、五更及

內,當戶北面。侍中版奏「外辦」。皇帝出戶,殿中監進大珪,皇帝執大珪,降,迎三老於門內 羣老等俱赴集,羣老各服其服。太常少卿贊三老、五更俱出次,引立於學堂南門外之西,東 等皆坐,又設酒食於前,皆食。皇帝卽座。三老乃論五孝六順、典訓大綱,格言宜於上, **餧,侍中贊酌酒,皇帝進,執餧而酳。尙食奉御以次進珍羞酒食於五更前,** 挟左右,太常少卿引導,敦史執筆以從。三老、五更於門西,東面北上,奉禮引羣老隨入, 之東,西面立。侍臣從立於皇帝之後,太常卿與博士退立於左。三老、五更皆杖,各二人夾 面北上;奉禮贊羣老出次,立於三老、五更之後;太常博士引太常卿升,立於學堂北戶之 帝從以降階,逡巡立於階前。三老、五更出,皇帝升,立於階上,三老、五更出門。侍中前 惠音被于下。皇帝乃虛躬請受,敦史執筆錄善言善行。禮畢,三老以下降筵,太常卿引皇 及黍、稷等,皇帝省之,遂設於三老前。皇帝詣三老座前,執醬而饋至,乃詣酒尊所取 皇帝又西向肅拜五更,五更答肅拜,俱坐。三公授几,九卿正履。 在前,五更從,仍杖,夾扶至階,皇帝揖升,俱就座後立。皇帝西面再拜三老,三老南面答拜, 立於其後。太常卿前奏「請再拜」。皇帝再拜,三老、五更去杖,攝齊答拜。皇帝揖進,三老 奏「禮畢」。皇帝降還大次。三老、五更升安車,導從而還,羣官及學生等以次出。 殿中監、尙食奉御進珍羞 國老、庶老 明日,三

老詣闕表謝。

有德 飲酒之禮, 命之,某敢 門外之西,東 日:「某固 山 「者謀之,賢者爲賓,其次爲介,又其次爲衆賓,與之行禮,而賓舉之。 州 曰:「敢請事。」主人曰:「某日行鄉飲酒之禮,請吾子臨之。」將命者入告,賓出,立於門 面 貢 「拜辱、、 [陋,恐辱命,敢辭。」主人曰:「某謀於父師,莫若吾子賢,敢固以請。」賓曰:「夫子申 明經、秀才、進士身孝悌旌表門閭者,行鄉飲酒之禮,皆刺史爲主人。 請吾子貳之。」 不敬須。」主人再拜,賓答拜,主人退,賓拜送。其戒介亦如之,辭曰:「某日行鄉 面 主人答拜。主人曰:「吾子學優行高,應茲觀國,某日展禮,請吾子臨之。」賓 , 賓立於東階下, 西面。 將命者立於賓之左,北面,受命出,立於門外之東, 主人戒賓,立於大 先召鄉致仕

揖。 向; 東,西向 壺於賓席之東, 衆賓 主人 其 賓 日 北 《答拜; 、先入門而 倉門三 質明, 上。 一於賓席之西, ,設賓席於楹間,近北,南向;主人席於阼階上,西向;介席於西階上, 又 賓、介及衆賓至,位於大門外之右, 少北, 西南 右, 玄酒 西面 面 拜 在西,加勺冪。 南向;皆不屬。 介, 賓入門而左, 東面。 介答拜; 又 置篚於壺南, 西 又設堂下衆賓席於西階西南,東 南 面 東面 介及衆賓序入,立於賓西南, 揖衆賓 北上。 東肆, 衆賓 實以爵觶。 主人 〈報揖。 迎賓於門外之左, 主人又 設贊者位於 面 北 揖賓, 東面 上。 北上。 設兩 東階 西 東 面

志

第

九

禮

樂

九

# 衆賓非三賓者皆北面東上。

端,興、適篚,跪取觶實之以酬,復阼階上,北面跪,奠觶,遂拜,執觶興。 賓西階上答拜。 主 賓少退。主人進受爵,退阼階上,北面立。賓退,復西階上,北面拜,送爵。贊者薦脯、醢於 階上,北面跪,卒爵,執爵興,適尊實之,進主人席前,東面酢主人。主人於阼階上北 主人席前,主人由席東自北方升席,贊者設折俎,主人跪,左執爵,右祭脯,擩於醢,祭於箋、 者設折俎,賓跪,左執爵,右取脯,擩於醢,祭於箋、豆之間,遂祭酒,啐酒,興,降席東,適四 人退於阼階上,北面拜,送爵。賓少退,贊者薦脯、醢於賓席前。賓自西方升席,南面立。贊 階,賓升自西階,當楣,北面立。 跪奠觶於薦西,興,復阼階上位。賓遂進席前,北面跪,取觶,興,復西階上位。 人跪酒祭,遂飲,卒觶,執觶興,適尊實之,進賓席前,北面。 賓拜,主人少退。 豆之間,遂祭酒,啐酒,興,自南方降席,復阼階上,北面跪,卒爵,執爵興,跪奠爵於東序 西北面獻賓。賓西階上北面拜。主人少退,賓進於席前,受爵,退,復西階上,北面立。主 「固請吾子升。」賓曰:「某敢固辭。」主人曰:「終請吾子升。」賓曰:「某敢終辭。」主人升自阼 主人將進揖,當階揖,賓皆報揖。 賓進席前,北面跪,奠輝於薦東,興,復西階上位。主人北面揖,降立阼階下,西面。 執尊者徹冪。主人適篚,跪取爵,興,適尊實之,進賓席前, 及階,主人曰:「請吾子升。」賓曰:「某敢辭。」主人曰: 賓旣拜,主人 主人北 面拜, 衝

降立於階西,東面。

右,北面跪,奠爵,遂拜,執爵興。介答拜。 薦脯、醢於介席前,介進自北方,升席,贊者設折俎,介跪,左執爵,右祭脯、醢,遂祭酒,執爵 興,自南方降席,北面跪,卒爵,執爵興,介授主人爵,主人適尊實之,酢於西階上,立於介 退,介進,北面受爵,退復位。 人詣東序端,跪取爵,興, 主 |人進延介,揖之,介報揖。 適尊實之,進於介席前, 主人於介右北面拜送爵,介少退,主人立於西階之東。贊者 至階,一讓升,主人升阼階,介升西階,當楣,北面立。 主人跪祭,遂飮,卒爵,執爵興,進,跪奠爵於西 西南 面獻介。 介西階上北面拜,主人少

楹南,還阼階上,揖降。介降,立於賓南。

飲,贊者遍薦脯、醢於其位。主人受爵、尊於篚。 人升,飲,亦如之。主人適尊實酒,進於西階上,南面獻堂下衆賓。每一人升,受爵,跪祭,立 臂,降,復位。主人又適尊實之,進於西階上,南面獻衆賓之次者,如獻衆賓之長。 席前,衆賓之長升席,跪,左執爵,右祭脯、醢,祭酒,執爵,興,退於西階上,立飲訖, 獻衆賓之長,升西階上,北面拜,受爵。 主人於阼階前西南揖衆賓,遂升, 適西楹南, 主人於衆賓長之右,北面拜送。 主人與賓一揖一讓升,賓、介、衆賓序升, 跪取爵,興,適尊實之,進於西階上,南面 贊者薦脯、醢於其 授主 叉次

志第九 禮樂九

卽席。

位坐。工鼓鹿鳴,卒歌,笙入,立於堂下,北面,奏南陔。乃間歌,歌南有嘉魚,笙崇丘,乃 設工人席於堂廉西階之東(四),北面東上。 工四人,先二瑟,後二歌。工持瑟升自階,就

合樂周南關雖、召南鵲巢。

卒觶,適尊實之,進西階上,西面立,介拜,主人少退,介受觶,主人於介東,北面拜送,主人 介降席,自南方進,立於主人之西,北面。主人跪奠觶,遂拜,執觶興,介答拜。主人立飮, 再拜,賓少退,主人受觶,賓於主人之西,北面拜送,賓揖,復席。 主人進西階上,北面酬介, 東,賓跪奠觶,遂拜,執觶興,主人答拜,賓立飮,卒觶,適尊實之,阼階上東南授主人,主人 奠,再拜。賓降席,跪取觶於篚,適尊實之,詣阼階上,北面酬主人。主人降席,進立於賓 興,適尊實之,降自西階,詣階間,左還,北面跪,奠觶,拱手少跪(邑),取觶,遂飮,卒觶, 司正升自西階,司正謂主人贊禮者,禮樂之正。旣成,將留賓,爲有懈墮,立司正以監之。 跪取觶於篚,

司正曰:「某子受酬。」受酬者降席,自西方立於某子之左,北面,某子跪奠觶,遂拜,執觶興, 卒觶,適尊實之, 進西階上, 西南面授某子, 某子受觶, 介立於某子之左, 北面,揖, 復席。 介右。司正退,立於序端,東面,避受酬者。介跪奠觶,遂拜,執觶興,某子答拜。介立飮, 司正升自西階,近西,北面立,相旅曰:「某子受酬。」受酬者降席,自西方進,北面立於 志第九 禮樂九 校勘記

位。 坐。 者之右, 受酬者答拜。 賓以下降自西階, 復位。 」賓曰:「唯命。」賓、主各就席坐。 司 面再拜,賓、介逡巡而退。 Ē 揖,復席。 適阼階上,東面請命於主人,主人曰:「請坐於賓。」司正回,北面告於賓曰:「請賓 乃羞肉胾、醢,賓、主燕飲,行無算爵,無算樂,主人之贊者皆興焉。已燕,賓、主俱 某子立飲,卒觶,適尊實之,進西階上,西南面授之,受酬者受觶,某子立於酬 次一人及堂下衆賓受酬亦如之。 主人降自東階, 若賓、主公服者,則降脫履,主人先左,賓先右。 賓以下出立於門外之西,東面北上,主人送於門外之 卒受酬者以觶跪奠於篚,興,復階下 司正

進立 取觶飲,卒觶,興,賓、主以下皆坐。 介,又其次爲三賓,又其次爲衆賓。 如 人皆六豆。 鄉飲酒 于楹間, 季冬之月正齒位,則縣令爲主人,鄉之老人年六十以上有德望者一人爲賓,次一人爲 賓、主燕飲,則司正北面請賓坐,賓、主各就席立。 北面,乃揚觶而 戒之以忠孝之本。 年六十者三豆,七十者四豆,八十者五豆,九十者及主 司正適篚, 跪奠觶,興,降復位,乃行無算爵。其大抵皆 賓、主以下皆再拜。 司正適篚,跪取觶,興,實之, 司正跪奠觶, 再拜, 跪

#### 校勘記

- [1] 戶部以諸州貢物陳於太極門東東西廂 開元禮卷九七、通典卷一二三「門」下不重「東」字。
- (三) 殿上典儀唱 「上」,各本原作「中」,據開元禮卷九七、通典卷一二三改。
- (三) 執醬而饋 「醬」,各本原作「爵」。案禮記樂記、祭義,開元禮卷一〇四及通典卷一二四均作 執

醬而饋」,據改。

CE 拱手少跪 設工人席於堂廉西階之東 開元禮卷一二八、通典卷一三〇「少」下有「立」字。 各本原無「階」字,據與元禮卷一二八、通典卷一三〇補。

## 唐書卷二十

### 志第十

### 禮樂十

五日凶禮。

喪、册贈之類,若五服與諸臣之喪葬、衰麻、哭泣,則頗詳焉。 而不傳, **遂去其國**如一篇,由是天子凶禮闕焉。 [周 ]禮 故後世無考焉。至開元制禮,惟著天子賬卹水旱、遣使問疾、弔死、舉哀、除服、臨 五禮,二日凶禮。 唐初,徙其次第五,而李義府、許敬宗以爲凶事非臣子所宜言, 至國有大故,則皆臨時采掇附比以從事,事已,則諱

凡四方之水、旱、蝗,天子遣使者持節至其州,位于庭,使者南面,持節在其東南,

北面,寮佐、正長、老人在其後,再拜,以授制書。

其問疾亦如之,其主人迎使者於門外,使者東面,主人西面,再拜而入。 其問婦人之

疾,則受勞問者北面。

嚴」、「外辨」。皇帝已變服而哭,然後百官內外在位者皆哭,十五舉音,哭止而奉慰。 五舉音止。 如之。皇帝服:一品錫衰,三品以上緦衰,四品以下疑衰。服期者,三朝晡止,大功, 止;小功以下,一哀止。晡,百官不集。 若舉哀之日,爲位於別殿,文武三品以上入哭于庭,四品以下哭于門外。 若爲蕃國君長之喪,則設次于城外,向其國而哭, 有司版奏「中 其除服 朝晡

升, 立戶內之東, 西向。 備 皇帝升車,鼓吹不作而入。 門外,望見乘輿,止哭而再拜,先入門右,西向。 皇帝至堂,升自阼階,卽哭位。 巫、祝各一 人先升,巫執桃立于東南,祝執茢立于西南,戈者四人先後隨升。喪主人入廷再拜,敕引乃 而不作。皇帝至大次,易素服,從官皆易服,侍臣則不。皇帝出次,喪主人免絰、釋杖、哭 若臨喪,則設大次於其門西,設素裀榻於堂上。 。皇帝出,喪主人門外拜送。 皇帝小駕、鹵簿,乘四望車,警蹕,鼓吹 皇帝變服于次,乃還廬。文、武常服。

印畫綬。 其以敕使册贈,則受册于朝堂,載以犢車,備鹵簿,至第。 册贈必因其啓葬,旣葬則受於靈寢,旣除則受於廟。 主人公服而不哭,或單衣而 妃主以內侍爲使,贈者以蠟

五服之制。

虞,三虞而卒哭。十三月小祥,二十五月大祥,二十七月禪祭。 爲長子。義服:爲人後者爲所後父,妻爲夫,妾爲君,國官爲君。王公以下三月而葬,葬而 斬衰三年。正服:子爲父,女子子在室與已嫁而反室爲父。加服:嫡孫爲後者爲祖,父

齊衰三年。正服:子,父在爲母。加服:爲祖後者,祖卒則爲祖母,母爲長子。 義服:爲

繼母、慈母,繼母爲長子,妾爲君之長子。

祖母。 齊衰杖周。降服:父卒,母嫁及出妻之子爲母,報,服亦如之。 正服:爲祖後者,祖在爲 義服:父卒,繼母嫁,從,爲之服報; 夫爲妻。

爲其父母。義服、爲伯叔母,爲繼父同居者,妾爲嫡妻,妾爲君之庶子,婦爲舅、姑,爲夫之 子子適人者爲兄弟之爲父後者。降服:妾爲其父母,爲人後者爲其父母,報,女子子適人者 與適人者,爲嫡孫,爲姑、姊妹與無夫子,報,女子子與適人爲祖父母,妾爲其子。 加服:女 齊衰不杖周。正服:爲祖父母,爲伯叔父,爲兄弟,爲衆子,爲兄弟之子及女子子在室

兄弟之子,舅、姑爲嫡婦。

齊衰五月。正服:爲曾祖父母,女子子在室及嫁者亦如之。

其父卒母嫁,出妻之子爲母,及爲祖後,祖在爲祖母,雖周除,仍心喪三年。 齊衰三月。正服:爲高祖父母,女子子在室及嫁者亦如之。 義服:爲繼父不同居者。

孫。降服:爲女子子適人者,爲姑、姊妹適人者報;出母爲女子子適人者,爲兄弟之女適人 姑、姊妹之長殤、中殤,爲兄弟之長殤、中殤,爲嫡孫之長殤、中殤,爲兄弟之子、女子之長 之兄弟女適人者報;夫爲人後者,其妻爲本生舅、姑,爲衆子之婦。 者報;爲人後者爲其兄弟與姑、姊妹在室者報。 義服:爲夫之祖父母與伯叔父母報,爲夫 殤、中殤〔〕。 義服:爲夫之兄弟之子、女子子之長殤、中殤。成人九月正服:爲從兄弟,爲庶 大功,長殤九月,中殤七月。正服:爲子、女子子之長殤、中殤,爲叔父之長殤、中殤,爲

及從母報。降服:爲從父姊妹適人者報,爲孫女適人者,爲人後者爲其姑、姊妹適人者報。 祖父報,爲從祖姑、姊妹在室者報,爲從祖兄弟報,爲從祖祖姑在室者報,爲外祖父母,爲舅 服:爲夫之兄弟之子、女子子之下殤,爲夫之叔父之長殤。成人正服:爲從祖祖父報,爲從 降服:爲人後者爲其兄弟之長殤,出嫁姑爲姪之長殤,爲人後者爲其姑、姊妹之長殤。 義 下殤,爲嫡孫之下殤,爲兄弟之子、女子子之下殤,爲從兄弟姊妹之長殤,爲庶孫之長殤。 小功五月殤。正服:爲子、女子子之下殤,爲叔父之下殤,爲姑、姊妹之下殤,爲兄弟之

兄弟姊妹報,爲嫡母之父母兄弟從母,爲庶母慈己者,爲嫡孫之婦,母出爲繼母之父母兄弟 義服:爲從祖祖母報,爲從祖母報,爲夫之姑、姊妹在室及適人者報,娣姒婦報,爲同母異父

從母, 嫂叔報

妻,爲夫之從父姊妹在室及適人者,爲夫之舅及從母報。 改葬:子爲父母,妻妾爲其夫,其 之孫女適人者報。 之叔父之中殤、下殤,爲夫之姑、姊妹之長殤。成人正服:爲族兄弟,爲族曾祖父報,爲族祖 者爲從祖伯叔母,爲庶母,爲乳母,爲壻,爲妻之父母,爲夫之會祖高祖父母,爲夫之從祖 人者爲從祖父報,庶子爲父後者爲其母,爲從祖姑適人者報,爲人後者爲外祖父母,爲兄弟 在室者報,爲族祖姑在室者報,爲族姑在室者報。降服:爲從祖姑、姊妹適人者報,女子子適 父報,爲族父報,爲外孫,爲會孫、玄孫,爲從母兄弟姊妹,爲姑之子,爲舅之子,爲族會祖姑 爲之報,爲人後者爲其姑、姊妹之中殤、下殤。 爲從祖姑、姊妹之長殤。降服:爲人後者爲其兄弟之中殤、下殤,爲姪之中殤、下殤,出嫁姑 長殤,爲從祖兄弟之長殤,爲舅及從母之長殤,爲從父兄弟之子之長殤,爲兄弟之孫長殤, 父母報, 緦麻三月殤。正服:爲從父兄弟姊妹之中殤、下殤,爲庶孫之中殤、下殤,爲從祖叔父之 爲夫之從祖父母報, 義服: 爲族會祖母報,爲族祖母報,爲族母報,爲庶孫之婦,女子子適人 爲夫之外祖父母報, 義服: 為人後者為從父兄弟之長殤, 為夫 爲從祖兄弟之子, 爲夫之從父兄弟之

冠服杖屢皆依儀禮。 皇家所絕傍親無服者,皇弟、皇子爲之皆降一等。

也。 父在爲母齊衰三年。 也, 年,武后請「父在,服母三年」。開元五年,右補闕盧履冰言:「禮,父在爲母期,而服三年,非 庶母緦,今無服,且庶母之子,昆弟也,爲之杖齊,是同氣而吉凶異,自是亦改服緦。 上元元 然律疏舅報甥,服猶緦。顯慶中,長孫无忌以爲甥爲舅服同從母,則舅宜進同從母報。又古 以大功;嫂叔服以小功五月報;其弟妻及夫兄亦以小功;舅服緦,請與從母增以小功。」 狐德棻等議:「舅爲母族,姨乃外戚它姓,舅固爲重,而服止一時,姨喪乃五月,古人未達者 請如舊章。」乃詔抖議舅及嫂叔服,久而不能決。二十年,中書令蕭嵩等改脩五禮,於是 於是服會祖父母齊衰三月者,增以齊衰五月;適子婦大功,增以期;衆子婦小功,增 初,太宗嘗以同爨緦而嫂叔乃無服,舅與從母親等而異服, 韶侍中魏徵、禮部侍郎令

諸臣之喪。

足,遺言則書之屬纊。 齊衰以下,丈夫素冠。 有疾,齊於正寢,臥東首北塘下。 主人坐於牀東,啼踊無數。 氣絕,寢於地。 男子白布衣,被髮徒跣;婦人女子青縑衣,去首飾; 疾困、去衣、加新衣、徹樂、清掃內外。四人坐而持手 衆主人在其後,兄弟之子以下又在其後,

薦坐; 參佐位於門內之西,重行北面東上,素服,皆舒席坐,哭。 斬衰,三日不食; 齊衰,二 皆東 親戶西,東上。凡喪,皆以服精粗爲序,國官位於門內之東,重行北面西上,俱袤巾帕頭,舒 諸內喪,則尊行丈夫及外親丈夫席位於前堂,若戶外之左右,俱南面。宗親戶東,西上,外 以下爲帷西北壁,南面東上。外姻丈夫於戶外東,北面西上;婦人於主婦西北,南面東上。 l西面南上,哭。妻坐於牀西,妾及女子在其後(三),哭踊無數。兄弟之女以下又在其後, 面 南上,籍藁坐哭。內外之際,隔以行帷。祖父以下爲帷東北壁下,南面西上;祖母

右執腰, 招以左。每招, 長聲呼「某復」, 三呼止, 投衣於前, 承以篋, 升自阼階, 入以 復於正寢。 復者三人,以死者之上服左荷之,升自前東霤,當屋履危,北面西上。 左執

日不食;大功,三不食;小功、總麻,再不食。

楔齒以角柶,綴足以燕儿,校在南。其內外哭位如始死之儀。 乃設床於室戶內之西,去脚,簟、枕,施幄,去裙。 遷尸於牀,南首,覆用斂衾,去死衣,

乃奠以脯、 醢, 酒用吉器。 升自阼階,奠於尸東當腢。 內喪,則贊者皆受於戶外而設

沐浴。 掘埳於階閒,近西,南順,廣尺,長二尺,深三尺,南其壤,爲垼竈於西牆下,東

向,以俟煮沐。新盆、瓶、六鬲皆濯之,陳於西階下。沐巾一,浴巾二,用絺岩綫,實於笲,櫛 大斂內於棺中。楔齒之柶、浴巾,皆埋於埳,寘之。衣以明衣裳,以方巾覆面,仍以大斂之 巾, 挋用浴衣。 設牀於尸東, 衽下莞上簟。浴者舉尸, 易牀, 設枕, 翦鬢斷爪如生, 盛以小囊, 北面東上。俱坐哭。婦人以帳。乃沐櫛,束髮用組,挋用巾。浴則四人抗衾,二人浴,拭用 以下戶西、北面東上。俱立哭。其尊行者、丈夫於主人之東、北面西上、婦人於主婦之西、 以盆盛潘及沐盤,升自西階,授沐者,沐者執潘及盤入。主人皆出於戶東,北面西上;主婦 實於箱若簟,浴衣實於篋,皆具於西序下,南上。水淅稷米,取汁煮之,又汲爲湯以俟浴。 衾覆之。 內外入就位, 哭。

尺,纁裏,組繫;握手,玄纁裏,長尺二寸,廣五寸,削約於內旁寸,著以綿組繫。 不用。將襲,具牀席於西階西,內外皆出哭,如浴。襲者以牀升,入設於尸東,布枕席,陳 襲於席。 乃啥。贊者奉盤水及笲,一品至于三品,飯用粱,啥用鏖;四品至于五品,飯用稷;啥 乃襲。襲衣三稱,西領南上,明衣裳,舄一;帛巾一,方尺八寸;充耳,白纊;面衣,玄方 祝去巾,加面衣,設充耳、握手,納鳥若履。旣襲,覆以大斂之衾,內外入哭。 庶襚繼陳,

祝從入,北面,徹枕,去衾,受笲,奠於尸東。 啥者坐於牀東,西面,鑿巾,納飯、啥於尸口。旣 用碧;六品至于九品,飯用粱,啥用貝。升堂,啥者盥手於戶外,洗粱、壁實於笲,執以入,

啥,主人復位。

乃爲明旌,以絳廣充幅,一品至于三品,長九尺,韜杠,銘曰「某官封之柩」,置於西階

上;四品至于五品,長八尺;六品至于九品,長六尺。

用葦席,北面,屈兩端交後,西端在上,綴以竹蔤。 祝取銘置於重,殯堂前楹下,夾以葦席。 尺;六品至于九品,長六尺。以沐之米爲粥,實於鬲,蓋以疏布,繫以竹蔤,縣於重木。 鑿木爲重, 一品至于三品,長八尺,橫者半之,三分庭一在南;四品至于五品,長七 覆

小斂衣一十九稱,朝服一,笏一,陳於東序,西領北上〔三〕。

設奠於東堂下,甒二,實以體、酒,觶二,角柶一,少牢、腊三,箋、豆俎各八(8)。 設盆盥

於饌東,布巾。贊者辟脯醢之,奠於尸牀西南。

東西皆少退,內外哭。 乃斂。 具牀席於堂西,設盆盥西階之西,如東方。斂者盥,與執服者以斂衣入,喪者 已斂,覆以夷衾,設牀於堂上兩楹間,衽下莞上簟,有枕。卒斂,開

帷,主人以下西面憑哭,主婦以下東面憑哭,退。

巾之。 以親疏爲之。 乃斂髮而奠。 奠者徹襲,奠,自西階降出。 夜則爲燎於庭,厥明滅燎。 贊者盥手奉饌至階,升,設於尸東,醴、酒奠於饌南,西上,其俎,祝受巾 下帷,內外俱坐哭。有國官、僚佐者,以官代哭;無者,

志第十 禮樂十

乃大斂。衣三十稱,上服一稱,冕具簪、導、纓,內喪則有花釵,衾一,西領南上。

設奠如小劍,甒加勻,篚在東南,箋、豆、俎皆有冪,用功布。

**斂者四人舉牀,男女從,奉尸斂於棺,乃加蓋,覆以夷衾,內外皆復位如初。** 外皆少退,立哭。御者斂,加冠若花釵,覆以衾。開帷,喪者東西憑哭如小斂,諸親憑哭。 徹小斂之饌,降自西階,設於序西南,當西霤,如設於堂上。乃適於東階下新饌所,惟堂內 於饌東,設盆盥於東階東南。 祝盥訖,升自阼階,徹巾,執巾者以待於阼階下。 一篚,傍各三篚,以木覆棺上,乃塗之,設帟於殯上,祝取銘置于殯。 棺入,內外皆止哭,升棺於殯所,乃哭。熬八篚,黍、稷、粱、稻各二,皆加魚、腊。燭俟 設熬穀,首足各 **祝盥、贊者** 

入室,西面,設於席前。 祝加巾於俎,奠者降自西階以出。 下帷,內外皆就位哭。 乃奠。執巾、几席者升自阼階,入設於室之西南隅,東面。又几、巾已加,贊者以饌升,

既殯,設靈座於下室西閒,東向,施牀、几、按、屏、帳、服飾,以時上膳羞及湯沐如平生。

殷奠之日,不饋於下室(H)。

又於其南,張帷,席以蒲;小功、緦麻又於其南,設牀,席以蒲。婦人次於西房。 廬在殯堂東廊下,近南,設苫凷。 齊衰於其南,爲堊室,俱北戶,翦蒲爲席,不緣; 大功

三日成服,內外皆哭,盡哀。乃降就次,服其服,無服者仍素服。相者引主人以下俱

杖升,立於殯,內外皆哭。諸子孫跪哭尊者之前,祖父撫之,女子子對立而哭,唯諸父不撫。

尊者出,主人以下降立阼階。

朔望殷奠,饌於東堂下,瓦甒二,實醴及酒,角觶二,木柶一,少牢及腊三俎,二簋、二

簠、二鈃,六箋、六豆。 其日,不饋於下室。

外姻丈夫帷東上行,婦人帷西。祝與進饌者各以奠升,設於柩東席上,祝酌體奠之。 升, 哭於帷東, 西向, 俱南上。諸祖父以下哭於帷東北壁下, 諸祖母以下哭於帷西北壁下, 東,升柩於席。又設席柩東,祝以功布升,拂柩,覆用夷衾,周設帷,開戶東向。主人以下 嘻,乃曰:「謹以吉辰啓殯。」旣告,內外哭。 祝取銘置於重。 掌事者升,徹殯塗,設席於柩 去冠,以袤巾帕頭,就位哭。 祝衰服執功布,升自東階,詣殯南,北向,內外止哭,三聲噫 葬有期,前一日之夕,除葦障,設賓次於大門外之右,南向。 啓殯之日,主人及諸子皆

明器以下,陳於柩車之前。一品引四、披六、鐸左右各八、黼翣二、黻翣二、畫翣二,二品三 品引二、披四、鐸左右各六、黼翣二、畫翣二,四品五品引二、披二、鐸左右各四、黼翣二、畫 陳器用。啓之夕,發引前五刻,搥一鼓爲一嚴,陳布吉、凶儀仗,方相、誌石、大棺車及

一刻頃,搥二鼓爲二嚴,掌饌者徹啓奠以出,內外俱立哭。執縛者皆入,掌事者徹帷,

**翣二,六品至于九品披二、鐸二、畫翣二。** 

禮樂十

取重 持翣 (者升) 出,倚 於門外之東。執旌者立於纛南,北面。 以翣障柩。 執練者升,執鐸者夾西階立,執纛者入,當西階南, 搥三鼓爲三嚴,靈車進於內門外,南向,祝 、北面立。 掌事者

以腰 爽詣 靈座前,西向跪告。 腰輿降自西階,以詣靈車。 腰輿退。

者亦漸 執 鐸者振 而 南 輔止、北面。 鐸,降就階間, 主人以下以次從。 南向。 持翣者障以翣。執纛者却行而引,輴止則北面立;執旌

禮,靈辰不留, 者西南, 南, 北, 下立哭於輴西, 東面 南向西上; 輴 在 北面東上。 北上。 庭。 謹 輴至庭, 東面南上; 異姓之丈夫立哭於主人東南, 內外之際, 奉旋車,式遵 祝帥執饌者設祖奠於輴東,如大斂。 主人及諸子以下立哭於輔東北, 障以行帷。 祖母以下立哭於輴西北,南向東上, 異姓之婦人立哭於主婦 祖道,佁饗。 國官立哭於執紼者東,北面西上,僚佐立哭於執紼 ,西面北上。婦人以次從降,妻、妾、女子子以 祝酌奠,進饌,北面跪曰:「永遷之 西向南上;祖父以下立哭於輔東 西

到 輌 車,執紼者 輴 Щ, 升車 解屬於輔車,設惟障於輔後,遂升柩。 執披者執前後披,紼者引輴出,旌先,蠹次,主人以下從哭於輴後。 祝與執饌者設造 奠於柩東, 如祖奠。 輔出

輴車, 旣 明器輿、下帳輿、米輿、酒脯醢輿、苞牲輿、食輿爲六輿,銘旌、纛、鐸、輌車以次行。 奠, 掌事者以蒲葦苞牲體下節五行, 以繩束之, 盛以盤 載 於興前。 方相 、大棺車、

車南,北面立,內外止哭。賓曰:「某諡封若某位,將歸幽宅,敢致賵。」乃哭,內外皆哭。 某須矣。」執篚者奠,取幣以授賓。牽馬者先入,陳於輴車南,北首西上。賓入,由馬西當輴 東南,北首西上。相者入,受命出,西面曰:「敢請事。」賓曰:「某敢賵。」相者入告,出曰:「孤 賓有贈者,旣祖奠,賓立於大門外西廂,東面,從者以篚奉玄纁立於西南,以馬陳於賓

者拜辭,主人以下婦人皆障以行惟(ま),哭於羨道西,東面北上。 喪至于墓所,下柩。進輔車於柩車之後,張帷,下柩於輔。丈夫在西(云),憑以哭。 人拜稽顙。賓進輔東,西面,奠幣於車上,西出,主人拜稽顙送之。

入墓。施行席於擴戶內之西,執紼者屬紼於輔,遂下柩於擴戶內席上,北首,覆以夷

前,醯、醢設於盤南,苞牲置於四隅,明器設於右。 輴出,持翣入,倚翣於壙內兩廂,遂以帳張於柩東,南向。 米、酒、脯於東北,食盤設於

衾。

石於擴門之內,掩戶,設關鑰,遂復土三。 主人以下稽顙哭,退,俱就靈所哭。 掌儀者祭后 在擴。掌事者以玄纁授主人,主人授祝,奉以入,奠於靈座,主人拜稽顙。 施銘旌、誌

土於墓左。

既下柩於擴, 趙一鼓爲一嚴, 掩戶, 趙二鼓爲再嚴, 內外就靈所, 趙三鼓爲三

志第十 禮樂十

堂上,西面。主人以下出就次,沐浴以俟虞,斬衰者沐而不櫛。 內外俱升。諸祖父以下哭於帷東北壁下,南面;妻及女子子以下婦人哭於靈西,東面 向。 車發引,內外從哭如來儀。 祖母以下哭於帷西北壁下,南面;外姻哭於南廂,丈夫帷東,婦人帷西,皆北面;弔者哭於 徹酒、脯之奠, 追靈車於惟外(10), 陳布儀仗如來儀。腰興入, 少頃出, 詣靈車後。 祝以腰輿詣靈車後。少頃,升,入詣靈座前;主人以下從升,立於靈座東,西面南上; 出墓門,尊者乘,去墓百步,卑者乘以哭。靈車至第西階下,南

倚杖於戶外,入哭于位如初。饌入,如殷奠,升自東階。主人盥手洗爵,酌醴,西面跪奠,哭 虞,禮如初。 右。 設洗於西階西南, 瓦甒二、設於北牖下, 醴、酒在東。 祝跪讀祝,主人哭拜,內外應拜者皆哭拜。 乃出,杖降西階,還次。 虞。主用桑,長尺,方四寸,孔徑九分,烏漆匱,置於靈座,在寢室內戶西,東向,素几在 喪者既沐,升靈所。 主人及諸子 間日再虞,後日三

妻妾女子去腰絰。主用栗,祭如虞禮。 小祥。毀廬爲堊室,設蒲席。 堊室者除之,席地。 主人及諸子沐浴櫛翦,去首絰,練冠,

於寢。 大祥之祭如小祥。間月而磹,釋祥服, 食有醢、醬,旣禪而飮醴酒,食乾肉。 而禪祭如大祥。 既祥而還外寢。 妻妾女子還

品 帷,俟 再拜。 匵,升 以 出, 西階 座 北 於 日 前 位 東 北 向 升 掌廟 爲 西 於 南 前 耐 、 簠二、 祭訖 自 興 一品者各八。 西 終獻 掌饌 Ļ 廟, 日, 者 山 東 酉 東 祝 階,入, m 告曰:「以今吉 以 筮 面 向 設洗 東 者 行 釺二。 仍扶 還。 次匵 主人以酒、脯告遞遷之主,乃遷置於幄 事 南, 引 設 相 饌 者從 於 於左, 將耐 俱 輔 子孫位於南門內道東,北面 開埳室, 神 者引主 主人及行 入, 酒 作階東南, 北向, 主 主 西 尊二, 其 入,各就位。 面 一納 ·,掌事者爲埳室於始祖廟室西壁,主人及亞獻以下散齊三日,致齊 升自東階,入於室,各設於神座前。 入 降自 自 辰, 北 於埳室。 人 出 南 上。 以 事 一西階, 奉遷 會祖 門, Ŧ 者祭服。 一實玄酒 設贊唱者位 降自東階, 心會祖 升自 通神主于 又設考之祔 興詣 子孫內 實爵三, 西 爲上, 室前 妣 掌事 階 廟。」執 神主置於座, 外陪從於後。至廟門, ,入於室。 各就 於主人 者具腰 巾二, 迴 其一 西上。 坐於會祖 奥者以 輿 位。 西 實清 西南, 加冪。 設 坐, 興, 向。 祝 諸 (興升) 降、出。 亞 立. 酒次之。 室內東 又奠酒、脯 掌 子孫 西 獻、終獻位於主人東南。 祝 定, 廟者、 其日 主人盥手,洗餌, 面 啓 從升, 入, 贊唱 賣 屋下,西向,右几。 設酒 執 其變 出 具少牢之饌二座,各俎三、 閣寺人立於廟庭, 進 諸 尊、罍、篚 者曰:「 立 神 以安神。 婦 **興於座前**, 尊 一於室 主, 豆,一品者各 人停 於堂上室戶之東 置 再拜。」 戶 升自 於門 於 者 掌饌 西, 坐。 入就 祝 東階 重行 設 在 興 納 設掌事以 者徹膳 位 十 二 , 二 北 主人 降 位 周 神 東 酌 者 立 以行 主 祝 面 皆 於 位 辽 於 進 再

志

第

+

禮

樂

+

校

勘

19

祖座。 出。 出,降,復位。 祖,又酌酒入,進,東面跪,奠於祖神座,出戶,北面再拜訖,又入室,立於西壁下,東面再拜, 酒,入室,進,北面跪,奠爵於曾祖神座前。主人出,取爵酌酒,入室,進,東面跪,奠於祖座 下祔祭于正寢,禮略如之。 **魇**,置於興,詣考廟,出神主置於座,進酒、脯之奠,少頃,徹之。 祝納神主於**埳**室。 掌饌者入,徹饌以出。 出戶,北面立。祝持版進於室戶外之右,東向跪讀祝文,主人再拜。祝進,入奠版於會 主人出,降,還本位。初,主人出,亞獻盥手,洗餌,升,酌酒入,進,北面跪,奠於曾 掌廟者納曾祖神主於埳室,出,又以腰輿升諸考神座前,納主於 六品以

#### 校勘記

- (二) 為兄弟之子女子之長殤中殤 開元禮卷一三二、通典卷一三四「女子」作「女子子」。
- (三) 妾及女子在其後 開元禮卷一三八、通典卷一三八「女子」作「女子子」。
- 陳於東序西領北上 各本無上」字,據開元禮卷一三八、通典卷一三八補
- 少年腊三籩豆俎各八 開元禮卷一三八、通典卷一三八均作「少年及腊三俎,箋、豆各八」。
- (量) 不饋於下室 「不饋」,各本原作「下饋」,據開元禮卷一三八、通典卷一三八及本卷下文改。

(元) 外姻丈夫帷東上 開元禮卷一三八、通典卷一三八俱作「外姻丈夫帷東北面西上」。

(中) 掌事者以蒲葦苞性體下節五 開元禮卷一三九、通典卷一三九「五」作「七」。通典注云:「四品

五品五苞,六品以下二苞。」

S 丈夫在西 開元禮卷一三九、通典卷一三九均作「丈夫柩東,婦人柩西」。

(充) 主人以下婦人皆障以行帷 開元禮卷一三九「主人以下」有「哭於羨道東, 西面北上,妻妾女子

子以下」十六字,通典卷一三九同,惟「妾」作「及」。

(10) 追靈車於帷外 開元禮卷一三九、通典卷一三九「追」俱作「進」。

## 唐書卷二十一

#### 志第十一

# 禮樂十

於有形而必弊,聲藏於無形而不竭,以有數之法求無形之聲,其法具存。 制之,用其長短、多少、輕重以相參考。四者旣同,而聲必至,聲至而后樂可作矣。夫物用 時而弊,則又總其法而著之於數。使其分寸、龠合、銖兩皆起於黃鍾,然後律、度、量、衡相 黍之多,積而爲龠、合;一黍之重,積而爲銖、兩。此造律之本也。故爲之長短之法,而著 也,乃多爲之法以著之。故始求聲者以律,而造律者以黍。自一黍之廣,積而爲分、寸;一 用爲表裏,使得律者可以制度、量、衡,因度、量、衡亦可以制律。不幸而皆亡,則推其法數而 之於度;爲之多少之法,而著之於量;爲之輕重之法,而著之於權衡。是三物者,亦必有 聲無形而樂有器。古之作樂者,知夫器之必有弊,而聲不可以言傳,懼夫器失而聲遂亡 無作則已,茍有

志第十

禮樂

+

作者,雖去聖人於千萬歲後,無不得焉。 此古之君子知物之終始,而憂世之慮深,其多爲之

法而丁寧纖悉,可謂至矣。

神之歡,其金石之響,歌舞之容,則各因其功業治亂之所起,而本其風俗之所由。 者各因其所學,雖淸濁高下時有不同,然不能出於法數。至其所以用於郊廟、朝廷,以接人 三代旣亡,禮樂失其本,至其聲器、有司之守,亦以散亡。自漢以來,歷代莫不有樂,作

歌、房中等十四調而已。 樂,相與譔定。 時君褊迫,不足以堪其事也。 自漢、魏之亂,晉遷江南,中國遂沒於夷狄。 調,凡十二律爲八十四調,其說甚詳。 依京房六十律,因而六之,爲三百六十律,以當一歲之日,又以一律爲七音, 是時鄭譯、牛弘、辛彥之、何安、蔡子元、于普明之徒,皆名知 而終隋之世,所用者黃鍾一宮,五夏、二舞、登 至隋滅陳,始得其樂器,稍欲因而有作,而

徵爲正徵,因變宮爲淸宮。七音起黃鍾,終南呂,迭爲綱紀。 擊,謂之啞 始詔太常少卿 由是十二鍾皆用。 記曰:「功成作樂。」蓋王者未作樂之時,必因其舊而用之。 鍾。 祖孝孫、 唐協律郎張文收乃依古斷竹爲十二律,高祖命與孝孫吹調五鍾,叩之而應, 孝孫又以十二月旋相爲六十聲、八十四調。 協律 郎竇璡等定樂。 初, 隋用黃鍾一宮, 黄鍾之律,管長九寸,王於中 其法, 唐興卽用隋樂。 惟擊 因五音生二變, 七 鍾,其五鍾設而不 武德九年, 因變

宮土。半之,四寸五分,與淸宮合,五音之首也。加以二變,循環無間。故一宮、二商、三角、 二變徵調,居角音之後,正徵之前。十二變宮調,在羽音之後,淸宮之前。雅樂成調,無出 商也。十二徵調,調有下聲三,宮、商、角也。十二羽調,調有下聲四,宮、商、角、徵也。十 無復濁音,故五音以宮爲尊。十二商調,調有下聲一,謂宮也。十二角調,調有下聲二,宮、 四變徵、五徵、六羽、七變宮,其聲繇濁至淸爲一均。凡十二宮調,皆正宮也。正宮聲之下, 七聲,本宮遞相用。唯樂章則隨律定均,合以笙、磬,節以鍾、鼓。樂旣成,奏之。

隋末喪亂,雖改音律而樂不和。若百姓安樂,金石自諧矣。」 哉。』樂在人和,不在音也。」十一年,張文收復請重正餘樂,帝不許,曰:「朕聞人和則樂和, 侶之曲尙存,爲公奏之,知必不悲。」尙書右丞魏徵 進曰:「孔子稱:『樂云樂云,鐘鼓云乎 樂之所起。」帝曰:「夫聲之所感,各因人之哀樂。將亡之政,其民苦,故聞以悲。今玉樹、伴 亡也,有玉樹後庭花,齊將亡也,有絆侶曲,聞者悲泣,所謂亡國之音哀以思。以是觀之,亦 太宗謂侍臣曰:「古者聖人沿情以作樂,國之興衰,未必由此。」御史大夫杜淹曰:「陳將

奇玩,乃獻之。 皆方,積十而登,以至於斛,與古玉尺、玉斗同。皆藏於太樂署。武后時,太常卿武延秀以爲 文收旣定樂,復鑄銅律三百六十、銅斛二、銅秤二、銅甌十四、秤尺一。 斛左右耳與臀 及將考中宗廟樂,有司奏請出之,而秤尺已亡,其跡猶存,以常用度量校之,

志

禮

樂十一

議者以爲非是。 更加磨剡,凡二十五日而成。 「太常諸樂調皆下,不合黃鍾,請悉更制諸鍾磬。」帝以爲然,乃悉取太常諸樂器入于禁中, 尺當六之五,量、衡皆三之一。至肅宗時,山東人魏延陵得律一,因中官李輔國獻之,云: 御三殿觀之,以還太常。 然以<u>漢</u>律考之,黃鍾乃太簇也,當時

使,求知聲者,得處土蕭承訓等,校石磬,合而擊拊之,音遂諧。 博士殷盈孫按周法以算數除鎛鍾輕重高卬,黃鍾九寸五分,倍應鍾三寸三分半,凡四十八 圖上口項之量及徑衡之圍。乃命鑄鎛鍾十二,編鍾二百四十。 其後黃巢之亂,樂工逃散,金奏皆亡。昭宗即位,將謁郊廟,有司不知樂縣制度。太常 宰相張濬爲脩奉樂縣

樂章舞曲。 唐 爲國而作樂之制尤簡,高祖、太宗卽用隋樂與孝孫、文收所定而已。其後世所更者, 至于昭宗,始得盈孫焉,故其議論罕所發明。 若其樂歌廟舞,用於當世者,可以

考也。

北 在十二辰之位。 嚮。 樂縣之制。 東方、西方, 磬虡起北, 鍾虡次之; 宮縣四面,天子用之。若祭祀,則前祀二日,太樂令設縣於壇南內壝之外 樹雷鼓於北縣之內、道之左右,植建鼓於四隅。 南方、北方,磬虡起西, 置柷、敔於縣內,柷在右, 鍾虡 次之。 鎛鍾十有二,

案設羽葆鼓一,大鼓一,金錞一,歌、簫、笳皆二。 以當辰位,而無路鼓。 琴、瑟、箏、筑皆一,在堂上;笙、和、簫、篪、塤皆一,在堂下。若皇后享先蠶,則設十二大磬, 其設於庭,則在南,而登歌者在堂。若朝會,則加鍾磬十二處,設鼓吹十二案於建鼓之外。 之次,匏、竹在下。 面。 去宮縣之南 在左。 皆植建鼓於東北、西北二隅。特縣,去判縣之西面,或陳於階間,有其制而無所用。 設歌鍾、歌磬於壇上,南方北向。 面。判縣二面,唐之舊禮,祭風伯、雨師、五嶽、四瀆用之。其制, 凡天神之類,皆以雷鼓;地祇之類,皆以靈鼓;人鬼之類,皆以路鼓。 軒縣三面, 皇太子用之。若釋奠于文宣王、武成王, 亦用之。 馨處在西,鍾虡在東。琴、瑟、箏、筑皆一,當馨處 登歌,鍾、磬各一處,節鼓一,歌者四人, 、去軒縣之北

含元殿 六虡。 陽之位,此禮經所不著。 昭宗時,宰相張濬已修樂縣,乃言,舊制,太淸宮、南北郊、社稷及諸殿廷用二十虡,而太廟、 以當甲丙庚壬,磬虡四,以當乙丁辛癸,與關元禮異,而不知其改制之時。 自 隋以前, 凡 用三十六處,濬以爲非古,而廟廷狹隘, .横者爲簨,植者爲虡〔1〕。虡以縣鍾磬,皆十有六,周人謂之一堵,而唐人謂之一虡。 高宗蓬萊宮成,增用七十二處。 宮縣二十處。 及隋平陳, 得梁故事用三十六虡,遂用之。唐初因隋舊,用三十 至武后時省之。 不能容三十六, 乃復用二十虡。 開元定禮,始依古著爲二十虡。 或說以鍾磬應陰 而 鍾虡四,

爲簫,爲管,爲篪,爲笛,爲春牘。此其樂器也。 爲節鼓,爲拊,爲相。 宮縣與登歌、鼓吹十二案樂器有數,其餘皆略而不著,而其物名具在。 八音:一日金,爲餺 柷,爲敔,爲雅,爲應。七曰匏,爲笙,爲竽,爲巢,巢,大笙也,爲和,和,小笙也。八曰竹, 燻,爲嘂,嘂,大壎也。 鍾,爲編鍾,爲歌鍾,爲錞,爲鐃,爲鐲,爲鐸。 二日石,爲大磬,爲編磬,爲歌磬。 三日土,爲 凡樂八音,自漢以來,惟金以鍾定律呂,故其制度最詳,其餘七者,史官不記。 五日絲,爲琴,爲瑟,爲頌瑟,頌瑟,箏也;爲阮咸,爲筑。六日木,爲 四日革,爲雷鼓,爲靈鼓,爲路鼓,皆有鼗;爲建鼓,爲鼗鼓,爲縣鼓, 至唐,獨

自高宗以後, 稍更其曲名。 以爲十二和之制未備,乃詔有司釐定,而文收考正律呂,起居郞呂才叶其聲音,樂曲遂備。 <u>;究</u>和,十日<u>休和,十一日</u>正和,十二日逐和。 用於郊廟、朝廷,以和人神。 孝孫已卒,張文收 日發和,二日順和,三日泳和,四日肅和,五日雍和,六日壽和,七日太和,八日舒和,九日 初,祖孝孫已定樂,乃曰大樂與天地同和者也,製十二和,以法天之成數,號大唐雅樂: 開元定禮,始復遵用孝孫十二和。 其著于禮者:

告于圓丘,燔柴告至,封祀太山,類于上帝,皆以圜鍾爲宮,三奏,黃鍾爲角,太簇爲徵,姑 一日豫和,以降天神。 冬至祀圓丘,上辛祈穀,孟夏雩,季秋享明堂,朝日,夕月,巡狩

洗爲羽,各一奏,文舞六成。 五郊迎氣,黃帝以黃鍾爲宮,赤帝以函鍾爲徵,白帝以太簇爲

商,黑帝以南呂爲羽,青帝以姑洗爲角,皆文舞六成。

爲宮,三奏。 首,皆以函鍾爲宮,太簇爲角,姑洗爲徵,南呂爲羽,各三奏,文舞八成。望于山川,以穀賓 二日順和,以降地祇。夏至祭方丘,孟冬祭神州地祇,春秋社,巡狩告社,宜于社,禪社

則奏泳和, 六均皆一成以降神, 而送神以豫和。 成;送神,各以其曲一成。蜡兼天地人,以黄鍾奏豫和,麩賓、姑洗、太簇奏顺和,無射、夷 太簇爲徵,應鍾爲羽,各二奏。文舞九成。祀先農,皇太子釋奠,皆以姑洗爲宮,文舞三 三日永和,以降人鬼。時享、禘祫,有事而告謁于廟,皆以黃鍾爲宮,三奏,大呂爲角,

鍾爲宮;祀先農、釋奠,以南呂爲宮;望于山川,以函鍾爲宮。 四曰肅和,登歌以奠玉帛。于天神,以大呂爲宮;于地祇,以應鍾爲宮;于宗廟,以圜

俎,以無射爲宮。 五日雍和,凡祭祀以入俎。天神之俎,以黄鍾爲宮,地祇之俎,以太簇爲宮,人鬼之 又以徹豆。 凡祭祀, 俎入之後, 接神之曲亦如之。

六日壽和,以酌獻、飮福。以黃鍾爲宮。

亦以黃鍾爲宮。凡祭祀,天子入門而卽位,與其升降,至于還

四六六

次,行則作,止則止。其在朝廷,天子將自內出,撞黃鍾之鍾,右五鍾應,乃奏之。 其禮畢,

興而入,撞麩賓之鍾,左五鍾應,乃奏之。皆以黃鍾爲宮。

八日舒和,以出人二舞,及皇太子、王公、羣后、國老若皇后之妾御、皇太子之宮臣,出

入門則奏之。皆以太簇之商。

九曰昭和,皇帝、皇太子以舉酒。 十日(休和,皇帝以飯,以肅拜三老,皇太子亦以飯。皆以其月之律均。

十一日(正和,皇后受册以行。

十二日承和,皇太子在其宮,有會以行。 若駕出,則撞黃鍾,奏太和。 出太極門而奏采

淡,至于<u>嘉</u>德門而止。 其還也亦然。

舿,烏皮鞾。 相在左,執雅在右,皆二人夾導,服平冕,餘同文舞。 左干右戚,執旌居前者二人,執鼗執鐸皆二人,金錞二,輿者四人,奏者二人,執鐃二人,執 舞:左籥右翟,與執纛而引者二人,皆委貌冠,黑素,絳領,廣袖,白絝,革帶,烏皮履。 武舞: 初,隋有文舞、武舞,至祖孝孫定樂,更文舞日治康,武舞日凱安,舞者各六十四人 文 執干戚夾導,皆同郊廟。 凡初獻,作文舞之舞;亞獻、終獻,作武舞之舞。太 朝會則武弁,平巾幘,廣袖,金甲,豹文

常卿 廟降 1推平; (章萬石定凱安舞六變:一變象龍 .神以文舞,每室酌獻,各用其廟之舞。 五 |變象|檢||狁伏從;六變復位以崇,象兵還振旋 興參墟; 禘祫遷廟之主合食,則舞亦如之。 儀鳳二年,太 二變象克定關中; 三變象東夏賓服; 四變

舞,世祖 舞,順宗日大順之舞,憲宗日象德之舞,穆宗日和寧之舞, 舞,睿宗日景雲之舞,玄宗日大運之舞,肅宗日惟新之舞, 武宗日大定之舞,昭宗日咸寧之舞。 杒, ,而自獻祖 日大成之舞,高祖日大明之舞,太宗日崇德之舞, 韶祕書監顏師古等撰定弘農府君至高祖太武皇帝六廟樂曲舞名, 而下廟舞,略可見也。 其餘闕而不著。 獻祖日光大之舞,懿祖日長發之舞,太祖 高宗日鈞天之舞, 代宗日保大之舞, 敬宗日大鈞之舞, 中宗 德宗日文明之 文宗日文成之 日太和之 日大政之 其後

唐之自製樂凡三:一日七德舞,二日九功舞,三日上元舞。

也。 武 屈 卽 位 伸 功 興, 右僕 <u>七德舞者,本名秦王破陣樂。</u>太宗爲秦王,破劉武周,軍中相與作秦王破陣樂曲。 以 宴會必奏之,謂侍臣曰:「雖發揚蹈厲,異乎文容,然功業由之,被於樂章,示不忘本 象 終以 (射封德彝曰:「陛下以聖武戡難,陳樂象德,文容豈足道也!」帝矍然曰:「殷雖以 魚麗、鵝鸛。 文德綏海內,謂文容不 命呂才以圖教樂工百二十八人,被銀甲執戟而舞,凡三變,每變爲四 如如 蹈 厲, 斯過矣。」乃製舞圖,左圓右方,先偏後伍,交錯

志

第

+

虞世南、太子右庶子李百樂更製歌辭,名曰、北德舞。舞初成,觀者皆扼腕踊躍,諸將上壽,羣 陣,象擊刺往來,歌者和曰:「秦王破陣樂」。後令魏徵與員外散騎常侍褚亮、員外散騎常侍 日、冬至朝會慶賀,與江沙舞同奏。舞人更以進賢冠,虎文袴,螣蛇帶,烏皮鞾,二人執旌居 樂陳其梗槩而已。若備寫禽獲,今將相有嘗爲其臣者,觀之有所不忍,我不爲也。」自是元 下破劉武周、薛舉、竇建德、王世充,願圖其狀以識。」帝曰:「方四海未定,攻伐以平禍亂,製 臣稱萬歲,蠻夷在庭者請相率以舞。太常卿蕭瑀曰:「樂所以美盛德形容,而有所未盡,陛

持戟,執纛者被金甲,八佾,加簫、笛、歌鼓,列坐縣南,若舞即與宮縣合奏。 其宴樂二舞仍 享宴奏文舞,用功成慶善樂,曳履,執紼,服袴褶,童子冠如故。武舞用神功破陣樂,衣甲, 德冠,紫袴褶,長袖,漆髻,屣履而舞,號<u>九功舞。</u>進蹈安徐,以象文德。<u>麟</u>德二年韶:「郊廟、 漢沛、宛。帝歡甚,賦詩,起居郞呂才被之管絃,名曰:功成慶善樂。 以童兒六十四人, 冠進 <u></u>
九功舞者,本名功成慶善樂。 太宗生於慶善宮,貞觀六年幸之,宴從臣,賞賜閭里,同 脯

其後更號神功破陣樂。

**儀**、三才、四時、五行、六律、七政、八風、九宮、十洲、得二、慶雲之曲,大祠享皆用之。至上 上元舞者,高宗所作也。舞者百八十人,衣畫雲五色衣,以象元氣。其樂有上元、二 別設焉。」

元 三年,詔:「惟圓丘、方澤、太廟乃用,餘皆罷。」又曰:「神功破陣樂不入雅樂,功成慶善樂

不可降神,亦皆罷。」而郊廟用治康、凱安如故。

著于雅樂者二徧;慶善樂五十徧,著于雅樂者一徧;上元舞二十九徧, 之舞皆亡,唯其名存。 天子不宜起立」。 帝復令奏之,舞畢,歎曰:「不見此樂垂三十年,追思王業勤勞若此,殷安可忘武功邪 宮,置酒,韋萬石曰:「破陣樂舞,所以宣揚祖宗盛烈,以示後世,自陛下卽位,寢而 先奏文舞;征伐得天下,則先奏武舞。神功破陣樂有武事之象,功成慶善樂有文事之象,用 臣 曰:「雲門、大咸、大響、大夏,古文舞也。 大獲、大武,古武舞也。 二舞,請先奏神功破陣樂。」初,朝會常奏破陣舞,高宗卽位,不忍觀之,乃不設。 |皆稱萬歲。 禮,天子親總干戚,以舞先祖之樂。今破陣樂久廢,羣下無所稱述,非所以發孝思也。 儀鳳二年,太常卿章萬石奏:「請作上元舞,兼奏破陣、慶善二舞。 然遇饗燕奏二樂,天子必避位,坐者皆興。 韶從之。及高宗崩,改治康舞日化康以避諱。 自後復用隋文舞、武舞而已。 太常博士裴守眞以謂「奏二 武后毀唐太廟,七德、九功 爲國家者,揖讓得天下,則 而破陣樂五十二徧 皆著于雅樂。」又 後幸九成 不作者人 一舞時

燕樂。 高祖 即位,仍隋制設九部樂:燕樂伎,樂工舞人無變者。 清商伎者,隋清樂也。有

+

收其樂。有豎箜篌、銅角,一;琵琶、五絃、橫笛、簫、觱篥、答臘鼓、腰鼓、雞婁鼓、羯鼓,皆二 篥、答臘鼓、毛員鼓、都曇鼓、侯提鼓、雞婁鼓、腰鼓、齊鼓、檐鼓、貝,皆一;銅鈸二。 舞者四 篥。 胡旋舞,舞者立毬上,旋轉如風。 龜茲伎,有彈箏、豎箜篌、琵琶、五絃、橫笛、笙、簫、觱 銅鈸二,貝一。白舞一人,方舞四人。沃竺伎,有銅鼓、羯鼓、都曇鼓、毛員鼓、觱篥、横笛、 膝,皆二。歌二人,吹葉一人,舞者四人,并習巴渝舞。西涼妓,有編鍾、編磬,皆一;彈箏、 舞者二人。康國妓,有正鼓、和鼓,皆一;笛、銅鈸,皆二。舞者二人。工人之服皆從其國。 疏勒歧,有豎箜篌、琵琶、五絃、簫、横笛、觱篥、答臘鼓、羯鼓、侯提鼓、腰鼓、雞婁鼓,皆一; 子郎。安國伎,有豎箜篌、琵琶、五絃、横笛、簫、觱篥、正鼓、和鼓、銅鈸,皆一;舞者二人。 人。設五方師子,高丈餘,飾以方色。每師子有十二人,畫衣,執紅拂,首加紅袜,謂之師 箜篌、豎箜篌、琵琶,以蛇皮爲槽,厚寸餘,有鱗甲,楸木爲面,象牙爲捍撥,畫國王形。 又有 **搊箏、臥箜篌、豎箜篌、琵琶、五絃、笙、簫、觱篥、小觱篥、笛、横笛、腰鼓、齊鼓、檐鼓,皆一;** 編鍾、編磬、獨絃琴、擊琴、瑟、秦琵琶、臥箜篌、筑、箏、節鼓,皆一;笙、笛、簫、篪、方響、跋 五絃、義觜笛、笙、葫蘆笙、簫、小觱篥、桃皮觱篥、腰鼓、齊鼓、檐鼓、龜頭鼓、鐵版、貝、大觱 鳳首箜篌、琵琶、五絃、貝,皆一;銅鈸二,舞者二人。。高麗妓,有彈箏、搊箏、鳳首箜篌、臥 隋樂每奏九部樂終,輒奏文康樂,一曰禮畢。 太宗時,命削去之,其後遂亡。及平高昌,

工人布巾,給袍,錦襟,金銅帶,畫絝。 舞者二人,黃袍袖, 練襦,五色絛帶, 金銅 耳璫,

赤鞾。自是初有十部樂。

建德 也,乘馬名黃驄驃,及征高麗,死於道, 其後因內宴,韶長孫无忌製傾盃曲, 魏徵製樂社樂曲, 頗哀惜之,命樂工製黃驄疊曲 虞世南製英雄樂曲。 四曲 帝之破竇 皆宮調

五絃,如琵琶而小,北國所出,舊以木撥彈,樂工裴神符初以手彈,太宗悅甚,後人習爲

搊琵琶。

也。

帶,烏鞾。舞者二十人。分四部:一景雲舞,二慶善舞,三破陣舞,四承天舞。 人,五色雲冠,錦袍,五色袴,金銅帶。慶善樂,舞四人,紫袍,白袴。 尺八、短笛,皆一;毛員鼓、連鞉鼓、桴鼓、貝,皆二。每器工一人,歌二人。工人絳袍, 搊箏、筑、臥箜篌、大小箜篌、大小琵琶、大小五絃、吹葉、大小笙、大小觱篥、簫、銅鈸、長笛 高宗卽位,景雲見,河水淸,張文收采古誼爲景雲河淸歌,亦名燕樂曰。有玉磬、方響、 承天樂,舞四人,進德冠,紫袍,白袴。 景雲舞,元會第一奏之。 破陣樂,舞四人,綾袍, 景雲樂,舞八 金

琴,歌南風之詩, 高宗以琴曲寖絕,雖有傳者,復失宮商,令有司脩習。太常丞呂才上言:「舜彈五絃之 是知琴操曲弄皆合於歌。今以御雪詩爲白雪歌。 古今奏正曲復有送聲,

勘記

四七二

君唱臣和之義,以羣臣所和詩十六韻爲送聲十六節。」帝善之,乃命太常著于樂府。 才復撰

零歌、白雪等曲,帝亦製歌詞十六,皆著樂府。

十人,被五采甲,持槊而舞,歌者和之曰:「八紘同軌樂。」象高麗平而天下大定也。及遼東 帝將伐高麗,燕洛陽城門,觀屯營敎舞,按新征用武之勢,名曰一戎大定樂,舞者百四

平,行軍大總管李勣作,夷美濱之曲以獻。

調露二年,幸洛陽城南樓,宴羣臣,太常奏六合還淳之舞,其容制不傳。

高宗自以李氏老子之後也,於是命樂工製道調。

#### 校勘記

(1) 凡橫者爲簨植者爲處 各本原作「植者爲簨,橫者爲虡」。 禮記明堂位鄭註:「横日簨」,「植日

舊書卷二九音樂志、通典卷一四四均謂:「樂縣橫曰奠,豎曰簴。」據改。

高宗卽位景雲見河水淸張文收采古誼爲景雲河淸歌亦名燕樂 舊書卷二八音樂志、冊府卷五六九均繫此事於貞觀十四年。 按通典卷一四六,此貞觀中事。

# 唐書卷二十二

### 志第十二

## 禮樂十二

後聲器寖殊,或有宮調之名,或以倍四爲度,有與律呂同名,而聲不近雅者。其宮調乃應夾 宮;越調、大食調、高大食調、雙調、小食調、歇指調、林鍾商爲七商;大食角、高大食角、雙 鍾之律,燕設用之。 調、高般涉爲七羽。皆從濁至淸,迭更其聲,下則益濁,上則益淸,慢者過節,急者流蕩。其 角、小食角、歇指角、林鍾角、越角爲七角;中呂調、正平調、高平調、仙呂調、黃鍾羽、般涉 凡所謂俗樂者,二十有八調:正宮、高宮、中呂宮、道調宮、南呂宮、仙呂宮、黃鍾宮爲七 自周、陳以上,雅鄭淆雜而無別,隋文帝始分雅、俗二部,至唐更曰「部當」。

絲有琵琶、五絃、箜篌、筝,竹有觱篥、簫、笛,匏有笙,革有杖鼓、第二鼓、第三鼓、腰鼓、 志 第十二 禮 樂十二

故俗部諸曲、悉源於雅樂。 而 大鼓,土則附革而爲鞚,木有拍板、方響,以體金應石而備八音。 曲出 [於胡部。復有銀字之名,中管之格,皆前代應律之器也。 後人失其傳,而更以異名, 倍四本屬清樂,形類雅音,

陳後 也 也; 也; 也; (調, 誕 漢元帝時作也,明之君,漢鞞舞曲也,鐸舞,漢曲也,白鳩, 蔡邕五弄、楚調四弄,謂之九弄。 隋亡,清樂散缺,存者纔六十三曲。 其後傳者:平調 長史變,晉司徒左長史王廞作也;丁督護,晉、宋間曲也;讀曲,宋人爲彭城王義康作 处作也; 主作也;泛龍舟,隋煬帝作也。 常林歡,宋、梁間曲也;三洲,商人歌也;採桑,三洲曲所出也;玉樹後庭花、堂堂, 子~夜, 與其辭皆訛失,十不傳其一二。 烏夜啼,宋臨川王義慶作也;石城,宋臧質作也;漠愁,石城樂所出也;襄陽,宋隨 周、隋管絃雜曲數百,皆西凉樂也。 鼓舞曲,皆龜茲樂也。 周房中樂遺聲也;白雪,楚曲也;公莫舞,漢舞也;巴渝,漢高帝命工人作也;明 晉曲也;前溪,晉車騎將軍沈珫作也;團扇,晉王珉歌也;燠儂,晉隆安初謠 烏夜飛,宋沈攸之作也;估客樂,齊武帝作也,楊叛,北齊歌也,聽壺, 又有吳聲四時歌、雅歌、上林、鳳雛、平折、 唯琴工獨傳楚、漢舊聲及清 吳拂舞曲也; 命嘯等曲, 投壺樂

蓋

|唐自太宗、高宗作三大舞,雜用於燕樂,其他諸曲出於一時之作,雖非純雅,尙不至

側,居新聲、散樂、倡優之伎,有諧謔而賜金帛朱紫者,酸棗縣尉袁楚客上疏極 頗有預謀者。及卽位, 於淫放。 武后之禍 ,繼以中宗昏亂,固無足言者。 ,命寧王主藩邸樂,以亢太常,分兩朋以角優劣。 玄宗爲平王,有散樂一部,定韋后之難 置內教坊於蓬萊宮

又作小破陣樂,舞者被甲胄。又作光聖樂,舞者鳥冠、畫衣,以歌王迹所興 十有二人,冠芙蓉冠,躡履, 初,帝賜第隆慶坊,坊南之地變爲池,中宗常泛舟以厭其祥。 備用雅樂, 唯無磬。又作聖壽樂,以女子衣五色繡襟而舞之。 帝即位, ,作龍池樂,

者隸立部,又不可敎者,乃習雅樂。 又分樂爲二部:堂下立奏,謂之立部伎; 堂上坐奏,謂之坐部伎。 太常閱坐部,不可教

用之。 大定樂又加金鉦。 八光聖樂。 立部伎八: 安舞、太平樂,周、隋遺音也。 安舞,二太平樂,三破陣樂, 慶善舞顓用西凉樂,聲頗開雅。 破陣樂以下皆用大鼓,雜以 四慶善樂,五大定樂,六上元樂,七聖壽樂 每享郊廟,則破陣、上元、 龜茲樂, 慶善三舞皆 其聲震厲

,皆武后作也。 坐部伎六:一燕樂,二長壽樂,三天授樂,四鳥歌萬歲樂,五龍池樂,六小破陣樂。天授、 天授,年名。 鳥歌者,有鳥能人言萬歲, 因以制樂。 自長壽樂以下,用

龜茲舞,唯龍池樂則否。

志

+

禮

樂

+

資、紫極、小長壽、承天、順天樂六曲,又製商調君臣相遇樂曲。 李會元製大羅天曲,工部侍郎賀知章製紫淸上聖道曲。太淸宮成,太常卿韋縚製景雲、九 霓裳羽衣曲將畢,引聲益緩。帝方浸喜神仙之事,詔道士司馬承禛製玄眞道曲,茅山道士 <u>| 成曲,與小破陣樂更奏之。其後,河西節度使楊敬忠獻霓裳羽衣曲十二遍,凡曲終必遽,唯</u> 民間以帝自潞州還京師,舉兵夜半誅章皇后,製夜半樂、還京樂二曲。帝又作文

|帝厭其聲澹,曲終復加解音。 |玄宗旣知音律,又酷愛法曲,選坐部伎子弟三百教於梨園,聲 法部, 更置小部音聲三十餘人。帝幸驪山, 楊貴妃生日, 命小部張樂長生殿, 因奏新曲, 未 號曰「秦漢子」,蓋絃鼗之遺製,出於胡中,傳爲秦、漢所作。其聲金、石、絲、竹以次作,隋煬 有名,會南方進荔枝,因名日荔枝香。 有誤者,帝必覺而正之,號「皇帝」梨園弟子」。宮女數百,亦爲梨園弟子,居宜春北院。 梨園 初,隋有法曲,其音淸而近雅。其器有鐃、鈸、鍾、磬、幢簫、琵琶。 琵琶圓體修頸而小,

焦殺,特異衆樂。 袖,諸樂不可方也。」蓋本戎羯之樂,其音太蔟一均,龜茲、高昌、疏勒、天竺部皆用之, 其聲 帝又好羯鼓,而寧王善吹横笛,達官大臣慕之,皆喜言音律。帝常稱:「羯鼓,八音之頜

開元二十四年,升胡部於堂上。而天寶樂曲,皆以邊地名,若涼州、伊州、甘州之類。

後又詔道調、法曲與胡部新聲合作。 明年,安祿山反,涼州、伊州、甘州皆陷吐蕃。

唐之盛時,凡樂人、音聲人、太常雜戶子弟隸太常及鼓吹署,皆番上,總號音聲人,至數

萬人。

雅樂,每部數十人,間以胡夷之技。內閑廢使引戲馬,五坊使引象、犀,入場拜舞。宮人數 百衣錦繡衣,出帷中,擊雷鼓,奏小破陣樂,歲以爲常。 會勤政樓。 工少年姿秀者十數人,衣黃衫、文玉帶,立左右。每千秋節,舞於勤政樓下,後賜宴設酺,亦 玄宗又嘗以馬百匹,盛飾分左右,施三重榻,舞傾盃數十曲, 其日未明,金吾引駕騎,北衙四軍陳仗,列旗幟,被金甲、短後繡袍。 壯士舉楊,馬不動。 太常卿引

間,聞者爲之悲涼感動。蓋其事適足爲戒,而不足考法,故不復著其詳。自肅宗以後,皆以 爲盛。其後巨盜起,陷兩京,自此天下用兵不息,而離宮苑囿遂以荒堙,獨其餘聲遺曲傳人 日爲節,而德宗不立節,然止於羣臣稱觴上壽而已。 千秋節者,玄宗以八月五日生,因以其日名節,而君臣共爲荒樂,當時流俗多傳其事以

代宗繇廣平王復二京,梨園供奉官劉日進製寶應長寧樂十八曲以獻,皆宮調也。 大曆元年,又有廣平太一樂。 涼州曲,本西涼所獻也,其聲本宮調,有大遍、小遍。 貞元

+ =

醴

樂十二

初,樂工康崑崙寓其聲於琵琶,奏於玉宸殿,因號玉宸宮調,合諸樂,則用黃鍾宮。

曲將半,而行綴皆伏,一人舞於中,又令女伎爲佾舞,雄健壯妙,號孫武順聖樂。 辰未有大樂,乃作繼天誕聖樂,以宮爲調,帝因作中和樂舞。山南節度使于頔又獻順聖樂 其後方鎭多製樂舞以獻。 河東節度使馬燧獻定難曲。 昭義軍節度使王虔休以德宗誕

命樂工製萬斯年曲以獻。 爲樂至於斯也。」自是臣下功高者,輒賜之。樂成,改法曲爲仙韶曲。會昌初,宰相李德裕 蓮花以導,舞者三百人,階下設錦筵,遇內宴乃奏。謂大臣曰:「笙磬同音,沈吟忘味,不圖 四虡,琴、瑟、筑、簫、篪、籥、跋膝、笙、竽皆一,登歌四人,分立堂上下,童子五人,繡衣執金 文宗好雅樂,詔太常卿馮定采開元雅樂製雲韶法曲及霓裳羽衣舞曲。雲韶樂有玉磬

教女伶數十百人,衣珠翠緹繡,連袂而歌,其樂有播皇猷之曲,舞者高冠方履,褒衣博帶,趨 走俯仰,中於規矩。又有葱嶺西曲,士女蹹歌爲隊,其詞言葱嶺之民樂河、湟故地歸唐也。 大中初,太常樂工五千餘人,俗樂一千五百餘人。宣宗每宴羣臣,備百戲。帝製新曲,

樂,然舞者衣畫甲,執旗旆,纔十人而已。蓋唐之盛時,樂曲所傳,至其末年,往往亡缺。

咸通間,諸王多習音聲、倡優雜戲,天子幸其院,則迎駕奏樂。是時,藩鎭稍復舞破陣

周、隋與北齊、陳接壤,故歌舞雜有四方之樂。至唐,東夷樂有高麗、百濟,北狄有鮮

**|卑、吐谷渾、部落稽,南蠻有扶南、天竺、南詔、驃國,西戎有高昌、龜茲、疏勒、康國、安國,凡** 

十四國之樂,而八國之伎,列於十部樂。

裙襦、章甫冠、衣履〔〕。樂有箏、笛、桃皮觱篥、箜篌、歌而已。 中宗時,百濟樂工人亡散,岐王爲太常卿,復奏置之,然音伎多闕。 舞者二人,紫大袖

同。 <u>;</u>白淨王,六日太子企喻也。 其餘辭多可汗之稱,蓋瀌、魏之際鮮卑歌也。隋鼓吹有其曲而不 章,而名可解者六章而已。一日慕容可汗,二日吐谷渾,三日部落稽,四日鉅鹿公主,五日 吾所掌有大角,卽魏之「簸邏回」,工人謂之角手,以備鼓吹。 有批歌,亦曰眞人歌,都代時,命宮人朝夕歌之。周、隋始與西凉樂雜奏。 。貞觀中,將軍侯貴昌,幷州人,世傳北歌,詔隸太樂,然譯者不能通,歲久不可辨矣。 北狄樂皆馬上之聲,自漢後以爲鼓吹,亦軍中樂,馬上奏之,故隸鼓吹署。 至唐存者五十三 後魏樂府初

南蠻、北狄俗斷髮,故舞者以繩圍首約髮。有新聲自河西至者,號胡音,龜茲散樂皆爲

之少息。

背,觱篥者立腹上,終曲而不傷。又伏伸其手,二人躡之,周旋百轉。 韶不令入中國。 睿宗時,婆羅門國獻人倒行以足舞,仰植銛刀,俯身就鋒,歷驗下,復植於 |扶南樂,舞者二人,以朝霞爲衣,赤皮鞋。 |天竺|| 伎能自斷手足,刺腸胃,高宗惡其驚俗, 開元初,其樂猶與四

記

夷樂同列。

常工人,自是殿庭宴則立奏,宮中則坐奏。 四日林鍾,徵之宮;五日南呂,羽之宮。其文義繁雜,不足復紀。德宗閱於麟德殿,以授太四日林鍾,徵之宮;五日南呂,羽之宮。其文義繁雜,不足復紀。德宗閱於麟德殿,以授太 拜跪, 節以鉦鼓。 又爲五均:一日黃鍾,宮之宮;二日太蔟,商之宮;三日姑洗,角之宮; <u></u>阜乃作,南韶奉聖樂,用黃鍾之均,舞六成,工六十四人,贊引二人,序曲二十八疊,執羽而舞 「南韶奉聖樂」字,曲將終,雷鼓作於四隅,舞者皆拜,金聲作而起,執羽稽首,以象朝覲。 貞元中,南詔異牟尋遣使詣劍南西川節度使韋阜,言欲獻夷中歌曲,且令驃國進樂。

器,其聲曲不隸於有司,故無足采云。 圖其舞容、樂器以獻。凡工器二十有二,其音八:金、貝、絲、竹、匏、革、牙、角,大抵皆夷狄之 十七年,驃國王雍羌遣弟悉利移、城主舒難陁獻其國樂,至成都,韋阜復譜次其聲,又

校勘記

(二)章甫冠衣履 「衣履」,舊書卷二九音樂志、文獻通考(下簡稱通考)卷一四八均作「皮履」。

# 唐書卷二十三上

## 志第十三上

#### 儀衛上

皆安徐而不譁。其人君舉動必以扇,出入則撞鍾,庭設樂宮,道路有鹵簿、鼓吹。禮官百司 其聲容文采,雖非三代之制,至其盛也,有足取焉。 必備物而後動, 唐制,天子居曰「衙」,行曰「駕」,皆有衞有嚴。 蓋所以爲愼重也。故愼重則尊嚴,尊嚴則肅恭。 羽葆、華蓋、旌旗、罕畢、車馬之衆盛矣, 夫儀衞所以尊君而肅臣,

衙。

志第

十三上

儀衙上

仗,以親衞爲之。 凡朝會之仗,三衞番上,分爲五仗,號衙內五衞。 三日勳仗,以勳衞爲之。 四日翊仗,以翊衞爲之。皆服鶡冠、緋衫裌。 一日供奉仗,以左右衞爲之。二日親 五

日散手仗,以親、勳、翊衞爲之,服緋絁裲襠,繡野馬。 皆帶刀捉仗,列坐於東西廊下。

又有千牛仗,以千牛備身、備身左右爲之。 日引駕升殿, 金吾大將軍各一人押之, 號日押引駕官。 押官,有知隊仗官。 分五番。 皆執御刀、弓箭、升殿列御座左右。 每月以四十六人立內廊閣外,號日內仗。 有引駕依飛六十六人,以依飛、越騎、步射爲之,分六番,每番皆有主帥一人。坐 朝堂置左右引駕三衞六十人,以左右衞、三衞年長彊直能糾劾者爲之, 千牛備身冠進德冠、服袴褶;備身左右服如三 以左右金吾將軍當上,中郎將一人押之,有 中鄓將、鄓將各一人,檢校引駕事。

皆從。 聽衞挾門隊列東西廊下。 衞挾門隊列東西廊下。 號日交番仗。 內外諸門以排道人帶刀捉仗而立,號曰立門仗。 長槍隊有漆槍、木槍、白檊槍、樸頭槍。 諸衞有挾門隊、長槍隊。 嘉德門內則左右武衞挾門隊列東西廊下。 長樂、永安門內則左右威衞挾門隊列東西廊下,門外則左右領軍 承天門內則左右衞挾門隊列東西廊下,門外則左右 宣政左右門仗、內仗,皆分三番而立, 車駕出皇城, 則挾門隊

後,擊鍾訖,持更者舉矟,鍾聲絕則解仗。 每夜,第一鼕鼕,諸隊仗佩弓箭、胡祿,出鋪立廊下,按矟、張弓、捻箭、彀弩。 宿衞門閤仗隊、鍪、甲、蕞,擐左襻,餘仗隊唯持更人蕞一具,供奉、散手仗亦持 一點,持更人按稍,持弓者穩箭唱號,諸 衛仗隊皆 第二鼕鼕

更、蕞、甲。

鼕聲絕,按矟、弛弓、收鋪,諸門挾門隊立於階下。復一刻,立門仗皆復舊,內外仗隊立於階下。 每朝,第一鼕鼕訖,持更稍皆舉,張弓者攝箭收弩,立門隊及諸隊仗皆立於廊下。第二鼕

副路、屬車、輿輦、繖二、翰一,陳於庭;扇一百五十有六,三衞三百人執之,陳於兩箱 元日、冬至大朝會、宴見蕃國王,則供奉仗、散手仗立於殿上,黃麾仗、樂縣、五路、五

第七行,小矟,小五色鸚鵡毛氅,黃地雲花襖、冒。 第五行,短戟,大五色鸚鵡毛氅,青地雲花襖、冒。第六行,細射弓箭,赤地四色雲花襖、冒。 襖、冒。第三行,大矟,小孔雀氅,黑地雲花襖、冒。 氅,武衞鶩氅,驍衞白氅,左右衞黃氅,黃地雲花襖、冒。 第二行,儀鍠,五色幡,赤地雲花 大鋋,白毦,青地雲花襖、冒。第十二行,金花綠縢格楯刀,赤地四色雲花襖、冒。十二行皆 冒。第九行,戎,鷄毛氅,黑地雲花襖、冒。第十行,細射弓箭,白地雲花襖、冒。第十一行, 黃麾仗,左右廂各十二部,十二行。 第一行,長戟,六色氅,領軍衞赤氅,威衞靑氅、黑 第八行,金花朱縢格楯刀,赤地雲花襖、 第四行,小戟、刀、楯,白地雲花襖、冒。

各十人,師子袍、冒。次左右廂皆一部,部十二行,行十人,左右威衞果毅都尉各一人,領主 前黃麾仗,首左右廂各二部,部十二行,行十人,左右領軍衞折衝都尉各一人,領主帥

有行縢、鞋、韈。

武衞果毅都尉各一人,主帥各十人。次後左右廂各一部,部十二行,行十人,左右威衞折衝 行十人,左右聽衞折衝都尉各一人,主帥各十人。次後廂各二部,部十二行,行十人,左右 帥各十人,豹文袍、冒。次廂各一部,部十二行,行十人,左右武衞折衝都尉各一人,主帥各 帥各十人。次盡後左右廂,軍衞、主帥各十人護後,被師子文袍、冒。 都尉各一人,主帥各十人。次後左右廂各一部,部十二行,行十人,左右威衞果毅都尉各 一人,主帥各十人。次後左右廂各一部,部十二行,行十人,左右領軍衞果毅都尉各一人,主 部,部十二行,行十人,左右衞果毅都尉各一人,主帥各十人。次後廂各一部,部十二行,

人,赤地雲花襖、冒,行縢、鞋、韈,居黃麾仗外。 左右領軍衞黃麾仗,首尾廂皆絳引旛,二十引前,十掩後。 十廂各獨揭鼓十二重,重二

每黃麾仗一部,鼓一,左右衞、左右驍衞、左右武衞、左右威衞將軍各一人,大將軍各一

人,左右領軍衞大將軍各一人檢校,被繡袍。

角端旗隊,第三赤熊旗隊,折衝都尉各一人檢校,戎服,被大袍,佩弓箭、横刀。又有夾轂 戎服,被大袍,二人引旗,一人執,二人夾,二十人執矟,餘佩弩、弓箭。 第一鱗旗隊,第二 次左右衞黃旗仗,立於兩階之次,鍪、甲、弓、箭、刀、楯皆黃,除有主帥以下四十人,皆

楯、刀; 第一隊、第四隊, **豫,廂各六隊,隊三十人,胡木鍪、毦、蜀鎧、懸鈴、覆膊、錦臂韝、白行縢、紫帶、** 廂各折衝都尉一人、果毅都尉二人檢校,冠進德冠, 朱質鍪、鎧、緋絝。 第二隊、第五隊,白質鍪、鎧,紫絝。 被紫縚連甲、緋繡葵花文袍。 第三隊、第六隊 鞋韈,

鳳旗隊,第二飛黃旗隊,折衝都尉各一人檢校。 次左右聽衞赤旗仗,坐於東西廊下,鍪、甲、弓、箭、刀、楯皆赤,主帥以下如左右衞。 第三吉利旗隊,第四兕旗隊,第五太平旗 第

黑質鍪、鎧,皂絝。

以上三十五人,皆平巾幘、緋裲襠、大口絝,帶橫刀; 郎將一人主之。 人。第一隊鳳旗,大將軍各一人主之。第二隊飛黃旗,將軍各一人主之。第三隊吉利旗 **隊**,果毅都尉各一人檢校。 又有親、勳、翊衞仗,廂各三隊壓角,隊皆有旗,一人執,二人引,二人夾,校尉以下翊衞 執矟二十人, 帶弩四人, 帶弓箭十一

**胸**旗 第四鸞旗隊,果毅都尉各一人檢校。 五 一牛旗隊,黃旗居內,赤青居左,白黑居右,各八人執。 次左右武衞白旗仗,居聽衞之次,鍪、甲、弓、箭、刀、楯皆白,主帥以下如左右衞。 折衝 都尉各一人檢校。 持鈒隊,果毅都尉各一人、校尉二人檢校。 第五犀牛旗隊,第六鵔鱶旗隊,第七騏驎旗隊,第 第二飛鱗旗隊,第三駃騠旗 前隊執銀裝長 八騼 隊

志

檢校後隊。 畢, 左青龍右白虎。 行應蹕,服如黃麾。 叉,各一。自絳引旛以下,執者服如黃麾。執罕、畢及幢者,平陵冠、朱衣、革帶。左罕右 刀,紫黃綬紛。絳引旛一,金節十二,分左右。次罕、畢、朱雀幢、叉,青龍、白虎幢,道蓋、 稱長一人,出則告警,服如黃麾。 鈒、戟隊各一百四十四人,分左右三 果毅執青龍等旗,將軍各一人檢校,旅帥二人執銀裝長刀,紫黃綬紛,

負圖旗隊,第二黃鹿旗隊,第三騶牙旗隊,第四蒼烏旗隊,果毅都尉各一人檢校。 次左右威衞黑旗仗,立于階下,鍪、甲、弓、箭、楯、矟皆黑,主帥以下如左右衞。第一黃

龍 馬旗隊,第六金牛旗隊,折衝都尉各一人檢校。 應龍旗隊,第二玉馬旗隊,第三三角獸旗隊,果毅都尉各一人檢校,第四白狼旗隊,第五 次左右領軍衞青旗仗,居威衞之次,鍪、甲、弓、箭、楯、穳皆青,主帥以下如左右衞。第

軍衞各四人,以主殳仗,被豹文袍、冒;領軍衞,師子文袍。 **憤、緋裲襠、大口絝,執儀刀。** 武 .執叉,皆赤地雲花襖、冒,行縢、鞋韈。 殳、叉以次相間。 衞各一百人,左右威衞、左右聽衞、左右衞各八十人。 又有殳仗、步甲隊,將軍各一人檢校。殳仗左右廂千人,廂別二百五十人執殳,二百五 廂有左右衞各三人,左右驍衞、左右武衞、左右威衞、左右領 步甲隊從左右廂各四十八,前 左右廂有主帥三十八人,平巾 左右領軍衞各一百六十人,左

志第十三上 儀衞上

尉各

隊

建白

澤旗二,各一人執,帶橫刀,二人引,二人夾,皆帶弓箭、橫刀。

左右金吾衛折

衝都

玄武

隊。

清游

帶弓箭、橫刀,各領四十人,皆帶橫刀,二十人持矟,四人持弩,十六人帶弓箭。

左右

金吾衞辟邪旗隊,

折衝都尉各一人檢校。又有淸游隊、朱雀隊、

黃質鍪、鎧, 尉各一人主之。 鍪、鎧,黃刀、楯、穳,果毅都尉各一人主之。第十一隊,黃質鍪、甲,黃弓、箭, 各一人主之。 各一人主之。 鎧,靑刀、楯、穳, 果毅都尉各一人主之。 第五 人主之,執豹旗。 弓、箭,折衝 甲、覆膊,執弓箭,一隊胡木鍪及毦、蜀鎧、覆膊,執刀、楯、穳相間。 後皆二十四。 甲,白弓、箭, 二人夾,皆戎服大袍,帶弓箭橫刀。隊別三十人,被甲、臂鞲、行縢、鞋韈。 [都尉各一人主之,執鶡雞旗。 黄刀、楯、穳,左右 左右武衞折衝都尉各一人主之。第八隊,白質鍪、鎧,白刀、楯、穳,果毅都尉 第六隊,黑質鍪、鎧, 第九隊,黃質鍪、甲,黃弓、箭,左右驍衞折衝都尉各一人主之。 每隊折衝都尉一人主之,被繡袍。 第十二隊,黃質鍪、鎧,黃刀、楯、穳,果毅都尉各一人主之。 第三隊,青質鍪、甲, 衞折衝都尉各一人主之。 黑刀、楯、穳,果毅都尉各一人主之。 青弓、箭, 第二隊, 隊,黑質鍪、甲,黑弓、箭,左右威衞折衝都尉 每隊一人,戎服大袍,帶橫刀,執旗;二人 折衝都尉各一人主之。 赤質鍪、鎧、赤刀、楯、穳、果毅都尉各一 至第十二隊與前同 第一隊,赤質鍪、甲,赤 第四隊,青質鍪、 第七隊, 左右 第十隊,黃質 次後第一隊 衞折 白質鍪

四八七

**豫**稍。 衞折 稍,四 戎服大袍,副竿二,各一人執,戎服大袍,分左右,果毅都尉各一人主之。大將軍各一人檢校 朱雀隊建朱 ,衝都尉各一人主之,各領五十人,持矟二十五人,持弩五人,帶弓箭二十人,又二人持 人持弩,十六人帶弓箭,又二人持瀑矟,皆佩横刀,暴矟以黃金塗末。 玄武隊建玄武旗,一人執,二人引,二人夾,平巾幘、黑裲襠、黑裌、大口絝,左右金吾 諸衞挾門隊、長槍隊與諸隊相間。 雀旗, 一人執,引、夾皆二人,金吾衞折衝都尉一人主之,領四十人,二十人持 龍旗十二,執者

中郎將一人, 班。 於殿庭左右,巡使二人分涖於鐘鼓樓下,先一品班,次二品班,次三品班,次四品班, 亦如之。序班於通乾、觀象門南,武班居文班之次。入宣政門,文班自東門而入,武班 御史領百官入,夾階,監門校尉二人執門籍,曰:「唱籍」。旣視籍,曰:「在」。入畢而 就班,文武列於兩觀。監察御史二人立於東西朝堂甎道以涖之。平明,傳點畢,內門開。監察 而入,至閤門亦如之。 、次押散手仗中郎將一人,次左右金吾衞大將軍。 每 朝日,殿上設黼扆、躡席、熏爐、香案。御史大夫領屬官至殿西廡,從官朱衣傳呼,促百官 班,尙書省官爲首。 次接狀中郎將一人, 夾階校尉十人同唱,入畢而止。 武班供 次押柱中郎將一人, 次押柱中郎一人, 次排階中 、奉者立於横街之北,次千牛中郞將,次千牛將軍, 凡殿中省監、少監,尙衣、尙舍、尙輦奉 宰相、兩省官對班於香案前, 止。次門 鄓 次 百官 自 次 將 過 西門 五 品 狀 班

卽下。 則左右廂加一人監捉永巷,御刀、弓箭。及三衞帶刀入,則曰「仗入」;三衞不帶刀而入,則 身各四人,三衞各八人,金吾一人。百人入,則左右廂監門各六人,千牛備身各四人,三衞 軍、將軍各一人押之。二十人以下入,則不帶仗。三十人入,則左右廂監門各二人,千牛備 御,分左右隨繖、扇而立。東宮官居上臺官之次,王府官又次之,唯三太、三少、賓客、庶子、 凡千牛仗立,則全仗立。太陽虧,昏塵大霧,則內外諸門皆立仗。 曰「監引入」。朝罷,皇帝步入東序門,然後放仗。 三十三人,金吾七人。二百人,則增以左右武衞、威衞、領軍衞、金吾衞、翊衞等。凡仗入, 承旨喚仗,左右羽林軍勘以木契,自東西閣而入。內侍省五品以上一人引之,左右衞大將 王傅隨本品。 左右金吾將軍 宴蕃客日,隊下,復立半仗於兩廊。 侍中奏「外辦」,皇帝步出西序門,索扇,扇合。皇帝升御座,扇開。左右留扇各 一人奏「左右廂內外平安」。通事舍人贊宰相兩省官再拜,升殿。內謁者 朔望受朝及蕃客辭見,加纛、矟隊,儀仗減半。 內外仗隊,七刻乃下。 泥雨,則延三刻傳點。 常參、輟朝日,六刻

刻,擊一鼓爲一嚴。前五刻,擊二鼓爲再嚴,侍中版奏「請中嚴」。 大駕鹵簿。 天子將出,前二日,太樂令設宮縣之樂於庭。 畫漏上五 有司陳鹵簿。 前二刻

志

刻,

前發七

中書令以下夾侍。 北向,黃門侍郎一人立侍臣之前,贊者二人。旣外辦,太僕卿攝衣而升,正立執轡。 以下奉迎於西階,侍中負寶,乘黃令進路於太極殿西階南向,千牛將軍一人執長刀立路前 興以出,降自西階,曲直華蓋,警蹕,侍衞,千牛將軍前執轡,天子升路,太僕卿授綏,侍中、 三鼓爲三嚴,諸衞各督其隊與鈒、戟以次入陳殿庭。 通事舍入引羣官立朝堂,侍中、中害令 天子乘

侍郎奏「請發」。萬年縣令先導,次京兆牧、太常卿、司徒、御史大夫、兵部尙書,皆乘路,鹵簿 寶郎奉六寶與殿中後部從,在黃鉞內。侍中、中書令以下夾侍路前,贊者在供奉官內。 門侍郎退稱:「侍臣乘馬。」贊者承傳,侍臣皆乘。侍衞之官各督其屬左右翊駕,在黃麾內。符 路而趨。 侍臣乘畢,侍郎奏「請車右升」。侍中前承制,退稱:「制日可」。侍郎復位,千牛將軍升。 黃門侍郎前奏「請發」。 變駕動,警蹕,鼓傳音,黃門侍郎與贊者夾引而出,千牛將軍夾 駕出承天門,侍郎乘馬奏「駕少留,敕侍臣乘馬」。侍中前承制,退稱:「制曰可」。黃

飛四十八騎,平巾幘、緋裲襠、大口絝,帶弓箭、橫刀,夾道分左右,以屬黃麾仗。 人持獉矟,騎夾。次左右金吾衞果毅都尉各一人,帶弓箭橫刀,領夾道鐵甲仗飛。 次清游隊。次左右金吾衞大將軍各一人,帶弓箭橫刀,檢校龍旗以前朱雀等隊,各二 次虞候饮 次外鐵甲

如本品。

仗 

各一人主之。 左金吾衞隊正一人,居皮軒車,服平巾幘、緋裲襠,銀裝儀刀,紫黃綬紛,執弩。 重,重二人,皆騎,帶橫刀。 人, 駕士十四人, 皆平巾幘、大口絝、緋衫。 太卜令一人, 居辟惡車, 服如依飛, 執弓箭。 次朱雀隊。 次指南車、記里鼓車、白鷺車、鷺旗車、辟惡車、皮軒車,皆四馬,有正道匠 自皮軒車後,屬於細仗前,矟、弓箭相間,左右金吾衞果毅都尉 次引駕十二

四人。 監一人,書令史一人,騎引相風、行漏輿。次相風輿,正道匠一人,輿士八人,服如正道匠 次掆鼓、 次鼓吹。次黃麾仗一,執者武弁、朱衣、革帶,二人夾。 次殿中侍御史二人導。 次太史 金鉦,司辰、典事匠各一人,刻漏生四人,分左右。 次行漏輿,正道匠一人,興士十

遺一人在左,右拾遺一人在右。 各一人,各領二十五騎,二十人執矟,四人持弩,一人帶弓箭,行儀刀仗前。次通事舍人,四 人在左,四人在右。侍御史,一人在左,一人在右。御史中丞,一人在左,一人在右。 次左青龍右白虎旗,執者一人,服如正道匠,引、夾各二人,皆騎。次左右衞果毅都尉 次持鈒前隊。次御馬二十四,分左右,各二人馭。次尚乘奉御二人,書令史二人,騎從。 左補闕一人在左,右補闕一人在右。起居郎一人在左,起居 左拾

志

第

· 三 上

儀循

中二人在左,中書令二人在右。通事舍人以下,皆一人從。次香蹬一,有衣,繡以黃龍,執者 四人,服如折衝都尉。 黃門侍郞二人在左,中書侍郞二人在右。 舍人一人在右。諫議大夫,一人在左,一人在右。給事中二人在左,中書舍人二人在右。 左散騎常侍一人在左,右散騎常侍一人在右。侍

刀,紫黃綬紛。 各執金銅裝儀刀,綠綟綬紛,第九左右武衞翊衞各六十九人,第十左右威衞翊衞各七十一 人,第十一左右領軍衞翊衞各七十三人,第十二左右金吾衞翊衞各七十五人,各執銀裝儀 人,第六左右衞翊衞各六十三人,第七左右衞翊衞各六十五人,第八左右聽衞各六十七人, 人,第四左右衞勳衞各五十九人,各執金銅裝班劍,纁朱綬紛;第五左右衞翊衞各六十一 行:第一左右衞親衞各五十三人,第二左右衞親衞各五十五人,第三左右衞勳衞各五十七 次左右衞將軍二人,分左右,領班劍、儀刀,各一人從。次班劍、儀刀,左右廂各十二 自第一行有曲折三人陪後門,每行加一人,至第十二行曲折十四人。

衞四十八人,帶橫刀,騎,分左右,居三衞仗內。 領散手翊衞三十人,佩橫刀,騎,居副 八人,甲騎 次左右廂,諸衞中郎將主之,執班劍、儀刀,領親、勳、翊衞。 具裝,執副仗矟,居散手衞外。 仗矟翊衞內。 次左右衞供奉中郎將、郎將四人,各領親、勳、翊 次左右聽衞郎將各一人,各領翊衞二十 次左右 衞 郎將各一人,皆

身左右二人,騎,居玉路後,帶橫刀,執御刀、弓箭。次御馬二,各一人馭。次左右監門校尉 夾,皆一人從,居供奉官後。次千牛衞將軍一人,中郞將二人,皆一人從。次千牛備身、備 **絝**,衫從路色。玉路,服青衫。千牛衞將軍一人陪乘,執金裝長刀,左右衞大將軍各一人騎 次玉路,駕六馬,太僕卿馭之,駕士三十二人。 凡五路,皆有副。 駕士皆平巾幘、大口

執銀裝儀刀,督後門,十二行,仗頭皆一人。 次左右聽衞、翊衞各三隊,居副仗矟外。 次左 衞夾轂,廂各六隊。 次衙門旗,二人執,四人夾,皆騎,赤綦襖、黃冒、黃袍。 次左右監門校尉各十二人,騎, 二人,騎,執銀裝儀刀,居後門內。

右

帶、紫行縢、鞋韈。 次 折 、小團雉尾扇四,方雉尾扇十二,花蓋二,皆執者一人,夾腰輿。 自大繖以下,執者服皆如 衝都尉。 次大繖二,執者騎,橫行,居衙門後。 次雉尾障扇四,執者騎,夾繖。次腰輿,輿士八人。 **次掌辇四人,引辇。次大辇一,主辇二百人,平巾幘、黄絲布衫、大口絝、紫誕** 尚輦奉御二人,主腰輿,各書令史二人騎從。

分左右。 **次殿中少監一人,督諸局供奉事,一人從。 次諸司供奉官。** 次尚乘直長二人,平巾幘、緋絝褶,書令史二人騎從,居御馬後。 **次御馬二十四,各二人馭,** 

次後持鍛 隊。 次大繖二,雉尾扇八,夾繖左右横行。次小雉尾扇、朱畫團扇,皆十二,

志

第 +

麾二,左右夾玄武幢。 次細矟十二,孔雀爲毦,左右橫行,居絳麾後。 自鈒、戟以下,執者服 左右橫行。次花蓋二,叉二。次俾倪十二,左右橫行。次玄武幢一,叉一,居絳麾內。次絳 如黃麾仗,唯玄武幢執者服如罕、畢。

旗興五,赤青居左,黃居中,白黑居右,皆八人執之,平巾幘、大口絝,衫從旗色,左右威衞隊 **黄麾後。次大角。次方輦一,主輦二百人。次小輦一,主輦六十人。次小輿一,奉輿十二** 正各一人主之,騎,執銀裝長刀。 人,服如主輦。次尙輦直長二人,分左右,檢校輦輿,皆書令史二人騎從。 次左右武衞五牛 次後黃麾,執者一人,夾二人,皆騎。 次殿中侍御史二人,分左右,各令史二人騎從,居

騎,分左右夾屬車,各五人從,唯符寶以十二人從。次黃鉞車,上建黃鉞,駕二馬,左武 士三十二人。次安車、四望車,皆駕四馬,駕士二十四人。次羊車,駕果下馬一,小史十四 路,皆駕六馬,駕士三十二人。次五副路,皆駕四馬,駕士二十八人。 次耕根車,駕六馬,駕 衞隊正一人在車,駕士十二人。次豹尾車,駕二馬,右武衞隊正一人在車,駕士十二人。 人。次屬車十二乘,駕牛,駕士各八人。次門下、中書、祕書、殿中四省局官各一人, 次左右威衞折衝都尉各一人,各領掩後二百人步從,五十人爲行,大戟五十人,刀、楯 次乘黃令一人,丞一人,分左右,檢校玉路,皆府史二人騎從。次金路、象路、革路、木

費五十人,弓箭五十人,弩五十人,皆黑鍪、甲、覆膊、臂鞲,横行。 領步甲隊及殳仗,各二人執豫矟從。次前後左右廂步甲隊。次左右廂黃麾仗。次左右廂 次左右領軍衞將軍二人,

尉各一人主之。第二十騶牙旗,第二十一蒼烏旗,左右威衞果毅都尉各一人主之。第二十 當御,第十四赤熊旗,左右衞折衝都尉各一人主之。第十五兕旗,第十六太平旗,左右驍 衞果毅都尉各一人主之。第十七犀牛旗,第十八鵔鸃旗,第十九騼羇旗,左右武衞折衝都 十鳳旗,第十一飛黃旗,左右驍衞折衝都尉各一人主之。第十二麟旗,第十三角端旗,以 角獸旗,左右領軍衞果毅都尉各一人主之。第五黃龍負圖旗,第六黃鹿旗,左右威衞折衝 戎服大袍,二人引旗,一人執,二人夾,二十人執矟,餘佩弩、弓箭。 第一辟邪旗,左右金吾 二白狼旗,第二十三龍馬旗,第二十四金牛旗,左右領軍衞折衝都尉各一人主之。其服皆 都尉各一人主之。第七飛鱗旗,第八駃騠旗,第九鸞旗,左右武衞果毅都尉各一人主之。第 衞折衝都尉各一人主之,皆戎服大袍,佩弓箭、横刀,騎。 第二應龍旗,第三玉馬旗,第四三 次諸衞馬隊,左右廂各二十四。自十二旗後,屬於玄武隊,前後有主帥以下四十人,皆

次玄武隊。 次衙門一,居玄武隊前、大戟隊後,執者二人,夾四人,皆騎,分左右,赤綦

十 三

上

**儀 猫 上** 

黃麾仗前、馬隊後,各六人分左右,戎服大袍,帶弓箭、橫刀。 衞步甲隊之前。第五門,居左右武衞白質步甲隊之後,黑質步甲隊之前。 之後,白質步甲隊之前。 襖,黃袍,黃冒。 居左右武衞黃麾仗之後,左右驍衞黃麾仗之前。第四門,居左右領軍衞黃麾仗之後,左右 次衙門左右廂,廂有五門,執、夾人同上。 第一門,居左右威衞黑質步甲隊 第二門,居左右衞步甲隊之後,左右領軍衞黃麾仗之前。第三門, 五門別當步甲隊

廂各巡行。校尉二人,往來檢校諸門。中郎將各一人騎從。左右金吾衞將軍循仗檢校,各 二人執暴稍騎從。 凡 ·衙門皆監門校尉六人,分左右,執銀裝長刀,騎。左右監門衞大將軍、將軍、中郎將, 左右金吾衞果毅都尉二人,糾察仗內不法,各一人騎從。

駕所至,路南向,將軍降立于路右,侍中前奏「請降路」。天子降,乘輿而入,繖、扇、華

蓋,侍衞。

令命擊裝賓之鍾,左五鍾皆應。 中嚴」。五刻,擊三鼓爲三嚴,黃門侍郎奏「請駕發」。 皇帝入,侍中版奏「請解嚴」。叩鉦,將士皆休。 駕還,一刻,擊一鼓爲一嚴,仗衞還於塗。三刻,擊二鼓爲再嚴,將士布隊仗,侍中奏「請 回路南向,侍中請降路,乘輿乃入,繖、扇,侍御,警蹕如初。 鼓柷,奏采茨之樂。 至太極門,戛敔,樂止。旣入,鼓柷,奏 鼓傳音,駕發,鼓吹振作。 至門, 戛敔, 樂止。 入門,太樂

# 唐書卷二十三下

## 志第十三下

#### 儀衙下

庭, 西嚮北上,六尙以下詣室奉迎,尙服負寶,內僕進車於閻外,尙儀版奏「外辨」。馭者執 太皇太后、皇太后、皇后出,尚儀版奏「請中嚴」。。尙服率司仗布侍衞,司賓列內命婦於

轡,太皇太后乘輿以出,華蓋,侍衞,警蹕,內命婦從。

横刀,引、夾皆二人,佩弓箭、横刀,騎。 亦佩橫刀,夾折衝;執矟二十人,持弩四人,佩弓箭十六人,持瀑矟、刀二人。 次虞候仗飛 出門,太皇太后升車,從官皆乘馬,內命婦、宮人以次從。 次金吾衞折衝都尉一人,佩橫刀、弓箭;領騎四十, 清游隊,旗一,執者一人,佩

二十八人,騎,佩弓箭、横刀,夾道分左右,以屬黃麾仗。

次內僕令一人在左, 丞一人在右, 各書令史二人騎從。 次黃麾一,執者一人,夾道二

第十三下 儀傷下

志

各一人從,左右領軍衞有絳引幡,引前者三,掩後者三。 之,皆豹文袍、冒,執鍮石裝長刀,騎,唯左右領軍衞減三人。每衞果毅都尉一人,被繡袍, 右衞、左右威衞、左右武衞、左右聽衞、左右領軍衞各三行,行二十人,每衞以主帥六人主 冒。 第二 之,五色氅,執者赤地黃花綦襖、冒。 第三鍠,五色旛,執者青地赤花綦襖、冒。 左 人,皆騎。次左右廂黃麾仗,廂皆三行,行百人。第一短戟,五色氅,執者黃地白花綦襖、

從。 次內給使百二十人,平巾幘、大口絝、緋裲襠,分左右,屬於宮人車。 次內謁者監四人,給事二人,內常侍二人,內侍少監二人,騎,分左右,皆有內給使一人

蹬 一,內給使四人輿之,居重翟車前。 次偏扇、團扇、方扇皆二十四,宮人執之,衣綵大袖裙襦、綵衣、革帶、履,分左右。

執扇。次內寺伯二人,領寺人六人,執御刀,服如內給使,夾重翟車。 次腰輿一,執者八人, 雉尾扇、朱畫團扇皆十二,橫行。次錦曲蓋二十,橫行,爲二重。 團雉尾扇二,夾輿。 次大繖四。 次雉尾扇八,左右横行,爲二重。 次重翟車,駕四馬,駕士二十四人。 次行障六,次坐障三,皆左右夾車,宮人執之,服同 **次錦六柱八**,分左右。 自 次錦花蓋二,單行。 次小

次宮人車。 次絳麾二, 分左右。 次後黃麾一, 執者一人, 夾二人, 皆騎。 次供奉宮人,

腰

(興以下,皆內給使執之。

次厭翟車、翟車、安車,皆駕四馬,駕士各二十四人; 四望車,駕士二十二人; 金根車,

## 駕牛,駕士十二人。

次左右廂衙門各二,每門二人執,四人夾,皆赤綦襖,黃袍、冒,騎。

從。 廂各主帥四人主之,皆黃袍、冒,執鍮石裝長刀,騎; 次衙 次左右領 門一, 軍衞,廂皆一百五十人,執殳,赤地黃花綦襖、冒,前屬於黃麾仗,後盡鹵簿; 盡鹵簿後殳仗內正道,每門監門校尉二人主之,執銀裝長刀;廂各有校尉 折衝都尉二人,檢校殳仗,皆一人騎

前 車駕入,內典引引外命婦退,駕至正殿門外,車駕南嚮,尙儀前奏「請降車」。 旣外辦, 太皇太后將還, 馭者執轡。 三嚴, 太皇太后乘輿出次, 內典引引外命婦出次, 就位; 司賓引內命婦出次, 序立大次之 華蓋、警蹕、侍衞 如初。 內命婦以下乘車以 將土還。

一人,騎,

佩銀橫刀,往來檢校。

御馬減大駕之半。

謁引 人執刀立 宮 皇 太子 臣 就 位,侍 車前, 出, 則 北嚮, 篇官服其器服,左庶子負璽詣閣奉迎, 鹵簿陳於重明門外。 ,中允一人立侍臣之前,贊者二人立中允之前。 其日三刻,宮臣皆集於次,左庶子版奏「請中嚴」。典 僕進車若輦 於西閣外, 前二刻, 諸衞之官詣 南 嚮, 內率

閣奉迎,宮臣應從者各出次,立於門外,文東武西,重行北嚮北上。

允奏「請停車,侍臣上馬」。左庶子前承令,退稱:「令日諾」。 中允退稱:「侍臣上馬。」贊者承 授綏,左庶子以下夾侍。中允奏「請發」,車動,贊者夾引而出,內率夾車而趨,出重明門,中 侍臣皆騎。中允奏「請車右升」。左庶子前承令,退稱:「令日諾」。內率升訖,中允奏「請 左庶子版奏「外辦」,僕升正位執轡,皇太子乘輿而出,內率前執轡,皇太子升車,僕立

發」。 車動,鼓吹振作,太傅乘車訓導,少傅乘車訓從。 出延喜門、家令先導、次率更令、詹事、太保、太傅、太師、皆軺車、備鹵簿。

執釋稍騎從。 次外淸道直盪二十四人,騎,佩弓箭、横刀,夾道。 人騎從。次左右淸道率府率各一人,騎,佩橫刀、弓箭,領淸道直盪及檢校淸游隊各二人, 衝都尉一人,佩弓箭、横刀,領騎三十,亦佩横刀,十八人執矟,九人挾弓箭,三人持弩,各二 次清游隊,旗一,執者一人,佩横刀,引、夾皆二人,亦佩弓箭、横刀,騎。次清道率府折

後護,皆佩弓箭、横刀,戎服大袍。次副竿二,分左右,各一人騎執。 刀,每重二人。自龍旗後屬於細仗,矟、弓箭相間,廂各果毅都尉一人主之。 **次龍旗六,各一人騎執,佩橫刀,戎服大袍,橫行正道,每旗前後二人騎,爲二重,前引** 次細引六重,皆騎,佩橫

次率更丞一人,府、史二人騎從,領鼓吹。次誕馬十,分左右,執者各二人。 次廢牧令一

人居左,丞一人居右,各府、史二人騎從。

左,中舍人二人居右,左右諭德二人,左右庶子四人,騎,分左右,皆一人從。次左右衞率府 四人、司直二人、文學四人、洗馬二人,司議郞二人居左,太子舍人二人居右,中允二人居 副率二人步從。 次左右翊府郎將二人,主班劍。次左右翊衞二十四人,執班劍,分左右。次通事舍人

皆一人從。次千牛,騎,執細刀、弓箭。次三衞儀刀仗,後開衙門。次左右監門率府直長各 隊各郎將一人主之。 六人,執鍮石儀刀,騎,監後門。次左右衞率府,廂各翊衞二隊,皆騎,在執儀刀行外,壓角 府率二人,夾路,各一人從,居供奉官後。次左右內率府率二人,副率二人,領細刀、弓箭, 第一行有曲折三人陪後門,每行加一人,至第六行八人。次三衞十八人,騎,分左右夾路。 儀刀,綠緛紛〔〕;第五翊衞三十一人,第六翊衞三十三人,皆執鍮石裝儀刀,紫黃綬紛。自 隊各三十人,騎,佩横刀,一人執旗,二人引,二人夾,十五人執**矟**,七人佩弓箭,三人佩弩, 二十五人,皆執金銅裝儀刀,纁朱綬紛;第三勳衞二十七人,第四勳衞二十九人,皆執銀裝 次金路,駕四馬,駕士二十三人,僕寺僕馭,左右率府率二人執儀刀陪乘。 次親、勳、翊衞,廂各中郎將、郎將一人,皆領儀刀六行:第一親衞二十三人,第二親衞 次左右衞率

朱漆團扇六,紫曲蓋六,各橫行。次諸司供奉。次左右清道率府校尉二人,騎,佩鍮石裝儀 夾腰輿, 內直郎二人主之, 各令史二人騎從。次誕馬十, 分左右, 馭者各二人。次典乘二 人,各府、史二人騎從。次左右司禦率府校尉二人騎從,佩鍮石裝儀刀,領團扇、曲蓋。次 次繖, 二人執, 雉尾扇四, 夾繖。 次腰興一, 執者八人, 團雉尾扇二, 小方雉尾扇八, 以

次副路, 駕四馬, 駕士二十二人; 軺車, 駕一馬, 駕士十四人; 四望車, 駕一馬, 駕士十

人

人引,二人夾,二十五人佩弓箭,前隊持矟,與佩弓箭隊以次相間。次左右司禦率府副率各 次左右廂步隊十六,每隊果毅都尉一人,領騎三十人,戎服大袍,佩橫刀,一人執旗,二

一人,騎,檢校步隊,二人執暴稍騎從。

第六油戟,六人。 衣前仗首,左右廂各六色,每色三行,行六人,左右司禦率府二人,果毅都 果毅都尉各一人,主帥各六人主之。左右司禦率府主帥各六人騎護後,率及副率各一人步 尉各一人, 主帥各六人主之; 次左右廂各六色, 每色三行, 行六人, 左右衞率府副率二人, 人;第二弓箭,六人;第三儀鋋,毦,六人;第四刀楯,六人;第五儀鍠,五色旛,六人; 次儀仗,左右廂各六色,每色九行,行六人,赤綦襖、冒,行縢、鞋韈。第一戟,赤氅,六

內,皆赤綦襖、冒,行縢、鞋韈。左右司禦率府四重,左右衞率府二重。 廂有絳引旛十二,引前者六,引後者六。廂各有獨揭鼓六重,重二人,居儀仗外、殳仗

主帥七人,左右司禦率府各四人,左右衞率府各三人,騎,分前後。 冒,主殳,分前後,居步隊外、馬隊內。各司禦率府果毅都尉一人主之,各一人騎從。 廂各 次左右廂皆百五十人,左右司禦率府各八十六人,左右衞率府各六十四人,赤綦襖、

皆戎服大袍,佩弓箭、横刀。 率府果毅都尉二人主之。第二、第三、第四,左右司禦率府果毅都尉二人主之。第五、第 執者一人,引、夾各二人,皆佩弓箭,十六人持矟,七人佩弓箭,三人佩弩。 第一,左右淸道 六、第七,左右衞率府果毅都尉主之。第八、第九、第十,左右司禦率府果毅都尉二人主之。 次左右廂馬隊,廂各十隊,隊有主帥以下三十一人,戎服大袍,佩橫刀,騎。隊有旗一,

前 右衞率府步 道殳仗內,有衙門。 次左右廂各有衙門三:第一,當左右司禦率府步隊後,左右衞率府步隊 領四十騎,佩橫刀,凡執矟二十人,佩弓箭十六人,佩弩四人,騎從。 次後拒除,前當正 第二,當左右衞率府步隊後,左右司禦率府儀仗前,第三,當左右司禦率府儀仗後,左 次後拒除,旗一,執者佩橫刀,引、夾路各二人,佩弓箭、橫刀。次清道率府果毅都尉一 除 每門二人執,四人夾,皆騎,赤綦襖,黃袍、冒。 門有監門率府直長二人

志第

+

饑衞

檢校,左右監門率府副率各二人檢校諸門,各一人騎從。

次左右清道率府、副率各二人,檢校仗內不法,各一人騎從。 **次少師、少傅、少保,正道** 

乘路,備鹵簿,文武以次從。

皇太子所至,回車南嚮,左庶子跪奏「請降路」。

下馬,皇太子乘車而入,太傅、少傅還。皇太子至殿前,車南嚮,左庶子奏「請降」,皇太子乘 「外辦」。皇太子乘輿出門外,降輿,乘車,左庶子請車右升,侍臣皆騎,車動,至重明門,宮官 還宮,一嚴,轉仗衞於還塗。再嚴,左庶子版奏「請中嚴」。三嚴,僕進車,左庶子版奏

師,又減隊仗三之一,清道、儀刀、誕馬皆減半,乘軺車而已。二傅乘犢車,導從十人,太傅 若常行、常朝,無馬隊、鼓吹、金路、四望車、家令、率更令、詹事、太保、太師、少保、少

加淸道二人。

輿而入, 侍臣從至閣, 左庶子版奏「解嚴」。

分左右。次導客舍人四人,內給使六十人,皆分左右,後屬內人車。 次偏扇、團扇、方扇各 十八,分左右,宮人執者間綵衣、革帶。次行障四,坐障二,宮人執以夾車。次典內二人、 皇太子妃鹵簿。清道率府校尉六人,騎,分左右爲三重,佩橫刀、弓箭。次青衣十人,

柱二,內給使執之。次供奉內人,乘犢車。次繖一,雉尾扇二,團扇四,曲蓋二,皆分左右, 騎,分左右。次厭翟車,駕三馬,駕士十四人。次閤帥二人,領內給使十八人,夾車。 各內給使執之。次戟九十,執者絳綦襖、冒,分左右。

飾以 輻, 油 引旛六,分左右,横行,以引刀、楯、弓、箭、矟。 次內第一行廂,執刀楯,絳綦襖、冒。 第二行 平巾幘、大口袴、緋衫。 次告止旛四,傳教旛四,信旛八。 凡旛皆絳爲之,署官號, 廂,執弓矢,戎服。第三行廂,執矟,戎服大袍。廂各四十人。次節一,夾矟二,各一 八、馭者 戟十八,儀矟 棒也,夾車而行,故曰車輻,執者服如櫖弩。 親王 )鳥翅,取其疾也,金塗鉤,竿長一丈一尺,執者服如夾矟,分左右。 次儀鋋二,儀鍠六, 次青衣十二人, 平巾青幘、青布袴褶, 執青布仗袋, 分左右。 次車輻十二, 分左右。 車 十八人,服 四 一鹵簿。 服 馬,佐二人立侍,一人武弁、朱衣、革帶,居左;一人緋 如 如 夾 十,細矟十,執者皆絳綦襖、冒。次儀 有清道六人爲三重, 武弁、朱衣、革帶。 次幒弩一, 執者平巾幘、緋袴褶, 來稍。 稍,分左右。 次繖一, 次府佐六人, 平巾幘、大口絝、緋裲襠, 騎, 持 雉尾扇二。 次朱漆團扇四,曲蓋二,執者皆絳綦襖、冒,分 次戟九十,執者絳綦襖、冒,分左右。 刀十八,執者服如 裲襠、大口 來稍, 分左右。 絝,持刀 刀夾引。 篆以黄, 人騎執, 次絳 次誕

志

次僚佐,本服陪從。次麾、幢各一,左麾右幢。 次大角、鼓吹。

佐四人夾行。革路一,駕四馬,駕士十六人,繖一,朱漆團扇四,曲蓋二,僚佐本服陪從,塵、 幢、大角、鐃吹皆備。 刀、楯、弓、箭、矟皆八十,節二,大矟二,告止旛、傳敎旛皆二,信旛六,誕馬六,儀刀十六,府 品鹵簿。有清道四人爲二重,憾弩一騎。青衣十人,車輻十人,戟九十,絳引旛六,

十,革路駕士十二人。四品、五品,信旛二,誕馬二,儀刀八,木路駕士十人。 下,每品減十而已。二品,信旛四,誕馬四,儀刀十四,革路駕士十四人。三品亦如之,儀刀 自二品至四品,青衣、車輻每品減二人。二品,刀、楯、弓、箭、戟、矟各減二十。三品以

自二品至四品,皆有清道二人,朱漆團扇二,曲蓋一,聽弩一騎,旛竿長丈,繖一,節一,

夾矟二。

皆二,竿長九尺,誕馬二,軺車,一馬,駕士六人,繖、朱漆團扇、曲蓋皆一。 非導駕及餘四等 萬年縣令亦有淸道二人,皫弩一騎,青衣、車輻皆二人,戟三十,告止旛、傳敎旛、信旛

縣初上者,減騰弩、車輻、曲蓋,其戟亦減十。

三,坐障二,厭翟車駕二馬,馭人十, 內命婦、夫人鹵簿。 青衣六人, 偏扇、團扇皆十六, 執者間綵裙襦、綵衣、革帶, 行障 內給使十六人夾車,從車六乘,繖、雉尾扇皆一, 團扇

二,內給使執之,戟六十。

外命婦一品亦如之,厭翟車馭人減二,有從人十六人。非公主、王妃則乘白銅飾犢車,

駕牛,馭人四,無雉尾扇。

嬪,青衣四人,偏扇、團扇、方扇十四,行障二,坐障一,翟車,馭人八,內給使十四人,夾

車四乘, 戟四十。

外命婦二品亦如之,乘白銅飾犢車,靑通幰,朱裏,從人十四人。

婕妤、美人、才人,青衣二人,偏易、團扇、方扇十,行障二,坐障一,安車,駕二馬,馭人

八,內給使十人,從車二乘,戟二十。

太子良娣、良媛、承徽、外命婦三品亦如之,白銅飾犢車,從人十人。

外命婦四品,青衣二人,偏扇、團扇、方扇皆八,行障、坐障皆一,白銅飾犢車,馭人四,

從人八。餘同三品,唯無戟。

自夫人以下皆清道二人,繖一,又有團扇二。

大駕鹵簿鼓吹,分前後二部。鼓吹令二人,府、史二人騎從,分左右。

百二十,節鼓二,笛、簫、觱篥、笳、桃皮觱篥次之; 掆鼓、夾金鉦皆十二,小鼓、中鳴皆百二 十,羽葆鼓十二,歌、簫、笳次之。至相風輿,有掆鼓一,金鉦一,鼓左鉦右。至黃麾,有左右 前部: 掆鼓十二, 夾金鉦十二, 大鼓、長鳴皆百二十, 鐃鼓十二, 歌、簫、笳次之, 大横吹

金吾衞果毅都尉二人主大角百二十,横行十重,鼓吹丞二人,典事二人騎從。

笛、簫、觱篥、笳、桃皮觱篥次之。凡歌、簫、笳工各二十四人,主帥四人,笛、簫、觱篥、笳、桃 次後部鼓吹:羽葆鼓十二,歌、簫、笳次之;鐃鼓十二,歌、簫、笳次之;小横吹百二十,

皮觱篥工各二十四人。

**法駕,滅太常卿、司徒、兵部尚書、白鷺車、辟惡車、大輦、五副路、安車、四望車,又減屬** 

車四,清游隊、持鍛隊、玄武隊皆減四之一,鼓吹減三之一。

黃鉞車、豹尾車、屬車、小輦、小輿,諸隊及鼓吹滅大駕之半。 小駕,又減御史大夫、指南車、記里鼓車、蠶旗車、皮軒車、象革木三路、耕根車、羊車、

凡鼓吹五部:一鼓吹,二羽葆,三鐃吹,四大横吹,五小横吹,總七十五曲。

擊,四龍媒蹀,五靈變吼,六鵬鶚爭,七壯壮怒,八熊羆吼,九石墜崖,十波蕩壑。 大鼓十五 鼓吹部有掆鼓、大鼓、金鉦小鼓、長鳴、中鳴。 掆鼓十曲:一警雷震,二猛獸駭,三驚鳥

九赤咳赤賴,十吐咳乞物眞,十一貪大訐,十二賀粟胡眞。小鼓九曲:一漁陽,二雞子,三警 阿列戟,三破達析利純,四賀羽眞,五鳴都路跋,六他勃鳴路跋,七相雷析追,八元咳赤賴, 嚴用三曲:一元縣合選,二元縣他固夜,三元縣跋至慮。警用十二曲:一元咳大至遊,二

長鳴一曲三聲:一龍吟聲,二彪吼聲,三河聲。中鳴一曲三聲:一盪聲,二牙聲,三送聲。 ,八南陽會星,九單搖。皆以爲嚴、警,其一上馬用之。

**羽**葆部十八曲:一太和,二休和,三七德,四翳虞,五基王化,六纂唐風,七厭炎精,八肇 ,九躍龍飛,十殄馬邑,十一興晉陽,十二濟渭險,十三應聖期,十四御宸極, 十五等兆

旗,十六服遐荒,十七龍池,十八破陣樂。 鐃吹部七曲:一一破陣樂,二上車,三行車,四向城,五平安,六歡樂,七太平。

十五楚客,十六楚妃敷,十七霜鸿引,十八楚歌,十九胡笳聲,二十辭漢,二十一對月,二十 樂聲,七五調聲,八烏夜啼,九望鄉,十跨鞍,十一閒君,十二瑟調,十三止息,十四天女怨, 大横吹部有節鼓二十四曲:一悲風,二遊絃,三閒絃明君, 四吳明君,五古明君,六長

一胡笳明君,二十三湘妃怨,二十四沈湘。

小橫吹部有角、笛、簫、笳、觱篥、桃皮觱篥六種,曲名失傳。

伶工 志 | 謂夜警爲嚴,凡大駕嚴,夜警十二曲,中警三曲, 五更嚴三遍。 第 + Ξ 儀 衞 下 校 勘 記 五〇九 天子 · 謁郊廟, 夜五

鼓過半,奏四嚴; 車駕至橋,復奏一嚴。元和初,禮儀使<u>高</u>野建議罷之。

導,太常卿跪請奏凱樂。樂闋,太常卿跪奏樂畢。兵部尙書、太常卿退,樂工立於旌門外, 引俘馘入獻,及稱賀,俘囚出,乃退。」 旌門外二十步,樂工步行,兵部尚書介胄執鉞,於旌門中路前導,協律郎二人執麾,門外分 **君臣同慶樂等四曲。至太社、太廟門外,陳而不作。告獻禮畢,樂作。至御樓前,陳兵仗於** 鹵簿。鼓吹令、丞前導,分行俘馘之前。將入都門,鼓吹振作,奏破陣樂、應聖期、賀朝歡 然其禮儀不傳。太和初,有司奏:「命將征討,有大功,獻俘馘,則神策兵衞於門外,如獻俘 凱樂用鐃吹二部,笛、觱篥、簫、笳、鐃鼓,皆工二人,歌工二十四人,乘馬執樂,陳列如 歷代獻捷必有凱歌,太宗平東都,破宋金剛,執賀魯,克高麗,皆備軍容,凱歌入京都,

#### 校勘記

LI 緑線紛 綬 ·者則有紛」。疑「紛」上當有「綬」字。 按上卷有「綠線綬紛」文,與「纁朱綬紛」、「紫黃綬紛」相次,此同例。 舊書卷四五云「有

## 唐書卷二十四

## 志第十四

#### 車服

唐初受命,車、服皆因隋舊。 武德四年,始著車輿、衣服之令,上得兼下,下不得儗上。

#### 凡天子之車:

左纛。 **載** 關戟,長四尺,廣三尺,黻文。 旂首金龍銜錦結綬及緌帶,垂鈴。 下圓鏡。 木路者,蒐田所乘也,黑質,漆之。五路皆重輿,左青龍,右白虎,金鳳翅,畫苣文鳥獸,黃屋 金飾末;象路者,行道所乘也,黃質,象飾末;革路者,臨兵、巡守所乘也,白質,鞔以革; 日玉路者,祭祀、納后所乘也,青質,玉飾末;金路者,饗、射、祀還、飮至所乘也,赤質, 金鳳一、鈴二在軾前,鸞十二在衡,龍輔前設鄣塵。青蓋三層,繡飾。上設博山方鏡, 樹羽。輪金根、朱班、重牙。 左建旂,十有二旒,畫升龍,其長曳地,青繡綢杠。右 金錢方釳,插翟尾五焦,

志

第十

四

車服

五二二

鏤鍚,鞶纓十二就。旌旗、蓋、鞶纓,皆從路質,唯蓋裏皆用黃。 五路皆有副。

耕根車者,耕藉所乘也,青質,三重蓋,餘如玉路。

安車者,臨幸所乘也,金飾重興,曲壁,紫油纁,朱裏通幰,朱絲絡網,朱鞶纓,朱覆髮具

駕赤駵。 副路、耕根車、安車,皆八鸞。

又有屬車十乘: 四望車者,拜陵、臨弔所乘也,制如安車,青油纁,朱裏通憶,朱絲絡網。 一日指南車,二日記里鼓車,三日白鷺車,四日鸞旗車,五日辟惡車,

六日皮軒車,七日羊車,與耕根車、四望車、安車爲十乘。 行幸陳於鹵簿,則分前後; 大朝

會,則分左右。

皇后之車六:

重翟車者,受册、從祀、饗廟所乘也,青質,青油纁,朱裏通幰,繡紫絡帶及帷,八鷺,鏤

錫,鞶纓十二就,金錢方釳,樹翟羽,朱總。

厭翟車者,親桑所乘也,赤質,紫油纁,朱裏通慮,紅錦絡帶及惟。

翟車者,歸寧所乘也,黃油纁,黃裏通뼪,白紅錦絡帶及帷。三車皆金飾末,輪畫朱牙,

箱飾翟羽,朱絲絡網,紫纓色皆從車質。

安車者、臨幸所乘也、制如金路、紫油纁、朱裏通憾。

四望車者,拜陵、弔喪所乘也,青油纁,朱裏通憶。

金根車者,常行所乘也,紫油纁,朱裏通憶。

白銅飾犢車,青油纁,朱裏通嶾,朱絲絡網。 夫人乘厭**翟**車,九嬪乘翟車,婕妤以下乘安車。 二品以下去油纁、絡網。 外命婦、公主、王妃乘厭翟車。 四品有靑偏憶。 品乘

## 皇太子之車三:

**舫**, 金鳳一, 在軾前, 設鄣塵, 朱黃蓋裏, 輪畫朱牙。 **綬**及鈴緌,八鸞二鈴,金錢方釳,樹翟尾五焦,鏤錫,鞶纓九就。 金路者,從祀、朝賀、納妃所乘也,赤質,金飾末,重較,箱畫苣文鳥獸,黃屋,伏鹿軾,龍 左建旂九旒,右載關戟,旂首金龍銜結

軺車者,五日常服、朝饗、宮臣、出入行道所乘也。

四望車者,臨弔所乘也。二車皆金飾末,紫油纁,朱裏通幰

通憾。 親王及武職,一品有象路,青油纁,朱裏通孍,朱絲絡網。二品、三品有革路,朱裏青 四品有木路,五品有軺車,皆碧裏靑偏廳。 象飾末,班輪,八鸞,左建旂,畫升龍,右

志第十四 車服

載關戟。 革路、木路,左建旜。 軺車,曲壁,碧裹青通憾。 諸路,朱質、朱蓋、朱旂、朱班輪。 一品之旜九旒,一品八旒,三品七旒,四品六旒,鞶纓就亦如之。三品以上珂九子,四品七

王公車路,藏於太僕,受制、行册命、巡陵、昏葬則給之。餘皆以騎代車。

子,五品五子,六品以下去通幰及珂。

## 凡天子之服十四:

寸。紐約,貴賤皆用靑組,博三寸。黻以繒爲之,隨裳色,上廣一尺,以象天數,下廣二尺, 帶,以素爲之,以朱爲裏,在腰及垂皆有裨,上以朱錦,貴正色也,下以綠錦,賤閒色也,博四 廣二寸四分,長六尺四寸,色如綬。又有小雙綬,長二尺六寸,色如大綬,而首半之,閒施三 綬,黑質,黑、黃、赤、白、縹、綠爲純,以備天地四方之色。 廣一尺,長二丈四尺,五百首。 白紗中單,皂領,靑標、襈、裾,朱韈,赤舄。 鹿盧玉具劍,火珠鏢首,白玉雙佩。 黑組大雙 導,組帶爲纓,色如其綬,黈纊充耳。大裘,繒表,黑羔表爲緣,纁裏,黑領、褾、襟緣,朱裳, 玉環。革帶,以白皮爲之,以屬佩、綬、印章。鞶囊,亦日鞶帶,博三寸半,加金鏤玉鉤鰈。大 大裘冕者,祀天地之服也。廣八寸,長一尺二寸,以板爲之,黑表,纁裏,無旒,金飾玉簪

以象地數,長三尺,朱質,畫龍、火、山三章,以象三才,其頸五寸,兩角有肩,廣二寸,以屬革

帶。朝服謂之鞸,冕服謂之黻。

以升龍,白紗中單,黻領,靑標、襈、裾,韍繡龍、山、火三章,舄加金飾。 裳。衣畫,裳繡,以象天地之色也。自山、龍以下,每章一行爲等,每行十二。衣、褾、領,畫 衣纁裳,十二章::日、月、星辰、山、龍、華蟲、火、宗彝八章在衣; 藻、粉米、黼、黻四章在 廣一尺二寸,長二尺四寸,金飾玉簪導,垂白珠十二旒,朱絲組帶爲纓,色如綬。深青 衮冕者,踐祚、饗廟、征還、遣將、飮至、加元服、納后、元日受朝賀、臨軒册拜王公之服

鷩冕者,有事遠主之服也。 八旒,七章:華蟲、火、宗彝三章在衣; 藻、粉米、黼、黻四章

在裳。

毳冕者,祭海嶽之服也。七旒,五章:宗彝、藻、粉米在衣;黼、黻在裳。

稀冕者,祭社稷饗先農之服也。六旒,三章:稀、粉米在衣;黼、黻在裳。

玄冕者、蜡祭百神、朝日、夕月之服也。五旒、裳刺黼一章。 自衮冕以下,其制一也,簪

導、劍、佩、綬皆同。

志

第十

29

車服

金博山、黑介幘、組纓翠緌、玉、犀簪導、絳紗袍、朱裏紅羅裳,白紗中單,朱領、標、襈、裾,白 通天冠者,冬至受朝賀、祭還、燕羣臣、養老之服也。二十四梁,附蟬十二首,施珠翠、

五一六

子未加元服,以空頂黑介幘,雙童髻,雙玉導,加寶飾。三品以上亦加寶飾,五品以上雙玉 裙、襦,絳紗蔽膝,白羅方心曲頜,白韈,黑舄。 白假帶,其制垂二條帛,以變祭服之大帶。天

導,金飾,六品以下無飾。

緇布冠者,始冠之服也。天子五梁,三品以上三梁,五品以上二梁,九品以上一梁。

武弁者,講武、出征、蒐狩、大射、薦、類、宜社、賞祖、罰社、纂嚴之服也。有金附蟬,平

巾幔

弁服者,朔日受朝之服也。以鹿皮爲之,有攀以持髮,十有二瑧,玉簪導,絳紗衣,素

裳,白玉雙佩,革帶之後有鞶囊,以盛小雙綬,白韈,鳥皮履。

黑介幘者,拜陵之服也。無飾,白紗單衣,白裙、襦,革帶,素韈,烏皮履。

白紗冒者,視朝、聽訟、宴見賓客之服也。以烏紗爲之,白裙、襦,白韈,烏皮履。

平巾幘者,乘馬之服也。金飾,玉簪導,冠支以玉,紫褶,白袴,玉具裝,珠寶鈿帶,有鞾。

白恰者,臨喪之服也。白紗單衣,烏皮履。

### 皇后之服三:

韓衣者,受册、助祭、朝會大事之服也。 深青織成爲之,畫翬,赤質,五色,十二等。 **素** 

紗中單,黼領,朱羅穀標、撰,蔽膝隨裳色,以緅領爲緣口,用翟爲章,三等。 青衣,革帶、大

帶隨衣色,裨、紐約、佩、綬如天子,青韈,舄加金飾。

鞠衣者,親蠶之服也。黃羅爲之,不畫,蔽膝、大帶、革帶、舄隨衣色,餘同緯衣。

鈿釵襢衣者,燕見賓客之服也。十二鈿,服用雜色而不畫,加雙佩小綬,去鳥加履,

飾大小華十二樹,以象衮冕之旒,又有兩博鬢。

## 皇太子之服六:

盧玉具劍如天子。 標、撰、裾。 革帶金鉤鰈,大帶,瑜玉雙佩。 朱組雙大綬,朱質,赤、白、縹、紺爲純,長一丈八 黑衣纁裳,凡九章:龍、山、華蟲、火、宗彝在衣,藻、粉米、黼、黻在裳。 衮冕者,從祀、謁廟、加元服、納妃之服也。 白珠九旒,紅絲組爲纓,犀簪導,青纊充耳。 白紗中單,黼領、青

裙、襦,白假帶,方心曲領,絳紗蔽膝,白韈,黑舄。 朔日入朝,通服絝褶。 附蟬九首,施珠翠,黑介幘,髮纓翠緌,犀簪導,絳紗袍,紅裳,白紗中單,黑領、褾、襈、裾,白 遠遊冠者,謁廟、還宮、元日朔日入朝、釋奠之服也。以具服,遠遊冠三梁, 加金博山,

志

公服者, 五日常朝、元日冬至受朝之服也。 遠遊冠,絳紗單衣,白裙、襦,革帶金鉤鰈,

假帶,瑜玉隻佩,方心,紛,金縷鞶囊,純長六尺四寸,廣二寸四分,色如大綬。

鳥紗冒者,視事及燕見賓客之服也。 白裙、襦,鳥皮履。

弁服者,朔望視事之服也。 鹿皮爲之,犀簪導,組纓九瑧,絳紗衣,素裳,革帶,鞶囊,小

綬,雙佩。 自具服以下,皆白韈,鳥皮履。

乘馬之服也。 平巾 ·幘者,乘馬之服也。 九臻,加金飾,有袴褶,常服則有白裙、襦。 金飾,犀簪導,紫裙,白袴,起梁珠寶鈿帶,鞾。 進德冠者,亦

## 皇太子妃之服有三:

單,黼領, **输翟者,受册、助祭、朝會大事之服也。** 朱羅穀標、襈,蔽膝隨裳色, 用緅爲領緣,以翟爲章二等。 青織成,文爲搖翟,青質,五色九等。 青衣,革帶、大帶隨衣 素紗中

色,不朱裏,青韈,舄加金飾,佩、綬如皇太子。

鞠衣者,從蠶之服也。 釵檀衣者,燕見賓客之服也。 以黃羅爲之,制如楡翟,無雉,蔽膝、大帶隨衣色。 九鈿,其服用雜色,制如鞠衣, 加雙佩, 小綬, 去舄加

履,首飾花九樹,有兩博鬢。

鈿

## **季臣之服二十有一:**

鏢首,山玄玉佩。 綠綟綬,綠質,綠、紫、黃、赤爲純,長一丈八尺,廣九寸,二百四十首。 郊 飾 「角簪導。 青衣纁裳,九章:龍、山、華蟲、火、宗彝在衣,藻、粉米、黼、黻在裳,皆絳爲繡遍 白紗中單,黼領,青標、撰、裾。朱韈,赤舄。革帶鉤鰈,大帶,黻隨裳色。 衮冕者,一品之服也。九旒,青瑧爲珠,貫三采玉,以組爲纓,色如其綬。青纊充耳,寶 金寶玉飾劍

之後有金鏤鞶囊,金飾劍,水蒼玉佩,朱韈,赤舄。 裳、銀裝劍、佩水蒼玉、紫綬、紫質、紫、黃、赤爲純、長一丈六尺、廣八寸,一百八十首。 驚冕者, 二品之服也。 八旒, 青衣纁裳,七章:華蟲、火、宗彝在衣; 藻、粉米、黼、黻在 革帶

祀太尉攝事亦服之。

章:山、火。紫綬如二品,金銀鏤鞶囊,金飾劍,水蒼玉佩,朱韈,赤舄 震晃者,三品之服也。七旒,寶飾角簪導,五章:宗彝、藻、粉米在衣;黼、黻在裳。

劍,水蒼玉佩,朱韈,赤舄。 **絲冕者,四品之服也。** 自三品以下皆青綬,青質,青、白、紅為純,長一丈四尺,廣七寸,一百四十首,金飾 六旒,三章:粉米在衣;黼、黻在裳,中單,青領。韍,山一章。銀

象笏,上圓下方,六品以竹木,上挫下方。金飾劍,水蒼玉佩,朱韈,赤鳥。三品以下私祭皆 其服用紬。大帶及裨,外黑內黃,黑綬紺質,青紺爲純,長一丈二尺,廣六寸,一百二十首。 玄冕者,五品之服也。以羅爲之,五旒,衣、敬無章,裳刺黻一章。角簪導,青衣纁裳,

平冕者,郊廟武舞郎之服也。黑衣絳裳,革帶,鳥皮履。

紗中單,靑頜、褾、襈、裾,革帶鉤鰈,大帶及裨內外皆緇,爵韓,白韈,赤履。 五品以上私祭 **餧弁者,六品以下九品以上從祀之服也。以紬爲之,無旒,黑纓,角簪導,靑衣纁裳,白** 

大袖,白練榼襠,螣蛇起梁帶,豹文大口絝,烏皮鞾。 鼓人朱祷衣,革帶,烏皮履。 鼓吹桉工 武弁者,武官朝參、殿庭武舞郎、堂下鼓人、鼓吹桉工之服也。有平巾幘,武舞緋絲布

皆服之。

加白練榼檔。

鳥皮履。 八瑧,三品七瑧,四品六瑧,五品五瑧,犀簪導,皆朱衣素裳,革帶,鞶囊,小綬,雙佩,白韈, 弁服者,文官九品公事之服也。以鹿皮爲之,通用烏紗,牙簪導。纓:一品九瑧,二品 六品以下去瑧及鞶囊、綬、佩。 六品、七品綠衣,八品、九品青衣。

進賢冠者,文官朝參、三老五更之服也。黑介幘,青緌。紛長六尺四寸,廣四寸,色如

梁,絳紗公服。殿庭文舞郎,黃紗袍,黑領、玃,白練榼襠,白布大口絝,革帶,鳥皮履 中書令、左右散騎常侍有黃金璫,附蟬,貂尾。侍左者左珥,侍右者右珥。 其綬。三品以上三梁,五品以上兩梁,九品以上及國官一梁,六品以下私祭皆服之。侍中、 諸州大中正一

朱質,赤、黃、縹、紺爲純,長一丈八尺,廣九寸,二百四十首。 遠遊冠者,親王之服也。黑介幘,三梁,靑緌,金鉤鰈大帶,金寶飾劍,玉鏢首,纁朱綬, 黄金璫,附蟬,諸王則否。

**法**冠者,御史大夫、中丞、御史之服也。 一名解廌冠。

委貌冠者,郊廟文舞鄓之服也。有黑絲布大袖,白練領、標,絳布大口絝,革帶,烏皮履。 高山冠者,內侍省內謁者、親王司閣、謁者之服也。

襦, 上,細綾及羅爲之,六品以下,小綾爲之,三品以上紫,五品以上緋,七品以上綠,九品以上 事者服之,有緋褶、大口絝,紫附構。 文武官騎馬服之,則去裲襠、螣蛇。 袴褶之制:五品以 起梁帶。陪大仗,有裲襠、螣蛇。朝集從事、州縣佐史、岳瀆祝史、外州品子、庶民任掌 平巾幘者,武官、衞官公事之服也。金飾,五品以上兼用玉,大口絝,烏皮韡, 裲襠之制:一當胸,一當背,短袖覆膊。 螣蛇之制:以錦爲表,長八尺,中實以綿,象蛇 却非冠者,亭長、門僕之服也。 起梁帶之制:三品以上,玉梁寶鈿,五品以上,金梁寶鈿,六品以下,金飾隱起而已。 白練裙、

四

車服

青襟、褾、領,革帶,烏皮履。未冠者,冠則空頂黑介幘,雙童髻,去革帶。 黑介幘者, 國官視品、府佐謁府、國子大學四門生俊士參見之服也。 書算律學生、州縣 簪導, 白紗單衣,

學生朝參,則服烏紗冒,白裙、襦,靑領。 未冠者童子髻。

庭加白 如溝,不垂,緋褶大口絝,紫附構,去方心曲領、假帶。 衣,方心曲領,革帶鉤鰈,假帶,韈,鳥皮履。 介幘者,流外官、行署三品以下、登歌工人之服也。 I練榼襠 九品以上則絳構衣,制如絳公服而狹,袖形直 登歌工人,朱連裳,革帶,鳥皮履。殿 絳公服,以縵緋爲之,制如絳紗單

褶。 羊車小史,五辮髻,紫碧腰襻,青耳屬。 平巾綠幘者,尙食局主膳,典膳局典食,太官署、食官署供膳、奉觶之服也。 漏刻生、漏童,總角髻,皆青絲布絝褶。 青絲布絝

舄,劍,紛,鞶囊,雙佩,雙綬。 妙中單,黑領、袖,黑標、襈、裾,白裙、襦,革帶金鉤鰈,假帶,曲領方心,絳紗蔽膝,白韈,烏皮 具服者,五品以上陪祭、朝饗、拜表、大事之服也,亦曰朝服。 六品以下去劍、佩、綬,七品以上以白筆代簪,八品、九品去白 冠欖,簪導,絳紗單衣,白

衣,白裙、襦,革帶鉤鰈,假帶,方心,韈,履,紛,鞶囊,雙佩,烏皮履。 從省服者,五品以上公事、朔望朝謁、見東宮之服也,亦曰公服。 六品以下去粉、鞶囊 冠幘纓,簪導,絳紗單 筆,白紗中單,以履代舄。

雙佩。 三品以上有公爵者, 嫡子之婚,假稀冕。 五品以上子孫, 九品以上子,爵弁。 庶人

命婦之服六:

婚,假絳公服。

編 樹; 五品翟 繡,重雉爲章二等。 九等,花釵九樹;二品翟八等,花釵八樹;三品翟七等,花釵七樹;四品翟六等,花釵六 次於衣及裳,重爲九等。 翟衣者,內命婦受册、從蠶、朝會,外命婦嫁及受册、從蠶、大朝會之服也。 五等,花釵五樹。 大帶隨衣色,以青衣,革帶,青韈,舄,佩,綬,兩博鬢飾以寶鈿 青紗中單,黼領,朱穀標、撰、裾,蔽膝隨裳色,以緅爲領緣, 寶鈿視花樹之數。 青質, 繡翟, 品翟 加文

去鳥,加履。 一品九鈿,二品八鈿,三品七鈿,四品六鈿,五品五 鈿釵禮衣者,內命婦常參、外命婦朝參、辭見、禮會之服也。 鈿 制同翟衣, 加雙佩、小綬

禮衣者,六尙、寶林、御女、采女、女官七品以上大事之服也。 通用雜色, 制如鈿釵禮

衣,唯無首飾、佩、綬。

襦者,東宮女史常供奉之服也。公主、王妃佩、綬同諸王。 公服者,常供奉之服也。 去中單、蔽膝、大帶, 九品以上大事、常供奉亦如之。 半袖裙

五三三

花釵禮衣者,親王納妃所給之服也。

履同裳色,花釵,覆笄,兩博鬢,以金銀雜寶飾之。 大袖連裳者,六品以下妻,九品以上女嫁服也。 青質,素紗中單,蔽膝、大帶、革帶,韈、 庶人女嫁有花釵,以金銀琉璃塗飾之。

連裳,青質,青衣,革帶,韈、履同裳色。

妾降妻一等。 婦人燕服視夫。 百官女嫁、廟見攝母服。 五品以上媵降妻一等,妾降媵一等,六品以

帝行璽以報王公書,皇帝之璽以勞王公,皇帝信璽以召王公,天子行璽以報四夷書,天子之 **璽以勞四夷,天子信璽以召兵四夷,皆泥封。** 天子有傳國璽及八璽,皆玉爲之。神璽以鎭中國,藏而不用。受命璽以封禪禮神, 大朝會則符靈郎進神璽、受命璽於御座,行幸

令書以宮官印,皇后以內侍省印,皇太子以左春坊印,妃以內坊印。 太皇太后、皇太后、皇后、皇太子及妃,璽皆金爲之,藏而不用。 太皇太后、皇太后封 則合八璽爲五輿,函封從於黃鉞之內。

中宗卽位,復爲璽。 初,太宗刻受命玄璽,以白玉爲螭首,文曰:「皇天景命,有德者昌。」至武后改諸璽皆爲 開元六年,復爲寶。 天寶初,改壓書爲寶書。 十載,改傳國寶爲承

守、折衝 以國名,雄者進內,雌者付其國。 左廂、右廂給開門符、閉門符。 左五右一,左者進內,右者在外,用始第一,周而復始。 初, 府、捉兵鎭守之所及左右金吾、宮苑總監、牧監皆給之。 高祖入長安,罷隋竹使符,班銀菟符,其後改爲銅魚符,以起軍旅、易守長, 亦左符進內,右符監門掌之。 朝貢使各齎其月魚而至,不合者劾奏。 宮殿門、城門,給交魚符、巡魚符。 蕃國亦給之,雄雌各十二,銘 畿內則左三右一,畿外則 京都留

符,左二十,右十九。 武符,皆左四右三。左者進內,右者付外。 傳信符者,以給郵驛,通制命。 東方諸州給靑龍符, 皇太子監國給雙龍符,左右皆十。 南方諸州朱雀符, 行軍所亦給之。 西方諸州騶虞符, 北方諸州玄 兩京、北都留守給麟

以金,五品以上飾以銀。 合乃赴。 隨身魚符者,以明貴賤,應召命,左二右一,左者進內,右者隨身。 親王 一以金,庶官以銅,皆題某位姓名。 刻姓名者,去官納之,不刻者傳佩相付。 官有貳者加左右, 皆盛以魚袋,三品以上飾 皇太子以玉契召,勘

有 傳符、銅魚符者,給封符印,發驛、封符及封魚函用之。 有銅魚而無傳符者,給封函,

還符、封函用之。

志

天子巡幸, 則京師、東都留守給留守印,諸司從行者,給行從印。

承 軍 天 旅 門監門,晝夜勘合,然後鳴鼓。 之事則用之,王公征討皆給焉,左右各十九。 木契符者,以重鎭守、愼出納,畿內左右皆三,畿外左右皆五。皇帝巡幸,太子監國,有 玄武門苑內諸門有喚人木契, 左以進內, 右以授監門, 太極殿前刻 (漏所, 亦以左契給之, 右以授

袋, 油囊爲表。 大將出,賜旌以顓賞,節以顓殺。 節,懸畫木盤三,相去數寸,隅垂赤麻,餘與 旌以絳帛五丈,粉畫虎,有銅龍一,首纏緋幡,紫縑爲 く旌同。

有敕召者用之。

魚契所降,皆有敕書。

尙書省符,與左同乃用

者以 袋,謂之章服。 中, 以上檢校、試、 官佩魚 五品以銅。 都督、刺史始賜魚。 銀 高宗給五 、飾之。 自 此始也。 中宗初,罷龜袋,復給以魚。 開元 判官皆佩魚。 品以上隨身魚銀袋, 當時服朱紫、佩魚者衆矣。 初,駙馬都尉從五品者假紫、金魚袋,都督、刺史品卑者假緋、魚袋,五品 然員外、試、檢校官,猶不佩魚。 天授二年, 改佩魚皆爲龜。 中書令張嘉貞奏,致仕者佩魚終身,自是百官賞緋、紫,必兼魚 以防召命之詐, 郡王、嗣王 一亦佩金魚袋。 景雲中, 其後三品以上龜袋飾以金, 出內必合之。三品以上金飾袋。 詔衣紫者魚袋以金飾之, 衣緋 景龍中, 令特進 四品 佩 魚,散 以銀,

帶有十三鐶,文官又有平頭小樣巾,百官常服同於庶人。 初,隋文帝聽朝之服,以赭黃文綾袍,烏紗冒,折上巾,六合鞾,與貴臣通服。 唯天子之

品服用青,飾以鍮石。勳官之服,隨其品而加佩刀、礪、紛、悅。流外官、庶人、部曲、奴婢, 朱, 飾以金。六品以上服絲布交梭雙紃綾, 色用黃。六品、七品服用綠, 飾以銀。八品、九 品、二品銙以金,六品以上以犀,九品以上以銀,庶人以鐵。旣而天子袍衫稍用赤、黃,遂禁 則服紬絹絁布,色用黃白,飾以鐵、銅。 臣民服。親王及三品、二王後,服大科綾羅,色用紫,飾以玉。五品以上服小科綾羅,色用 至唐高祖,以赭黃袍、巾帶爲常服。腰帶者,搢垂頭於下,名曰鍩尾,取順下之義。

其品,庶人以白。」 才,重繫前脚,以象二儀。」詔皆從之。太尉長孫无忌又議:「服袍者下加襴,緋、紫、綠皆視 標、襈,爲士人上服。 開骻者名曰缺骻衫,庶人服之。」又請:「裹頭者,左右各三襵,以象三 以棠苧襴衫爲上服,貴女功之始也。一命以黃,再命以黑,三命以纁,四命以綠,五命以紫。 士服短褐,庶人以白。中書令馬周上議:「禮無服衫之文,三代之制有深衣。請加襴、袖、 太宗時,又命七品服龜甲雙互十花綾,色用綠。 九品服絲布雜綾,色用青。是時士人

|太宗嘗以幞頭起於後周,便武事者也。 方天下偃兵,採古制爲翼善冠,自服之。 又製

進 是元日、冬至、朔、望視朝,服翼善冠,衣白練裙襦。常服則有袴褶與平巾幘,通用翼善冠。 進 [德冠制如幞頭,皇太子乘馬則服進德冠,九瑧,加金飾,犀簪導,亦有絝褶,燕服用紫。 其 一德冠以賜貴臣,玉瑧,制如弁服,以金飾梁,花趺,三品以上加金絡,五品以上附山雲。 自

後

(朔、望視朝,仍用弁服。

新禮, 服 君 記制祀天地之服,天子備十二章,後魏、周、隋皆如之。 品之服 則 象天,戴冕藻十有二旒,與大裘異。 親舉哀, 天,服裘可也。 爲節以法天,烏有四旒三章之服?若諸臣助祭,冕與王同,是貴賤無分也。 也。 親 王 服 而 皇帝祭社稷服絺冕,四旒,三章,祭日月服玄冕,三旒,衣無章。按令文,四品、五品之 慶元年,長孫无忌等曰:「武德初,撰衣服令,天子祀天地服大裘冕。 玄冕,羣臣服爵弁,旣屈天子,又貶公卿。 拜臣子,硩蔟、蟈氏之職,不通行者蓋多, 三公亞獻皆服衮,孤卿服馫、驚,是天子同於大夫,君少臣多,非禮之中。 請循歷代故 素服 今服白袷, 禮令乖舛。 季夏迎氣, 龍見而雩, 如之何可服? 故歷代唯服衮章。 事, 諸祭皆用衮冕。」制曰:「可。」无忌等又曰:「禮, [月令: 孟多, 天子始裘以禦塞。若啓蟄 祈穀; 且白袷出近代,不可用。」乃改以素服。 故漢魏承用衮冕。 周禮此文,久不用矣,猶祭祀之有尸侑,以 伏請郊祀天地服衮冕, 罷大裘。 今新禮親祭日月, 服五 漢明帝始采周官、禮 **,皇帝爲諸臣及五** 桉周郊被衮以 若降王一等, 自是驚冕以 且天子十 冬至報 服

下,天子不復用,而白袷廢矣。

服,金帶銙十;深綠爲六品之服,淺綠爲七品之服,皆銀帶銙九;深靑爲八品之服,淺靑爲 九品之服,皆鍮石帶銙八;黃為流外官及庶人之服,銅鐵帶銙七。 其後以紫爲三品之服, 金玉帶銙十三; 緋爲四品之服, 金帶銙十一; 淺緋爲五品之

英王踣樣巾,其製高而踣,帝在藩時冠也。 武后擅政,多賜羣臣巾子、繡袍、勒以回文之銘,皆無法度,不足紀。 其後文官以紫黑絁為巾,賜供奉官及諸司長官, 至中宗又賜百官

則有羅巾、圓頭巾子,後遂不改。

舍車, 於軍 古專 以 以 穞 馬 衣冠親 佩刀、礪石,而武官五品以上佩軲韘七事,佩刀、刀子、礪石、契苾眞、喙厥針筒、火石是也。 車 爲 旅,戎服 時皇太子將釋奠,有司草儀注,從臣皆乘馬著衣冠,左庶子劉子玄議曰:「古大夫乘車, 杒, 而冠履不易, 財服,魏、晉朝士駕牛車。 則 職 衣朝 迎者,亦時服 事官三品以上賜金裝刀、礪石,一品以下則有手巾、算袋、佩刀、礪石。至睿宗時, 所便。 服,單馬則 何者? 江左尚書郎乘馬,則御史治之。 箱。 衣褻服。 褒衣、博帶、革履、高冠,車中之服也。 其餘貴賤,皆以騎代車。 如李廣北征,解鞍憩息;馬援南伐,據鞍顧眄。則鞍馬行 皇家巡謁陵廟,册命王公,則盛服冠履,乘路車。 顏延年罷官,騎馬出入,世稱放誕。 近 比者,法駕所幸,侍臣朝服 韈而鐙,跣 而乘,非唯盭 乘馬。 土庶有 今既

志

第

+

79

車

服

太子從之,編於令。 非京華所有;帷冒創於隋代,非漢宮所用。豈可因二畫以爲故實乎?謂乘馬衣冠宜省。」 古,亦自取驚蹶。議者以祕閣梁南郊圖,有衣冠乘馬者,此圖後人所爲也。古今圖畫多矣, 如畫羣公祖二疏,而有曳芒屩者;畫昭君入匈奴,而婦人有施帷冒者。 夫芒屬出於水鄉,

略,不可通寒暑,廢而不服。 自是元正朝會用衮冕、通天冠,百官朔、望朝參,外官衙日,則 佩算袋,餘日則否。玄宗謁五陵,初用素服,朔、望朝顓用常服。弁服、翼善冠皆廢。 開元初,將有事南郊,中書令張說請遵古制用大裘,乃命有司製二冕。玄宗以大裘樸

以辟邪。行六品者,冠去瑧珠,五品去鞶囊、雙佩,幞頭用羅縠。 文:千牛衞以瑞牛,左右衞以瑞馬,驍衞以虎,武衞以鷹,威衞以豹,領軍衞以白澤,金吾衞 袍,或無官而冒衣綠。有詔殿中侍御史糾察。諸衞大將軍、中鄓將以下給袍者,皆易其繡 唐初,賞朱紫者服於軍中,其後軍將亦賞以假緋紫,有從戎缺骻之服,不在軍者服長

母、妻,服朱衣。流外及庶人不服綾、羅、縠、五色線鞾、履。凡襇色衣不過十二破,渾色衣 婦人服從夫、子,五等以上親及五品以上母、妻,服紫衣,腰襻標緣用錦繡。 九品以上

个過六破。

二十五年,御史大夫李適之建議:「多至、元日大禮,朝參官及六品淸官服朱衣,六品以

德宗 鄭餘 F 通 嘗 服絝褶。」天寶中,御 慶言:「 賜 節 度 百官服 使 時時 朝 服 服 以鵰 者多誤。 史中丞吉温建議:「京官朔、望朝參,衣朱綺褶, 銜綬帶,謂 自今唯職事 其行 列 官 (有序, 牧人有威儀 五品兼六品以上散官者,則有佩、劍、綬,其 也。 元和 五品以上有 十二年,太子 珂 少師

餘皆省。」

駝 人曳履及線鞾。 反,當時 乘馬,海內傚之,至露髻 駕 車。 初, 以爲 婦人施羃羅以蔽身,永徽中,始用帷冒,施裙及頸,坐檐以代 數下詔禁而 服 妖之應 開元中, 不止。 融騁,而惟冒亦廢,有衣男子衣而 初有線鞋,侍兒則著履,奴婢服襴衫, 武后時,惟冒 益 盛, 中宗後乃無 鞾, 復羃雕 如奚、契丹之服。 而士女衣胡服, 矣。 .乘車。 宫 人從駕, 命婦 其後安祿 武德 朝謁, 皆胡 間 則 以 婦

巴、蜀 婦 人出入有兜籠,乾元初,蕃將又以兜籠易負,遂以代車

袖 官諸 服 車 (綾,以地黃交枝;六品以下服綾,小窠無文及隔織、獨織。 馬 不 文宗 過一尺五寸。袍襖之制: 無 司 則 飾 金銀。 即位,以四方車服 佩 刀、礪、紛、帨。 衣曳地不過二寸, 袖不過一尺三寸。 諸親朝賀宴會之服:一品、二品服 層奢,下韶準儀制令,品秩勳勞爲等級。 三品以上服綾,以鶻銜瑞草,鴈 婦人 裙 玉及通 銜 不 一經帶 品導從以七騎; 通五 犀,三品服花 職 及 幅 雙孔 事 官服綠、 曳地不過三寸, 襦 雀 四品、五品 青、 犀、 班 碧,勳

志

第

+

四

車

服

校

做

記

魏載興、步興之制,三品以上官及刺史,有疾暫乘,不得舍驛。 官施懸魚、對鳳、瓦獸、通栿乳梁。詔下,人多怨者。京兆尹杜悰條易行者爲寬限,而事遂不 去眉、開額及吳越高頭草履。 等服細葛布,無紋綾,綠闍銀藍鐵帶,鞍、轡、銜、鐙以鍮石。未有官者,服粗葛布、官絁,綠 以 商賈、庶人、僧、道士不乘馬。 銅鐵帶,乘蜀馬、鐵鐙。行官服紫粗布、絁,藍鐵帶。中官不衣紗穀綾羅,諸司小兒不服大巾, 續車,檐舁以四人; 胥吏、商賈之妻老者乘葦軬車,兜籠 舁以二人。 度支、戶部、鹽鐵門官 外命婦一品、二品、三品乘金銅飾犢車,檐舁以八人,三品舁以六人;四品、五品乘白銅飾 五品堂五間七架,門三間兩架;六品、七品堂三間五架,庶人四架,而門皆一間兩架。 五 唯准南觀察使李德裕令管內婦人衣袖四尺者闊一尺五寸,裙曳地四五寸者減三寸。 騎; 開成末,定制:宰相、三公、師保、尙書令、僕射、諸司長官及致仕官,疾病許乘檐,如漢、 四品以三騎;五品以二騎;六品以一騎。五品以上及節度使册拜、婚會,則車有뼪。 婦人衣靑碧纈、平頭小花草履、彩帛縵成履,而禁高髻、險妝、 王公之居,不施重供、藻井。 三品堂五間九架,門三間五架, 常參

### 校勘記

(1)以緅領爲緣 按舊書卷四五輿服志作「以緅爲領」。

# 唐書卷二十五

## 志第十五

曆一

上,二者常動而不息。一有一無,出入升降,或遲或疾,不相爲謀。其久而不能無差忒者, 仰察天日月星之行運,以相參合而已。然四時寒暑無形而運於下,天日月星有象而見于 窮而無所不通,以之於律、於易,皆可以合也。然其要在於候天地之氣,以知四時寒暑,而 起於黃鍾之龠,蓋其法一本於律矣。其後劉歆又以春秋、易象推合其數,蓋傅會之說也。 商、周以三統改正朔,爲曆固已不同,而其法不傳。至漢造曆,始以八十一分爲統母,其數 勢使之然也。 至唐一行始專用大衍之策,則曆術又本於易矣。蓋曆起於數,數者,自然之用也。其用無 曆法尙矣。自堯命養、和,曆象日月星辰,以閏月定四時成歲,其事略見于書。而夏、 故爲曆者,其始未嘗不精密,而其後多疏而不合,亦理之然也。不合,則屢變

五三三

志第十

五

其法以求之。 自堯、舜、三代以來,曆未嘗同也。

寶應五紀曆,日建中正元曆,日元和觀象曆,日長慶宜明曆,日景福崇玄曆而止矣。 唐終始二百九十餘年,而曆八改。初曰戊寅元曆,日鱗德甲子元曆,日開元大衍曆,日

子日登極,曆元戊寅,日起甲子,如漢太初,一也。多至五十餘年輒差一度,日短星昴,合于 秋命曆序,四也。月有三大、三小,則日蝕常在朔,月蝕常在望,五也。命辰起子半,命度起 <u>燒</u>典,二也。 <u>周幽王</u>六年十月辛卯朔,入蝕限,合于詩,三也。 <u>魯僖公五年壬子冬至,合癢</u> 與儉等參議,合受命歲名爲戊寅元曆。乃列其大要,所可考驗者有七,曰:「唐以戊寅歲甲 虛六,符陰陽之始,六也。立遲疾定朔,則月行晦不東見,朔不西眺,七也。」高祖詔司曆起 高祖受禪,將治新曆,東都道士傅仁均善推步之學,太史令庾儉、丞傅弈薦之。詔仁均

二年用之,擢仁均員外散騎侍郎。

使算曆博士王孝通以甲辰曆法詰之日: 三年正月望及二月、八月朔,當蝕,比不効。六年,詔吏部郎中祖孝孫考其得失。

昏中,差至東壁,然則堯前七千餘載,多至昏翼中,日應在東井。井極北,去人最近,故 昴中,執文害意,不亦謬乎。又狷伶仲多「昏東壁中」,明昴中非爲常準。 若燒時星昴 「日短星昴,以正仲多。」七宿畢見,舉中宿言耳。舉中宿,則餘星可知。 仁均專守

始,下得歸餘於終,合會有時,則甲辰元曆爲通術矣。 由時消息。若定大小皆在朔者,合會雖定,而蔀、元、紀首三端並失。若上合履端之 暑;斗極南,去人最遠,故寒。 寒暑易位,必不然矣。 又平朔、定朔,舊有二家。 三大、 三小,爲定朔望;一大、一小,爲平朔望。日月行有遲速,相及謂之合會。 晦、朔無定,

## 仁步、娄日

治曆之本,必推上元,日月如合璧,五星如連珠,夜半甲子朔旦冬至。自此七曜散行, 傳曰:「不書朔,官失之也。」自後曆差,莫能詳正。故溱、漢以來,多非朔蝕。 宋御史中 秋月朔, 辰弗集于房。」孔氏云:「集, 合也。 不合則日蝕可知。」又云:「先時者殺無赦, 月行遲疾匪常, 三端安得卽合。故必須日月相合與至同日者, 乃爲合朔冬至耳。 其日數之元爾。或以爲卽夜半甲子朔冬至者, 非也。冬至自有常數, 朔名由於月起, 不復餘分普盡,總會如初。唯朔分、氣分,有可盡之理,因其可盡,即有三端。此乃紀 丞何承天微欲見意,不能詳究,乃爲散騎侍郎皮延宗等所抑。孝通之語,乃延宗舊說。 不及時者殺無赦。」旣有先後之差,是知定朔矣。誤云:「十月之交,朔月辛卯。」又癢秋 執南斗爲多至常星。 夫日躔宿度,如郵傳之過,宿度旣差,黃道隨而變矣。 書云:「季 宋祖沖之立歲差,隋張胄玄等因而脩之。雖差數不同,各明其意。孝通未曉,乃

孝孫以爲然,但略去尤疎闊者。

癸亥日月相及, 秋已來唇度薄蝕,事皆符合。」國子祭酒孔穎達等及尙書八座參議,請從淳風。又以平朔推 云日月之蝕,必在朔望。十九年九月後,四朔頻大。」詔集諸解曆者詳之,不能定。 庚子,詔 之,則二曆皆以朔日冬至,於事彌合。 爲朔,遂差三刻。」司曆南宮子明、太史令薛頤等言:「子初及半,日月未離。 上言:「古曆分日,起於子半。十一月當甲子合朔冬至,故太史令傅仁均以減餘稍多,子初 十四年,太宗將親祀南郊,以十一月癸亥朔,甲子冬至。而淳風新術,以甲子合朔冬至,乃 始,而氣、朔、遲疾、交會及五星皆有加減差。至是復用上元積算。 貞觀初,直太史李淳風又上疏論十有八事,復詔善爲課二家得失,其七條改從淳風。 九年,復詔大理卿崔善爲與孝通等較定,善爲所改凡數十條。初,仁均以武德元年爲曆 明日甲子,爲朔可也。 且平朔行之自古,故春秋傳或失之前,謂晦日也。 從之。十八年,淳風又上言:「仁均曆有三大、三小, 。其周天度,即古赤道也。 淳風之法,較春

淳風亦不能逾之。今所記者,善爲所較也。 仁均曆法祖述胄玄,稍以劉孝孫舊議參之,其大最疎於淳風。 然更相出入,其有所中,

用仁均平朔,訖麟德元年。

戊寅曆上元戊寅歲至武德九年丙戌,積十六萬四千三百四十八算外。

章歲六百七十六。亦名行分法。

章閏二百四十九。

章月八千三百六十一。

月法三十八萬四千七十五。

日法萬三千六。

時法六千五百三。

度法、氣法九千四百六十四。

氣時法千一百八十三。

歲分三百四十五萬六千六百七十五。

歲餘二千三百一十五。

周分三百四十五萬六千八百四十五半。

斗分二千四百八十五半。

沒分七萬六千八百一十五。

志第十五

曆一

沒法千一百三。

曆日二十七,曆餘萬六千六十四。

曆周七十九萬八千二百。

曆法二萬八千九百六十八。

餘數四萬九千六百三十五。

得次朔。 沒分,餘滿沒法爲日。 得下弦。 土王。凡節氣小餘,三之,以氣時法而一,命子半算外,各其加時。 日滿六十,去之;餘爲大餘。命甲子算外,得天正平朔。 十八、小分八之一,得次氣日。 加四季之節大餘十二、小餘千六百五十四、小分四(1),得 加日六十九、餘七百八、得次沒。 章月乘年,如章嵗得一,爲積月。以月法乘積月,如日法得一,爲朔積日;餘爲小餘。 `餘數乘年,如氣法得一,爲氣積日。命日如前,得冬至。 加大餘十五、小餘二千六 加平朔大餘七、小餘四千九百七十六、小分四之三,爲上弦。又加,得望。又加, 加多至去朔日算, 依月大小去之, 日不滿月算, 得沒日。 加大餘二十九、小餘六千九百一, 置冬至小餘,八之,減 餘分盡爲

志第十五 曆一

縮初	<b>益七百三十九</b>	芒種
盈八百四十八	損八百四十八	小滿
盈千四百三	損五百五十五	立夏
盈千七百五十八	損三百五十五	穀雨
盈二千二百一十三	損四百五十五	清明
盈二千七百一十三	損五百	春分
盈二千二百六十三	益四百五十	雨水
盈千九百二十二	益三百四十一	啓蟄
盈千六百九十四	益二百二十八	立春
盈千二百九十四	益四百	大寒
盈八百九十六	益三百九十八	小寒
盈空	益八百九十六	冬至
盈縮數	損益率	二十四氣

志第十五 曆一

盡,半法已上亦從一。以曆法乘朔積日,滿曆周去之;餘如曆法得一,爲日。命日算外,得 六千五百三而一,不盡,爲小分,以加夜半入曆日。 天正平朔夜半入曆日及餘。次日加一,累而裁之。若以萬四千四百八十四乘平朔小餘,如 加曆日七、餘萬一千八十四、小分三千九百九十五,命如前,得上弦。又加,得望、下弦 以平朔、弦、望入氣日算乘損益率,如十五得一,以損益盈縮數,爲定盈縮分。凡不 加之滿曆日及餘,去之,得平朔加時所

及後朔。

盈三千九百五十	益百六十九	九千四百一十四	五日
八百九四十	益二百三十六	九千五百六十三	四日
八一百百五三十十十	益二百九十五	九千六百九十五	三田
百二十二十二十二十二十二十二十二十二十二十二十二十二十二十二十二十二十二十二十	益三百四十七	九千八百一十	二日
	益三百九十二	九千九百九	一田
盈縮積分	損益率	行分	曆日

E			
プ E	九千二百六十六	一盆百三	盈四十二百七十二十十十二十十十十十十十十十十十十十十十十十十十十十十十十十十十十十
七日	九千一百一十八	益三十六	盈四千四百六十七萬三
八日	八千九百五十三	損三十八	盈 四千五百七十二
九日	八千七百八十八	損百一十二	盈四千四百六十三萬
十日	八千六百四十	損百七十八	盈四千一百三十九
十一日	八千五百八	損二百三十八	盈三千六百九十二(四)
十二日	八千三百九十二	損二百九十	盈二千九百三十五萬
十三日	八千二百七十七	損三百四十一	盈二千九十六萬
十四日	八千一百七十八	損三百八十六	盈千一百八萬
十五日	八千二百一十一	益三百七十一	縮九萬一千
十六日	八千三百一十	盆三百二十六	縮
十七日	八千四百二十五	益二百一十五 (H)	新二千二十八萬九 新二千二十八萬九
十八日	八千五百五十五(云)	益二百一十六	縮 萬九千五十(七)

志第十五 曆一

日       九千八百三十七       益二十三       縮三千九百二十四         日       九千八百三十七       遺三百四十七       編三千九百二十日         日       九千二百九十九       遺三百四十二       縮三千九百二十日         日       九千二百九十九       遺三百四十二       縮三千九百二十日         日       九千二百十八       遺三百四十二       縮三千九百二十日         日       九千九百二十八       遺三百四十二       縮三千九百二十四         日       九千九百二十七日       遺三百四十二       縮三千五百二十四         日       九千九百二十七日       編二千五百二十四       縮三千九百二十四         日       九千九百二十七日       編二千五百二十四       編二千五百二十四         日       九千九百二十七日       編二千五百二十四       編二千五百二十十四         日       九千九百二十十四       編二千五百二十四       編二千五百二十十四         日       九千九百二十十四       編二千五百二十四       編二千五百二十四         日       九千五百二十十四       編二千五百二十四       編二千五百二十四         日       九千五百二十十四       編二千五百二十四       編二千五百二十四         日       九千五百二十四       編二千五百二十四       編二千五百二十四	縮六百二十二萬	損三百八十三	九千八百九十一	二十八日
日       九千九百二十七       横三千九百二十六         日       九千九百八十六       益二十三       縮三千九百二十五         日       九千四百四十七       損五十一       縮三千九百二十五         日       九千四百四十七       損五十一       縮三千二百二十五         日       九千四百四十七       損五十一       縮三千七百二十五         日       九千五百七十八       損三百二十五       縮三千七百二十五         日       九千五百七十八       損三百二十五       縮三千七百二十五         日       九千五百十七八       損三百二十五       縮三千七百二十五         日       九千五百六十二       編二千五百六十二         日       九千五百六十二       編三千五百六十二         日       九千五百八十八       編三千五百二十六         日       九千五百八十八       編三千五百二十五         日       九千五百二十五       編三千五百二十五         日       九千五百二十五       編三千五百二十五         日       九十五       編三千五百	五千百百十二十八十	損三百四十七	九千八百九	二十七日
日       九千九百七十八       損工百四十三       縮三千九百十六         日       九千二百九十九       損五十一       縮四千二百十九百八十二         日       九千二百九十九       損五十一       縮四千二百二十九百二十九百三十五百四十七         日       九千五百七十八       損五十一       縮三千九百二十九百三十五百四十七         日       九千五百七十八       指三千七百九萬九十八         日       九千五百七十八       損五十一       縮三千七百十九百二十八         日       九千五百七十八       損五十一       縮三千七百十五十八         日       九千五百七十八       損五十一       縮三千九百二十六         日       九千五百七十八       損五十一       縮三千九百二十六         日       九千五百七十八       指三千九百二十五         日       九千五百七十八       編三千九百二十五         日       九千五百七十五       編三千九百二十五         日       九千五百七十五       編三千九百二十五         日       九千五百十五       編三千九百二十五         日       九千五百十五       編三十五         日       九十五       編三十五         日       九十五       編三十五         日       九十	千五百六十二十二十二十二十二十二十二十二十二十二十二十二十二十二十二十二十二十二十二	損三百二	九千七百一十	二十六日
日       九千八百三十七       損百八十四       縮三千七百三十九         日       九千二百九十九       損五十一       縮三千九百二十五百四十七         日       九千二百九十九       損五十一       縮四千二百二十五百四十七         日       九千二百二十五百四十七       統四千二百二十五百四十七         日       九千二百五十七       統四千二百二十五百四十七         日       九千四百四十七       損百八十四       縮三千九百二十五百四十七         日       九千四百四十七       指百二十五百四十七         日       九千四百四十七       編二千九百二十五	千八百一十四八九	損二百四十三	九千五百七十八	二十五日
日       九千二百九十九       損五十一       縮三千九百二十九         日       九千一百五十一       銀五十一       縮三千九百二十九         日       九千九百八十六       金二十三       縮三千九百二十九         届二千五百四十七八       編二千五百四十七八         月       九千二百二十五         月       九千九百三十五         日       九千九百二十五         日       九千九百二十五         日       九十五         日       九十五         日       九十五	二千二百七十九	損百八十四	九千四百四十七	二十四日
日       九千一百五十一       損五十一       縮四千二百四十七         日       八千九百八十六       益二十三       縮四千二百二十八         日       九千九百二十七       縮四千二百二十八         日       九千九百二十七       編四千二百二十八         日       九千九百二十六	八百五十七(六)四千七百九萬九	損百一十八	九千二百九十九	二十三日
日     八千九百八十六     益二十三     縮四千一百六十二       八千八百三十七     益九十     縮三千九百二十六       バギス百三十五     ※一千九百三十五	二千五百四十七	損五十一	九千一百五十一	二十二日
八千八百三十七   益九十   縮三千九百二十   編三千九百二十   編二千九百二十	九千二百三十五四千一百六十一	<b>益二十三</b>	八千九百八十六	二十一日
	萬三千九百	<b>盒</b> 九十	八千八百三十七	二十日
一八千六百八十九 盖百五十六 篇三千四百四十	縮三千四百四十九萬	盒百五十六	八千六百八十九	十九日

置平朔、弦、望小餘,各以入氣積分盈加、縮減之,以入曆積分盈減、縮加之,滿若不足、進 置平朔、弦、望加時入曆日餘,乘所入日損益率,以損益其下積分,差法除,爲定盈縮積分。 曆行分與次日相減,爲行差,後多爲進,後少爲退。減去行分六百七十六,爲差法。各

準此。斗分百七十七,小分七半。累加一度,得次日。以行分法乘朔、望定小餘,以九百二十九除爲 半日 度及分。以小分法十四約度分爲行分。凡小分滿法成行分,行分滿法成度。若注曆,又以二十六約行分。月星 爲度。命以虛六,經斗去分,得多至日度及分。以多至去朔日算及分减之,得天正平朔前夜 望夜半月度。求次日,加月行定分,累之。 加、退減曆行分,爲行定分。 加日度百八十二、行分四百二十六、小分十太。以夜半入曆日餘乘行差,滿曆法得一,以進 度分,又以十四約爲行分。以加夜半度,爲朔、望加時日度。 退 日法,皆爲定大小餘,命日甲子算外。以歲分乘年爲積分,滿周分去之;餘如度法得一, 以朔定小餘乘之,滿日法得一,爲行分。以減加時月度,爲朔、 定朔加時,日月同度。望則因

#### 歲星

率三百七十七萬五千二十三。

終日三百九十八,行分五百九十六,小分七。

加六十分。春分,均加四日。清明畢穀雨,均加五日。立夏畢大暑,均加六日。立秋初日,加四千 八十分。乃日損所加六十七分。入寒露,日增所減百一十七分。入小雪,畢大雪,均減八日。 平見,入多至初日,減行分五千四百一十一。自後日損所減百二十分。 立春初,日增所

分七。凡五星留日有分者,以初定見日分加之。若滿行分法,去之,叉增一日。乃順,初日行六十分,日益疾 六日。乃退,日九十七分,八十四日退十二度三十六分。 又留,二十五日五百九十六分,小 一分,百一十四日行十九度四百三十七分。而伏。 初見,順,日行百七十一分,日益遲一分,百一十四日行十九度二百九分。 而留,二十

熒或

率七百三十八萬一千二百二十三。

終日七百七十九,行分六百二十六,小分三。

所加四百二十六分。入雨水後,均加二十九日。立夏初日,加萬九千三百九十二分。乃日 **損所加二百一十三分。入立秋,依平。入處暑,日增所減百八十四分。入小雪後,均減二** 十五日。 平見,入冬至初日,減萬六千三百五十四分。乃日損所減五百四十五分。入大寒,日增

又二日益一,盡二百四十九日,率百九十四日行百一十六度。又每日益一,盡三百一十日, 日行九十二度, 畢百八十八日。乃三日益一, 盡二百二十七日, 率百八十三日行百五度。 日(11),率百七十七日行九十九度,畢百六十一日。 又三日損一,盡百八十二日,率百七十 初見,入冬至,初率二百四十一日行百六十三度。自後二日損日度各一,自百二十八

志

平行分,為初日行分。各盡其日度而遲。<br />
初日行三百二十六分,日益遲一分半,六十日行二十 依平,爲定日率。若入處暑,畢秋分,皆去度率六。各依多至後日數而損益之,又依所入之 後行司,三日去日率一。入雨水,畢立夏,均去日率二十。自後三日減所去一日,畢小暑, 五度五分。其前疾去度六者,行三十一度五分。此遲初日加六十七分、小分六十分之三十六。 然後求平行分,續之。以行分法乘度定率,如日定率而一,爲平行分。不盡,爲小分。求差行者,減日率一,又半之,加 入白露,畢秋分,初遲〔110,日行半度,四十日行二十度。即去日率四十、度率二十,別爲半度之。行訖, 氣以減之,爲前疾日度率。若初行入大寒,畢大暑,皆差行,日益遲一分;其餘皆平行。若 率二百五十五日行百七十七度,畢三百三十七日。乃二日損一,盡大雪,復初見。入小寒

十八分。又留,十二日六百二十六分,小分三。 而留,十三日。前疾去日者,分日於二留,奇從後留。乃退,日百九十二分,六十日退十七度二

初率二百一十四日行百三十六度。乃每日損一、盡三十七日、率百七十七日行九十九度。 在立秋至秋分者,加六度,行三十一度三十五分。此遍初日加行分六十七、小分六十分之三十六。而後疾。入冬至, 又二日損一,盡五十七日,率百六十七日行八十九度,畢七十九日。 又三日益一,盡百三十 日,率百八十四日行百六度。又二日益一,盡百四十四日,率百九十一日行百一十三度。又 又順。後遲,初日行二百三十八分,日益疾一分半,六十日行二十五度三十五分。此過

十七 入小暑,畢大暑,盡四十日,行二十度。 至後日數而損益之,爲後疾日度率。 每 日度而伏。 百五十九日。乃二日損一,畢大雪,復初。後遲加六度者,此後疾去度率六,爲定。各依冬 日益 日行百七十九度。又每日益一,盡二百一十日,率二百六十七日行百八十九度,畢二 一,盡百九十日,率二百三十七日行百五十九度。又每日益二,盡二百日,率二百五 若入立夏,畢夏至,日行半度,盡六十日,行三十度。若 皆去日度率,別爲半度之。行訖,然後求平行分,續之。各盡其

鎭星

率三百五十七萬八千二百四十六。

終日三百七十八,行分六十一。

入大暑,日增所加百八十一分。入處暑,均加九日。入白露初日,加六千二分。乃日損所加 乃每氣損所減一日。入夏至初日,均減二日。 百三十三分。入霜降,日增所減七十九分。 平見,入冬至初日,減四千八百一十四分。乃日增所减七十九分。 自後十日損所減一日。小暑五 入小寒,均减 日外,依平。 九日。

分,百日退六度四十四分。又留,三十七日六十一分。乃順,日行六十分,八十三日行七 初見,順,日行六十分,八十三日行七度二百四十八分。 而留,三十八日。乃退,日四十

五四七

度二百四十八分。而伏。

太白

率五百五十二萬六千二百。

終日五百八十三,行分六百二十,小分八。

晨見伏三百二十七日,行分六百二十,小分八。

夕見伏二百五十六日。

滿初日,加千九百六十四分。 乃日損所加六十分 〔四〕 入夏至,依平。 入小暑,日增所減六 十分言。入立秋,畢立冬,均減三日。小雪初日,減千九百六十四分。乃日損所減六十 晨平見,入冬至,依平。入小寒,日增所加六十六分。入立春,畢立夏,均加三日。小

平行,為初日行分。平行,日一度,十五日行十五度。入小寒,十日益日度各一。入雨水後, 皆二十一日行二十一度。入春分後,十日減一。畢立夏,依平。入小滿後,六日減一。畢 立多,十日損所減一度,畢小雪。皆爲定度。以行分法乘定度,四十除,爲平行分。又以四乘三十九,以減 行三十度。入大雪畢小滿者,依此。入芒種,十日減一度。入小暑,畢霜降,均減三度。入 初見,乃退,日半度,十日退五度。而留,九日。 乃順,遲,差行,日益疾八分,四十日

前順遲減度者,計所減之數,以益此度爲定。而是伏。 立秋,日度皆盡,無平行。入霜降後,四日加一。畢大雪,依平。疾,百七十日行二百四度。

九日。寒露初日,加五千九百八十六分。乃日損所減百分。入大雪,依平。 十六分。乃日損所減百分。入芒種,依平。入夏至,日增所加百分。入處暑,舉秋分,均加 夕平見,入冬至,日增所減百分。入啓蟄,畢春分,均減九日。清明初日,減五千九百八

分,二十五日行二十五度。入寒露,六日減一。入大雪,依平。順遲,日益遲八分,四十日 舉芒種,皆九日行九度。入夏至後,五日盆一。入大暑,依平。入立秋後,六日加一。畢秋 畢於處暑,皆平行。乃平行,日一度,十五日行十五度。入冬至後,十日減日度各一。入啓蟄, 差行,日益疾一分半口也。以一分半乘百六十九而半之,以加平行,爲初日行分。入淸明, 夏至,畢小暑,均加五度。入大暑,三日減一度。入立秋,畢大雪,依平。從白露畢春分,皆 行三十度。前加度者,此依數減之。又留,九日。乃退,日半度,十日退五度。而夕伏。 初見,順疾,百七十日行二百四度。 入多至畢立夏者,依此。 入小滿,六日加一度。 入

#### 辰星

率百九萬六千六百八十三。

終日百一十五,行分五百九十四,小分七。

五五〇

**晨見伏六十三日,行分五百九十四,小分七。** 

夕見伏五十二日。

霜降,畢立多,均加一日。入小雪,至大雪十二日,依平。 若在大雪十三日後,日增所減一 見不見。其在啓蟄、立夏氣內,去日十八度外、三十六度內,晨有木、火、土、金一星者,亦見。入小滿,依平。入 **晨平見,入冬至,均減四日。入小寒,依平。入立春後,均減三日。入雨水,畢立夏,應** 

度六百九分,十日行十九度六分。前無遲行者,此疾日減二百三分,十日行十六度四分。而農伏。 十日行十度。入大寒後,二日去日度各一,畢於二十日,日度俱盡,無此平行。疾,日行一 初見,留,六日。順遲,日行百六十九分。入大寒,畢啓蟄,無此遲行。乃平行,日一度,

見不見。其在立秋、霜降氣內,夕有星去日如前者,亦見。入立多,畢大雪,依平。 夕平見,入多至後,依平。入穀雨,畢芒種,均減二日。入夏至,依平。入立秋,畢霜降,應

無此平行。遲,日行百六十九分。若疾滅二百三分者,即不須此遲行。又留,六日七分。而夕伏。 分。乃平行,日一度,十日行十度。入大暑後,二日去日及度各一,畢於二十日,日度俱盡, 初見,順疾,日行一度六百九分,十日行十九度六分。若入小暑,畢處暑,日**滅**二百三

各以星率去歲積分,餘反以減其率,餘如度法得一爲日,得冬至後農平見日及分。以

斗,先加分。訖,皆以二十六約行分,爲度分。 求次日,各加一日所行度及分。熒惑、太白有小分者,各以日率爲母。其行有益疾遲者,副置一 冬至去朔日算及分加之,起天正,依月大小計之,命日算外,得所在日月。金、水各以晨見伏 日行分,各以其差疾益、遲損、乃加之。留者因前,退則依減,伏不注度。 順行出斗,去其分;退行入 減平見為定見。其加減分皆滿行分法為日。以定見去朔日及分加其朔前夜半日度,又以 星初見去日度,歲星十四,太白十一,熒惑、鎭星、辰星皆十七,晨減、夕加之,得初見宿度。 日及分加之,得夕平見。各以其星初日所加減之分,計後日損益之數以損益之。訖,乃以加

交限五百八十二萬七千八百五十五八分。 望分六百九十一萬三千三百五十。 剪差百八萬五千四百九十四二分。 交會法千二百七十四萬一千二百五八分云。

外限六百七十六萬七百八十二九分。望差五十四萬二千七百四十七一分。

志第十五

曆

中限千二百三十五萬一千二十五八分。

内限千二百一十九萬一千四百五十八七分**。** 

道。 蟄,畢淸明,均加七萬六千一百分。自後日損所加千六百五十分。入芒種,畢夏至,依平。 月,以朔差加之。其朔望,入大雪,畢冬至,依平。入小寒,日加氣差千六百五十分。入啓 分,如交限內限已上、交分中限已下有星伏如前者,不減。不滿交分法者,爲在外道;滿去之,餘爲在內 三千三百分,自後日損所減二千一百一十分。減若不足,加法,乃減之,餘爲定交分。朔入交 下、外限已上有星伏,木、土去見十日外,火去見四十日外,金晨伏去見二十二日外,有一星者,不加氣差。入小暑 望則月蝕,朔在內道則日蝕。雖在外道,去交近,亦蝕。在內道,去交遠,亦不蝕。 加之滿法,去之。若朔交入小寒舉雨水,及立夏畢小滿,值盈二時已下,皆半氣差加之。二時已上則否。如望差已 日增所減千二百分。入白露,畢霜降,均減九萬五千八百二十五分。立冬初日,減六萬 如望差已下,爲去先交分。交限已上,以減交分,餘爲去後交分。皆三日法約,爲時數。 以朔差乘積月,滿交會法去之;餘得天正月朔入平交分。求望,以望分加之。

若二十八日,即减之;餘日皆盈加、縮減二百八十:爲月蝕定餘。十二乘之,時法而一,命 子半算外;不盡,得月蝕加時。約定小餘如夜漏半已下者,退日算上。 置蝕望定小餘。入曆一日,減二百八十;若十五日,卽加之;十四日,加五百五十;

法加副,乃三因其法,以副减之,爲差率。又置去交時數,三巳下,加三,六已下,加二,九 法加副,爲差率。孟辰半前,三因其法,以副滅之,餘爲差率;**半後,退半**辰,以法加餘,又以 加之滿若不足,進退時法:孟謂寅、已、申,仲謂午、卯、酉,季謂辰、未、戌こと。得日蝕加時。 時已下,依數不加。皆乘差率、十四除,爲時差。子午半後,以加時餘;卯酉半後,以減時餘; 已下,加一;九已上,依敷;十二已上,從十二。若季辰半後,孟辰半前,去交六時已上者,皆從其六。六 退半辰,以法加餘,以副爲差率。季辰半前,以法加副爲差率;半後,退半辰,以法加餘,倍 上者,盈加五百五十,縮加二百八十;多,去交五時已下,惟盈加二百八十:皆爲定餘。十 盈加、縮減二百八十;夏,盈加、縮減二百八十;秋,去交十一時已下,惟盈加二百八十,已 十;若二十八日,卽減之:爲定。後不入四時加減之限。其內道,春,去交四時已上入曆, 二乘之,時法而一,命子半算外;不盡,爲時餘,副之。仲辰半前,以副減法爲差率;半後, 置蝕朔定小餘。入曆一日,卽減二百八十;若十五日,卽加之;十四日,加五百五

蝕。 夏則依定。不足去者,旣。乃以三萬六千一百八十三爲法而一,以減十五,餘爲月蝕分。 啓蟄畢清明,先交十三時外,値縮,加時在未西,處暑畢寒露,後交十三時外,値盈,加 朔去交,在內道,五月朔,加時在南方,先交十三時外;六月朔,後交十三時外者:不 望去交分,多先後交,皆去二時;春先交,秋後交,去半時;春後交,秋先交,去二時;

志第

十五

曆一

春,後交五時外,皆去一時。時差値減者,先交減之,後交加之。時差値加者,先交加之,後 各置去交分。秋分後,畢立春,均減二十二萬八百分。啓蟄初日,畢芒種,日損所減千八百 內有星伏,土、木去見十日外,火去見四十日外,金晨伏去見二十二日外,有一星者,不蝕。 內者,亦蝕。若去春分三日內,後交二時;秋分三日內,先交二時內者:亦蝕。諸去交三時 縮二時外者,亦蝕。夏去交二時內,加時在南方者,亦蝕。若去分、至十二時內,去交六時 時在巳東:皆不蝕。 交在外道,先後去交一時內者,皆蝕。 若二時內,及先交值盈、後交值 交減之。不足減者,皆旣。十五乘之,定法而一,以減十五,餘爲日蝕分。 减爲不蝕分。亦以減望差爲定法。後交値縮者,直以望差爲定法。其不蝕分,大寒畢立 一十分。夏至後,畢白露,日增所減二千四百分。以減去交分,餘爲不蝕分。不足減,反相

副,爲定用刻。乃六乘之,十而一,以減蝕甚辰刻,爲虧初。又四乘之,十而一,以加食甚 以乘所入曆損益率,四千五十七爲法而一。值盈,反其損益;值縮,依其損益。皆損益其 置日月蝕分,四已下,因增二;五已下,因增三;六已上,因增五:各爲刻率,副之。

辰刻,爲復滿。

- (1) 小餘千六百五十四小分四 四。 依此推算,「小分四」應作「半」或「小分八之四」或「小分四之二」。 按自四季之節至土王,等於歲分的三十分之一, 即氣策的五分之
- 3 盈二千一百四十四萬一千二百二十六 實即一 日盈分。 據李善蘭麟德術解卷三附錄所提示之公式,戊寅曆盈縮分卽當日行分差與日 按戊寅曆盈縮積分爲每日盈縮分之累計,而二日盈積
- 百四十四萬」應作「一千一百三十四萬」。

法之乘積,其中行分差爲日行分與平行分之差,而平行分爲章月與章歲之和。

依此推算,「二千

- 盈 一四千四百六十七萬三千五百七十五 據麟德術解公式核算,「三千五百七十五」應作「五千六
- (四) 盈三千六百三十二萬四千六百九十二 據核算,「三十二萬」當作「二十三萬」。
- 益二百一十五 以曆分所得之商。 納、十行、汲、殿本同,局本作「益二百一十」。按戊寅曆損益率等於盈縮分除 依此推算、當作「二百七十五」。
- **公** 八千五百五十五 按十八、十九兩日縮分積之差,即十八日之縮分。 依此推算,當作「八千五百
- (4) 縮二千八百二十三萬九千五十 志 第 + 五 校 勘 記 據推算,「二十三萬」當作「二十四萬」。

五

十七」。

- 2 縮四千七百九萬九千八百五十七 據推算,「七百九萬」當作「七十九萬」。
- (亞) 縮三千二百五十萬九千八百一十四 據推算,「二百五十萬」當作「二百五萬」。
- (10) 縮千六百二十九萬五百一十八 據推算,「二十九萬」當作「二十七萬」。
- (11) 自百二十八日 「自」,各本同,新舊唐書合鈔(下簡稱合鈔)作「盡」。 據本卷上下文「盡」、「畢」一
- 字用法,並參考院書卷十八律曆志所載大業曆,作「盡」是。
- 入小寒後
- 初遲 「遲」字疑衍。 舊書卷三二曆志作「初」。本卷下文有「各盡其日度而遲」一語,此處所述仍屬前疾期間, 「小寒」,各本原作「小雪」,舊書卷三二曆志作「小寒」。舊書是,據改。
- 乃日損所加六十分 分」。按自小滿初日至夏至初日,計三十日,共損所加一千九百六十四分,平均每日損六十五分 錢寶琮新唐書曆志校勘記(下簡稱錢校)云:據術,「六十分」當作「六十六
- 至 日增所減六十分 「六十分」,舊書卷三二曆志同。錢校云:「二志並誤,據術當作『日增所減六

半,四捨五入,正得六十六分。

合さ 日益疾一分半 舊書卷三二曆志作「先疾,日益遲」。按:在夕順期間,金星運行速度由疾而遲。

此當從舊書。

十六分』。」

核算,「五八分」即今「五・八分」。以下七項用數同例。

季,寅、申、巳、亥爲孟」。

CIO 孟謂寅巳申仲謂午卯酉季謂辰未戌 舊書卷三二曆志作「子、午、卯、酉爲仲,辰、戌、丑、未爲

# 唐書卷二十六

## 志第十六

#### 曆二

唇術以考日至,爲木渾圖以測黃道,餘因劉焯是極曆法,增損所宜。 古曆有章、蔀,有元、紀,有日分、度分,參差不齊,淳風爲總法千三百四十以一之。 損益中 高宗時,戊寅曆益疎,淳風作甲子元曆以獻。 詔太史起麟德二年頒用,謂之麟德曆。 當時以爲密,與太史令

瞿曇羅所上經緯曆多行。

命瞿曇羅作光完曆,將用之。三年,罷作光完曆,復行夏時,終開元十六年。 曆以臘爲閏,而前歲之晦,月見東方,太后詔以正月爲閏十月。是歲,甲子南至,改元聖曆。 弘道 永昌元年十一月,改元戲初,用周正,以十二月爲臘月,建寅月爲一月。 元年十二月甲寅朔,壬午晦。八月,詔二年元日用甲申,故進以癸未晦焉。 神功二年,司

第十六 曆二

志

麟德曆麟德元年甲子,距上元積二十六萬九千八百八十算。

總法千三百四十。

<del>巷</del>實四十八萬九千四百二十八。

常朔寶三萬九千五百七十一。加三百六十二日盈朔實,減三百五十一日胸朔實。

辰率三百三十五。

百一十一,得次朔。 多至,得天正常朔。 又以常朔小餘幷閨餘,以減朞總,爲總實。 因常朔加日二十九、小餘七 五、小餘二百九十二、小分六之五,得次氣。 六乘小餘,辰率而一,命子半算外,各其加時。 以常朔實去春總,不滿爲閨餘。以閨餘減春總,爲總實行,如總法得一,爲日。以減 以眷實乘積算,爲脊總。如總法得一,爲日。六十去之,命甲子算外,得冬至。累加日十 因朔加日七、小餘五百一十二太,得上弦。又加,得望及下弦。

進綱十六。秋分後。

退紀十七。春分後。

志第十六 曆二

一	一後五十匹	一息七百二十二	一封七百二十二	框	ť
	- 1 1 - 1 - 1 - 1 - 1 - 1 - 1 - 1 - 1 -	L 11 1 1 1 1		Ė.	=
盈百	後四十六	息千三百四十	損六百一十八	滿	小
盈百三十八	後三十八	息千八百五十四	損五百一十四	夏	立
盈百七十六	後三十八	息二千三百六十八	損五百一十四	ন্য	穀
盈二百二十二	後四十六	息二千九百八十六	損六百一十八	明	清
盈二百七十六	後五十四	息三千七百八	損七百二十二	分	春
盈二百二十二	先五十四	息二千九百八十六	益七百二十二	水	雨
盈百七十六	先四十六	息二千三百六十八	益六百一十八	蟄	啓
盈百三十八	先三十八	息千八百五十四	益五百一十四	春	立
盈百	先三十八	息千三百四十	益五百一十四	寒	大
盈五十四	先四十六	息七百二十二	益六百一十八	寒	小
盈初	先五十四	息初	益七百二十二	至	冬
盈胸積	先後쬭	消息總	鹽 差 率	節	中
				ACCRETE SPECIES	

大雪	小雪	立冬	霜降	寒露	秋分	白露	處暑	立秋	大暑	小暑	夏至
損七百二十二	損六百一十八	損五百一十四	損五百一十四	損六百一十八	損七百二十二	益七百二十二	益六百一十八	益五百一十四	<b>益五百一十四</b>	益六百一十八	益七百二十二
消七百二十二	消千三百四十	消千八百五十四	消二千三百六十八	消二千九百八十六	消三千七百八	消二千九百八十六	消二千三百六十八	消千八百五十四	消千三百四十	消七百二十二	消初
後五十四	後四十六	後三十八	後三十八	後四十六	後五十四	先五十四	先四十六	先三十八	先三十八	先四十六	先五十四
胸五十四	<b>胸</b> 百	- 胸百三十八	胸百七十六		胸二百七十六	胸二百二十二	胸百七十六	胸百三十八	胸百	胸五十四	胸初

而損益之,各得其日定氣消息與盈朒積。其後無同率,因前末爲初率;前少者加總差,前多 加末率,爲初率。 綱紀除 各以其氣率并後氣率而半之,十二乘之,綱紀除之,爲末率。 爲總差。 累以別差,前少以加初率,前多以減初率,爲每日躔差及先後率。 又以十二乘總差,綱紀除之,爲別差。 以總差前少以減末率,前 二率相減,餘以十二乘 乃循積 多以

者以總差減之,爲末率。

餘依術入之。

**之**[言]; 爲總率。 爲定。以定積盈加、朒減常朔弦望,得盈朒大小餘。 通 其日, 各以氣下消息積,息減、消加常氣, 前少者: 辰總再乘別差, 二百八十八除之: 皆加總率。 前多者, ,以辰率約其餘,相從爲辰總〔三〕。 、以辰總減綱紀, 以乘十二, 爲定氣。 其氣前多以乘末率,前少以乘初率,十二而一, 綱紀而一 各以定氣大小餘減所近朔望大小餘,十 一,以加 (總率, 辰總乘之, 二十四 乃以先加、後減其氣盈朒積 除

變周四十四萬三千七十七。

變日二十七,餘七百四十三,變奇一。

變奇法十二。

月程法六十七。

志第十六 曆一

望盈朒經辰所入。 得望、下弦及次朔。加之滿變日及餘,去之。又以所入盈朒定積,盈加、朒減之,得朔、弦、 夜半入變。加常朔小餘,爲經辰所入。因朔加七日、餘五百一十二、奇九,得上弦。轉加, 以奇法乘總實,滿變周,去之;不滿者,奇法而一,爲變分。盈總法從日,得天正常朔

速五百二十六	減十四	八百八十六	八日
速五百一十七	增九	九百二	七日
速四百八十四	增三十三	九百一十八	六日
速四百二十八	增五十六	九百三十三	五日
速三百五十	增七十八	九百四十八	四日
速二百五十一	增九十九	九百六十二	三日
速百三十四	增百一十七	九百七十四	二田
速初	增百三十四	九百八十五	一日
選速 積	增減率	離程	變日

志第十六 曆二

九日	八百七十	減三十八	速五百一十二
十日日	八百五十四	減六十四(1)	速四百七十四
+ - - - - - -	八百三十九	減八十五	速四百一十二
十二日	八百二十六	減百四	速三百二十七
十三日	八百一十五	減百二十一	速二百二十三
十四日	八百八	<b>初</b> 滅百二 九	速百二
十五日	八百十	增百二十八	- 遅二十九
十六日	八百一十九	增百一十五	遲百五十七
十七日	八百三十二	增九十五	
十八日	八百四十六	增七十四	遲三百六十七
十九日	八百六十一	增五十二	遲四百四十一
二十日	八百七十七	增二十八	遲四百九十三
二十一日	八百九十三	增四 末減艦	
			A SALE AND

二十二日	九百九	減二十	- 遲五百二十五
二十三日	九百二十五	減四十四	遲五百五
二十四日	九百四十一	減六十八	遲四百六十一
二十五日	九百五十五	減八十九	遲三百九十三
二十六日	九百六十八	減百八	遲三百四
二十七日	九百七十九	減百二十五	遲百九十六
二十八日	九百八十五	減百四十四 末增入後	遲七十一
	「一人は、「「「」」というには、これに、これに、これに、これに、これに、これに、これに、これに、これに、これに		

總法 所入日增減率,并後率而半之,爲通率。又二率相減,爲率差。增者以入變曆日餘減總法,餘 總法除、爲經辰變率。半之,以速滅、遲加入餘,爲轉餘。增者以減總法,滅者因餘:皆乘率差, 乘率差,總法而一,并率差而半之;減者半入餘乘率差,亦總法而 其曆率損益入餘進退日者,分爲二日,隨餘初末,如法求之,所得丼以加減變率爲定。 **積爲定。其後無同率,亦因前率。應增者,以通率爲初數,半率差而減之;應損者,即爲通率。** 而 以離程與次相減 一;以加通率,變率乘之,總法除之,以速減、遲加變率,爲定率。乃以定率增減遲速 得進退差 後多爲進 後少爲退 等爲平。 一:皆加通率。以乘入餘, 各列朔、弦、 **室盈脉經辰** 

十一日:初,八百九十二;末,四百四十八。二十八日:初,七百四十三;末,五百九十七。 七日:初,千一百九十一;末,百四十九。十四日:初,千四十二;末,二百九十八。二

爲盈,減其常日者爲朒。 各以入變遲速定數,速減、遲加朔弦望盈朒小餘;滿若不足,進退其日。 各爲定大小餘,命日如前。 乃前朔、後朔迭相推校,盈朒之課,據 加其常日者

各視入餘初數,已下爲初,已上以初數減之,餘爲末。

月,以定大小,令虧在晦、二,弦、望亦隨消息。月朔盈朒之極,不過頻三。其或過者,觀定小餘近夜半者量之。 實爲準;損不侵朒,益不過盈。 定朔日名與次朔同者大,不同者小,無中氣者爲閏月。其元日有交、加時應見者,消息前後一兩

度。 度。尾,十八度。箕,十度。 六度。 觜觿,二度。 十七度。翼,十九度。 營室,十八度。 黄道:南斗,二十四度三百二十八分。 東壁,十度。奎,十七度。婁,十三度。 參,九度。 軫,十八度。角,十三度。亢,十度。 東井,三十度。 牛,七度。 興鬼,四度。 婺女,十一度。虚,十度。危,十六 氏, 十六度。 胃,十五度。 柳, 十四度。 昴,十一度。畢,十 房,五度。心,五 七星,七度。

冬至之初日 躔定在南斗十二度。每加十五度二百九十二分、小分五,依宿度去之,各 五六七

志 第 + 六

曆

得定氣加時日度。

乃日加一度,以躔差進加、退滅之,得次日。以定朔弦望小餘副之;以乘躔差,總法而 各以初日躔差乘定氣小餘,總法而一,進加、退減小餘,爲分;以減加時度,爲氣初夜半

一,進加、退減其副,各加夜半日躔,爲加時宿度。

加時月離。 百三十四。 累加一日,得次日。 合朔度,即月離也。上弦,加度九十一度、分四百一十七。望,加度百八十二度、分八 下弦、加度二百七十三度、分千二百五十一。訖、半其分、降一等,以同程法、得 因天正常朔夜半所入變日及餘,定朔有進退日者,亦進退一日,爲定朔夜半所

其注曆,五乘弦望小餘,程法而一,爲刻。 刻,二百除,爲晨分。 之,總法而一,以減 各以夜半入變餘乘進退差, (加時月離,爲夜半月離。 以減定程,爲昏分。 總法而一,進加、退減離程,爲定程。以定朔弦望小餘乘 其夜半月離,朔後加昏爲昏度,望後加晨爲晨度。 不滿晨前刻者,退命算上。 求次日,程法約定程,累加之。若以定程乘夜

啓 大 定 世 小 立 穀 淸 春 雨 立 小 冬 滿 明 分 水 螿 春 寒 種 夏 雨 寒 至 氣 志 第 二十八刻三十三分 二十六刻十八分 二十七刻三十分 二十一刻三十九分 二十二刻四十二分 二十五刻 二十九刻十八分 二十九刻五十四分 三十刻 二十刻五十四分 二十三刻五十四分 二十刻十八分 + 晨 六 削 刻 曆 百七度九分 九十一度三分 六十八度五分 七十度九分 七十四度七分 七十九度七分 八十五度三分 九十七度三分 百二度九分 百一十度七分〔六〕 百一十五度三分 百 黄 十三度一分(至) 道 去 極 度 伸十七分半 伸三七分 伸九四分 伸十七分半 伸九四分 伸三七分 伸一三分 伸六一分 伸十一大分 伸十二二分半 伸十一八分 伸六 屈 一分 伸 率 五六九 損十六 益十六 益十六 損九 益九 損十六 損七 損三 益三 盘 損二十二 **益二十二** 七 發 斂 差

五七〇

以減三百六十五度三百二十八分,餘爲旦中度。各以加日躔,得昏旦中星,赤道計之。其 爲度。以伸減、屈加氣初黃道去極,得每日。以晝刻乘朞實,二百乘,總法除,爲昏中度。 分,爲每日晨前定刻。倍之,爲夜刻。以減一百,爲畫刻。以三十四約刻差,爲分;分滿十, 累計其率爲刻分。百八十乘之,十一乘綱紀除之,爲刻差。各半之,以伸減、屈加晨前刻 赤道同太初星距。 置其氣屈伸率,各以發斂差損益之,爲每日屈伸率。 差滿十,從分;分滿十,爲率。各

遊交終率千九十三萬九千三百一十三。

奇率三百。

約終三萬六千四百六十四,奇百一十三。

交中萬八千二百三十二,奇五十六半。

交終日二十七,餘二百八十四,奇百一十三**。** 

**交中日十三,餘八百一十二,奇五十六半。** 

虧朔三千一百六,奇百八十七。

實望萬九千七百八十五,奇百五十。

志第十六 曆二

後準千五百五十三,奇九十三半。

前準萬六千六百七十八,奇二百六十三。

乾以加副、爲食定小餘。望即因定望小餘,即所在辰;近朝夕者,以日出沒刻校前後十二 之;近冬至艮巽以加、坤乾以减,近夏至艮巽以减、坤乾以加其差,爲定差。艮、巽加 月在內道者,益去交時十而三除之。以乘差率,十四而一,爲差。其朔,在二分前後一氣內, 分如後準已下,爲交後分;前準已上者,反減交中, 分三時半內者,依術消息,以定蝕不。 交中已下者,爲月在外道;已上者,去之,餘爲月在內道。 副,坤、乾減副。月在外道者,三除去交時數,以乘差率,十四而一,爲差。艮、坤以減副,巽、 即以差爲定;近冬至以去寒露、雨水,近夏至以去淸明、白露氣敷倍之,又三除去交時增 次,命算外。其餘,半法已下爲初;已上者,去之,爲末。初則因餘,末則減法,各爲差率。 則日蝕。百一十二約前後分,爲去交時。置定朔小餘,副之。辰率約之,以艮、巽、坤、乾爲 日道裹者,以所入限數減遲速定數,餘以速減、遲加其定交分。而出日道表者,爲變交分。不出表者,依定交分。其變交 朒減之; 又六十乘遲速定數,七百七十七除,為限數; 以速減、遲加,爲定交分。 朔汎交分。 置總實,以奇率乘之,滿終率去之;不滿,以奇率約,爲入交分。 求次朔,以虧朔加之。因朔求望,以實望加之。各以朔望入氣盈朒定積,盈加、 餘爲交前分。望則月蝕,朔在內道 加天正常朔小餘,得 **其朔,**月在 其

刻半內候之。

爲刻準。以幷午正前後七刻內數,爲時準。加時準內交分,如末準已下,亦蝕。又置末準, 準。交分如變準已下、加時如前者,亦蝕。又以末準六十減初準及變準,餘以十八約之, 分至春分,去交如末準已下、加時已、午、未者,亦蝕。 每一刻加十八,爲差準。加時刻去午前後如刻準已上、交分如差準已下者,亦蝕〔4〕。 自秋 在午正前後七刻內者,蝕。朔去夏至前後,每一日損初準二分,皆畢於九十四日,爲每日變 月在外道,朔不應蝕。夏至初日,以二百四十八爲初準。去交前後分如初準已下、加時

上、加時在準內,或不蝕。 午正前後十八刻內者,或不蝕。夏至前後每日益初準一分半,皆畢於九十四日,爲每日變 以初準減變準,餘十而一,爲刻準。以減午正前後十八刻,餘爲時準。其去交在變準已 月在內道,朔應蝕。若在夏至初日,以千三百七十三爲初準。去交如初準已上、加時在

交後減二百,交前減百。不足減者,蝕旣。有餘者,以減後準,百四而一,得月蝕分。 望去交前後定分,多,減二百二十四;夏,減五十四;春,交後減百,交前減二百;秋,

日 損六分,畢芒種(10)。以蝕差減去交分;不足減者,反減蝕差,爲不蝕分。 其不蝕分,自小 朔交,月在內道,入冬至畢定雨水,及秋分畢大雪,皆以五百五十八爲蝕差。入春分,

十六

分。十五約蝕差,以百四,爲定法(11)。 其不蝕分,如定法得一,以減十五,餘得日蝕分。 百二十二爲差。入秋分,日損六分,畢大雪。以差加去交分,爲蝕分。以減後準,餘爲不蝕 不蝕。月在外道,冬至初日,無蝕差。自後日益六分,畢於雨水。入春分,畢白露,皆以五不蝕。月在外道,冬至初日,無蝕差。自後日益六分,畢於雨水。入春分,畢白露,皆以五 後減之, 交前加之; 應加者, 交後加之, 交前減之。不足減者, 皆旣; 加減入不蝕限者, 或 時外、大暑畢立多交後五時外者,皆減一時;五時內者,加一時。諸加時蝕差應減者,交 **满畢小暑,加時在午正前後七刻外者,皆減一時;三刻內者,加一時。 大寒畢立春交前五** 

#### 歲星

總率五十三萬四千四百八十三,奇四十五。

伏分二萬四千三十一, 奇七十二半。

終日三百九十八,餘千一百六十三,奇四十五。

入處暑,日損百七十八分。入白露,依平。自後日減五十二分。入小雪,畢大雪,均減六日。 十九分。入立夏,畢小滿,均加六日。入芒種,日損八十九分。入夏至,畢立秋,均加四日。 初順,百一十四日行十八度五百九分,日益遲一分。前留,二十六日。旋退,四十二 平見,入冬至,畢小寒,均減六日。入大寒,日損六十七分。入春分,依平。乃日加八

五日。後順,百一十四日行十八度五百九分,日益疾一分。日盡而夕伏, 日,退六度十二分,日益疾二分。又退,四十二日,退六度十二分,日益遲二分。 後留二十

熒惑

總率百四萬五千八十,奇六十。

伏分九萬七千九十, 奇三十。

終日七百七十九,餘千二百二十,奇六十。

穀雨,均加二十七日。入立夏,日損百九十八分。入立秋,依平。入處暑,日減百九十八 平見,入冬至,減二十七日。自後日損六百三分。入大寒,日加四百二分。入雨水,畢

分。入小雪,畢大雪,均減二十七日。

度。乃三日損一。夏至初日,平,畢六日,率百七十一日行九十三度。乃三日益一。 入立秋初 四十七日行百六十九度。乃五日益三。入霜降五日,平,畢立冬十三日,率二百五十九日行 日,百八十四日行百六度。乃每日益一。入白露初日,率二百一十四日行百三十六度。乃五 三十三日行百五十五度。乃二日損一。入穀雨四日,平,畢小滿九日,率百七十八日行百 日益六。入秋分初日,率二百三十二日行百五十四度。又每日益一。 入寒露初日,率二百 初順,入冬至,率二百四十三日行百六十五度。乃三日損日度各二。小寒初日,率二百

志

第十六

曆二

百八十一度。乃二日損日一〇三。入冬至,復初。

畢夏至,大暑畢氣盡,霜降畢小雪,皆加四度; 清明畢穀雨,加二度: 爲變度率。 日;入寒露,一日半損所加一;畢氣盡,依平:爲變日率。疾行度率,入大寒畢啓蟄,立夏 日;入小满,三日損所減一;畢芒種,依平;入立秋,三日益一;入白露,畢秋分,均加十 **益日、度者,計日損益,皆準此法。疾行日率,入大寒,六日損一;入春分,畢立夏,均減十** 各依所入常氣,平者依率,餘皆計日損益,爲前疾日度定率。其前遲及留退,入氣有損

爲前後別日差分。其不滿者皆調爲小分。遲疾之際,行分衰殺不倫者,依此。 分。以前遲平行分減之,餘爲前遲總差。後疾初日行分,爲後遲末日行分,以後遲初日行分減之,餘爲後遲總差。相減, 暑,差行,日益遲一分。其前遲、後遲,日率旣有增損,而益遲、益疾,差分皆檢括前疾末日行分,爲前遲初日行暑,差行,日益遲一一分。其前遲、後遲,日率旣有增損,而益遲、益疾,差分皆檢括前疾末日行分,爲前遲初日行 皆爲初遲半度之行。盡此日、度,乃求所滅之餘日、度率,續之,爲疾。初行入大寒畢大 初行入處暑,滅日率六十,度率三十;入白露,畢秋分,減日率四十四,度率二十二:

度。夏至初日,平,畢處暑,率六十日行二十五度。入白露,三日損一。秋分初日,率六十 雨, 率五十五日行二十度。乃三日益一。立春初日,平,畢淸明,率六十日行二十五度。入 前 每氣別減一度。 入多至,率六十日行二十五度; 先疾,日益遲二分。入小寒,三日損一。 大寒初 立夏初日,平,畢小滿,率六十日行二十二度。 入芒種,每氣別益一

度。入冬至,復初。 盡,率六十日行十七度。入小雪,五日益一度。大雪初日,率六十日行二十度。乃三日益一 日行二十五度。乃每日益日一,三日益度二。寒露初日,率七十五日行三十度。乃每日損日 一,三日損度一。霜降初日,率六十日行二十五度。乃二日損一度。 入立多一日,平,畢氣

旋退,西行。入冬至初日,率六十三日退二十一度。乃四日益度一。小寒一日,率六十三 退二十一度。乃二日損一。入冬至,復初。 平,畢氣盡,率六十三日退十七度。乃三日益一。 立冬十一日,平台, 專氣盡,率六十七日 度。乃二日益日一。 寒露九日,平,畢氣盡,率六十六日退二十度。乃二日損一。 霜降六日, 大暑初日,平,畢氣盡,率五十八日退十二度。立秋初日,平,畢氣盡,率五十七日退十一 日、度各一。雨水八日,平,畢氣盡,率六十七日退二十一度。入春分,每氣損日、度各一。 日退二十六度。乃三日半損度一。 立春三日,平,畢啓蟄,率六十三日退十七度。乃二日益 前留,十二日。前疾減日率一者,以其數分益此留及後遲日率。前疾加日率者,以其數分減此留及後遲日率。

日,平,畢處暑,留 H 半損一。雨水初日,留十三日。乃三日益一。 清明初日,留二十三日。乃日損一。 清明十 後留,多至初,留十三日。乃二日半益一。大寒初日,平,畢氣盡,留二十五日。乃二 十三日。乃二日損一。秋分十一日,無留。乃每日益 霜降

志

+

九日。乃三日損一。立多畢大雪,留十三日。

遲入秋分至立冬減三度,入冬至減五度。後留定日朒十三日者,以所朒日數加此遲日率。 後遲,順,六十日行二十五度,日益疾二分。前疾加度者,此遲依數減之,爲定度。前疾無加度者,此

前遲定度盈二十五及退行定度朒十七者,皆以所盈朒度數減此疾定度率:各爲變度率。 度朒二十五、<br />
退行定度盈十七、<br />
後遲入秋分到冬至減度者,<br />
皆以所盈朒度數加此疾定率; 六十三、後留定日盈十三者,皆以所盈日數減此疾定日率:各爲變日率。疾行度率,其前遲定 度。乃一日半損一。 大雪初日,率二百五日行百二十七度。乃三日益一。 入冬至,復初。 暑,率二百六十三日行百八十五度。乃二日損一。秋分一日,率二百五十五日行百七十七 種十四日,平,畢夏至,率二百三十三日行百五十五度。乃每日益一。大暑初日,平,畢處 六十及退行定日朒六十三者,皆以所朒日敷加疾行定日率;前遲定日盈六十、退行定日盈 九 其入常氣日度之率有損益者,計日損益,爲後疾定日度率。疾行日率,其前遲定日朒 十四度。乃二日損一。啓蟄,平,畢氣盡,率百六十一日行八十三度。乃二日益一。芒 後疾,多至初日,率二百一十日行百三十二度。乃每日損一。大寒八日,率百七十二日

三十三度。小暑畢大暑,五十日行二十五度。 初行入春分畢穀雨, 差行,日益疾一分。 初行入立夏畢夏至, 日行半度, 六十六日行 立秋畢氣盡,二十日行十度。減率續行,並

同前。 盡日度而夕伏。

總率五十萬六千六百二十三,奇二十九。

伏分二萬二千八百三十一,奇六十四半。

終日三百七十八,餘一百三,奇二十九。

八分。入秋分,均加四日。 入寒露,日損五十九分。 入小雪初日,依平。 乃日减八十九分。 損五十九分。入小暑初,依平。 自後日加八十九分。 入白露初,加八日。 自後日損百七十 平見,入冬至,初減四日。乃日益八十九分。入大寒,舉春分,均減八日。入淸明,日

後留,三十七日。後順,八十三日,行七度二百九十分,日益疾半分。日盡而夕伏。 退二度四百九十一分,日益疾少半。又退,五十一日退二度四百九十一分, 初順,八十三日行七度二百九十分,日益遲半分。前留,三十七日。 日益遲少半。

旋退,五十一日

總率七十八萬四千四百四十九,奇九。

伏分五萬六千二百二十四,奇五十四半。

終日五百八十三,餘千二百二十九,奇九。

志 第 十六

夕見伏日二百五十六。

晨見伏日三百二十七,餘千二百二十九,奇九。

分。入芒種,依平。入夏至,日加百分。入處暑,畢秋分,均加九日。入寒露, 夕平見,入冬至,初依平,乃日減百分。入啓蟄,畢春分,均減九日。 入淸明,日損百 ,日損百分。

入大雪,依平。

小雪。順遲,四十二日,行三十度,日益遲八分。 度。入夏至後,五日益一,畢於小暑。寒露初日,率二十三日行二十二度 (15),乃六日損一,畢 度,爲定度。入白露,畢春分,差行,益遲二分 [四]。 自餘平行。 夏至畢小暑,率百七十二 夕退,十日退五度。日盡而夕伏。 三度。入冬至,十日損一,畢立春。入立秋,十日益一云善,畢秋分。啓蟄畢芒種,七日行七 日行二百九度。入大暑,五日損一度,畢氣盡。平行,入冬至,大暑畢氣盡,率十三日行十 夕順,入冬至畢立夏,入立秋畢大雪,率百七十二日行二百六度。入小滿後,十日益 前疾加過二百六度者,準數損此度。 夕留,七日。

日損 六十七分。入夏至,依平。入小暑,日減六十七分。入立秋,畢立冬,均減三日。入小 晨平見,入冬至,依平。入小寒,日加六十七分。入立春,畢立夏,均加三日。入小满,

雪,日損六十七分。

後,六日益日、度各一,畢啓蟄。 小滿後,七日損日、度各一,畢立秋。 雨水初日,率二十三 依數益之。處暑畢寒露,差行,日益疾一分。自餘平行。日盡而晨伏。 益日、度各一,畢大雪。 疾行,百七十二日,行二百六度。 前遲行損度不滿三十度者,此疾 日行二十三度。自後六日損日、度各一,畢穀雨。處暑畢寒露,無平行。入霜降後,五日 入霜降,每氣益一度,畢小雪。平行,冬至畢氣盡,立夏畢氣盡,十三日行十三度。入小寒 度,日益疾八分。入小滿,率十日損一度,畢芒種。夏至畢寒露,率四十二日行二十七度。 **晨退,十日退五度。晨留,七日。順遲、多至畢立夏,大雪畢氣盡,率四十二日行三十** 

辰星

伏分二萬二千六百九十九,奇三十三。 總率十五萬五千二百七十八,奇六十六。

終日百一十五,餘千一百七十八,奇六十六。

夕見伏日五十二。

晨見伏日六十三,餘千一百七十八,奇六十六。

入立秋,畢霜降,應見不見。 其在立秋、霜降氣內,夕去日十八度外、三十六度內有木、火、土、金星者,亦見, 夕平見,入冬至,畢淸明,依平。入穀雨,畢芒種,均減二日。入夏至,畢大暑,依平。

志第

入立多,畢大雪,依平。

無此平行。順遲,六日行二度四分,日行二百二十四分。前疾行十七度者,無此遲行。夕 分 (1世), 日行一度二百八十分。平行, 七日行七度。入大暑後, 二日損日、度各一。 順疾,十二日行二十一度六分, 日行一度五百三分。大暑畢處暑,十二日行十七度二 入立秋,

留,五日。

日盡而夕伏。

前,晨有木、火、土、金星者,亦見。入小滿、畢寒露,依平。入霜降,畢立冬,均加一日。入小雪,畢 啓蟄氣內,去日度如前,晨無木、火、土、金星者,不見。 入雨水,畢立夏,應見不見。 晨平見,入冬至,均減四日。入小寒,畢大寒,依平。入立春,畢啓蟄,均減三日。 其在立夏氣內, 去日度如 其在

百八十分。日盡而晨伏。 行二十一度六分,日行一度五百三分。前無遲行者,十二日行十七度一十分,日行一度一 。平行,七日行七度。入大寒後,二日損日、度各一。入立春,無此平行。順疾,行十二日 晨見,留,五日。順遲,六日行二度四分,日行二百二十四分。入大寒,畢啓蟄,無此遲

進退者,亦進減、退加一日。乃隨次月大小去之,命日算外,得平見所在。各半見餘以同半 各以伏分減總實,以總率去之,不盡,反以減 [總率,如總法,爲日。 天正定朔與常朔有

益 |所加減;訖,餘以加減平見,爲常見。 又以常見日消息定數之半, 息減、消加常見,爲定 太白、辰星以夕見伏日加之,得晨平見。各依所入常氣加減日及應計日損益者,以損

見日及分。

者,與見通之,過半從日,乃依行星日度率,求初日行分。 其初見消息定數,亦半之,以息加、消滅其星初見行留日率。其歲星、鎭星不須加減。其加減不滿日 ?去日度,歲星十四,太白十一,熒惑、鎭星、辰星十七,晨減、夕加,得初見定辰所在宿度。 置定見夜半日躔,半其分,以其日躔差乘定見餘,總法而一,進加、退滅之,乃以其星初

得星見後夜半宿度。以所行度分,順加、逆滅之。其差行益疾益遲者,副置初日行分,各以 其差遲損、疾加之,留者因前,逆則依滅,以程法約行分爲度分,得每日所至。 置定見餘,以減半總,各以初日行分乘之,半總而一,順加、逆減星初見定辰所在度分,

以所 (差分乘之,二而一,爲差率。 以疾滅、遲加平行,爲初日所行度及分。 求行分者,皆以半總乘定度率,有分者從之。日率除,爲平行度分。置定日率,減一,

元年 一歲次乙巳,故治乙巳元曆。推而上之,積四十一萬四千三百六十算,得十一月甲子朔夜 中宗反正,太史丞南宮說以鱗德曆上元,五星有入氣加減,非合璧連珠之正,以 神龍

志第

六

曆二

校勘記

與淳風 半多至,七曜起牽牛之初。 術同。 所異者,惟平合加減差。 其術有黃道而無赤道, 既成,而睿宗即位,罷之。 推五星先步定合,加伏日以求定見。 他

### 校戡記

- 以閏餘減春總爲總實 按下文,「以常朔小餘幷閨餘,以減春總,爲總實」。 舊書卷三二曆志同。
- 疑「爲總實」三字行。

相從爲辰

總。

- (三) 十二通其日以辰率約其餘相從爲辰總 錢校云:「據術當作『十二通其日,三其餘,以辰率約之,
- 前多者以辰總減綱紀以乘十二綱紀而一以加總率辰 『前多者以辰總減綱紀,以乘總差,綱紀 面 一,以加總差,辰總乘之,二十四除之」。」 總 乘之二十四除之 **錢校** 云:「據術當作
- (1) 減六十四 此核算,得「六十二」。 「六十四」,舊書卷三三曆志作「六十二」。 據麟德術解 有關公式核算,答數 按九日速積減十日減率,得十日速積。 亦同。 此當從舊書。 依
- 百一十三度 代數值,小寒值應爲百一十四度。 芒種 兩值之和 舊書卷三三曆志 應爲一百八十二度六分,即今一百八十度。 同。 但舊書大雪值「三」作「四」。 據此核算,并參考太陽極距的現 按小寒、 大雪 兩 值應相同; 小

- (4) 百一十度 大寒、小滿兩值之和應爲一百八十二度六分,即今一百八十度。 舊書卷三三曆志同,但舊書小雪值作「百一十一度」。按大寒、小雪兩值應相 據此核算,幷參考太陽 極距的 同
- (4) 百一十度 「一十」,舊書卷三三曆志作「一十一」。經核算,當以舊書爲正。

近代數值,大寒值應爲百一十一度。

- (公)百一十三度 「三」,舊書卷三三曆志作「四」。經核算,舊書是。
- (元) 加時刻去午前後如刻準已上交分如差準已下者亦蝕 「刻準已上」,舊書卷三三曆志作「刻準已

下。 錢校云當從舊書。 按加時愈近中午, 交分值愈小,則日蝕的可能性愈大。 錢校可從。

- (10) 畢芒種 露」。 此疑脫。 「芒種」,舊書卷三三曆志作「白露」。據術,「畢芒種」下當云「入夏至,日益六分,畢白
- =以百四爲定法 舊書卷三三曆志作「以減百四,爲定法」。 據術,舊書是。
- 乃二日損日一 按自立冬十三日至冬至初日,計三十二日。「復初」即恢 復到一百六十五 日行
- 二百四十三度之率。據此核算,三十二日共損日度各十六。本卷上文作「乃二日損一」。此處

「損」下「日」字疑爲衍文。

立冬十一日平 「十一日」疑爲「十二日」之訛 據上下文所列日度率,其間共益日度各四。按「三日益一」計之,需十二日,

(IEI) 差行益遲二分 舊書卷三三曆志「差行」下有「日」字。據術,舊書是。

(IE) 十日益一 據上下文核算,「十」應為「六」。正元曆(其步五星術與麟德曆同)亦作「六」。

口下率二十三日行二十二度 「二十二度」,據上下文核算,應爲「二十三度」。 近远曆亦作「二十三

度」、

CIT 大暑畢處暑十二日行十七度二分 錢校云:「依術推算,『十七度二分』乃『十七度一十分』之譌,

舊書亦誤作『十七度二分』。」

# 唐書卷二十七上

# 志第十七上

### 曆三上

**纔三、四,九執一、二焉。 乃罪說等,而是否決。** 右司禦率南宮說亦非之。詔侍御史李麟、太史令桓執圭較靈臺候簿,大衍十得七、八、麟德 時善算瞿曇譔者,怨不得預改曆事,二十一年,與玄景奏:「大衍寫九執曆,其術未盡。」太子 氣朔、日名、宿度可考者皆合。十五年,草成而一行卒,詔特進張說與曆官陳玄景等次爲曆 開元九年,鱗德曆署日蝕比不效,詔僧一行作新曆,推大衍數立術以應之,較經史所書

以易也。 自太初至鱗德,曆有二十三家,與天雖近而未密也。至一行,密矣,其倚數立法固無 志 後世雖有改作者,皆依做而已,故詳錄之。略例,所以明述作本旨也,歷議,所以 第十七上 曆三上

考古今得失也。 其說皆足以爲將來折衷。 略其大要,著于篇者十有二。

## 其一曆本議日:

之,以生數衍成位。一、六而退極,五、十而增極;一、六爲爻位之統,五、十爲大衍之母。成數 於六十,聖人以此見天地之心也。自五以降,爲五行生數;自六以往,爲五材成數。錯而 中於六,合二中以通律曆。天有五音,所以司日也。 始於二,合二始以位剛柔。 五。 五十約之, 乘生數,其算六百,爲天中之積。 變,九、六各一,乾坤之象也。 七、八各三,六子之象也。 是以大衍爲天地之樞,如環之無端,蓋律曆之大紀也。 綜生數,約中積,皆四十。 易:「天數五,地數五,五位相得而各有合,所以成變化而行鬼神也。」天數始於一,地數 ,則四象周六爻也;二十四約之,則太極包四十九用也。 天數終於九,地數終於十,合二終以紀閏餘。 兼而爲天地之數,以五位取之,復得二中之合矣。 蓍數之 生數乘成數,其算亦六百,爲地中之積。合千有二百,以 地有六律,所以司辰也。 故爻數通乎六十,策數行乎二百四 綜成數,約中積,皆十 天數中於五,地數 一 参 伍 相 周 , 究 乘

以七備、卦以八周,故二章之合,而在中終之際焉。 夫數象微於三、四,而章於七、八。卦有三微,策有四象,故二微之合,在始中之際焉。蓍 中極居五六間,由闢闔之交,而在章微

之用周矣。數之德圓,故紀之以三而變於七。象之德方,故紀之以四而變于八。 有究。少陰之柔,有始、有壯、有究。兼三才而兩之,神明動乎其中。故四十九象,而大業 謂刻法,而齊于德運。半氣朔之母,千五百二十,得天地出符之數,因而三之,凡四千五百六 倍六位除之,凡七百六十,是謂辰法,而齊於代軌。以十位乘之,倍大衍除之,凡三百四,是 十,當七精返初之會也。

易始于三微而生一象,四象成而後八卦章。三變皆剛,太陽之象。 **積三千,以五材乘八象,爲二微之積四十。兼章微之積,則氣朔之分母也。以三極參之,** 之際者,人神之極也。天地中積,千有二百,揲之以四,爲爻率三百,以十位乘之,而二章之 三變皆柔,太陰之象。一剛二柔,少陽之象。一柔二剛,少陰之象。少陽之剛,有始、有壯、

周歲之閏分,與一章之弦,一蔀之月,皆合於九百四十,蓋取諸中率也。 乾盈九,隱乎龍戰之中,故不見其首。坤虛十,以導潛龍之氣,故不見其成。周日之朔分, 之朔也。地於終極之際,虧十而從天,所以遠疑陽之戰也。夫十九分之九,盈九而虛十也。 十,凡九百四十爲通數。 終合除之,得中率四十九,餘十九分之九,終歲之弦,而斗分復初 人在天地中,以閱盈虛之變,則閏餘之初,而氣朔所虛也。 以終合通大衍之母,虧其地

七〇一,以通數約之,凡二十九日餘四百九十九,而日月相及於朔,此六爻之紀也。以卦當 策之分十九,而章法生;一揲之分七十六,而蔀法生。一蔀之日二萬七千七百五十

第十七上

曆三上

歲,以爻當月,以策當日,凡三十二歲而小終,二百八十五小終而與卦運大終,二百八十五, 則參伍二終之合也。數象旣合,而遯行之變在乎其間矣。

**丼之**, 小餘, 氣餘。 終,是謂元率。 千一百七十六。故虛遯之數七十三,半氣朔之母,以三極乘參伍,以兩儀乘二十四變,因而 率約之,爲四百九十八、微分七十五太半,則章微之中率也。二十四象,象有四十九蓍,凡 所謂遯行者,以爻率乘朔餘,爲十四萬九千七百,以四十九用、二十四象虛之,復以爻 ,得千六百一十三,爲朔餘。 合于夜半, 歲八萬九千七百七十三而氣朔會,是謂章率。歲二億七千二百九十萬九百二十而無 此不易之道也。 是謂蔀率。 歲百六十三億七千四百五十九萬五千二百而大餘與歲建俱 四揲氣朔之母,以八氣九精遯其十七,得七百四十三,爲

節相 弦之檢。 二中所盈也。 表裏之行,朓朒之變,皆紀之以用而從月者也。 距,皆當 策以紀日, 日之一度,不盈全策;月之一弦,不盈全用。故策餘萬五千九百四十三,則 三五,弦望相距,皆當二七。 用差萬七千一百二十四,則十有二朔所虛也。 象以紀月。 故乾坤之策三百六十,爲日度之準。乾坤之用四十九象,爲月 升降之應,發斂之候,皆紀之以策而從日者也。 綜盈虛之數,五歲而再閏。 十有

**積算日演紀,日法日通法,月氣曰中朔,朔實曰揲法,歲分曰策實,周天曰乾實,餘分** 

升降。 所盈 統。 也。 謂 則 馴 損 虚 之朔差。 夜 益 屈 月不 短 分。 縮、月之所 日 五 故同謂 行不 行 景 陽,執中以出令,故日 行 軌 與晷名舛而義 及中則益之,過則損之。 用 氣策日三元,一元之策,則天一遯行 短則夜長(三。 中 交中不及望, 躔,其差 事 之朓 道, ٠, 遲 日 進退 )疾損 發斂。 朒。 日 遲 月 益 盈 合,其差則 速, 之, 候策日 行 縮, 謂之望差。 積其陟 日 I先後; 或進 積盈縮 不率 離 天中, 一。遲疾 降 退其 · 其常。 水漏 尊卑之用睽, 陰, 日 謂 日 I 先後。 ,卦策日 日 日,以爲定朔。 之消息。 道 之所從也。 含章以聽 「轉度, 過中 表 日 地中, 也。 古者平朔,月朝見曰朒,夕見曰朓。 則爲速,不及中則 陽曆,其裏日陰曆。 母日 遊交日交會, 而 命, 月策 及中之志同。 「轉法。 總名日軌 半 故日 舒亟 · 由 日 四 屈 遲疾 之度,乃數 貞悔。 **湿象**,一 伸。 漏。 交 有衰, 為遲。 而 中晷 象之策, 觀 旬 日 周日交終。 五星見伏周, 晷景之進 不 周日爻數, (使然) 其變者勢也。 ·及中則 長 積遲 短謂 則朔、弦、 躔離 謂之屈, 損之, 之陟降。 退, 交終不 小分母 相 謂之終率。 知 錯,偕 望相 過 月 積 軌 及朔, 景 道之 速 日之 逶 則 日 謂 迤 以 象 距

### 其二中氣議日.

志

第

+

七

上

曆

 $\equiv$ 

£

以

分從

日謂之終日

其差爲進退。

曆氣 始 于 ·
冬至, 稽 其 實, 蓋取諸晷景。 春秋傳僖公五年正月辛亥朔,日 南 以周曆

朔,日南至。魯史失閏,至不在正。左氏記之,以懲司曆之罪。周曆得己丑二分,殷曆得庚 先周曆四分日之三,而朔後九百四十分日之五十一。故僖公五年辛亥爲十二月晦,壬子爲 帝時五官郎中馮光等,皆請用之,卒不施行。緯所載壬子冬至,則其遺術也。魯曆南至,又 有司劾:「官有黃帝調曆不與壽王同,壽王所治乃殷曆也。」漢自中興以來,圖讖漏泄,而考 於後代,蓋哀、平間治甲寅元曆者託之,非古也。又漢太史令張壽王說黃帝調曆以非太初。 考其蝕朔不與殷曆合,及開元十二年,朔差五日矣,氣差八日矣。 上不合於經,下不足以傳 經歷專合于傳,偏取之,故兩失之。又命歷序以爲孔子脩春秋用般曆,使其數可傳於後。 據者周曆也,緯所據者殷曆也。氣合于傳,朔合于緯,斯得之矣。戊寅曆月氣專合于緯,鱗 寅一分。殷曆南至常在十月晦,則中氣後天也。周曆蝕朔差經或二日,則合朔先天也。 傳所 推之,入壬子蔀第四章,以辛亥一分合朔冬至,殷曆則壬子蔀首也。 正月朔。又推日蝕密於殷曆,其以閏餘一爲章首,亦取合於當時也。 靈曜、命曆序皆有甲寅元,其所起在四分曆庚申元後百一十四歲。 延光初中謁者亶誦,靈 昭公二十年二月己丑

爲率,推而上之,則失春秋辛亥,是減分太多也。以遑極曆氣分二千四百四十五爲率,推而 大餘十九,加時九十九刻,而皇極、戊寅、麟德曆皆得甲申,以玄始曆氣分二千四百四十三 開元十二年十一月,陽城測景,以癸未極長,較其前後所差,則夜半前尙有餘分。新曆

德曆率二千四百 雖合春秋,而失元嘉十九年乙巳冬至及開皇五年甲戌冬至、七年癸未夏至;若用麟 四十七,又失春秋已丑。 是減分太少也。 故新曆以二千四百四十四爲率

而舊所失者皆中矣。

春秋 閨 分, 而 而 未 進 皆依讖緯「三百歲改憲」之文,考經之合朔多中, 減餘太甚,是以不及四十年而 皆有餘分,是以中氣漸差。 後 退 合于春秋。 漢 五 不齊。此古人所未達也。 會稽東 十四四 年,歲在甲寅,直 部尉劉洪以四分疎闊,由斗分多。 其斗分幾得中矣。 應鍾章首,與景初曆閏餘皆盡。雖减章閏,然中氣加時尙差, 據渾天,二分爲東西之中,而晷景不等; 更因劉洪紀法,增十一年以爲章歲,而減閏餘十九分之一。 加時漸覺先天。 較傳之南至則否。 韓翊、楊偉、劉智等皆稍損 更以五百八十九爲紀法,百四十五爲斗 玄始曆以爲十九年七 二至爲南北之極, 益,更造新術

{象 阴 而 十二年戊 元曆皆得 至于元嘉 後代 千四百二十九以上。較前代史官注記,惟元嘉十三年十一月甲戌景長,皇極、麟德 曆家, 癸 瀝, 辰 景 (酉,蓋 皆因循玄始,而損益 未減閏餘,其率自二千四百六十以上。 長, 日 得己巳; 度變常爾。 十七年甲午景長,得乙未;十八年已亥景長,得庚子。 祖沖之旣失甲戌多至,以爲 一或過差。大抵古曆未減斗分,其率自二千五百以上。乾 玄始、大明至鱗德曆皆減分破章,其 加時太早,增 小 餘以附 合

志

第

+

七

上

曆

三上

未景短,而鱗德、開元曆皆得壬午。先後相戾,不可叶也,皆日行盈縮使然。 捨常數而從失行也。<br />
周建德六年,以壬辰景長,而鱗德、開元曆皆得癸巳。<br />
開皇七年,以癸 者糾合衆同,以稽其所異,苟獨異焉,則失行可知。 失三,其失愈多。劉孝孫、張胄玄因之,小餘益強,又以十六年己丑景長爲庚寅矣。治曆 今曲就其一,而少者失三,多者失五,是

前,實錄所記,乃依時曆書之,非候景所得。又比年候景,長短不均,由加時有早晏,行度有 凡曆術在於常數,而不在於變行。旣叶中行之率, 則可以兩齊先後之變矣。 麟德已

自春秋以來,至開元十二年,多、夏至凡三十一事,戊寅曆得十六,鱗德曆得二十三,開

<u> 元</u>曆得二十四。

盈縮也。

其三合朔議日:

日者十三 後一日者三;凋曆先一日者二十二,先二日者九。其僞可知矣。 日月合度謂之朔。無所取之,取之蝕也。 春秋日蝕有甲乙者三十四。 殿曆、魯曆先一

遲速爲定朔。 莊公三十年九月庚午朔,襄公二十一年九月庚戌朔,定公五年三月辛亥朔,當以盈縮、 殿曆雖合,適然耳,非正也。 僖公五年正月辛亥朔,十二月丙子朔,十四年

朔,二十七年六月丁未朔:與殷曆、魯曆合。此非合蝕,故仲尼因循時史,而所記多宋、魯 朔;成公十六年六月甲午晦;襄公十八年十月丙寅晦、十一月丁卯朔,二十六年三月甲寅 事,與齊、晉不同可知矣。 其所記多周、齊、晉事,蓋周王所頒,齊、晉用之。 僖公十五年九月己卯晦,十六年正月戊申 元年十二月甲辰朔,二十年二月已丑朔,二十三年正月壬寅朔、七月戊辰晦:皆與周曆合。 三月己丑朔;文公元年五月辛酉朔,十一年三月甲申晦;襄公十九年五月壬辰晦;昭公

之。中氣後天,則傳書南至以明之。其在晦、二日,則原乎定朔以得之。列國之曆或殊,則 昭公二十年六月丁巳晦,衞侯與北宮喜盟;七月戊午朔,遂盟國人。三曆皆先二日,衞人 之也。僖公二十二年十一月己巳朔,宋、楚戰于泓。周、殷、魯曆皆先一日,楚人所赴也。 **稽於六家之術以知之。此四者,皆治曆之大端,而預所未曉故也。** 故閏月相距,近則十餘月,遠或七十餘月,此杜預所甚繆也。 夫合朔先天,則經書日蝕以糾 所赴也。此則列國之曆不可以一術齊矣。而長曆日子不在其月,則改易閏餘,欲以求合。 昭公十二年十月壬申朔,原輿人逐原伯紋,與魯曆、周曆皆差一日,此丘明卽其所聞書

日 躔、月離、先後、屈伸之變,偕損益之。 故經朔雖得其中,而躔離或失其正;若躔離各得 新曆本春秋日蝕、古史交會加時及史官候簿所詳,稽其進退之中,以立常率。然後以

十七上

曆三上

乾度盈虚,與時消息,告譴於經數之表,變常於潛遯之中,則聖人且猶不質,非籌曆之所能 百年間朔必在畫,望必在夜, 而經朔或失其中, 則參求累代,必有差矣。三者迭相爲經,若權衡相持,使千有五 ` 其加時又合,則三術之交,自然各當其正,此最微者也。 若

是以月或皆見。若陰陽遲速,軌漏加時不同,舉其中數率,去日十三度以上而月見,乃其常 是朔不可必也。」訴、梵等欲諧偶十六日,月朓昏,晦當滅而已。又晦與合朔同時,不得異 見則減朔餘,此紀曆所以屢遷也。漢編訴、李梵等又以晦猶月見,欲令蔀首先大。賈逵曰: 正,則晦日之朝,獨朔日之夕也,是以月皆不見。若合於午正,則晦日之晨,獨二日之昏也, 日。」考達等所言,蓋知之矣。晦朔之交,始終相際,則光盡明生之限,度數宜均。故合於子 春秋書朔晦者,朔必有朔,晦必有晦,晦朔必在其月前也。先大,則一月再朔,後月無朔, 月見西方。理數然也。而或以爲朓朒變行,或以爲曆術疎闊,遇常朔朝見則增朔餘,夕 昔人考天事,多不知定朔。假蝕在二日,而常朔之晨,月見東方;食在晦日,則常朔之 且晦日之光未盡也, 如二日之明已生也。 或以爲變,或以爲常。是未通於四三交質之論也。 一以爲是,一以爲非。 又常朔進退, 則定朔

綜近代諸曆,以百萬爲率齊之,其所差,少或一分,多至十數失一分。考春秋纔差一

刻,而百數年間不足成朓朒之異。施行未幾,旋復疎闊,由未知躔離經朔相求耳。 |鸞等欲求天驗,輒加減月分,遷革不已,朓朒相戾,又未知昏明之限與定朔故也。 李業興、 楊偉採

乾象為

?遲疾陰陽曆,雖知加時後天,蝕不在朔,而未能有以更之也。

乃 明爲是,乃與劉焯皆議定朔,爲有司所抑不得行。 朔者八、公羊曰:「二日也。」穀梁曰:「晦也。」左氏曰:「官失之也。」劉孝孫推俱得朔日,以丘 首位盈,當退一日,便應以故歲之晦爲新紀之首。立法之制,如爲不便。」承天乃止。虞鄺曰: 蝕不唯在朔,亦有在晦、二者。」皮延宗又以爲:「紀首合朔,大小餘當盡,若每月定之,則紀 西朓」,以爲昏晦當滅,亦斷、梵之論。 「所謂朔在會合,苟躔次旣同,何患於頻大也?日月相離,何患於頻小也?」春秋日蝕不書 秒 一萬除之,就全數得千六百一十三。 七十五太彊,是爲四分餘率。 何 |承天欲以盈縮定朔望小餘。|錢樂之以爲:「推交會時刻雖審,而月頻三大二小。 淳風因循湟極,湟極密於鱗德,以朔餘乘三千四十, 又以九百四十乘之,以三千四十而一,得四百九十 傅仁均始爲定朔,而曰「晦不東見,朔不 日

乾象朔分太弱,久當先天,乃先考朔分,而後覆求度法,故度餘之母煩矣。何承天反覆相求, 劉洪 朔之母合簡易之率,而星數不得同元矣。 以古曆斗分太彊,久當後天,乃先正斗分,而後求朔法,故朔餘之母煩矣。韓翊以 李業興、宋景業、甄鸞、張賓欲使六甲之首衆

志

第十七上

曆

三上

五九八

術同元,而氣朔餘分,其細甚矣。 閨餘偕盡。 麟德曆有總法, 開元曆有通法,故積歲如月分之數,而後

考漢元光已來史官注記,日蝕有加時者凡三十七事,鱗德曆得五,開元曆得二十二。

其四没滅略例曰:

滅。綜終歲沒分,謂之策餘。終歲滅分,謂之用差。皆歸于揲易再扐而後掛也。 古者以中氣所盈之日爲沒,沒分偕盡者爲滅。 開元曆以中分所盈爲沒, 朔分所虚爲

其五掛候議日:

依憑戴所傳,不合經義。 今改從古。 七十二候,原于周公時訓。 **归**冷雖頗有增益,然先後之次則同。 自後魏始載于曆,乃

其六]供議日:

坎、離、震、兌,其用事自分、至之首,皆得八十分日之七十三。 頤、晉、井、大畜,皆五日十四 十二月卦出於孟氏章句,其說過本於氣,而後以人事明之。 京氏又以卦爻配期之日,

上爻而與中氣偕終,非京氏本旨及七略所傳。按即顗所傳,卦皆六日七分,不以初爻相次用 <u>象曆以降,皆因京氏。惟天保曆依易通統軌圖。自入十有二節、五卦、初爻,相次用事</u> 分,餘皆六日七分,止於占災眚與吉凶善敗之事。 至於觀陰陽之變,則錯亂而不明。自乾

令七日而後雷動地中乎?當據孟氏,自冬至初,中孚用事,一月之策,九六、七八,是爲三 離,陰六之動始于兌。故四象之變,皆兼六爻,而中節之應備矣。易爻當日,十有二中,直 極於北正,而天澤之施窮,兌功究焉。故陽七之靜始於坎,陽九之動始于震,陰八之靜始于 于八月,文明之質衰,離運終焉。仲秋陰形于兌,始循萬物之末,爲主於內,羣陽降而承之, 極于南正,而豐大之變窮,震功宪焉。離以陽包陰,故自南正,微陰生於地下,積而未章,至 於二月,凝涸之氣消,坎運終焉。春分出於震,始據萬物之元,爲主於內,則羣陰化而從之, 四氣,次主一爻,其初則二至、二分也。坎以陰包陽,故自北正,微陽動於下,升而未達,極 十。而卦以地六,候以天五,五六相乘,消息一變,十有二變而歲復初。 坎、震、離、兌,二十 事,齊曆謬矣。又京氏減七十三分,爲四正之候,其說不經,欲附會緯文「七日來復」而已。 夫陽精道消,靜而無迹,不過極其正數,至七而通矣。七者,陽之正也,安在益其小餘, 十有二節,直全卦之中。 齊曆又以節在貞,氣在悔,非是。

### 其七日度議日:

太爲一歲之差。自帝堯演紀之端,在虛一度。及今開元甲子,却三十六度,而乾策復初矣。 之,使天爲天,歲爲歲,乃立差以追其變,使五十年退一度。何承天以爲太過,乃倍其年,而 反不及。 皇極取二家中數爲七十五年,蓋近之矣。 考古史及日官候簿,以通法之三十九分 日在虛一,則鳥、火、昴、虛皆以仲月昏中,合于堯典。 古曆, 日有常度,天周爲歲終,故係星度于節氣。 其說似是而非,故久而益差。 **虞喜覺** 

曆, 中,昴距星直午正之東十二度;夏至尾十一度中,心後星直午正之西十二度。 春分南正中天, 秋分北正中天。冬至之昏, 西正在午東十八度; 夏至之昏, 東正在午西十 房二度;南正鶉火中,七星七度;西正大梁中,昴七度。 總畫夜刻以約周天,命距中星,則 有盈縮,不足以爲歲差證。」是又不然。今以四象分天,北正玄枵中,虛九度;東正大火中, 夏至秋分星火、星虚,皆在未正之西。 若以夏至火中,秋分虚中,則冬至昴在巳正之東。 互 前,月却使然。 八度: 軌漏使然也。 百八十六年差一度,則唐、虞之際,日在斗、牛間,而多至昴尚未中。以爲皆承閏後節 劉炫依大明曆四十五年差一度,則多至在虛、危,而夏至火已過中矣。梁武帝據虞鄺 而此經終始一歲之事,不容頓有四閨,故淳風因爲之說曰:「若冬至昴中,則 冬至, 日在虛一度,則春分昏張一度中; 秋分虛九度中; 冬至胃二度 四序進退,

際,以惑民之視聽哉 所。黃道不遷,日行不退,又安得謂之歲差乎?孝通及淳風以爲冬至日在斗十三度,昏東 不逾午正間。 壁中,昴在巽維之左,向明之位,非無星也。 水星昏正可以爲仲多之候,何必援昴於始覿之 二十四度。設在東井,差亦如之。若日在東井,猶去極最近,表景最短,則是分、至常居其 俱差也。 至,日應在東井。井極北,故暑;斗極南,故寒。寒暑易位,必不然矣。」所謂歲差者,日與黃道 假多至日躔大火之中,則春分黃道交於虛九,而南至之軌更出房、心外,距赤道亦 而淳風以爲不叶,非也。又王孝通云:「如歲差自昴至壁,則堯前七千餘載,多

夏后氏四百三十二年,日却差五度。太康十二年戊子歲冬至,應在女十一度。

同。 年癸巳歲九月庚戌朔,日蝕在房二度。」炫以五子之歌,仲康當是其一,肇位四海,復脩大禹 策焞焞」、「降婁之初」、「辰尾之末」,君子言之,不以爲繆,何獨愼疑於房星哉?新曆仲康五 相傷,則不輯矣。房者,辰之所次,星者,所次之名,其揆一也。又蹇秋傳「辰在斗柄」、「天 日在之宿爲文?近代善曆者, 合則日蝕可知。 日月嘉會,而陰陽輯睦,則陽不疚乎位,以常其明,陰亦含章示沖,以隱其形。若變而 **漂曰:「乃季秋月朔,辰弗集于房。」劉炫曰:「房,所舍之次也。集,會也。會,合也。不** 或以房爲房星,知不然者,且日之所在正可推而知之。君子愼疑,寧當以 推仲康時九月合朔,已在房星北矣。」按古文「集」與「輯」義

志

之典,其五年,義、和失職,則王命徂征。虞鄺以爲仲康元年,非也。

降六日,日在尾末,火星初見,營室昏中,於是始脩城郭、宮室。故聽機曰:「營室之中,土功 定星中,日且南至,冰壯地坼。又非土功之始也。 其始。火之初見,期于司理。」鱗德曆霜降後五日,火伏。小雪後十日,晨見。至大雪而後 後寒露十日,日在尾八度而本見,又五日而駟見。故隕霜則蟄蟲墐戶。鄭康成據當時所 角盡見,時雨可以畢矣。又先寒露三日,天根朝覿,時訓「爱始收潦」,而月令亦云「水涸」。 見,謂天根朝見,在季秋之末,以丹令爲謬。韋昭以仲秋水始涸,天根見乃竭。皆非是。霜 風戒寒。」韋昭以爲夏后氏之令,周人所因。推夏后氏之初,秋分後五日,日在氐十三度,龍 國語單子曰:「辰角見而雨畢,天根見而水涸,本見而草木節解,駟見而隕霜,火見而淸

夏曆十二次,立春,日在東壁三度,於太初星距壁一度太也。

昏明中星率差半次。 夏時直月節者,皆當十有二中,故因循夏令。 其後呂不韋得之,以爲 | 秦法, 更考中星, 斷取近距, 以乙卯歲正月己巳合朔立春爲上元。 洪範傳曰:「曆記始於嗣 **)頸,其實夏曆也。陽作殷曆,更以十一月甲子合朔冬至爲上元。周人因之,距羲、和千祀,** 九黎亂德,二官咸廢,帝堯復其子孫,命掌天地四時,以及虞、夏。故本其所由生,命曰顓 顓頊曆上元甲寅歲正月甲寅晨初合朔立春,七曜皆直艮維之首。 蓋重黎受職於顓頊,

**頸曆元起乙卯,漢太初曆元起丁丑,推而上之,皆不値甲寅,猶以日月五緯復得上元本星** 頭上元太始閼蒙攝提格之歲,畢陬之月,朔日己巳立春,七曜俱在營室五度。」是也。

度,故命曰閼蒙攝提格之歲,而實非甲寅。

益之中。 [夏曆章蔀紀首,皆在立春,故其課中星,揆斗建與閏餘之所盈縮,皆以十有二節爲損

夏時立 渾儀度之,參體始見,其肩股猶在濁中。 東六度,故曰:「四月初昏, 故曰:「三月,參則伏。」立夏,日在井四度,昏角中。 半合朔雨水爲上元,進乖夏曆,退非周正, 「八月,參中則曙」,失傳 月 [初昏,斗杓懸在下。」 魁枕參首, 所以著參中也。 夏小正雖頗疎簡失傳, 春, 而殷、周、漢曆,章蔀紀首皆直冬至,故其名祭發斂,亦以中氣爲主。此其異也。 日在營室之末, 昏東井二度中。 也。 南門正。昴則見。」五月節, 乃羲、和遺迹。 辰伏則參見, 非中也。 房星正中。 何承天循大戴之說,復用夏時,更以正月甲子夜 古曆以參右肩爲距,方當南正。故公正曰:「正 季春,在昴十一度半,去參距星十八度, 南門右星入角距西五度,其左星入角距 「十月初昏,南門見」,亦失傳也。 故曰:「五月,參則見。 日在興鬼一度半。 參去日道最遠,以 初昏,大火中。」

商六百二十八 年, 日却差八度。 太甲二年壬午歲多至,應在女六度。 方中,

則南門伏,非昏

見也。

于天 焉,則我皇妣太姜之姪、伯陵之後逢公之所憑神也。」是歲,歲星始及鶉火。其明年,周始革 與日辰之位皆在北維,顓頊之所建也,帝嚳受之。我周氏出自天黿;及析木,有建星、牽牛 或以二日,或以三日,故武成日:「維一月壬辰,旁死魄。翌日癸巳,王朝步自周,于征伐商。」 以屬靈威仰之神,后稷感之以生。故國語曰:「月之所在,辰馬農祥,我祖后稷之所經緯也。」 是時辰星與周師俱進,由建星之末,歷牽牛、須女,涉顓頊之虛。戊午,師度盟津,而辰星伏 度。其明日,武王自宗周次于師所。凡月朔而未見曰「死魄」,夕而成光則謂之「朏」。**朏** 四度。於易,雷乘乾曰大壯,房、心象焉。心爲乾精,而房,升陽之駟也。房與歲星實相經緯, 商」。而管子及家語以爲十二年,蓋通成君之歲也。 先儒以文王受命九年而崩;至十年,武 於商爲二月,故周書曰:「維王元祀二月丙辰朔,武王訪于周公。」於書「十一年庚寅,周始伐 又三日得周正月庚寅朔,日月會南斗一度。故曰「辰在斗柄」。壬辰,辰星夕見,在南斗二十 |王觀兵盟津;十三年,復伐商。推元祀二月丙辰朔, 距伐商日月, 不爲相距四年。 在己卯,推其朏魄,迺文王崩,武王成君之歲也。其明年,武王卽位,新曆孟春定朔丙辰, 黿。 辰星,汁光紀之精,所以告顓頊而終水行之運,且木帝之所繇生也。故國語曰:「星 武王十年,夏正十月戊子,周師始起。於歲差日在箕十度,則析木津也。晨初,月在房 所說非

宅也。歲星與房實相經緯,而相距七舍;木與水代終,而相及七月。故國語曰:「歲之所 **魄,粤**六日庚戌,武王燎于周廟。」麟德曆,周師始起,歲在降婁,月宿天根,日躔心而合辰在 **商還,至于酆,於周爲四月。新曆推定望甲辰,而乙巳旁之。故武成曰:「維四月,旣旁生 爱稼穡,稷星繫焉,而成周之大萃也。 鶉首當山河之右,太王以興,后稷封焉,而宗周之所** 尾,水星伏於星紀,不及天黿。又潤書,革命六年而武王崩。管子、家語以爲七年,蓋通克 在,則我有周之分也。自鶉及駟七列,南北之揆七月〔三〕。」其二月戊子朔,哉生明,王自克 歲又退行,旅於鶉首,而後進及鳥帑、所以返復其道,經綸周室。 鶉火直軒轅之虛,以

至開元,朔後天三日。推而上之,以至周初,先天,失之蓋益甚焉。是以知合於歐者,必非 下無不合。而三統曆以已卯爲克商之歲,非也。夫有効於古者,宜合於今。三統曆自太初 年,六月庚午朏。越三日壬申,王以成周之衆命畢公。」自伐紂及此,五十六年,朏魄日名,上 魄。」甲子,作顧命。 康王十二年,歲在乙酉,六月戊辰朔,三日庚午。 故墨命曰:「惟十有二 朝至于洛。」其明年,成王正位。三十年四月己酉朔甲子,哉生魄。故書曰:「惟四月,才生 曰:「惟二月旣望,越六日乙未,王朝步自周,至于酆」,「三月,惟丙午朏,越三日戊申,太保 周公攝政七年二月甲戌朔,己丑望,後六日乙未。三月定朔甲辰,三日丙午。故召誥

十七上

曆三上

克商之歲。

自宗周訖春秋之季,日却差八度。康王十一年甲申歳冬至,應在牽牛六度。

<u> 溉</u>曆十二次,星紀初,南斗十四度,於<u>汰</u>初星距斗十七度少也。

考正星次,爲一代之制。正朔旣革,而服色從之。及繼體守文,疇人代嗣,則謹循先王舊制焉。 古曆分率簡易,歲久輒差。達曆數者隨時遷革,以合其變。故三代之興,皆揆測天行,

麟德曆則又後立春十五日矣。 維,則山澤通氣,陽精闢戶,甲坼之萌見,而莩穀之際離,故曰:「不震不渝,脈其滿眚,穀乃不 殖。」君子之道,必擬之而後言,豈億度而已哉!韋昭以爲日及天廟,在立春之初,非也。 立春三日,而小過用事,陽好節止於內,動作于外,矯而過正,然後返求中焉。是以及于艮 和澤,而動於地中,升陽憤盈,土氣震發,故曰:「自今至於初吉,陽氣俱蒸,土膏其動。」又先 俱升,木在地中之象,升氣已達,則當推而大之,故受之以臨。於消息,龍德在田,得地道之 吉,陽氣俱蒸,土膏其動。弗震不渝,脈其滿眚,穀乃不殖。」周初,先立春九日,日至營室。 氣究而臨受之,自冬至後七日,乾精始復。及大寒,地統之中,陽洽於萬物根柢,而與萌芽 古曆距中九十一度,是日晨初,大火正中,故曰「農祥晨正,日月底于天廟」也。於易象,升 國語曰:「農祥晨正,日月底于天廟,土乃脈發。 先時九日,太史告稷曰,自今至于初

歲差 小滿後 之孟 骨 因日 以 已潛 月之前 昏見,不知有歲 在 正 觜 興板 「觽二 推 而 春秋「桓 功役之事 退 之, 栽 ,立冬後二十五日火見,至大雪後營室 十三日 五 陽氣靜復,以繕城 水星 度。 度,節前月却, %在 日至 周初霜降, 故祖 公五年,秋,大雩」。傳曰:「書不時也。凡祀,啓蟄而郊,龍見而雩。」周曆立 香正 , 於軌漏,昏角 則龍 差,故雩祭失時。 而 皆總指天象, 不與言 沖之以爲定之方中, 畢。」十六年多,城向。 角過中,爲不時矣。 故傳以爲得時。 日 在心 、隍,治宮室,是謂發天地之房,方於立春斷獄,所失多矣。 一度中,蒼 達是反。 五度,角、亢晨見。立冬,火見營室中。 然則唐禮當以建已之初,農祥始見 月令以爲五 直營室八度。 曆數同。 杜氏據晉曆,小雪後定星乃中,季秋 龍畢見。 傳曰:「凡土功,龍見而畢務,戒事。火見 十有一月,衞侯朔出奔齊。 引詩 乃中。 月者, 呂氏以顓頊曆芒種亢中, 則龍以立 然則當 是歲九月六日霜 云「定之方中」, 而春秋九月書時, 在建已之初, 而零。 周禮也。 乃未正中之辭, 「冬,城向, 降,二十一 後七日, 不已早乎。 城向,似爲大早。 若據麟德曆,以 水星昏正, 至春秋 日立冬。 書時也。 而致用,水 大雪,周 然則唐 非是。 以以 夏 可 日 日

旂,鶉之實實,天策焞焞, 僖 五. 年 - , 晉侯伐虢。卜偃曰:「克之。 火中成軍。』其九月十月之交乎!丙子旦, 童謠 云:『丙之辰,龍尾伏辰, 日 在尾 袀服 振振, 月 在策 取 虢之

制

宜.

以玄枵中

·天興

土

功

志

第

+

七

上

曆

Ξ

上

中,必是時。」策,入尾十二度。新曆是歲十月丙子定朔, 在尾,而月在策,故曰「龍尾伏辰」, 於古距張中而曙, 直鶉火之末,始將西降, 日月合尾十四度於黃道。 故曰「賁 古曆日

宜書於建國之初。淳風駁戊寅曆曰:「漢志降婁初在奎五度,今曆日蝕在降婁之中,依無歲 髓。」開元曆是歲十月辛亥朔,入常立冬。五日,日在尾十三度,於古距辰尾之初。麟德曆 魯、衞之交也。三十一年十二月辛亥朔,日蝕。史墨曰:「日月在辰尾,庚午之日,日始有 **經**昭公二十年,己丑,日南至,與鱗德及開**元**曆同。 然則入雨水後七日,亦入降婁七度,非 淳風以多至常在斗十三度,則當以東壁二度爲降婁之初,安得守漢曆以駁仁均耶?又三統 東壁三度。及祖沖之後,以爲日度漸差,則當據列宿四正之中,以定辰次,不復係於中節。 日在牽牛前五度,故降婁直東壁八度。李業興正光曆,多至在牽牛前十二度,故降婁退至 等所定辰次,非能有以觀陰陽之賾,而得於鬼神,各據當時中節星度耳。歐以太初曆冬至 差法,食於兩次之交。」是又不然。議者曉十有二次之所由生,然後可以明其得失。且劉歆 ·初至是已退七度,故入雨水。 七日方及降婁,雖日度潛移,而周禮未改,其配神主祭之宿, 曆是歲二月甲辰朔入常,雨水後七日,在奎十度。周度爲降婁之始,則魯、衞之交也。自周 昭公七年四月甲辰朔,日蝕。一士文伯曰:「去衞地,如魯地。於是有災,魯實受之。」新

# 日在心三度於黃道,退直于房矣。

歲九月已亥朔,先寒露三日,於定氣,日在亢五度,去心近一次。 火星明大,尚未當伏。至 霜降五日,始潛日下。乃[7]命「蟄蟲咸俯」,則火辰未伏,當在霜降前。雖節氣極晚,不得十 蝕前 言,補正 以探仲尼之旨。是歲失閏寖久,季秋中氣後天三日,比及明年仲多,又得一閏。寤仲尼之 月之候也。 蟄者畢」。向使多至常居其所,則仲尼不得以西流未伏,明是九月之初也。 自春秋至今又千 八月辰伏,九月內火,及霜降之後,火已朝覿東方,距春秋之季千五百餘年,乃云「火伏而後 月昏見。 戦國 閨餘稍多,則建亥之始,火猶見西方。向使宿度不移,則仲尼不得以西流未伏,明非十 哀公十二年多十有二月,螽。 開元曆推置閏當在十一年春,至十二年多,失閏已久。是 又增一閨,魯曆正矣。 ,鱗德曆以霜降後五日,日在氐八度,房、心初伏,定增二日,以月蝕衝校之,猶差三 一時曆,而十二月猶 故仲尼曰:「丘聞之, 火伏而後蟄者畢。今火猶西流, 司曆過也。」方夏后氏之初, [及秦, 自義、和已來,火辰見伏,三覩厥變。然則丘明之記,欲令後之作者參求微象, 日却退三度。 可以螽。 長曆自哀公十年六月,迄十四年二月,纔置一閏,非是。 始皇十七年辛未歲多至,應在斗二十二度。 至哀公十四年五月庚申朔,日蝕。以開元曆考之,則日 秦曆上元正月己

晨初立春,

日、月、五星俱起營室五度,蔀首日名皆直四孟。

假朔退十五日,

則閨

在正

風因爲說曰:「今孟春中氣,日在營室,昏明中星,與3月令不殊。」按秦曆立春,日在營室五 之初,冬至日在牽牛初,以爲明堂、月冷乃夏時之記,據中氣推之不合,更以中節之間爲正, 氣,致雩祭太晚,自乖左氏之文,而杜預又據春秋以丹令爲否。皆非是。梁大同曆夏后氏 **蠲頊曆依月令自十有二節推之,與不韋所記合。而潁子嚴之倫謂月令晨昏距宿,當在中** 迺稍相符。不知進在節初,自然契合。 自秦初及今,又且千歲,節初之宿,皆當中氣。 淳 麟德曆以啓蟄之日迺至營室,其昏明中宿十有二建,以爲不差,妄矣。 朔進十五日,則閏在正月後。是以十有二節,皆在盈縮之中,而晨昏宿度隨之。以

古曆, 多至昏明中星去日九十二度(四), 春分、秋分百度, 夏至百一十八度, 率一氣差

三度,九日差一刻。

弧星 謂肩股也。晨,心八度中,归冷尾中,於太初星距尾也。仲春昏,東井十四度中,归冷孤中, ·狼、飒,無東井、鬼,北方有建星,無南斗,井、斗度長,弧、建度短,故以正昏明云。 入東井十八度。晨,南斗二度中,仍令建星中,於太初星距西建也。頸耀度及魯曆,南 |秦曆十二次,立春在營室五度,於太||初星距危十六度少也。 昏,畢八度中, [月令參中,

星爲距,太初改用中星,入古曆牽牛太半度,於氣法當三十二分日之二十一。故洪範傳冬 古曆星度及漢落下閎等所測,其星距遠近不同,然二十八之宿體不異。古以牽牛上

室五度,以太初星距命之,因云秦曆多至,日在牽牛六度。 公十五年,丁卯歲,顓頊曆第十三蔀首與<u>鱗德曆</u>俱以丁巳平旦立春。至始皇三十三年丁 至日在牽牛一度,減太初星距二十一分,直南斗二十六度十九分也。顓頊曆立春起營室 以庚午平旦,差二日,日當在南斗二十二度。古曆後天二日,又增二度。 亥,凡三百八十歲,得顓頊曆壬申蔀首。 是歲|秦曆以壬申寅初立春,而開元曆與鱗德曆俱 至還在牛初。」按洪範古今星距,僅差四分之三,皆起牽牛一度。圓等所說,亦非是。 「夏時冬至,日在斗末,以歲差考之,牽牛六度乃顓頊之代。漢時雖覺其差,頓移五度,故冬 ,冬至在牽牛一度少。洪範傳冬至所起無餘分, 故立春在營室四度太。祖沖之自營 虞鄺等襲沖之之誤,爲之說云: 然則秦曆多至,定

若謂十二紀可以爲正,則立春在營室五度,固當不易,安得頓移,使當啓蟄之節?此又其所 秦曆與今不異。按不韋所記,以其仍合孟春在奎,謂黃帝之時亦在奎,猶淳風曆冬至斗十 **黄帝以仲春乙卯日在奎,始奏十二鍾,命之日咸池。至今三千餘年,** 牛初正差一次。淳風以爲古術疎舛、雖弦望、昏明、差天十五度而猶不知。 三度,因謂黃帝時亦在建星耳。經籍所載,合於歲差者,淳風皆不取,而專取於呂氏春秋。 在牛前二度。氣後天二日,日不及天二度,微而難覺,故呂氏循用之。 及漢興,張蒼等亦以爲顓頊曆比五家疎闊中最近密。今考月蝕衝,則開元冬至, 而春分亦在奎,反謂 又引呂氏春秋

不思也。

漢四百二十六年,日却差五度。景帝中元三年甲午歲冬至,應在斗二十一度。

卯,周曆以正月己丑朔日中南至,鱗德曆以己丑平旦冬至。 哀公十一年丁巳, 周曆入己酉 密率相較,二百年氣差一日,三百年朔差一日。推而上之,久益先天;引而下之,久益後 蔀首,鱗德曆以戊申禺中多至。 惠王四十三年己丑, 周曆入丁卯蔀首, 鱗德曆以乙丑日昳 一年癸亥,周曆與麟德曆俱以庚戌日中冬至,而月朔尙先麟德曆十五辰。至昭公二十年己 僖公五年,周曆正月辛亥朔,餘四分之一,南至。以歲差推之,日在牽牛初。至宣公十 太初元年,周曆以甲子夜半合朔多至,麟德曆以辛酉禺中多至,十二月癸亥晡時合 氣差三十二辰,朔差四辰。此疎密之大較也。 太初元年,三統曆及周曆皆以十一月夜半合朔冬至,日月俱起牽牛一度。 古曆與近代 呂后八年辛酉, 周曆入乙酉蔀首, 鱗德曆以壬午黃昏冬至; 其十二月甲申, 人定合

皆得甲子夜半冬至,唐曆皆以辛酉,則漢曆後天三日矣。祖沖之、張胄玄促上章歲至太初 推僖公五年,魯曆以庚戌冬至至三,而二家皆以甲寅。且僖公登觀臺以望而書雲物,出於表 元年,沖之以癸亥雞鳴冬至,而胄玄以癸亥日出。欲令合於甲子,而適與魯曆相會。 僖公五年,周曆、漢曆、唐曆皆以辛亥南至。後五百五十餘歲,至太初元年,周曆、漢曆 自此

唇天驗,非時史億度。<br />
乖丘明正時之意,以就劉歆之失。<br />
今考麟德元年甲子,唐曆皆以甲 子冬至,而周曆、漢曆皆以庚午。然則自太初下至麟德差四日,自太初上及僖公差三日,不

足疑也。

至昏奎八度中,夏至昏氐十三度中,依漢曆,多至,日在牽牛初太半度,以昏距中命之,奎十 度,所差尙少。故落下閎等雖候昏明中星,步日所在,猶未覺其差。然洪範、太初所揆,多 度中,夏至,房一度中。此皆閎等所測,自差三度,則劉向等殆已知太初冬至不及天三 以歲差考太初元年辛酉冬至加時,日在斗二十三度。漢曆,氣後天三日,而日先天三

距,至牽牛爲二十二度,未聞移牽牛六度以就太初星距也。 逵等以末學僻於所傳,而眛天 度,於斗二十一度四分一,與考靈耀相近。」途更曆從斗二十一度起。然古曆以斗魁首爲 斗二十二度,無餘分。多至,日在牽牛初,無牽牛所起文。編訢等據今日所去牽牛中星五 初,故賈逵等議:「石氏星距,黃道規牽牛初直斗二十度,於赤道二十一度也。 倘書考靈耀 故以權誣之,而後聽從他術,以爲日在牛初者,由此遂黜。 及永平中,治曆者考行事,史官注日,常不及太初曆五度。然諸儒守讖緯,以爲當在牛

今歲差,引而退之,則辛酉冬至,日在斗二十度,合於密率,而有驗於今。 志 + 上 曆 三上 推而進之,則

甲子冬至,日在斗二十四度,昏奎八度中,而有證於古。其虛退之度,又適及牽牛之初。 淳風以爲太初元年得本星度, **|沖之雖促滅氣分,冀符漢曆,猶差六度,未及於天。而||鱗德曆冬至不移,則昏中向差半次。** 差,審矣。 兩漢多至,日皆後天,故其宿度多在斗末。今以儀測,建星在斗十三四度間,自古冬至無 日月合璧,俱起建星。賈逵考曆,亦云古曆冬至皆起建星。 而

並先天,則非三代之前明矣。 按古之六術,並同四分。 四分之法,久則後天。推古曆之作,皆在漢初,却較春秋, 朔

宜允得其中,豈容頓差一氣而未知其謬,不能觀乎時變,而欲厚誣古人也。 法,後世無以非之。故雜候淸臺,太初最密。若當時日在建星,已直斗十三度,則壽王調曆 當時,故太史公等觀二十八宿疎密,立晷儀,下漏刻,以稽晦朔、分至、躔離、弦望,其赤道遺 建星上得太初本星度,此其明據也。 考當時之驗者,則以爲入建星度中。 命度,或以建星命度。方周、漢之交,日已潛退,其襲春秋舊曆者,則以爲在牽牛之首;其 古曆,南斗至牽牛上星二十一度,入太初星距四度,上直西建之初。故六家或以南斗 四分法雖疎,而先賢謹於天事,其遷革之意,俱有効於 然氣朔前後不逾一日,故漢曆冬至,當在斗末。 以爲

後百餘歲,至永平十一年,以麟德曆較之,氣當後天二日半,朔當後天半日。 是歲四分

曆得辛酉蔀首,已減汰初曆四分日之三,定後天二日太半。 斗十八度半弱,潛退至牛前八度。 進至辛酉夜半,日在斗二十一度半弱。 續漢志云:「元和 開元曆以戊午禺中冬至,日在

二年冬至,日在斗二十一度四分之一。」是也。

數旣同,則中景應等。 漢唇漏定於永元十四年,則四分法施行後十五歲也。 均,略無盈縮。 祖沖之曰:「四分曆立冬景長一丈,立春九尺六寸, 各退二日十二刻,則景皆九尺八寸。 而相差四寸,此冬至後天之驗也。 以此推冬至後天亦二日十二刻矣。」東 多至南極日晷最長。 二氣去至日 二氣中景,日差九分半弱,進退調

曆者皆就其中率,以午正言之。而關元曆所推氣及日度,皆直子半之始。其未及日中,尙 五 -刻。 二十四氣 因 [加二日十二刻,正得二日太半。 加時,進退不等,其去午正極遠者四十九刻有餘。日中之晷,頗有盈縮,故治 興沖之所算及破章二百年間輒差一日之數,皆

時知不及牽 天之數加之,則合於賈逵所測斗二 自 漢時辛酉多至,以後天之數減之,則合於今曆歲差斗十八度。自今曆戊午冬至,以 ·牛五度,而不知過建星 八度耶? 十一度。 反復僉同。 而淳風多至常在斗十三度,豈當

合。

《帝太始三年丁亥歲冬至,日當在斗十六度。 晉用魏景初曆,其多至亦在斗二十一

度少。

假月在東井一度蝕,以日檢之,乃在參六度。」岌以月蝕衝知日度,由是鹽次遂正,爲後代治 斗分細,故不可通於古。 景初雖得其中,而日之所在,乃差四度,合朔虧盈,皆不及其次。 太元九年,姜岌更造三紀術,退在斗十七度。曰:「古曆斗分彊,故不可施於今,乾象

則今應在斗十七度。又土圭測二至,晷差三日有餘,則天之南至,日在斗十三四度矣。」事 下太史考驗,如承天所上。以開元曆考元嘉十年冬至,日在斗十四度,與承天所測合。 宋文帝時,何承天上远嘉曆,日:「四分、景初曆,冬至同在斗二十一度,臣以月蝕檢之, 曆者宗。

度益差。 之子員外散騎侍郎暅之上其家術。詔太史令將作大匠道秀等較之,上距大明又五十年,日 在張二度。 大明八年,祖沖之上大明曆,多至在斗十一度,開元曆應在斗十三度。梁天監八年,沖 其明年,閏月十六日,月蝕,在虛十度,日應在張四度。承天曆在張六度,沖之曆

今多至,日在斗九度,用求中星不合。自岌至今,將二百年,而冬至在斗十二度。然日之所 至亦上岌三日。承天在斗十三四度,而岌在斗十七度。其實非移。祖沖之謂爲實差,以推 大同九年,虞鄺等議:「姜岌、何承天俱以月蝕衝步日所在。 承天雖移岌三度,然其多

差或至三度。 大略多至遠不過斗十四度,近不出十度。」又以九年三月十五日夜半,月在房 |天所測,下及大同,日已却差二度。 而淳風以爲晉、宋以來三百餘歲,以月蝕衝考之, 固在 四度蝕。九月十五日夜半,月在昴三度蝕。以其衝計,多至皆在斗十二度。自姜岌、何承 近於得密。而水有淸濁,壺有增減,或積塵所擁,故漏有遲疾。臣等頻夜候中星,而前後相 在難知、驗以中星、則漏刻不定。漢世課昏明中星,爲法已淺。 今候夜半中星, 以求日衝,

斗十三四度間,非矣。

事,中氣上景初三日,而冬至猶在斗十七度。欲以求合,反更失之。 又曲循**孝孫之論**,而不 合。而仁壽四年,多至在斗十三度,以驗近事,又不逮其前曆矣。戊寅曆,太初元年辛酉冬 孝孫改從焯法,而仁壽四年冬至,日亦在斗十度。焯卒後,胄玄以其前曆上元起虛五度,推 至,進及甲子,日在牽牛三度。永平十一年,得戊午冬至,進及辛酉,在斗二十六度。至元 漢太初,猶不及牽牛,乃更起虛七度,故太初在斗二十三度,永平在斗二十一度,並與今曆 四年,在斗十三度。而劉焯曆仁壽四年冬至,日在黃道斗十度,於赤道斗十一度也。 知孝孫已變從皇極,故爲淳風等所駁。歲差之術,由此不行。 劉孝孫甲子元曆,推太初冬至在牽牛初,下及晉太元、宋元嘉皆在斗十七度。 開皇十 其後

以太史注記月蝕衝考日度,鱗德元年九月庚申,月蝕在婁十度。 曆三上 校 勘記 至開元四年六月庚

申,月蝕在牛六度。較鱗德曆率差三度,則今冬至定在赤道斗十度。

開元曆皆自赤道推之,乃以今有術從變黃道。 黃道差三十六度, 赤道差四十餘度, 雖每歲遯之, 不足爲過。 然立法之體, 宜盡其原, 是以 又皇極曆歲差皆自黃道命之,其每歲周分,常當南至之軌,與赤道相較,所減尤多。計

#### 校勘記

(1) 一蔀之日二萬七千七百五十七 計算,一蔀之日當爲二萬七千七百五十九,正合下文「以通數約之,凡二十九日餘四百九十九」 按一蔀爲七十六年,一年爲三百六十五又四分之一日, 依此

之數。 後漢書律曆志下正作「蔀日二萬七千七百五十九」。

景長則夜短景短則夜長 晷景長短與畫夜長短之關係應是景長則畫短夜長,景短則畫長夜短。 短,去 極極遠,晷景極長。」又曰:「夏至之爲極有三意焉:畫漏極長,去極極近,晷景極短。」則 按後漢書律曆志下劉注引月令章句曰:「冬至之爲極有三意焉: 畫漏 此疑誤。

南北之揆七月 按國語周語下作「南北之揆七同」,韋昭解云:「七同,合七律也。」此作「七月」,

(1) 冬至昏明中星去日九十二度 **考異卷四三:「四分及祖沖之術,冬至昏明中星大率去日八十二**  記

度。此云『九十二度』,疑誤。」按本卷下文云:「春分、秋分百度,夏至百一十八度。率一气差

三度,九日差一刻。」依此核算,冬至昏明中星去日應爲八十二度。

(語) 魯曆以庚戌冬至 唐會要卷四二載傅仁均奏新術七事:「春秋命歷序云魯僖公五年壬子朔旦冬

至,諸歷莫能符合,臣今造歷,卻推僖公五年春正月壬子朔日冬至則同。」考異卷四三據本卷中

氣議及合朔議所述推論,以爲魯術推僖公五年冬至應在壬子,此云「庚戌冬至」誤。

# 唐書卷二十七下

## 志第十七下

#### 曆三下

其八日躔盈縮略例曰:

非是。 急,後 益急。 急而 術, 漸損, 與四象升降。 北齊張子信積候合蝕加時,覺日行有入氣差,然損益未得其正。 當以二十四氣晷景,考日躔盈縮而密於加時。 急極而寒若,舒極而燠若,及中而雨暘之氣交,自然之數也。 一日最舒;秋分前一日最舒, 至春分及中而後遲。 |鱗德曆因之,更名躔差。 凡陰陽往來, 迨日北至, 其行最舒, 後一日最急。 舒急同于二至,而中間一日平行。 皆馴積而變。 而漸益之, 以至秋分又及中而後 焯術於春分前 至劉焯,立盈縮躔衰 日南至, 其行最急, 其說 日

### 其九九道議日:

至,月南從朱道;立秋、秋分,月西從白道;立冬、冬至,月北從黑道。漢史官舊事,九道術 二,出黃道南;白道二,出黃道西;黑道二,出黃道北。 立春、春分,月東從靑道;立夏、夏 洪範傳云:「日有中道,月有九行。」中道,謂黃道也。 九行者,青道二,出黃道東;朱道

廢久,劉洪頗採以著遲疾陰陽曆,然本以消息爲奇,而術不傳。

道、白道,所交則同,而出入之行異。 故青道至立春之宿,及其所衝,皆在黃道東南; 白道 之宿,則月行朱道、黑道,所交則同,而出入之行異。故朱道至夏至之宿,及其所衝,皆在黃 至立秋之宿,及其所衝,皆在黃道西北。其大紀皆兼二道,而實分主八節,合于四正四維。 道正南;黑道至冬至之宿,及其所衝,皆在黃道正北。若陰陽曆交在立夏、立冬,則月循青 衝,皆在黃道西南;黑道至立多之宿,及其所衝,皆在黃道東北。 若陰陽曆交在春分、秋分 交在立春、立秋,則月循朱道、黑道,所交則同,而出入之行異。 故朱道至立夏之宿,及其所 分之宿,及其所衝,皆在黃道正東;白道至秋分之宿,及其所衝,皆在黃道正西。 若陰陽曆 推陰陽曆交在冬至、夏至,則月行靑道、白道,所交則同,而出入之行異。故靑道至春

得八行之中。八行與中道而九,是謂九道。凡八行正於春秋,其去黃道六度,則交在冬夏;

按陰陽曆中終之所交,則月行正當黃道,去交七日,其行九十一度,齊於一象之率,而

行各當其正。 正於多夏,其去黃道六度,則交在春秋。 易九六、七八, 迭爲終始之象也。 及其寒暑相推,晦朔相易,則在南者變而居北,在東者徙而爲西,屈伸、 乾坤定位, 則八 消息

終于十二,率赤道四十五度而黃道四十二度,復得冬、夏至之中矣。 度少強, 之十二,每限損一,極九限,數終于四,率赤道四十五度而黃道四十八度,至四立之際,一 **黃道之差,始自春分、秋分,赤道所交前後各五度爲限。初,黃道增多赤道二十四分** 依平。 復從四起,初限五度,赤道增多黃道二十四分之四,每限益一,極九限而止,

終于十二, 二分者,至半交末限減十二分,去交四十六度得損益之平率。 十八分之十二,每限損一,極九限而止,數終于四,率黃道四十五度而月道四十六度半,乃 度強,依平。 月道之差, 率黃道四十五 復從四起,初限五度,月道差少黃道四十八分之四,每限益一,極九限而止, 始自交初、交中,黃道所交亦距交前後五度爲限。 度而 月道四十三度半, 至陰陽曆二交之半矣。 初限, 月道增多黃道四 凡近交初限增十

道所 交與二分同度,則赤 至半交之末,其减 夫 日行 :與歲差偕遷, 亦如之。 月行隨交限而變,遯伏相消,朓朒相補,則九道之數可知矣。 道、黑道近交初限,黄道增二十四分之十二,月道增四十八分之十 故於九限之際,黃道差三度,月道差一度半,蓋損益之數齊 其月

志

第

+

七

下

曆

若所交與二至同度,則青道、白道近交初限,黃道減二十四分之十二,月道增四十八分之十 月道差同,蓋遯伏相消也。 二。至半交之末,黄道增二十四分之十二,月道减四十八分之十二。於九限之際,黃道與 黃道差二十四分之十二。於九限之際, 黃道差三度, 月道差四分度之三, 皆朓朒相補也。 也。若所交與四立同度,則黃道在損益之中,月道差四十八分之十二。月道至損益之中,

交。在二分,增四分之一,而與黃道度相半。在二至,減四分之一,而與黃道度正均。故推 極其數,引而伸之,每氣移一候。月道所差,增損九分之一,七十二候而九道究矣。 日出入赤道二十四度,月出入黄道六度,相距則四分之一,故於九道之變,以四立爲中

二百二十一月及分七千七百五十三,而交道周天矣。因而半之,將九年而九道終。 凡月交一終,退前所交一度及餘八萬九千七百七十三分度之四萬二千五百三少半,積

衝之宿,變入陽曆,亦行青道。若交初入陽曆,則白道也。故考交初所入,而周天之度可 知。若望交在冬至初候,則減十三日四十六分,視大雪初候陰陽曆而正其行也。 若交初在冬至初候而入陰曆,則行青道。又十三日七十六分日之四十六,至交中得所 以四象考之,各據合朔所交,入七十二候,則其八道之行也,以朔交爲交初,望交爲交

## 其十晷漏中星略例日:

曉。 服之變。 遲, 與句股數齊則差急。 今推黃道去極,與晷景、漏刻、昏距、中星四術返覆相求,消息同率,旋相爲中, 日行有南 北, 晷漏有長短。 隨辰極高下,所遇不同,如黃道刻漏。 然二十四氣晷差徐疾不同者, 此乃數之淺者,近代 句股使然也。 直規 中則差 且猶 以合九 未

### 其十一日 触議日:

**猾以爲變,詩人悼之。** 陽斯蝕之矣。朔而正於黃道,是謂臣壅君明,則陽爲之蝕矣。 會,則徙而浸遠,遠極又徙而近交,所以蓍臣人之象也。 食, 于何不臧。」 日, 百二十九,入蝕限,加時在晝。 <u>扒雅「十月之交,朔日辛卯」。虞鄺以曆推之,在幽王六年。</u> 君道也, 然則古之太平,日不蝕,星不字,蓋有之矣。 無朏魄之變;月,臣道也,遠日益明,近日益 交會而蝕,數之常也。 詩云:「彼月而食,則維其常。 望而正於黃道,是謂臣干君明,則 且十月之交,於曆當蝕,君子 開元曆定交分四萬三千四 虧。 望興 日 此 軌 日 相 而

曆, 陽盛陰微 若過至未分,月或變行 則不蝕; 或德之休明, 而避之; 而有小青焉,則天爲之隱,雖交而 或五 星潛在日下,禦侮而救之;或涉交數淺, 不蝕。 此四者,皆德 或 在陽

志第十

七下

曆

Ξ

教之所由生也。

四序之中,分同道,至相過,交而有蝕,則天道之常。 如劉歆、賈逵,皆近古大儒,豈不

知軌道所交,朔望同術哉?以日蝕非常,故闕而不論。

黄初已來,治曆者始課日蝕疎密,及張子信而益詳。 劉焯、張胄玄之徒自負其術,

月皆可以密率求,是專於曆紀者也。

樂,不蓋,素服,日亦不蝕。 時羣臣與八荒君長之來助祭者,降物以需,不可勝數,皆奉壽稱 變交限而從之,則差者益多。 慶,肅然神服。雖算術乖舛,不宜如此,然後知德之動天,不俟終日矣。若因開元二蝕,曲 之不蝕。十三年十二月庚戌朔,於曆當蝕太半,時東封泰山,還次梁、宋間,皇帝徹饍,不舉 在交限,其入限者不必盡蝕。開元十二年七月戊午朔,於曆當蝕半強,自交趾至于朔方,侯 以戊寅、鱗德曆推春秋日蝕,大最皆入蝕限。 於曆應蝕而春秋不書者尙多,則日蝕必

物、雖行度有大量,不能不小有盈縮。故有雖交會而不蝕者,或有頻交而蝕者。」是也。 行而北,則陽曆之交也或失。日在黃道之中,且猶有變,況月行九道乎!杜預云:「日月動 不等。晷變而長,則日行黃道南;晷變而短,則日行黃道北。行而南,則陰曆之交也或失; 自開元治曆,史官每歲較節氣中晷,因檢加時小餘,雖大數有常,然亦與時推移,每歲

其循 辰 象之變; 度則合于 故 較 曆 觀 必稽古史,虧蝕深淺、加時朓朒陰陽,其數相叶者,反覆相求,由曆數之中,以合 曆,失行則合于占。 辰 象之變,反求曆數之中。 占道順成, 類其所同,而中可知矣;辨其所 常執中以追變;曆道逆數, 展,而 常執中以俟變。 變可知矣。

知

此

之說

者,

天道

如視

諸掌。

曆,而 皆入旣限。 限。 月之徑, 日 相 掩, 蝕 四 {略 而 所 以 優游 {例 十三事 虧 驗 乃以月徑之半減入交初限一度半, 日:舊曆考日蝕淺深, 類同外道, 一蝕分,以所入日遲疾乘徑,爲泛所用刻數, 叉半 進退於二度中間, ,月蝕· 日月之徑, 減春分入交初限相 九十九事 斜望使然也。 ,課皆第 亦令二徑相 皆自張子信所傳,云積候所得,而未曉其然也。 旣 限之外, 掩, 餘爲闇虛半徑。 以知日蝕分數。 應向外蝕, 去度數,餘爲斜射所差。 大率去交不及三度,即月行沒 外道交分, 以月去黃道每度差數,令二徑 月徑 踰既限 準用此例。 乃考差數, 公之南, 以圓儀度日 以 則 在闇虚, 以立既 較 雖 古今 在陰

射而 定 蝕 望之,假中 今更設 分,晨昏 使 日 蝕 考 皆 漏 日 不可以常數求,則 國 刻 蝕 食既, 與 或 地 限 偕 則南 術, 變, 得常則合于數。 則宇宙雖廣, 方 戴 無 日之下所虧 以稽 曆數之疎密。 可以一術齊之矣。 叉 纔 日月交會大小 半, 月外 若皆可以常數求, 反觀 ,相若, 則 交而不蝕。 面 月在 則無以知 日下, 步 九服 自京 政教之休 日晷以 師斜

志

第

## 其十二五星議日:

于鶉火, 以達天黿。 之精,受木行正氣。 哀、平間,餘勢乃盡,更八 守之術興。 歲星自商、周迄春秋之季,率百二十餘年而超一次。 故歲星常贏行於上,而侯王不寧於下,則木緯失行之勢,宜極於火運之中,理數 歲星主農祥,后稷憑焉,故周人常閱其磯祥, 及其衰也,淫于玄枵,以害鳥帑。其後羣雄力爭,禮樂隕壞,而從衡攻 (十四年而超一次,因以爲常。 此其與餘星異也。 戰國後其行寖急,至漢尙微差,及 而觀善敗。 姬氏出自靈威仰 其始王也, 次

然也。 年,至良公十七年,歲在鶉火,鱗德曆初見在輿鬼二度。立多九日,留星三度。 直軒轅大星。 推 歲星留觜觿 又上百二十年,至孝景中元三年五月,星在東井、鉞。 元年十月,五星聚于東井,從歲星也,於秦正歲在乙未,夏正當在甲午。 而上之,至漢河平二年,其十月下旬,歲星在軒轅南耑大星西北尺所。 開元十二年正月庚午,歲星在進賢東北尺三寸, 上下相距七百五十年,考其行度, 度。明年立夏,伏于參。由差行未盡,而以常數求之使然也。 , 猶未甚盈縮, 麟德曆在參三度。 直軫十二度,於鱗德曆在軫十五度。 則哀、平後不復每歲漸差也。 鱗德曆在張 又上六十年,得漢 麟德曆白露八日 又上二百七十一 明年啓蟄十

公以前,率常行遲。而舊曆猶用急率,不知合變,故所差彌多。武王革命,歲星亦在大火, 在張八度,明年伏于翼十六度,定在鶉火,差三次矣。良公以後,差行漸遲,相去循近;良 1退至柳五度,獨不及鶉火。又上百七十八年,至僖公五年,歲星當在大火。 鱗德曆初見

而鱗經歷在東壁三度,則唐、虞已上,所差周天矣。

中,或差三次於古,或差三次於今,其兩合於古今者,中間亦乖。欲一術以求之,則不可得 |漢元始四年, 距開元十二年,凡十二甲子,上距隱公六年,亦十二甲子。 而二曆相合於其 猶密於記注。以推永平、黃初間事,遠者或差三十餘度,蓋不知戰國後歲星變行故也。自 所載,亦差九十餘度,蓋不知歲星前率故也。天保、天和曆得二率之中,故上合於春秋,下 度,蓋不知歲星後率故也。是極、鱗德曆七周天超一次,以推漢、魏間事倘未差。上驗春秋 太初、三統曆歲星十二周天超一次,推商、周間事,大抵皆合。驗開元注記,差九十餘

後,每加度餘一分(1),盡四百三十九合,次合乃加秒十三而止,凡三百九十八日,餘二千六 百五十九,秒六,而與日合,是爲歲星後率。 自此因以爲常,入漢元始六年也。 開元曆歲星前率,三百九十八日,餘二千二百一十九,秒九十三。自哀公二十年丙寅

歲星差合術日:置哀公二十年冬至合餘,加入差已來中積分,以前率約之,爲入差合

數。不盡者如曆術入之,反求冬至後合日,乃副列入差合數,增下位一算,乘而半之,盈大統 中積分,亦得所求。若稽其實行,當從元始六年置差步之,則前後相距,間不容髮,而上元 通法爲日,不盡爲日餘,以加合日,卽差合所在也。 求歲星差行徑術,以後終率約上元以來

爲元祀,順行與日合于房,所以紀商人之命也。 成湯伐樂。歲在壬戌,開元曆星與日合于角,次于氐十度而後退行。其明年,湯始建國

之首,無忽微空積矣。

之年,進及興鬼,而退守東井。明年,周始革命,順行與日合于柳,進留于張。考其分野,則 分陝之間,與三監封域之際也。 後六百一算至紂六祀,周文王初禴于畢,十三祀歲在己卯,星在鶉火,武王嗣位。克商

行也,歲在大火,閼伯之星也,是謂大辰。 辰以善成,后稷是相,唐叔以封。且以辰出而以參 胃、昴。秦伯納晉文公。董因曰:「歲在大梁,將集天行。元年,實沈之星,晉人是居。 |犯曰:「天賜也,天事必象,歲及鶉火必有此乎!復于壽星,必獲諸侯。」二十三年,歲星在 入,皆晉祥也。」二十七年,歲在鶉火,晉侯伐衞,取五鹿,敗楚師于城濮,始獲諸侯。 歲適及 僖公五年,歲在大火,晉公子重耳自瀟奔)狄。十六年,歲在壽星,適齊過衞,野人與之塊,子 成王三年,歲在丙午,星在大火,唐叔始封,故國語曰:「晉之始封,歲在大火。」春秋傳

壽星,皆與開元曆合。

終矣。其年八月,鄭人殺良霄,故曰「及其亡也,歲在陬訾之口」。其明年,乃及降婁。 宿,故曰「淫」。留玄枵二年,至三十年。阴元曆,歲星順行至營室十度,留。 曆,歲星至南斗十七度,而退守西建間,復順行,與日合于牛初。應在星紀,而盈行進及虛 在星紀,而淫於玄枵。」碑竈曰:「歲棄其次,而旅於明年之次,以害鳥帑。 周、楚惡之。」 開元 猨,歲星在奎。奎,降婁也。鱗德曆,在危。危,玄枵也。二十八年春,無冰。|梓愼曰:「歲 日:「其莠猶在乎,於是歲在降婁中而曙。」裨竈指之曰:「猶可以終歲,歲不及此次也。」開元 八度。其明年,鄭子蟜卒。將葬,公孫子羽與裨竈晨會事焉,過伯有氏,其門上生莠, 襄公十八年,歲星在陬訾之口,開元曆大寒三日,星與日合,在危三度,遂順行至營室 距子蟜之卒一

风 明年進及營室,復得豕韋之次。景王問萇弘曰:「今茲諸侯何實吉?何實凶?」對曰:「蔡 維首。[傳曰:「正月,有星出于婺女。」]裨竈曰:「今茲歲在顓頊之墟。」 是歲與日合于危。 其 今在析木之津,猶將復由。」開元曆,在箕八度,析木津也。十年春,進及婺女初,在玄枵之 年,歲星在昴、畢,而楚弒靈王,陳、蔡復封。初,昭公九年,陳災。裨竈曰:「後五年,陳將復 此蔡侯般殺其君之歲,歲在豕韋,弗過此矣,楚將有之。歲及大梁,蔡復楚凶。」至十三 昭公八年十一月,楚滅陳。史趙曰:「未也。陳,顓頊之族也。歲在鶉火,是以卒滅。

志

第十七下

曆三下

其實,獨百二十餘年。近代諸曆,欲以八十四年齊之,此其所惑也。後三十八年而越減吳, 卯,星在析木。昭公三十二年,亦歲陰在卯,而星在星紀。故三統曆因以爲超次之率。考 史墨曰:「越得歲而吳伐之, 必受其凶。」是歲, 星與日合于南斗三度。 昔僖公六年, 歲陰在

星三及斗、牛,已入差合二年矣。

以曆紀齊乎。故襄公二十八年,歲在星紀,淫于玄枵。 王者失典刑之正,則星辰爲之亂行;汨彝倫之敍,則天事爲之無象。 而前,二年守之。 夫五事感於中,而五行之祥應于下,五緯之變彰于上。 若聲發而響和,形動而影隨,故 至三十年八月,始及陬訾之口,超次 當其亂行、無象,又可

兵十八萬騎,及誅大宛,馬大死軍中。 漢元鼎中,太白入于天苑,失行,在黃道南三十餘度。 間歲,武帝北巡守,登單于臺,勒

明年三月,兵出,太白始夕見西方,而吳亡。 晉咸寧四年九月,太白當見不見,占曰:「是謂失舍,不有破軍,必有亡國。」時將伐吳,

永寧元年,正月至閏月,五星經天,縱橫無常。 永興二年四月丙子,太白犯狼星,失行,

天下大亂 在黃道南四十餘度。 永嘉三年正月庚子, 熒惑犯紫微。 皆天變所未有也,終以二帝蒙塵,

姚興死,二子交兵。三年,國滅。 據咸陽,是熒惑入秦矣。」其後熒惑果出東井,留守盤旋,秦中大旱赤地,昆明水竭。明年, 「庚午之夕,辛未之朝,天有陰雲,熒惑之亡,在此二日。 庚午未皆主秦,辛爲 後魏神瑞二年十二月, 熒惑在瓠瓜星中, 一夕忽亡, 不知所在。崔浩以日辰推之, 日: 西夷。今姚興

闊,不宜若此。 立多,形色彌盛。 齊永明九年八月十四日,火星應退在昴三度,先歷在畢;二十一日始逆行,北轉,垂及 魏永平四年八月癸未,熒惑在氐,夕伏西方,亦先期五十餘日,雖時曆疎

於斗中句已而行,亦天變所未有也。後楊玄感反,天下大亂。 <u>隋</u>大業九年五月丁丑,熒惑逆行入南斗,色赤如血,大如三斗器,光芒震耀,長七八尺,

而象微,事章而象章。已示吉凶之象,則又變行,襲其常度。不然,則皇天何以陰騭下民, 故五星留逆伏見之効,表裏盈縮之行,皆係之於時,而象之於政。政小失則 小變,事微

#### 警悟人主哉!

近代算者昧於象,占者迷於數,覩五星失行,皆謂之曆舛。 第 七 下 曆 三下 雖七曜循軌, 猶或謂之天

終以數象相蒙,兩喪其實。故較曆必稽古今注記,入氣均而行度齊,上下相距,反復相

求。 苟獨異於常,則失行可知矣。

遇其所好之星,則趣之行疾,捨之行遲。 凡二星相近,多爲之失行。三星以上,失度彌甚。天竺曆以九執之情,皆有所好惡。

外,金去見二十二日外者,並不加減差,皆精氣相感使然。 者見、無則不見。張胄玄曆,朔望在交限,有星伏在日下,木、土去見十日外,火去見四十日 張子信曆辰星應見不見術,農夕去日前後四十六度內,十八度外,有木、火、土、金一星

五星之失行也,著而多。今略考常數,以課疎密。 夫日月所以著尊卑不易之象,五星所以示政教從時之義。故日月之失行也,微而少;

以究五精運周二十八舍之變。較史官所記,歲星二十七事,熒惑二十八事,鎭星二十一事, 足考。且盈縮之行,宜與四象潛合,而二十四氣加減不均。更推易數而正之,又各立歲差, 德曆,熒惑、太白見伏行度過與不及,熒惑凡四十八事,太白二十一事。 餘星所差,蓋細不 太白二十二事,辰星二十四事,開元曆課皆第一云。 <u>略例日:其入氣加減,亦自張子信始,後人莫不遵用之。 原始要終,多有不叶。 今較</u>

#### 校勘記

(1) 每加度餘一分 錢校云:「依文義『每』字下當有『合』字。」

